





Rec. De Marigny A. 107





FLORES  
CASVVM  
CONSCIENTIÆ

Cum nouis Additamentis  
uarijs valdè Curiosis,  
ac necessarijs.



FOR THE

USE OF

CONSTITUTIONAL

AND

LIBRARY

OF THE

AMERICAN

LIBRARY

OF THE

LIBRARY

# CASVVM MORALIVM

Ex selectis Doctoribus decerpti

FLORES

*Ad omnium vsum, & maxime ad mi-  
litiæ Ecclesiasticæ adscriptorum,  
& adscribendorum utilita-  
tem, & commoditatem.*

Vnâ cum damnatis propositionibus.

A VCTORE

IO: LVCA FENECH

I. V. D. MELITENSIS

In Templo S. Nicolai in Arcionibus Almar  
Vrbis Romæ, Parocho, ac Rectore.



VENETIIS, M. DC. XCI.

Apud Gasparem de Stortis.  
SUPERIORVM PERMISSV.

CASVAM

NUMA IV

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

1675-1676

# LECTORI.



Ostquam in lucem  
annis præteritis  
opusculum, dictum  
Examen generale;  
seu Compendium

Theologiæ Moralis, emisericim;  
Nouiter ad componendum, &  
Typis mandandum aliud ma-  
gis copiosum, ab aliquibus im-  
pulsus sum; Ideò, cùm non va-  
luisssem eis reluctari; motus sum  
ad Typis mandandum hoc O-  
pusculum ita clarum, vt maxi-  
macum facilitate intelligi pos-  
sit. Tu, benigne Lector; si quid  
dignum approbatione inuene-  
ris, legito; si quid verò aliqua ra-  
tione videbitur excusandum,  
tenuitatem mei ingenij excusa-  
to, Vale.

# AD IOANNIS LVCAE FENECH

Auctoris Laudem .

*Antonius Vecchionus Sacerdos , & Cano-  
nicus Rossanen.fecit .*



Vod maximum esse de-  
beat iuuamen , quando  
opportuna mortalium  
necessitatibus remedia  
adesse videntur , quis  
ignorat? nam si ad mor-  
tem illæ , ad vitam ipsa tenderent , vt sic  
oppressa morte vita triumpharet : Gau-  
dete igitur omnes ò Mundani Ciues in  
ipsius Ioannis Lucae sui ingenij radijs  
Orbem accendentis , tenebrasque ope-  
rientis apparitione , quia opportuna ,  
ac necessaria nostra pro salute medica-  
mina præbuit , & faciliùs præbet ; Pro  
salute inquam , tam corporis , vt suos ,  
quos debet , dirigat gressus , quàm ani-  
mæ , vt post huius vitæ cursum ad Cæ-  
lestem , quam desiderat , patriam per-  
ueniat . Respicite quæso sui quæ gessit  
Ingenij acumine ; Nam quæ proble-  
mata ipse scripsit Diui Ioannis , & Diui  
Lucae

Lucæ vestigia sequutus , clarè omnibus ,  
apertisque litteris ostendit ; O ter qua-  
terque felix , qui benè , vt Aquila sua  
luce maius respiciens lumen Diuum  
obscuris in explicandis Ioannem , &  
veluti Bosterram , vt mortalibus fru-  
ctum præbeat aperiens ; Diuum in se-  
minando infectatus fuisti Lucam ; O  
felix Fenech , Te dicam Fenicem , cum  
non semel , sed iterum tua reuiuiscis  
laude ; Nec te talia suauitatem ferentia  
gerere mirum ; Nam proprium est Fæ-  
nicis , quæ odoris , ac suauitatis sunt pe-  
tere . Viuito igitur semper , ò beate  
Fenech , nam sicut tua per orbem viuit ,  
& viuet virtutum fama , sicque in Cælis  
suo tempore viuet & anima , &c.

D. IOANNES  
LVCAS FENECH  
I.V.D. MELITENSIS.

Compendij Casuum Conscientiæ Auctor.

EPIGRAMMA.

*Sic animi labes latet; ut latet anguis in herba  
Nulla fides pulchra est, mors speciosa venit.  
Splendorem maculis addis, tu cogis in auras  
Prodere serpentem, luce sepultus obit.  
Iam poterit Melita Paulo subiungere Lucam,  
Anguibus occultam pellit uterque luem.*

Franciscus Surdus Melitenfis.

---

AD AVCTOREM

D. IOANNEM  
LVCAM FENECH

Vtroque Iure Laureatum.

*Iulij Viti Collegiata Cupertini Sacerdotis  
Neritonens. Diœcesis,*

EPIGRAMMATON.

*Præstanti resonas Fenoch, dum munere lingua,  
Ex animas Animas, exanimata animas.  
Iure igitur decorat tua lauro tempora, Teque  
Iuridica aeterno germine virgo beat.  
Facta canit veluti Victorum Illustria Laus,  
Eximias in te sic notat illa notas.*



# D E SACRAMENTIS IN G E N E R E.



**S**ACRAMENTI nomen continet in se diuerſas ſignificationes. Aliquando ſignificat ſecretum, iuxta illud Tobie. 12. Sacramentum Principis abſcondere bonum eſt. Aliquando ſignificat iuramentum, *can. ſi iuramentorum. 22. q. 4. Authentica ſacramenta puerum, C. ſi aduerſus venditionem.* Aliquando myſterium, iuxta illud ad Timotheum 3. Magnum eſt pietatis myſterium. Aliquando rem ſacram; & de hac vltima ſignificatione in præſenti loquimur.

2 Sacramentum ita definitur; eſt ſignum rei factæ, aut formæ viſibilis inuiſibilis gratiæ, ita *S. Auguſt. in lib. 10. de Ciuitate Dei, & D. Thom. 3. part. quæſtione 50. artic. 2.*

3 Sacramenta nouæ legiſ ſunt ſeptem, nec plura, nec pauciora, iuxta Concilium Tridentinum *ſeſſ. 7. can. 1.* Baptiſmus, Confirmatio, Euchariftra, Pænitentia, Extrema vnctio, Ordo, & Matrimonium, & hoc eſt de fide, & declarauit hæreticum eſſe aſſerere; quòd ſacramenta nouæ legiſ ſunt plura, vel pauciora ſeptem, aut quòd non differunt ab illiſ veteriſ legiſ, aut quòd iſta tria, id eſt baptiſmus, confirmatio, & ordo non imprimunt characterem in anima, quiquid character eſt ſignum quoddam in anima, impreſſum, qui deleri non poteſt, & ob quæ ipſa reiterari non poſſunt. reliqua verò quatuor

reiterati possunt , ex eo quia non imprimunt characterem .

4 Ratio magis efficax , quare sunt instituta septem , accipi potest ab analogia ad vitam corporalem ; sicuti benè obseruat *S. Th. 3. p. qu. 65. ar. 2. Filliuc. tract. 5. cap. 2. quest. 8. art. 49.* sicuti homo in vita corporali . Primò generatur , Secundo nutritur , Tertiò augmentatur , Quartò curatur ab infirmitate , Quintò armatur in sui defensionem ad prælium , si opus fuerit , Sextò operam nauat humanæ propagationi ad conseruandam Rempublicam , Septimò constituitur in dignitate ad homines gubernando ; Ita in via spirituali . Primò regeneratur per Baptismum , Secundò nutritur , & accipit vires per confirmationem , Tertiò augetur , & crescit ob Eucharistiam , Quartò curatur à morbo per pænitentiam , Quintò armatur ad prælium per extremam vnctionem , Sextò licitè intendit propagationi humanæ per matrimonium , Septimò constituitur in statu honorifico per ordinem .

5 Ante legem Euangelicam assignari possunt tres status . Primus status innocentiae , in quo fuit creatus Adam cum iustitia originali . Secundus naturæ , & durauit vsque ad Moysen , & appellatur status naturæ , quia nondum erat imposita , & scripta lex diuina positiua . Tertius appellatur status legis scriptæ , qui cæpit à Moyse , & durauit vsque ad aduentum Christi .

6 In statu innocentiae non fuerunt sacramenta ; Ratio est , quia non constat quænam in eo statu fuerint , ita *Bon. de sacram. in gen. p. 3. nu. 2. S. Th. 3. p. q. 6. ar. 2. Filliuc. tr. 1. c. 3. q. 3.*

7 In statu naturæ extiterunt aliqua sacramenta ; Ratio est , quia non est credibile Deum qui vult homines saluos fieri reliquere in illo statu homines sine remedio . quo saluari possent : hoc

autem remedium erant sacramenta, & hæc salutem duo fuerunt.

8 Primum fuit remedium pro paruulis, quod quidem remedium iustificabat ad modum operis operati, & consistebat in externa protestatione fidei, facta a parentibus, qua protestabantur, omnes esse saluandos per aduentum Christi; etenim infantes iustificari dicebantur in fide parentum, cum infantes vsum rationis non habentes, non possent applicare sibi ipsis remedia, necesse erat, hoc remedium illis ab alijs applicaretur per externam fidei protestationem.

9 Secundum fuit sacrificium pro adultis, nam sicut erat institutum remedium pro originali, erat etiam conueniens, vt institueretur aliud pro actuali peccato; sed quia nulum aliud remedium congruentius dicere possumus fuisse institutum pro actuali quam sacrificium; igitur sacrificium fuit institutum pro adultis *Bonac. ubi sup. n. 7. Suar. disp. 4. sect. 2. & Henriq. c. 5. n. 6.*

10 In statu legis scriptæ fuerunt aliqua sacramenta; hæc propositio clarè colligi potest ex *S. Th. 1. c. ar. 3. ad tertium*, circumcisio, sacrificium, agnus paschalis, & alia.

11 Sacramenta veteris legis erant propriè sacramenta. Ratio est, quia Tridentinum maximam differentiam assignat inter vetera, & noua, igitur Tridentinum supponere videtur, Sacramenta veteris legis fuisse propriè sacramenta; *Bon. de Sacram. in genere pun. 3. num. 11. Suarez disp. 10. sect. 2. Sayrus l. 3. de sacramentis c. 3. n. 3.*

12 Circumcisio à Deo fuit instituta & tradita Abrahamo quadringentis annis ante legem scriptam Moyfi datam; & obligabat omnes descendentes ab Abrahamo, & omnes illi qui ex Abrahamo non descendebant, poterant circumcidi, sed adstricti non erant. Ratio, est, quia

fuit tradita Abrahamo, & obligabat omnes suos descendentes, vt colligitur ex Genesi. 27. Tam emptitius, quam vernaculus circumcidetur, & quicumque non fuerit de stirpe vestra: vbi obseruandum est, illud verbum circumcidetur importat capacitatem circumcisionis, licet non præceptum. *Bonac. disp. 1. q. 1. pun. 3. §. unico n. 2.*

13 Circumcisio instituta fuit ad delendum peccatum originale, vt clarè colligitur ex Gen. 17. vbi sunt hæc verba; Masculus, Cuius præputij caro circumcisa non fuerit delebitur anima eius de populo suo; hoc loco argumentari solet Masculus non circumcisos die 8. non saluabatur, sed circumcisos saluabatur.

14 Circumcisio conferebat gratiam non solum pueris, sed etiam adultis sola attritione. Ratio est, quia circumcisio conferebat gratiam; igitur pueris illis conferebat adultis sola attritione, sine rigorosa contritione; alias gratia non fuisset collata per circumcisionem sed per contritionem. *Vide de hac materia S. Thom. q. 70.*

15 Tria sunt sacramenta necessaria simpliciter; Baptismus cuilibet; Pænitentia illi, qui mortaliter peccat post baptismum; & Ordo in communi ecclesia, alia verò sacramenta sunt necessaria ad bene esse. *ita S. Thom. 3. p. q. 65. ar. 4.* & communiter Theologi.

16 Omnia sacramenta nouæ legis conferunt gratiam, ita est determinatum in Trid. sess. 7. de sacramentis in communi, vbi clarè excommunicat illos, qui contrarium sentiunt, immò declarat illos hæreticos: dummodo tamen non reperiatur obex ex parte recipientis,

17 Aliqua sacramenta conferunt ex sua institutione primam gratiam, vt patet in baptismo, & pænitentia: aliqua sacramenta non conferunt primam gratiam ex sua institutione. Ratio est, quia

quia omnia sacramenta ; præter baptismum , & penitentiam instituta sunt ad augendam gratiam , & supponunt sulcipientem constitutum in gratia , & quamvis non omnia sacramenta sint instituta ad conferendam primam gratiam per se , nihilominus eam aliquando conferunt . Ratio est , quia quamvis sacramentum baptismi , & penitentiae , institutum est ad producendam primam gratiam , nihilominus producere eam potest secundam ut patet in eo , qui accidet ad baptismum post elicitum actum contritionis , cum per contritionem conferatur gratia *S. Th. 3. part. qu. 99. art. 8. ad tertium, Regim. lib. 26. nu. 45. Bon. disp. 1. q. 4. p. 2. nu. 2. Sotus , & alij communiter .*

18 Sacramenta veteris legis non conferebant gratiam per se ipsa . Ratio est , quia si contulissent , non fuisset necessaria passio Christi ; at eam præfigurabant conferendam ob passionem Christi , *Bon. ubi sup. pun. 4. n. 7. Idem fuit definitum in Tridentino ses. 7. can. 2. 6 & 7. & largè id demonstrat S. Th. 3. p. qu. 62. art. 6.*

19 Quodlibet Sacramentum constat ex materia, forma, & intentione ministri. *S. Th. 3. p. q. 6. art. 4. & sequenti .*

20 Duplex est materia, proxima, & remota, ut clarè colligitur in sacramento baptismi ; materia remota est aqua naturalis ; in confirmatione est Chrisma cum oleo , & Balsanio ; in Eucharistia est panis , & vinum , in poenitentia sunt peccata ; in extrema vnctione ad oleum benedictum ; in ordinatione sacerdotali est calix cum vino , & patena cum hostia ; in matrimonio denique sunt ipsi contrahentes .

21 Materia proxima sacramentorum in baptismo est ablutio ; in confirmatione , & extrema vnctione , est vnctio ; in Eucharistia sunt species panis , & vini , & in poenitentia sunt actus poeniten-

nitentis; in ordinatione sacerdotali est porrectio Calicis cum vino, & patena cum hostia; in matrimonio est ipsamet traditio corporum; ut melius dicemus in proprijs quæ sitis.

22 Sicut materia sacramentorum est determinata, ita etiam forma, & si forma, aut verba formaliter, aut in substantia mutarentur, sacramenta non tenent; sed si mutarentur materialiter, aut accidentaliter, sacramenta sunt valida. Ratio est, quia variatio accidentalis non mutat substantiam rerum, *Bellarmin. l. 1. c. 3. Reginald. lib. 26. num. 2. Bon. loc. cit. q. 3. nu. 13.*

23 Requiritur etiam intentio ministri in quolibet sacramento, ut supra diximus. Minister est causa ministerialis, qui concurret ad conficiendum sacramentum in nomine, & in virtute Christi, & potest etiam dici instrumentum conferendi gratiam primo Corinth. Sic nos existimet homo, ut ministros Christi, & dispensatores mysteriorum Dei, ita *S. Th. qu. 64. art. 1. Bonac. qu. 3. num. 8.*

24 Observandum tamen est, quod minister, qui administraturus est sacramenta, habere debet potestatem. Ratio est, quia sine potestate non potest facere aliquid, & actus supponit potestatem. Qua propter qui non habet potestatem conficiendi sacramentum, & nihilominus attentat illud conficere, non solum committit sacrilegium, sed etiam alia peccata ob qualitatem circumstantiarum, v. g. si clericus, aut laicus carens ordine sacerdotali attentat conficere Eucharistiam, aut impedire absolutionem sacramentalem alicui personæ, erit reus multorum peccatorum, ut idolatriæ, & iniustitiæ ob suscipientis deceptionem. *Bon. disp. 1. q. 3. p. 1. n. 2.*

25 Triplex est intentio, actualis, virtualis, & habitualis. Actualis est, quando quis intendit

dit actualiter conficere sacramentum. Virtualis est illa quæ postquam præcessit virtualiter, adhuc durat in aliquo opere inchoato, nec moraliter est interrupta per interpositam longam moram temporis: ut quando quis habens intentionem consecrandi, accedat ad Ecclesiam, præparet necessaria, proferat formam consecrationis absque noua intentione, tunc dicitur conficere cum intentione virtuali. Habitualis est illa, qua quis aliquid facit ex habitu, nulla præcedente intentione, vel si intentio quæ præcessit, sit moraliter interrupta, ut qui hesternæ die habuit intentionem consecrandi Eucharistiam, quam hodie consecrat absque noua intentione; ita communiter Doctores.

26 Regulariter loquendo bonitas ministri non est necessaria ad validandam sacramentorum administrationem. Ratio est, quia licet minister sit improbus, aut hæreticus, habet potestatem conficiendi sacramenta, nam retinet Characterem indelebilem, per quem confertur potestas ea conficiendi, & per quem operatur in virtute Dei, qui talem potestatem collatam non aufert propter peccatum; alioquin sequeretur, aliquando in vanum suscipientem suscipere sacramenta, & illis priuari, & eorum effectibus, *S. Thom. 3. part. quæst. 64, ar. 5, Filliuc. tr. 2. c. 4 qu. 8. Bon. loc. cit. punct. 2. nu. 1. §. 1.*

27 Dixi (regulariter) quia aliquando sacramenta non bene administrantur à ministro improbo, ut sacramentum poenitentiae, quando administrabitur ab excommunicato vitando, non erit validum. Ratio est, quia sacramentum poenitentiae iurisdictionem requirit in sacerdote, qui administrat, & sacerdos, qui est excommunicatus vitandus, caret dicta iurisdictione; sequitur sacramenta poenitentiae inualidè administrari



nistrari ab excommunicato vitando, ita communiter Doctores; præcipuè *Bon. loc. cit.*

28 In quolibet sacramento tria reperiuntur Sacramentum, Res sacramenti, & sacramentum, & res simul. Qui recipit Sacramentum in peccato mortali, recipit Sacramentum, sed non rem Sacramenti, idest gratiam. Qui accipit spiritualiter, recipit gratiam, sed non sacramentum, & est, quando quis desiderium habet baptismum suscipiendi, & elicit actum charitatis, sed commoditatem non habet, tunc si moritur, saluabitur, & idem dicendum est de existente in peccato mortali eliciente actum contritionis, & dicitur tunc recipere gratiam, sed non sacramentum. Qui recipit sacramentum, recipit vtrumque, idest gratiam, & sacramentum simul, vt colligitur *ex c. cum Marta §. distinguendum de celebrat. Missarum.*

29 Nullus est subiectum capax sacramentorum præter hominem, in hac mortali vita degentem. Ratio est, quia sacramenta sunt instituta ob salutem humanam, & in remedium peccati: igitur solus homo est subiectum capax sacramentorum, dum in hac vita degit; Hinc arguitur Angelos non esse capaces sacramentorum, Angeli enim sunt spirituales, & sacramenta consistunt in rebus materialibus, ita *Bon. qu. 6. n. 2. & 3. Fill. tr. 1. cap. 10. quest. 1. Reginal. lib. 26. n. 50.*

30 Administrari non debent sacramenta publico peccatori, qui indignè petit; tam si illa petat publicè, quàm priuatè. Ratio est, quia apponi non debent margaritæ ante porcos, neque peccatori occulto, quando illa occultè petit, secus si publicè petat. Ratio est, quia sicut Christus non denegauit sacramentum Iudæ, ita neque minister denegare debet sacramentum peccatori occulto, petendo illud publicè, *S. Th.*



qu.8.art.6. Sylueſter, verbo Eucharistia 3.num.7.  
Bon.punct.4.Reginal.loc.cit.n.62.

31 Hinc clare colligitur, quod expelli non debet à sacramentis peccator occultus, quando publicè petit, quoties expelli non potest sine scandalò, & infamia, nam tunc non adest iusta causa administrandi indigno sacramentum, Bon.loc.cit.nu.5. Suarez disp.67.sect.4.in fine.

32 Ob necessitatem iustam, & rationabilem causam licitum est petere, & recipere sacramentum à quolibet sacerdote, quem scimus administraturum in peccato, habente potestatem, & iurisdictionem. Ratio est, quia utimur iure nostro, petendo, & recipiendo sacramenta: Extra calum necessitatis, & rationabilem causam non est licitum petere sacramenta ab illo sacerdote, quem scimus administraturum in graui peccato, aut sit Parochus, vel non, Ratio est, quia charitas obligat ad impediendam ruinam, & peccatum proximi. S.Th.qu.65.art.6.ad secundum Filliucc.tr. 1.c.8.qu.6.Bonac.pun.5.n.1.Tolet l.1.c.88.& alij communiter.

33 Hinc sequitur non posse ob iustam, & rationabilem causam petere sacramenta à nostro parochò, quem probabiliter scimus administraturum in peccato sine contritione. Ratio est, quia ut diximus, utimur iure nostro; hoc tamen locum habet quando difficile est alium inuenire confesorem, qui dignè sacramentum administret; nam quilibet tenetur euitare ruinam proximi, ut diximus paulò antè. Bon.loc.cit.nu.2.Nauarrus c.4.nu.22. Sotus de iustitia, & iure, qu.1.art.5.Sylueſter, & alij.

34 Addo etiam illum, qui paulò antè sacerdotem videt peccantem, ab eo posse petere sacramenta, quàmuis ille non teneatur ex officio administrare, quando tamen sperare potest, in  
lum

lum non administraturum in peccato, quando v. g. eliciat actum contritionis. *Reginald. l. 1. n. 167, Bon. l. c. nu. 6. Sayrus, & alij communiter.*

## DE SACRAMENTO Baptismi.

1 **B**aptismus est ablutio exterior corporis facta sub tali verborum forma.

2 Triplex est baptismus, fluminis, fluminis, & sanguinis, quilibet ipsorum appellatur baptismus, quia supplet eius vicem. Fluminis est pœnitentia, aut dolor perfectus peccatorum ob amorem Dei; iste dolor appellatur baptismus, quia aliquando supplet defectum eius; nam qui realiter suscipere non potest baptismum, obtrinet remissionem peccatorum non solum actuale, sed etiam originalis, si actum pœnitentiæ, & contritionis elicit cum proposito recipiendi baptismum, ut colligitur ex S. Luca 3. ubi dicit Prædicans baptismum pœnitentiæ in remissionem peccatorum. Sanguinis est martyrium, qui aliquando supplet vicem baptismi; Quamobrem si quis accipere non potest baptismum aquæ, & antequam illum receperit, accedit ad martyrium, consequitur remissionem omnis culpæ, & totius pœnæ. Fluminis est verus, & propriè baptismus, & proprium sacramentum, quod administratur. *Bon. de Baptismo disp. 2.*

3 Materia baptismi duplex est, proxima, & remota est aqua naturalis, ut clarè constat non solum ex definitione Tridentini, *sess. 7. can. 1. de baptismo*, sed etiam ex Matthæi 3. quando Christus baptizatus fuit à Ioanne in Iordane, Ioan. 3. Nisi quis renatus fuerit ex aqua, non potest introire in Regnum Cælorum, & hoc sacramentum illo tempore fuit institutum.

4 Hinc primò sequitur grauitè peccare illum, nequè validè baptizare, qui vtitur aliqua aqua præter naturalem, vt v.g. si vtatur sudore, lacrymis, vrina, sputo, aquis rosarum, aquis artificialibus, & alijs aquis, quæ habent speciem differentem ab aqua naturali. Secundò sequitur validè baptizare illum, qui vtitur aqua maris, pluuiæ, stagni, etiam si nasceretur ex sulphure; nam ista est aqua vera, & hoc verum est, aut sit aqua calida, aut frigida, aut colore tincta *S. Tho. qu. 66. art. 4. Regin. l. 17. nu. 11. Bonac loc. cit. punct. 3. num. 2. & 3. Toletus lib. 1. c. 18. nu. 4.* Potest etiam fieri in aqua fluente ex latere Christi, quia illa fuit vera aqua secundùm *S. Thom. 3. p. q. 69. art. 3.*

5 Hinc etiam sequitur, validè eum baptizare, qui vtitur aqua, quæ profluit à gelu, à niue, aut sale, nam sal fit ex aqua naturali salta, & differt solum accidentaliter ab aqua naturali, ita *S. Thom. loc. cit. art. 3. Bon num. 4.*

6 Aduertendum tamen est, quod glacies, & nix non sunt apta materia. Ratio est, quia requiritur aqua apta ad abluendum, sed glacies, & nix non sunt apta materia ad abluendum, nisi prius liquefiant, & in aquam resoluantur. *S. Tho. 3. p. qu. 66. art. 4. Syluester, verbo baptismus, qu. 2. Bon. loc. cit. n. 5. Regin. loc. cit. num. 12. Filliucc.*

7 Aduertendum est etiam, non rectè, nec validè baptizare eum, qui vtitur aqua naturali, quæ ita alterata, & mixta cum alio corpore, & liquore sit, vt non sit amplius apta materia ad abluendum; hæc enim non appellatur amplius aqua naturalis? Quamobrem brodium, aut lixiuium bene coctum, aut lutum, aut vinum modica aqua mixtum, aut alia, quæ ita mixta sunt, vt non possint amplius appellari aqua, non possunt pro materia baptismi inseruire. *Filliucc. nu. 28. Bonac. num. 6. & alij.*

8 Quando dubitatur, an sit aqua naturalis, & materia apta baptismi, non est licitum illa materia uti. Ratio est, quia adest periculum conficiendi sacramentum nullum, & inualidum, sed in necessitate est licitum, quando non reperitur aqua naturalis, & certa; nam melius est aliquem baptizari cum materia, de qua dubium est, an sit apta ad baptismum, qui in nullo modo baptizari; nam esse potest, ut sit apta, & vera materia, & consequenter verus baptismus, & baptizatus saluetur, sed in hoc casu si supraui, xerit baptizatus, rebaptizari debet sub conditione, cum debita materia, & consueta. Ratio est, quia adest iusta causa, estque etiam licitum conferre baptismum conditionaliter, cum fieri possit, ut baptismus præcedens sit inualidus. *Reginal. loc. cit. n. 13. Bon pun. 3 nu. 10. & multi alij.*

9 Materia baptismi proxima est ablutio, ita communiter.

10 Ut sit validum baptismi sacramentum requiritur, ut illa pars corporis abluatur, qua abluta, appellatur verus homo ablutus.

11 Hinc sequitur non esse validum baptismum, si aqua solum tangeret vestes, pileum, aut aliquid aliud extra carnem. Ratio est, quia dici non potest ablutus, si verè baptizandus sit coopertus aliquo panno lineo, ita ut aqua attingat carnes, validus est baptismus, quia dici potest ablutus. Idem dicendum est, si baptizatus infans natus cum pelle secundina, ut aqua penetret, & perueniat ad carnes infantis. *Ita Syluest. verbo Baptismus 4. n. 2. Filliucc. tr. 2. c. 2. q. 5. Reginal. loc. cit. & Bonac nu. 12.*

12 Hinc sequitur validum esse baptismum, si caput abluatur, hoc enim est membrum principale hominis, quo abluto, dici potest ablutus, & hic videtur vltus ecclesie S. Thom. in 4. sent. dist. 3.

*dist. 3. quæst. 1. art. 4. & in 3. part. quæst. 66. art. 7*

13 Ex hoc clarè colligitur, non debere re-  
baptizari Infan-tem, postquam totaliter fuerit  
egressus è ventre, si antequam fuerit egressus, in  
capite fuit baptizatus, vt ait *S. Thom.* secus si so-  
lum pes, aut brachium abluitur, non videtur va-  
lidus baptis-mus. Ratio est, quia per huiusmodi  
ablutionem non videtur denominari posse suffi-  
cienter homo ablutus, licet in necessitate baptis-  
mus administrari debeat in aliqua corporis par-  
te etiam in digito, si non possit in capite baptiza-  
ri; transacta tamen necessitate, rebaptizandus est  
sub conditione, si non es baptizatus, &c. ita *S.*  
*Thom.* in 4. sent. dist. 6. qu. 1. art. 1. Syluester verbo,  
*Baptismus 4. quæsto 2. Bon. punct. 3. num. 23. & 24.*

14 Baptizari non potest infans existens in  
ventre materno totaliter, sed si aqua immitti  
possit, vt perueniat ad infan-tem, tunc in hoc ca-  
su in necessitate fieri potest baptis-mus, eo modo,  
quo potest fieri, ita practi-catur, & obseruatur,  
pro vt audiui à meo lectore fuisse practi-catum  
hic Romæ, & obseruatum domi suæ *S. Thom.* 3. p.  
q. 8. *Regin.* l. 17. n. 16. *Bon.* n. 25. Filliuccius tamen,  
& alij contrarium sentiunt.

15 Quando infans in periculo mortis existit,  
sed quia non adest aqua, qua baptizari potest,  
proijci potest in flumen, aut in puteum, profe-  
rendo formam baptis-mi, hoc tamen fieri non de-  
bet, quia non sunt facienda mala, vt eueniant  
bona, sed si fit, baptis-mus tenet. Ratio est, quia  
sunt omnia requisita ad Baptis-mum, ita Bonacina  
dicto punct. 4. nu. 27. *Reginal.* nu. 21. *Filliuc.* tract. 2.  
cap. 2. qu. 8. *Suar.* disp. 20. sect. 3. vers. quapropter;  
neque in hoc casu si infans suprauixerit rebapti-  
zandus est, quia ibi non defuit neque verbum.  
neque elementum; & istum casum de facto acci-  
disse, refert Syluest. verb. *Baptismus 4. nu. 8.*

## De Forma Baptismi.

16 **F**orma baptismi sunt hæc verba; Ego te baptizo in nomine Patris, & Filij, & Spiritus Sancti, prout non solum constat ex Matthæi 18. ubi ait: Euntes docet omnes gentes baptizantes eos in nomine Patris, & Filij, & Spiritus Sancti, sed etiam ex *Alex. III. cap. 1. de Baptismo.*

17 Circa prædictam propositionem aliqua sunt aduertenda, quæ colligi possunt ex propria propositione. Primò exprimi debet persona, quæ baptizatur, aut dicat te baptizo, aut dicat baptizo hoc, aut baptizo Petrum, ita colligitur ex dicto *cap. 1. de Baptismo.*

18 Hinc nascitur difficultas, an sit exprimenda persona, quæ baptizat, sicut exprimenda est persona, quæ baptizatur ut diximus modò.

Respondco, non esse necessarium directè exprimere personam ministri. Ratio est; quia sicut in forma Græcorum consueta non exprimitur directè persona ministri, quæ baptizat, cum sit hæc forma: Baptizetur seruus Christi, igitur non est necessarium exprimere, & dicere ministri personam, ita *Syluester verbo Baptismus 1. nu. 12. Filliucc. tr. 2. c. 3. qu. 1. Bon. pun 4. nu. 3. Reginal. l. 27. c. 4. num. 24 & alij.*

19 Secundò exprimendum esse actionem, quæ exercetur circa eum, qui baptizatur, siuè exprimatur per verbum baptizo, siuè per verbum abluo. Ratio est, quia forma est hæc (ego te baptizo, &c.

20 Tertiò exprimendam esse unitatem diuinæ essentiae, nam in forma baptismi dicitur in nomine, quod quidem verbum demonstrat unitatem essentiae, ut benè dicit S. Ambrosius in libro

bro de Spiritu Sancto ; Quamobrem si quis baptizatus dicat ( ego te baptizo in nominibus Patris ) aut dicat ( ego te baptizo in nomine Patris , in nomine Filij , in nomine Spiritus Sancti ) inualidè baptizat , vt clarè inquit Bonacina dicto *pun.4.num.5.* & mukti alij apud *Reginal.loc.citat.num.3.* nam dicendo in nomine Patris, in nomine Filij, in nomine Spiritus Sancti, non demonstratur vnitas diuinæ essentia. Item si loco particulæ in nomine, dicatur, baptizo te cum Patre, cum Filio, cum Spiritu Sancto, inualidus erit baptisumus, quia non exprimitur vnitas diuinæ essentia. *Filliucc.tr.2 c.1. q. 10. Bonac.vbi supra.*

21 Quarrò exprimendas esse tres Sanctissimæ Trinitatis personas, vt patet ex illis verbis: Baptizantes eos in nomine Patris, & Filij, & Spiritus Sancti. S.Thom.communiter acceptus 3 p.qu.66.art.5.

22 Hinc sequitur, inualidè baptizare eum qui hac forma vtitur: Ego te baptizo in nomine Christi, aut in nomine Sanctissimæ Trinitatis. Ratio est, quia non exprimit personas Sanctissimæ Trinitatis, quorum expressio explicita est necessaria ad validitatem baptisumi, & non sufficit implicita. *Reginal.n.18. & 30. Bonacina nu.6. Filliucc.tr.act.2.capit.3 quest.8. & alij apud citat. Doctores,* & licet in primitiua Ecclesia foeminæ, & homines in nomine Christi baptizarentur, erat tunc per specialem reuelationem Spiritus Sancti, vt nomen Christi, quod erat perfidis, & incredulis odiosum, honorabile redderetur; & licet habeatur in decretali *de consec. dist.4. canone à quodam*, quod baptizati in nomine Sanctissimæ Trinitatis, non sunt rebaptizandi; nihilominus illa decretalis intelligatur explicitè, vt benè ait glossa in dicto canone.

23 Erit verus baptisumus, omittendo illud

ver-



verbum, amen, & ego. Ratio est, quia non mutatur formæ sensus, & cum non sit materia gravis, non peccat mortaliter baptizatus, ita tenet. *Bon. nu. 26. Filliucc. tr. 2. cap 3. qu. 11. & alij apud Henriquez l. 2. cap. 8. nu. 6.*

24 Non valet baptismus, si quis dicat, nos te baptizamus, si persona baptizans sit persona particularis. Ratio est, quia ly nos, in persona particulari significat, ego, & tu, & consequenter mutaretur sensus formæ; sed si esset persona in dignitate constituta, ut Pontifex, vel Cardinalis, vel alia persona, erit verus baptismus. Ratio est, quia quando loquitur persona in dignitate constituta (ly nos) idem est, quod (ego) ex communi usu loquendi, sed baptizans peccat. *S. Thom. 3. p. q. 66. art. 5. Sylvest. Angelus & alij.*

25 Inualidus est baptismus, quem quis, sibi ipsi confert, dicendo (ego me baptizo.) Ratio, est quia ut paulò antea diximus sensus formæ mutatur, & sicut nemo se ipsum generare potest, ita neque se ipsum baptizare, cum baptismus sit generatio spiritualis, & Christus dixit, Matth. 17. Docere omnes gentes baptizantes eos, &c. & non dixit baptizantes vos ut clare constat etiam ex *Trid. sess. 21. can. 2. S. Tho. 3. p. q. 66. art. 5. ad tertium. Bon. n. 20.* ubi dicit, quòd nemo recipere potest reliqua sacramenta à se ipso, præter Eucharistiam.

26 Non esse validum baptismum, quando duo concurrunt ad aliquem baptizandum, vno verba dicente, altero verò exercente actum, ut si quis baptizandus sit, & non inuenirentur nisi duæ personæ, quarum vna manibus caret, & altera lingua. Ratio est, quia mutatur sensus formæ, & forma efficitur falsa nam si proferens verba dicat; Ego te baptizo, &c. realiter non baptizat ipse, sed solum dicit formam, & alter inte-



rim abluit, ita *S. Tb. 3. p. q. 67. art. 6. Reg. l. 8. nu. 43. Filliuc. tr. 2. c. 4. q. 5. n. 76. Bon. n. 23.*

27 Quando duo concurrunt ad baptismum, & quilibet eorum non solum abluat, sed etiam proferat formam, & independenter ab intentione aliena, est validus Baptismus, ut clarè constat in missa sacræ ordinationis, in qua consecrant omnes sacerdotes, sed si intendat baptizare dependenter ab intentione alterius, non validè baptizat, siuè singuli eorum dicant: Ego te baptizo, siuè nos te baptizamus; nam si dicant: Ego te baptizo, est falsa forma, quia neuter eorum per se baptizat, sed cum alio; si dicant nos te baptizamus, adhuc est falsa forma, & mutatur sensus formæ, quia idem est dicere; Nos te baptizamus, ac dicere; Ego, & tu, *S. Tb. 3. p. q. 66. art. 5 ad quartum, Bon. n. 5. Filliuc. tr. 2. c. 4. & sequenti.*

28 Vnus Baptizare potest plures in necessitate existentes, & oportebit dicere in forma: Ego vos baptizo; nam tunc non erit formæ mutatio, neque sensus formæ, quia vos, idem est quod te, & te; hæc est opinio communis, prout refert *Syluester verbo baptismus 3. n. 9 & S. Tb.*

29 Esse validum baptismum alicui personæ collatum, quam minister credebatur esse masculinum, cum sit foemina. Ratio est, quia licet minister speculatiuè erraret, practicè tamen non erraret, quia dirigere debet suam intentionem in personam præsentem, nec facit irritum sacramentum, ita *Regin. lib 26. n. 42. Bon. pun. 4. nu. 26. Toletus lib 2. c. 20. in fine, & multi alij.*

30 Ex hoc sequitur validam esse absolutionem, quam quis alicui impendit, quem esse virum credit, cum foemina sit, sicut etiam Clericus alterius diocesis, aut laicus vinculo excommunicationis accedens ad ordines suscipiendos, remanet ordinatus, licet Episcopus admouerit

iuxta ritum Pontificalis, se nolle ordinare Clericos alterius dioecesis, aut ligatos vinculo excommunicationis. Ratio est, quia in particulari, & practicè ordinare intendit hunc præsentem, *Bonac. ubi supra, Nau. c. 22. n. 78. Henriq. l. 1. c. 10.*

### De Ministro.

31 **M**inister dupliciter considerari potest. Primo modo dicitur minister solemnitatis, cui ex officio competit ministrare cum debita solemnitate, alter dicitur necessitatis, ad quem non spectat ex officio, sed ob necessitatem administrare baptizamus.

32 Solemnitatis ministri, & ex officio, est Sacerdos, ut clarè patet ex communi usu Ecclesiæ. Necessitatis verò minister est quilibet homo, habens usum rationis, & qui potest, & scit debitam formam proferre, & materiam applicare. *S. Th. 3. p. q. 66. a. 5. Fill. tr. 2. c. 4. qu. 1. Bonac. punct. 5. num. 4.*

33 Hinc sequitur obstetrices in casu necessitatis posse baptizare, & scire tenentur baptismi formam, saltem lingua vulgari, ut subuenire possint infanti, & in periculo existenti. Ratio est, quia unusquisque scire tenetur necessaria suæ artis, alias esset in culpa. *Reg. l. 27. n. 45. Tolet. l. 2. c. 19. n. 7. Bon. loc. cit. n. 5.*

34 Hæretici, imò Paganis conferre validè possunt baptismum, dummodo habeant intentionem baptizandi, licet adultus peccet baptismum recipiens à paganis, propter periculum non recipiendi baptismum ob defectum intentionis, aut propter periculum scandali; *Reg. loc. c. nu. 44. Bonac. n. 6. Tolet. l. 3. cap. 20. n. 3.*

35 Tempore necessitatis seruandum esse hunc ordinem, ut præsentem viro foemina non baptizet,

ptizet, nec vir laicus præsente Clerico; nec Clericus, quamvis Diaconus; præsente sacerdote; neque sacerdos, præsente Parocho; tamen si baptizant, non peccant mortaliter, nisi baptizent sine licentia, & Parocho præsente, quia tunc mortaliter peccant; Ratio est, quia usurpant alienum officium in re graui; excusari tamen possunt propter ignorantiam. *Nau in summa, c. 27. num. 102. Filliuc. tr. 2. c. 4 q. 1. nu. 68. Bon dicto punct. 5.*

36 In Ministro. Primò requiritur intentio baptizandi. Secundò requiritur, vt ministri adhibeat materiam debitam, & formam, & sciat eam applicare; nam sacramentum perficitur materia, forma, & intentione ministri, vt supra diximus de sacramentis in genere.

37 In baptismo concurret etiam Patrinus, cuius officium est leuare de sacro fonte, & solemniter respondere pro infante, & contrahit obligationem instruendi baptizatum in rebus fidei tempore necessitatis, quoties non habet parentes, vel parochum, qui ipsum instruant de rebus ad fidem pertinentibus, & licet Patrinus debeat esse vnus, vel vna, vel saltem vnus, & vna iuxta *Trident. sess. 24. c. 1. de reformat.* tamen si plures leuant, siue tenet, omnes efficiuntur compadres *cap. fin. de cognatione spiritali in 6.* Alij contrarium sentiunt.

*De subiecto Baptismi, & dispositione  
suscipientis.*

38 **O**Mnes homines post Christi passionem recipere tenentur baptismum; iuxta illud Ioan. 3. Nisi quis renatus fuerit ex aqua, & Spiritu Sancto, &c etiam si fuissent sanctificati in ventre; Nam Christus baptizauit B. Virginem, & Ioannem Baptistam, vt ait Viguerius, non ad tol-

lendam culpam in Beata Virgine, neque mortale in Ioanne, sed ad imprimendum caractèrem, & alios effectus sacramenti; ita communiter Doctores, & præcipuè *Sylu. verb. baptismus 4. nu. 10.*

39 Subiectum baptismi est quilibet homo natus, qui in hoc corpore mortali existit, siuè sit infans, siuè adultus, siuè foemina, siuè masculus. Ratio est, quia baptismus est omnibus necessarius, ut paulò antè diximus.

40 Hinc sequitur, Satyrum, aut ex foemina genitum, & bestia, non esse capacem baptismi, quia non est homo, neque habet peccatum originale, nam peccatum originale trahitur ab Adamo ob virtutem virilem, *Bon. punct. 6. n. 3. S. Tho. & alij.*

41 Hinc nascitur difficultas; An monstrum generatum ex femina, & masculo baptizandū sit?

Respondeo, utrique. Ratio est, quia constat corpore, & anima rationali: immò si constet duplicem habere animam, ut si habeat duo capita, aut duo corpora diuisa, bis debet baptizari, semel in utroque capite, vel vnico actu dicendo: Ego vos baptizo; sed si dubitetur, an constet duabus animabus rationalibus, ut si habeat duo capita cum vno pectore, aut duo pectore sub eodem capite, bis baptismus conferri potest vnus absolute in illa parte, in qua perfectius apparet caput, alius sub conditione in altera parte, dicendo, si non es baptizatus, ego te baptizo, *Reginald. l. 27. n. 65. Bon. punct. 6. n. 4. Toletus l. 3. c. 24. n. 6. verj. Quarto notandum. Syluest. verbo baptismus 3. quesito 10. & multi alij.*

42 Existens in utero matris baptizari non potest, quia subiectum baptismi est homo natus, & non potest per baptismum renasci, quia nondum corporaliter est natus, cum ablui non possit, *canone qui in maternis, de consecrat. distin. 4.*

hoc

hoc tamen intelligendum est vt supra dixi de Baptismo n. 14.

43 Obseruandum tamen est, si mater moritur, & filius existens in vtero credatur viuere, aperienda est mater, & infans extrahatur, & baptizetur; quamdiu mater viuit, non est aperienda, vt infans extrahatur, & baptizetur, etiam si mater ob partum moritura sit. Ratio est, quia non sunt facienda mala, vt eueniant bona *S. The. 4. sent. dist. 6. q. 1. art. 1. Bon loc. c. n. 9. Syluest. verbo baptismus 4. n. 2.*

44 Obseruandum est etiam, quod si mater grauida ad mortem condemnatur per iudicis sententiam, differenda est executio sententiæ, donec peperit. *l. pregnantis ff. de pœnis.*

45 Non esse baptizandos filios infidelium contra voluntatem parentum, quando sunt Vassalli, tributarij Principum Christianorum, vt sunt Iudæi, existentes in aliquibus ciuitatibus ob Principis concessionem. Ratio est, quia parentes existentes tributarij, aut vassalli, & non serui non amittunt potestatem in filios, sicuti non amittunt iurisdictionem, & dominium aliarum rerum; tamen si baptizentur remanent baptizari, & ad fidem seruandam cogendi sunt; sed filij seruorum baptizandi sunt cum consensu dominorum contra voluntatem parentum, & non militat eadem ratio, quam attulimus, vassallorum, & tributariorum. Ratio est, quia domini filios istorum seruorum à parentibus separare, & vendere possunt, cum habeant dominium in parentes, & filios, & nullam iniuriam illis afferunt, quia non priuantur à dominis suo iure iniuste possessio, *Filliuc. tr. 2. c. 6. qu. 8. num. 142. Afflict. decis. 151. Bon. num. 12.*

46 Hæc propositio procedit in filijs infidelium numquam baptizatorum; nam si loquimur

de filius infidelium iam baptizatorum ut hæreticorum, posse huiusmodi filios Ecclesiam inuitis parentibus baptizare. Ratio est, quia sicut Ecclesia compellere potest ipsos parentes ad seruandam fidem poenis corporalibus, & censuris, ita etiam potest ab ipsis subtrahere filios, & eos baptizare. *Fillius. & Bonac. loc. c. Reginald. nu. 68. S. Thom. 3. p. qu. 68. art. 10.*

47 Filij nati saltem ex vno parente Christiano baptizari possunt, inuitis parentibus. Ratio est, quia huiusmodi filij sunt subditi Ecclesie ex vi eorum originis, & sequi debent parentem Christianum, & est melior conditio Christiani, *Can. Iudeo. 28. qu. 1.*

48 In adulto tres dispositiones, requiruntur. Prima, intentio actualis, aut virtualis recipiendi baptismum, ut constat ex illis verbis S. Augustini: Qui fecit te sine te, non saluabit te sine te, id est non saluabit te, nisi consentians; nam ob baptismum recipit multas obligationes baptizatus, sed æquitas non patitur, ut qui habet vsum rationis adstringatur ad has obligationes, nisi consentiat, & intendat eas subire, suscipiendo voluntariè baptismum. Secunda est fides supra naturalis, ut clarè constat Matthæi ultimo. Docet omnes gentes, baptizantes eos &c. & Marci 11. Qui crediderit, & baptizatus fuerit, saluabitur, qui verò non crediderit, condemnabitur. Tertia est attritio, ut constat de fide, non solum ex *Trid. sess. 6. c. n. 6.* sed etiam ex actibus Apostolorum 2. ubi sunt hæc verba: Poenitentiam agite, & baptizamini vnusquisque vestrum. *S. Th. q. 66. art. 4. Reg. loc. c. n. 639. Bonac. nu. 25.*

49 In pueris vsum rationis non habentibus Christus, & Ecclesia supplet intentionem, & dispositionem. Ratio est, quia sicut voluntas Adam sufficit ad contrahendum peccatum originale;

ginale : ita etiam sufficit voluntas, & fides Ecclesiæ respectu puerorum . Idem dicendum est de amentibus perpetuò lucida intervalla rationis non habentibus *S. Thom 3. p. q. 68. art. 12. Fil. liucciustr. 2. c. 6. q. 6 & 7. Bon. num. 16.*

50 Hinc sequitur, non remanere, baptizatum adultum, nec recipere characterem, si nunquam habuit voluntatem baptismi suscipiendi. Ita Doctores citati.

51 Esse validum baptismum collatum dormienti, qui petierat baptismum ante somnum, nam hic dicitur habere intentionem habitualem. Idem dicendum est de furioso, & amenti qui dum haberent lucida intervalla rationis petierunt baptismum, etiam si postea dum baptizantur resistere videantur, cum non sit actus humanus illa resistentia, quæ tunc temporis contingit, *Henriquez lib. 2. c. 24. n. 1. Bon. nu. 19.*

52 Qui terroribus, atque supplicijs violentè attrahitur, & ne detrimentum incurrat, talis baptismi Sacramentum suscipit, sicut etiam is, qui fictè ad baptismum accedit characterem suscipit Christianitatis impressum, & ipse tamquam conditionaliter volens, licet absolutè non velit, cogendus est ad observantiam fidei Christianæ, in quo casu intelligi debet decretum concilij Tolerani ubi dicitur : Quod qui iam pridem ad Christianitatem coacti sunt, sicut factum est temporibus Religiosissimi Principis Sisibuti : qui iam constat eos sacramentis diuinis associatos, & baptismi gratiam suscepisse, & Chrismate vinctos esse, & corporis Domini extitisse participes : oportet etiam ut fidem, quam necessitate susceperunt, tenere cogantur : ne nomen Domini blasphemetur, & fides quam susceperunt, vilis, ac contemptibilis habeatur. Ille verò, qui nunquam consentit, sed penitus contra-



dicat: nam rem, nec caracterem suscipit sacramenti, quia plus est expressè contradicere, quam minime consentire. *c. maiores, §. item quæritur de baptismo.*

### De effectu baptismi.

53 **E**ffectus baptismi tres sunt principales. Primus est gratia habitualis. Secundus est remissio totius poenæ. Tertius est character.

54 Baptismus gratiam confert, modò tamen non sit obex ex parte suscipientis; Hæc propositio est de fide, ut patet ex Concilio Viennensi, in *Clem. unica de summa Trinitate, & fide Catholica*, & ex *Trid. sess. 5. de peccato originali*, & communiter cum *S. Thom. qu. 69. art. 1. 4. & 6.*

55 Sacramentum baptismi non solum confert gratiam, qua deletur peccatum originale, & actuale, sed etiam poenam peccatis debitam: Hæc propositio est de fide definita in Florentino, in decreto Armenorum, ubi habetur: Baptizatis non imponi satisfactionem pro peccatis præsentibus; igitur baptismus delet quamlibet poenam, ita *S. Tho. q. 69. ar. 2. Filliuc. tr. 2. c. 5. qu. 1. num 99.*

## DE SACRAMENTO Confirmationis.

1 **C**onfirmatio est sacramentum unctionis Chrismatis consecrati, quo Episcopus ungit frontem baptizati sub certa verborum forma.

2 Sacramentum confirmationis fuit institutum in die ultimæ coenæ, ut habetur in aliquibus concilijs, quæ referuntur à Bellarmino c. 8.

3 Mini-



3 Minister sacramenti Confirmationis, regulariter loquendo, est solus Episcopus, vt patet ex *Trid. sess. 7. can. 4. de confirmatione* (Dixi regulariter) nam ex commissione Summi Pontificis etiam simplex Sacerdos esse potest huius Sacramenti minister, vt constat clarè, ex *Canone peruenit dist. 95. S. Tho. q. 72. art. 11. Bon. de confirmatione nu. 3.*

4 Chrisma debet esse consecratum ab Episcopo; nam nullus præter Episcopum consecrare potest Chrisma, vt patet ex Concilio Tolentino v. 111. c. 7. vbi habetur: esse prohibitum diuina auctoritate sacerdotibus Chrisma consecrare; *Bon. loc. cit.*

*De materia, & forma huius Sacramenti.*

5 **M**ateria remota Sacramenti Confirmationis est Chrisma, quod ex oleo fit oliuarum, balsamo admixto. Hæc propositio colligitur ex *Trid. sess. 7. can. 2. de confirmat.*

6 Balsamum non esse de necessitate Sacramenti iuxta communem opinionem sed Chrisma, quod est materia Confirmationis necessario esse debet benedictum ab Episcopo, alias non perficeretur Sacramentum, *S. Tho. q. 62. art. 4. Bon. punct. 3. n. 33.*

7 Materia proxima confirmationis est vnctio facta in fronte, in formam Crucis, *S. Thom. 3 p. q. 7. art. 9.*

8 Forma confirmationis est hæc: Ego signo te signo Crucis, & confirmo te Chrismate salutaris in nomine Patris, & Filij, & Spiritus Sancti; & omnis forma dissimilis vitiat hoc sacramentum, ita communiter, & habetur in Catechismo Romano. pag. 214.

## De subiecto, &amp; effectu Confirmationis.

9 S Vbiectum confirmationis est omnis homo baptizatus, siue sit infans, siue adultus. Ratio est, quia Apostoli imponebant manus quibuslibet. *S. Thom. 3. part. qu. 72. art. 8. Bonac. punct. 4. num. 4.*

10 Hinc sequitur Sacramentum Confirmationis posse conferri non solum adultis, sed etiam infantibus nondum habentibus vsum rationis; Obseruanda tamen est Ecclesiæ conuetudo, quæ vult non conferri pueris non habentibus vsum rationis, quia recordari non possunt se recepisse hoc Sacramentum, ne iterum recipiant, teste, *Bonac num. 5.*

11 Addo, non solum hoc sacramentum conferri posse pueris, verum etiam amentibus, qui ante furorem petierint, etiamsi essent in periculo mortis, immò, perpetuò amentibus administrari posse, ita *S. Thom. loc. cit. Bonac. n. 6. Filliucius nu. 58.* Ratio est, quia afferri non potest ratio sufficiens, qua ostendatur istos priuandos esse gratia habituali, quæ confertur per sacramentum confirmationis.

12 In collatione confirmationis alapa percutitur confirmatus, vt recorderetur, se hoc Sacramentum recepisse, ne iterum ad illud audeat accedere, cum non sit hoc Sacramentum iterabile, *Bon. nu. 9.* & alij ab ipso relaxi.

13 Hoc sacramentum confirmationis tres producit effectus, Primus est gratia habitualis; omnia enim sacramenta conferunt gratiam habitualement. Secundus effectus est character, qui baptismi characterem supponit. Tertius est cognatio spiritualis; vt ex infra dicendis apparebit in proprio quæsito de matrimonio.

# DE SACRAMENTO Eucharistiæ.

1 **E**ucharistiæ est sacramentum, quod continet sub speciebus panis, & vini verum Corpus Christi institutum ad hominis spirituales refectiōnem *can. 1. & sess. 13.* in Sacro Concilio Trid.

2 Sacramentum Eucharistiæ fuit institutum in vltima coena, vt patet Lucæ 22. & Marci 14.

3 Materia remota sacramenti Corporis Christi est panis triticeus, vt de fide constat ex *Trident. sess. 13.* Ratio est quia illa est materia istius sacramenti, quam Christus instituit, & in qua Christus consecrauit; Sed Christus consecrauit in pane triticeo, vt clarè patet ex traditione Ecclesiæ ex illis verbis: Accipiens panem, & eleuauit oculos: ergo panis est materia istius sacramenti *cap. firmiter, de summa Trinitate, & fide Catholica.*

4 Hinc sequitur, panem ex ordeo, ex auena, & alijs leguminibus, & omni alia materia, quæ verè non est triticum, non esse materiam aptam, quia differunt specie à tritico, communiter Doctores.

5 Panis necesse est, vt sit confectus aqua naturali, & oportet, vt sit præiens moraliter, & possit designari per particulam, hic & hoc, alioquin forma non verificatur, *S. Thom. qu. 76. art. 6, Caietan. ibid art. 3. Bon. de Sacramento Eucharist. punct. 1. num. 3.*

6 Tam panis fermentatus, quàm azymus est materia apta huius sacramenti; quia panis fermentatus non differt specie ab azymo, *Filliuc. 1. 4. cap. 3. qu. 8. num. 8. Bon. loc. cit. num. 8.*

7 Aduertendum tamen est, vnumquemque se accommodare debet suæ ecclesiæ, ita vt non debeat latinus sacerdos consecrare in fermentato, neque Græcus in azymo; Vetus enim latinorum, & consuetudo est, vt conficiant in azymis, & imitentur Christum, qui in azymis consecrauit; qui contrarium facit, peccat grauiter: & hæc consuetudo consecrandi in azymo est melior consuetudine Græcorum, qui in fermentato conficiunt, vt bene docet *S. Th. q. 74. Bon. n. 9* & alij.

9 Mustum esse materiam aptam sacramento sanguinis, quia est verè vinum. *Can. cum de homine, de consecratione dist. 2.* Aduertendum tamen est; ne mustum sit sæculentum, aut impurum, alioquin committeretur peccatum mortale contra debitam reuerentiam tanto sacramento, *Bonac. pun. 2. n. 3. & 5.* & multi alij ab ipso relati. Neque confici possit in aceto, & vappa; & in oblatione miscenda est aqua naturalis in tam parua quantitate, vt in vinum conuerti possit, & hoc non ex necessitate sacramento, sed præcepti, quia etiam sine aqua sacramentum confici posset, sed sacerdos peccaret. *Syluester, verbo Eucharistia 1. Bonac. pun. 4. n. 1.*

10 Vinum congelatum esse potest materia apta ad conficiendum validè hoc sacramentum. Ratio est, quia non solum si species vini congelentur iam consecratæ, remanet sub illis sanguis Christi, sed etiam quia vinum congelatum, adhuc remanet vinum, ergo est materia apta, & sufficiens ad validam consecrationem. *Syluest. verbo, Eucharistia 3. in fin. Fill. tr. 4. c. 3. q. 9. num. 87. Bon. pun. 2. num. 10.*

11 Quælibet parua quantitas sensibilis esse potest materia huius sacramenti, *S. Thom. 3. part. quæst. 73. art. 1. Bonac. pun. 5. num. 1.* & quælibet magna quantitas præsens constituta validè consecrari

secrari potest, sed non licitè. - Ratio est, quia Christus non dedit facultatem limitatam sacerdotibus consecrandi tantam quantitatem, & non maiorem, hoc enim probari non potest in iure. S. Tho. 3. p. q. 74. ar. 2. Bon. dicto pun. 3. n. 2. Fill. tr. 4. c. 5. qu. 5. n. 73. & alij.

*De Forma Sacramenti corporis, &  
sanguinis.*

12 **F**orma istius sacramenti corporis sunt hæc verba: *Hoc est enim corpus meum*, ita docet S. M. Ecclesia, & S. Th. 3 p. q. 78. ar. 2.

13 Aduertendum tamen est, quòd illa particula (enim) non est de substantia formæ, licet peccent illam omittentes ex negligentia, vel ex contemptu, ita communiter Doctores.

14 Forma sacramenti sanguinis sunt hæc verba; *Hic est enim calix sanguinis mei novi, & æterni testamenti, & ea quæ sequuntur*, ita S. R. Ecclesia docet: Aliqui tamen volunt sufficere hæc verba: *Hic est calix sanguinis mei*, Filliuc. tr. 4. c. 1. qu. 8. num. 3. Magister sentent. in tertio dist. 8. Bon. qu. 3. pun. 2. num. 1.

15 Aduertendum tamen est, grauiter peccare eum, qui solum vitur his verbis in consecratione: *Hic est enim calix sanguinis mei*. Ratio est, quia non solum facit contra præceptum Ecclesiæ in re graui, sed etiam se periculo exponit non consecrandi; nam licet valdè probabiliter asseramus, consecrationis formam consistere in his verbis: *Hic est calix sanguinis mei*, & consecratio validè fit adiunctis istis verbis, reliqua verò verba non sunt de essentia consecrationis; hoc tamen non est totaliter certum; quia aliqui Doctores contrarium tenent, & in materia sacramentorum eligenda est semper via securior,

ne nos exponamus periculo non conficiendi sacramenta *Bon. pun. 2. n. 2. Molfesius tra. 3 c. 2. nu. 3.* & alij quam plures.

16 Corpus Christi tamdiu conseruatur sub specie panis, quamdiu conseruaretur panis, si sub illis speciebus existeret. Ratio est, quia Christus ab institutione huius sacramenti successit in locum panis; ergo tamdiu debet perseuerare, quamdiu conseruaretur panis, si substantia panis existeret sub illi speciebus. *S. Th. qu. 8. ar. 3. Reginald. lib. 20 num. 93. Bon. pun. 6. §. 3. nu. 2.*

### De Ministro Eucharistia.

17 **M**inister Eucharistia est solus sacerdos. Ratio est, quia non solum sacerdos habet ordinem sacerdotalem, & Christus dixit sacerdotibus; *Hoc facite in eam commemorationem*, sed etiam, quia ita habemus in *Trid. sess. 22. c. 1.* & quilibet Sacerdos, etiam si sit excommunicatus degradatus, aut haereticus, aut schismaticus, dummodò tamen habeat intentionem, valide consecrare potest; nam retinet potestatem consecrandi fundatam in charactere sacerdotali, qui ut supra diximus deleri non potest. *S. Thom. qu. 82. art. 7. & 8. Toletus l. 2. c. 28 num. 1. Bon. qu. 5. nu. 2.* & alij communiter.

18 Neque obstant aliqui textus, dicentes non posse haereticos consecrare, nam loquuntur de iure, & non de facto; aut quia carent debita intentione *Bon. loc. cit.*

19 Minister ordinarius, & deputatus ad administrandum hoc sacramentum est solus sacerdos, qui potestatem ordinariam habet, vel delegatam *S. Th. l. c. & Bon n. 4.* & clare constat, ex *canone peruenit, de cons. dist. 2.*

20 Minister extraordinarius esse potest aliquan-

quando Diaconus, vt in articulo mortis, laicus verò esse non potest. Ratio est, quia non solum non habet manus sacratas, sed etiam non est tanta necessitas sumendi hoc sacramentum, nam æquitas, & iustitia non patitur, vt quis mittat falcem in messem alienam, *Regin. lib. 3. 6. nu. 94. Bonac. num. 6.* Neque in casu necessitatis sumendum esse hoc sacramentum ab Hæreticis; licet sumi possit baptismus, *can. si quem 24 q. 1.*

21 In sacerdote administrante, aut conficiente hoc sacramentum Eucharistiæ requiritur gratia. Ratio est, quia sacerdos est deputatus ex officio ad administrandum hoc sacramentum, qui autem est deputatus ex officio esse debet in gratia, alioquin grauitè peccat administrando indignè sacramenta in peccato mortali, nisi formaliter, aut virtualiter esset contritus, *Gaiet. in summa; & multi alij relati à Bon. q. 5. pun. 2. num. 1.*

22 Aduertendum tamen est, plura peccata committere eum, qui pluribus successiue administrat Eucharistiæ sacramentum in statu peccati mortalis, licet aliqui dicant vnum committere peccatum. Ratio nostra est, quia prædictæ actiones habent singulæ suum definitum terminum, in quo consistunt, & complentur, *Bonac. loc. cit. vbi respondet, & soluit argumenta contraria.*

*De dispositione requisita in suscipiente  
Eucharistia Sacramentum.*

23 **T**res dispositiones requiruntur ad recipiendum Eucharistiæ Sacramentum cum fructu. Prima, vt suscipiens sit baptizatus, nam baptismus est ianua omnium sacramentorum. Secunda est intentio actualis, aut virtualis, vel cōtem habitualis, qualem is habere dicitur



citur, cui confertur Eucharistiæ sacramentum tempore phrenesis, cum tamen ipsa antea christianè viueret. Tertia vt suscipiens hoc sacramentum non haberet peccatum mortale, sed sit in gratia, communiter Doctores.

24 Aliquando recipi potest Eucharistiæ sacramentum non facta confessione peccati mortalis iam commissi, existente causa rationabili, vt si sit necessitas communicandi, aut celebrandi, & non reperiatur confessarius. Ratio est, quia præceptum confessionis præmittendæ assumptionem Eucharistiæ est affirmatiuum; Præceptum verò affirmatiuum non obligat semper; præmittendus tamen est actus contritionis, ne indignè sumatur Eucharistia cum peccato mortali. *Bonac. quæst. 6. punct. 1. num. 13. Filliucciustr. 7. c. 4. q. 8. n. 221.*

25 Sacerdos, qui incepta missa, recordatus de aliquo peccato mortali, non tenetur omittere missam inceptam, si adsit periculum scandalum, sed si non adsit, tenetur vocare confessarium, si commodè potest, vt confiteatur. *Filliuc. 7. c. n. 114. Bon. n. 19.*

26 Sacerdos qui incepta missa, recordatur se esse excommunicatum, aut non ieiunum, non tenetur missam coeptam dimittere, quando dimitti non potest sine scandalo; sacus si eam sine scandalo dimittere potest, dummodo tamen non sit facta consecratio, nam tunc adest necessitas prolequendi missam coeptam sine confessione. *S. Th. q. 81. art. 6. ad secundum: Bon los. c. n. 16. Nauarrus c. 15. n. 75.*

27 Sacerdos, qui existente casu necessitatis, sine confessione celebrauit peccati mortalis, tenetur, quam primum confiteri: ita determinauit Tridentinum *sess. 13. c. 7.*

28 Aduertendum tamen est, laicum, qui sine præ-



præmissa confessione Eucharistiam suscepit, non teneri statim confiteri. Ratio est, quia Tridentinum mentionem facit de sacerdote celebrante, & non facit mentionem laicorum, neque sacerdotum non celebrantium, & per consequens etiam sacerdos, qui more laicorum recipit sacramentum, non tenetur statim confiteri. *Suarez sect. 7. & 8. Bon. q. 6. punct. 1. nu. 37. & 40. Fill. & alij.*

*De Dispositionibus requisitis in suscipiente hoc  
Sacramentum ex parte corporis.*

29 **Q**ui commisit peccatum mortale carnis, ut fornicationis, aut pollutionis, debet per aliquod spatium temporis, ut per diem abstinere à communione sub poena peccati venialis, etiam si fecerit confessionem peccati commissi, nisi adsit iuxta causa communicandi. Ratio est, quia qui non abstinet per aliquod spatium temporis a communione ob peccatum carnis iam commissi, videtur aliquam irreuerentiam Christo irrogare. Ob hanc causam dicunt Doctores communiter, coniugibus, qui carnaliter se nocte antecedente cognouerunt, abstinendum esse sequenti die ab Eucharistia, saltem ex deuotione, vel consilio; Hæc tamen propositio habet locum, quando non adest iuxta causas secus si adest iuxta causa, qualis causa esse videtur, festum magnæ deuotionis, aut dies iubilæi, & differri non potest commodè in sequentem diem, *S. Thom. q. 8. art. 3. Reginaldus lib. 29. n. 127. Bonac. loc. cit. pun. 2. nu. 3.*

30 Qui recipere debet Eucharistiam, esse debet ieiunus à media nocte, non solum ieiunio ecclesiastico, sed etiam naturali, ut clarè patet in *cap. sacramenta, de celebr. Missarum.*

31 Aduertendum tamen est, ieiunium esse duplex, ecclesiasticum, & naturale. Ecclesiasticum est illud, quo præcipitur in die vnica commestio. Naturale verò abstinentiam importat à qualibet re, etiam parua commestibili per modum cibi, aut potus, vt in *canone nihil §. nullus 7. qu.* Dixi (per modum potus, aut cibi) nam si aliquis non per modum cibi, aut potus, sed per modum saluæ, vt si os abluendo, casualiter ad stomachum transmittat parum vini, aut aquæ, aut reliquias cibi, quæ adhæserunt dentibus hesterno die, aliquas guttas pluuiæ inaduertenter recipiat in stomachum, nō dicitur frangere ieiunium naturale. Ratio est, quia non sumit per modum potus, & licet paruitas materiæ excuset à mortali, tamen in hoc casu grauiter peccat, qui suscepta parua cibi quantitate communicat. Ratio est, quia in hoc casu non præcipitur ieiunium, sed prohibetur communio post cibum, & consequenter facit contra præceptum Ecclesiæ in re graui. Ita *S. Tho. 3. p. q. 8. art. 8. Syluester verbo Eucharistia 3. n. 8. Nauarrus c. 25. §. 7. Fillius, tr. 4. n. 6. c. 8. qu. 10. Bon. loc. c. nu. 6.*

32 Non est necesse, vt qui recepturus est Eucharistiam, cibum digesserit, aut dormierit post coenam. Ratio est, quia hoc nullo iure cautum est. Ex hoc sequitur sacerdotem, qui in vigilia Natiuitatis Domini ientaculum sumpsit, vel pransus est propè mediam noctem, posse celebrare post mediam noctem, quamuis non dormierit, nam dicitur à media nocte ieiunus. *Bon. nu. 11. Rodrig. de missa. c. 249. n. 11. S. Th. qu. 7. art. 8. ad quintum.*

33 Sacerdos, qui loco vini aquam consecrauit, non aduertens de errore, nisi post summptionem aquæ, tenetur de nouo consecrare vinum, licet fregerit ieiunium ob summptionem aquæ; conse.

consecratio enim vini spectat ad integritatem, sacrificij, quam constat esse de iure diuino, quod est maioris ponderis præcepto Ecclesiastico, de sumendo Eucharistiam cum ieiunio. *Regin. l. 29. n. 222. Bon. n. 19. & alij communiter.*

34 Ob eandem rationem, si sacerdos pereat facta consecratione, tenetur Sacerdos non ieiunus terminare sacrificium. Ratio est, quia præceptum perficiendi sacrificium est strictius præcepto ecclesiastico de sumendo Eucharistiam cum ieiunio. *Bon. n. 2. Nauarr. c. 28 n. 86. & alij apud dictos Doctores.*

35 Omnes fideles postquam peruenerunt ad annum discretionis recipere tenentur communionem à proprio sacerdote, saltem semel in anno in Paschate. Hæc propositio clare patet ex c. *omnis utriusque sexus de Pœnitentia*; & ex Tridentino *sess. 13. can. 3.* ubi excommunicantur illi, qui contrarium sentiunt.

36 Quotidiè Communionem Eucharistiæ percipere, dicit *S. August. de Ecclesiasticis dogmatibus cap. 53.* nec laudo, nec vitupero; omnibus tamen diebus Dominicis communicandum tuadeo, & horror: si tamen mens sine affectu peccandi sit, nam habentem adhuc voluntatem peccandi, grauari magis dico perceptione Eucharistiæ, quam purificari, *Canone quotidie, de consecratione dist. 2.*

37 Recipientes Eucharistiam in Paschate in peccato mortali satisfaciunt præcepto ecclesiastico. Ratio est, quia adimplet præceptum quo ad substantiam, licet non quo ad modum. *Fil. liuc. tract. 4. c. 2 qu. 10. num. 6 Bonac. qu. 7. pun. 2. nu. 12. Regin. l. 29. nu. 87. & alij apud præcitatos Doctores.*

38 Infirmum, qui sex, vel octo dies antea communicauit, per modum viatici posse iterum

rum non ieiunum communicare. Ratio est, quia Concilium Constantiense concessit, vt infirmus non ieiunus communicet, & non restrinxit concessionem ad vna vicem, *Bon. disp. 4. q. 9. punct. 2. n. 23. Reginald. lib. 29. dist. 130. Fillinc. n. 239.*

## De Sacrificio Missæ.

1 **M**issæ dicitur quasi transmissa à populo ad Deum per ministerium sacerdotis.

2 Partes essentielles sacrificij Missæ sunt consecratio, oblatio, & consumptio.

3 Hic obseruandum est particulas, quæ ad altare deferuntur pro communionem laicorum, debere in altari adesse ante primum offertorium, videntur enim ad idem sacrificium pertinere, ad quod pertinet hostia grandior; sicut autem hostia grandior adesse debet ante primum offertorium; ita etiam adesse debent particule pro communionem laicorum, ita Clemens VIII. de defectibus celebrationi occurrentibus, *cap. 3. nu. 4 Bonac. de sacrificio Missæ, punct. 2. n. 6.* contra nonnullos Doctores.

4 Valor Missæ triplex est. Primus dicitur generalis, quem Ecclesia applicare intendit, non solum omnibus fidelibus viuis, & mortuis, sed etiam Pontifici, Imperatori, Regi aut Episcopo, & alijs fidelibus, quorum sacerdos meminit in sacrificio. Secundus est specialis; quem alij appellant specialissimum, & est proprius sacerdotis, quem fructum sacerdos non tenetur alicui applicare, neque potest secundum aliquos Tertius est medius, quem alij appellant specialem, & ex se competit illis, pro quibus sacerdos applicare intendit sacrificium missæ iuxta praxim Ecclesiæ, *Fillinccins tr. 5. cap. 3. q. 7. Bonac. l. c. & alij communiter.*

5 Qui sacrum audit animo non satisfaciendi præcepto, satisfacit. Ratio est, quia iam adimplet præceptum, ita *Vasquez*.

6 Qui eodem tempore audit vnâ mediæ partem ab vtro, & alteram ab alio satisfacit præcepto Ecclesiæ. Ratio est, quia ecclesia præcipit, vt missa audiat, duæ autem medietates vnâ missam constituunt, ita *Sanchez, relatus ab Escobar, de primo præcepto Ecclesiæ, cap. 4. in fine*.

7 In missa recitari possunt psalmi, vel aliæ præces, etiam ex obligatione, & adimpleri penitentia habita in confessione. Ratio est, quia cuncta eidem fini ita adiunguntur, modò non defit attentio debita sacris actionibus missæ, ita communiter.

8 Non satisfacit præcepto Ecclesiæ, quis si omittat partem notabilē, & consequenter peccat mortaliter, & dicitur pars notabilis, v. g. maior quarta parte, scilicet ab introitu vsque ad Evangelium exclusiue, hæc est communis opinio.

9 Missa valorem habet finitum, quo ad affectum ex opere operato, nam licet passio Christi sit infinita, tamen in missa Christus operatur finitè, & limitatè, alioquin liberarentur omnes animæ Purgatorii vnica missa, ita *S. Th. relatus à Syluestro, verbo Missa 1. nu. 9.*

10 Requiritur præsentia moralis in missa, ideò si quis missam audit è fenestra, vel è porta eius domus, non satisfacit præcepto. Ratio est, quia moraliter non dicitur, *Fill. & alij*.

11 Sacerdos solus conficere debet missæ sacrificium, vt habetur in *cap. firmiter, de summa Trinit. & Fide Catholica*.

14 Missa mali sacerdotis non valet, vt valet missa boni sacerdotis, si consideremus sacrificium secundum meritum mali sacerdotis; si vero consideremus missam secundum quod est sacrifici-

crificium, tam valet missa boni sacerdotis, quàm mali; nam Deus magis exaudit iustos, quàm peccatores *S.Th. 3. p. q. 82. art. 5. Bon. pun. 6. n. 6.*

13 Sacerdos, qui non est impeditus legitimè, si nunquam celebret toto anno mortaliter peccat. Ratio est, quia dat occasionem scandali, cùm ingerat suspicionem prauæ conscientiæ. *S.Th. 3. p. q. 82. art. 10. Syluester, verbo Missa 1. n. 5. Bon. pun. 7. n. 1. Filliuc. tr. 4. c. 4. q. 6. n. 96.*

14 Hinc sequitur, sacerdotem teneri sub pœna peccati mortalis celebrare ter, aut quater in anno diebus festis præcipuis; nullo enim iure constat, simplicem sacerdotem teneri singulis omnino diebus festis celebrare, *Bon. loc. cit. nu. 2. Regin. lib. 49. n. 46. Fill. tr. 5. c. 4. q. 2.*

15 Sacerdos recipiens plures eleemosynas ob celebrationem Missarum, satisfacere non potest vnica tantùm missa; licet aliqui contrarium sentiant. Ratio est, quia non solum non est permixtum, sed etiam nasceretur maximum scandalum inter populos, ita opinio in praxi est seruanda, prout benè refert *Bonac. cit. § 2. nu. 1. Fill. tr. 5. c. 6. qu. 6. Regin. l. 23. n. 234. Toletus l. 2. c. 8. n. 3.* Idem declarauit nouissime Sacra Cardinalium Congregatio.

16 Qui tenetur in aliqua ecclesia, aut altari celebrare, non potest in alia ecclesia, aut altari sine peccato mortali celebrare, nisi hoc faciat ex causa rationabili. Ratio est, quia non solum non adimplet voluntatem testatoris, sed etiam ita determinatum est in Concilio prouinciali. *Syluester verbo missa 1. q. 10. in fine, Bonac. § 4. n. 2. & alij apud Riccium, verbo, Praxis capellaniarum dec. 405.* Idem decreuit Congregatio Pœnitentiariæ Mediolanensis, vt benè refert, & consuluit, *Bon. loc. cit.*

17 Sacerdos non habens eleemosynam pro  
missa

missa celebranda , non potest illa celebrare ; & applicare primo occurrenti daturò eleemosynam , ita fuit determinatum , vt constat ex decreto Cardinalium mandato Clement. VIII. sed quando ex fundatione alicuius capellæ , statutæ sunt missæ celebrandæ singulis hebdomadis ; tunc potest sacerdos illa celebrare antecedente hebdomada. Ratio est, quia sacrificium certum sortitur effectum, & applicationem, ita Reginaldus .

18 Sacerdos, qui plura stipendia colligit pro missarum celebratione, non potest per alios Sacerdotes satisfacere, retenta sibi parte eleemosynarum inscio dante, & insciis sacerdotibus, per quos pensum missarum persoluitur, idè totam eleemosynam dare debet, ita determinauit sacra Congregatio Cardinalium, teste *Escobar, de missa, cap. 4.* Istud decretum non extenditur ad Capellas, quibus pingue stipendium est additum, neque extenditur, si fuit datum stipendium intuitu amicitiae, nam tunc sacerdos potest per alium satisfacere, dato ei iusto stipendio, ita *Escobar loc. cit.*

19 Si sacerdos post sumptionem viderit reliquias Eucharistiæ, nullo modo debet eas accipere, cum non sit ieiunus, sed reseruari debent in crastinum, vel alteri ieiuno, & disposito tradere, sed hoc intelligi debet, quando reliquiae videntur ex intervallo post sumptionem, puta quia reposuit Calicem ; secus in eodem actu, nulla interueniente morula, ita Syluester. Aliqui verò dicunt posse sumi, etiam si reposuit calicem, & etiam si interuenerit aliqua morula, quia mortaliter censetur vnica actio.

20 Si Corpus Christi appareat in alia specie, idest, in forma pueri, vel carnis cruentatæ, sumi non potest ab eo, cui apparet, sed ab alio, cui



cui sub specie panis apparet, & si omnibus apparet, debet poni cum reliquijs, & si celebranti apparet in hoc casu sunt duæ opiniones. Quidam dicunt, quod sufficit spiritualis manducatio, nec propter hoc efficitur legis transgressor, quia iura adaptantur ad ea, quæ facilius accidunt; Quidam verò dicunt, quod sacerdos iterum debet celebrare, & si hoc secundò accideret, iterum tertio, *S.Th. in 4. dist. 10.*

## DE SACRAMENTO Pœnitentiæ.

1 **P**œnitentia considerari potest, ut virtus, & ut sacramentum. Pœnitentia, quatenus est virtus, est peccata præterita plangere, & plangendo iterum non perpetrare. Pœnitentia, quatenus est sacramentum, est sacramentum absolutionis, quo sacerdos absoluit suum subditum, & eum, qui legitime confitetur sua peccata cum vero dolore. Pœnitentia quatenus est virtus, est virtus supernaturalis, quæ hominem inclinat ad satisfaciendum deo de iniuria, & offensa facta. *S.Th. 3. p. 2. q. 85. art. 2.*

2 Sacramentum pœnitentiæ fuit institutum à Christo, *Ioann. 20.* quando dixit illa verba: *Accipite Spiritum Sanctum, quorum remiseritis peccata, remittuntur eis: & quorum retinueritis, retenta sunt;* ita habetur in *Trident. sess. 14. c. 1.*

3 Materia remota sacramenti pœnitentiæ sunt peccata; proxima verò sunt actus pœnitentis, scilicet contritio, confessio, & satisfactio. Hæc propositio constat ex *Trid. sess. 14. c. 3.*

4 Forma sacramenti Pœnitentiæ consistit in his verbis: *Ego absolvo te à peccatis tuis;* immò ad essentiam, & valorem istius sacramenti sufficiunt



ficiunt hæc verba: *Absoluo te*, communiter Doctores, & constat etiam ex Tridentino dictis *Jess. & cap.* Adiungi etiam possunt hæc verba: *Dominus noster Iesus Christus te absoluat, & ego auctoritate illius absoluo te ab omni vinculo excommunicationis, suspensionis, & interdicti in quantum possum, & tu indiges, deinde ego absoluo te à peccatis tuis in nomine Patris, & Filij, & Spiritus Sancti, Amen.* Passio Domini nostri Iesu Christi, & merita Beatæ Mariæ Virginis, & omnium Sanctorum, ut quidquid boni feceris, & mali patienter sustinueris sit tibi in remissionem peccatorum, augmentum gratiæ, & præmium vitæ æternæ.

5 Illa particula (suspensionis) in laico omittitur, quia in laico cadere non potest suspensio.

6 Materia necessaria istius sacramenti pœnitentiæ sunt peccata mortalia; venialia sunt materia voluntaria, & sufficiens.

7 Absolutio dari non potest in scriptis, sed necessario proferri debet voce, neque dari potest absenti, etiam si pœnitens existat in mortis periculo; Hæc propositio colligi potest ex decreto Clementis VIII. facto super hanc materiam, in quo determinatur, absolutionem absenti factam, esse nullam, & inualem, & afficiuntur excommunicatione Pontifici reservata, qui absentem absolunt, vel dicunt, vel docent posse per litteras aliquem sua peccata confiteri sacramentaliter, aut per nuncium confessario absenti, *Bon. de sacramento, q. 4. pun. 3. n. 1. Fill. tr. 6. c. 9. qu. 12. Regim. lib. 6. nu. 5.*

Tres sunt partes integrales sacramenti, pœnitentiæ; Cordis contritio, oris confessio, & operis satisfactio, quæ sunt materia proxima sacramenti pœnitentiæ, ut supra diximus.

9 Sacramentum pœnitentiæ, administratum

sub conditione de præfenti, vel de præterito, v. gr. si non es absolutus, vel si possum, ego te absoluo, est validum, quia non appellatur vera conditionis, administratum verò sub conditione de futuro, est nullum, & invalidum. Ratio est, quia effectus sacramenti pœnitentiæ remanere non possunt in suspenso, *Bon. q. 2. p. 3. n. 2. Reginal. lib. 8. n. 6. Syluester, verbo, absolutio 5. num. 12. Filliuc. tr. 6. c. 3. q. 10. num. 73.*

### De Contritione.

10 **C**ontritio est dolor voluntariè assumptus de peccatis præteritis, quatenus sunt offensa Dei, cum proposito amplius non committendi, sed confitendi, & satisfaciendi sub spe futuræ veniæ, ita habetur in *Trident. sess. cap. 4. Can. 6. ibidem*, & differt ab attritione; nam attritio est dolor imperfectus, contritio verò est dolor perfectus, siue & melius, attritio est dolor propter timorem gehennæ; Contritio est dolor propter amorem Dei.

11 Duos producit effectus contritio. Primus est remissio culpæ, secundum *S. Thom.* qui addit, quòd si contritus suo tempore non exequatur suum propositum, quod de confessione conceperat, peccata quidem non redeunt iam dimissa, peccat tamen mortaliter omittendo. Secundus est remissio totius poenæ secundum dictum *S. Thom.* & hoc provenit ex parte Charitatis; nihilominus requiritur confessio, & satisfactio ob præceptum, & incertitudinem remissionis totius poenæ; nullus enim in hac vita siue diuinæ revelatione scire potest certa scientia habere contritionem, quod si sciret, cognosceret etiam se esse in gratia Dei, & diceret contra Concilium Trident.

12 Aduertendum tamen est, quòd ad hoc, vt per contritionem peccata remittantur, requiritur confessio saltem in voto, & hoc patet ex definitione contritionis, quæ est dolor pro peccatis assumptus cum proposito confitendi, vnde ly particula (cum proposito) includit confessionem in voto, ita communiter Doctores.

13 Ad suscipiendum poenitentiae sacramentum cum fructu, requiritur contritio, & non sufficit attritio naturalis, sed supernaturalis. Ratio est, quia concilia requirunt dispositionem supernaturalem ad gratiam; vt patet ex *Concil. Trident. sess. 6. c. 7. sess. 16. c. 3. & sess. 14. cap. 4.* vbi habetur contritionem esse donum Dei, & impulsus Spiritus Sancti ita *Bonac. dis. 5. qu. 5. pun. 3. num. 3. & multi alij apud Henriquez lib. 4. c. 21. nu. 6. & cap. 16. num. 5.*

14 Poenitens non debet habere maiorem dolorem de vno peccato mortali, quam de alio, si consideretur peccatum quo ad culpam. Ratio est, quia vnus actus contritionis sufficit ad delenda omnia mortalia, cum gratia, & contritio sit impossibilis omnibus peccatis; si verò consideretur quo ad poenam, est conuentionis, vt vbi adsit maius delictum maiorem poenam mereatur, & consequenter si poenitens velit per actum contritionis exhibere satisfactionem pro tota poena, magis dolere debet de vno, quam de alio, cum pœna satisfactionis commensurari debeat peccato. Præterea habetur Deuteron, 25. Secundum mensuram peccati, erit & plagarum modus; sed in contritione peccati plagæ commensurantur, quia contritio habet propositum satisfaciendi annexum; ergo contritio magis esse debet de vno quam de alio. *S. Thom. in addit. ad 2. part. q. 3. art. 3. Bon. de sacramento poenit. pun. 7. n. 5. Nauar. c. 1. num. 35. Reginald. lib. 35. n. 30.*

## De Confessione.

15 **C**onfessio est accusatio legitimè facta coram legitimo sacerdote, facta ad obtinendam peccatorum remissionem ob absolutionem.

16 Sexdecim sunt conditiones requisitæ ad confessionem, quæ his versibus continentur.

*Sit simplex, humilis Confessio, pura, fidelis,*

*Atque frequens, nuda, discreta, libens, verecunda.*

*Integra, secreta, lachrymabilis, accelerata.*

*Fortis, & accusans, & sit parere parata.*

17 Aduertendum tamen est, quod non omnes istæ conditiones sunt necessariæ, sed solummodo tres. Prima, ut confessio sit integra. Secunda, ut sit cum dolore. Tertia ut sit vera, & pura; reliquæ conditiones sunt viles, non necessariæ. *Bonac. punct. 2. num. 2.*

18 Explicamus istas conditiones, quarum prima est simplex, idest pœnitens dicere debet simplicem veritatem sine aliquo mendacio.

19 Ex hoc sequitur, pœnitentem, mentiendo in confessione circa peccata mortalia, peccare mortaliter, mentiendo circa venialia, distinguo; Aut pœnitens spontè fecit illa confessionis materiam, aut nolebat ea confiteri. Primo casu peccat mortaliter, & esset tunc sacrilegium, quando illud veniale peccatum esset tota materia confessionis. Ratio, est quia esset contra fidelitatem confessionis, & faceret sacramentum nullum. Secundo casu regulariter loquendo, esset veniale. Ratio est quia est materia

le.

leuis, cū non sit materia necessaria, & confessarius decipitur in re leui, & esse potest integra circa alia peccata, & consequenter in secundo casu poenitens non peccat mortaliter, (dixi regulariter) quia ratione scandali, vel contemptus esse potest mortale. *Syluest. verbo Confessio 1. q. 8. Nauarrus cap. 21. n. 37. & alij apud Suarium, dis. 22. sess. 10. num. 7.*

20 Humilis, id est, poenitens confiteri debet sua peccata cum humiliate, & non cum superbia.

21 Pura, id est, poenitens habere debet puram contritionem confitendi cum spe obtinendi peccatorum veniam, & non alio fine.

22 Fidelis, id est, poenitens tenetur confiteri peccata sua sine deceptione vel fallacia.

23 Frequens, hoc intelligendum est de consilio, nam tenemur confiteri semel in anno, ut supra diximus.

24 Nuda, id est, poenitens confiteri non debet sua peccata verbis obscuris, & palliatis, sed clariis, ut intelligi possint à confessario.

25 Discreta, id est, poenitens eligere debet confessarium peritum, & doctum, ut discernere sciat inter lepram, & lepram, & dare debita remedia.

26 Hinc sequitur, poenitentem, eligentem confessarium indoctum, quando dubitat de aliquo contractu usurario, quia scit eum esse insipientem, iudicando ob tuam ignorantiam non teneri ad restitutionem, non solum non esse tutum a restitutione, sed etiam est nulla, & inuvalida illa confessio, & consequenter est reiteranda, ut probatur ex *c. omni utriusque, de Panit. & remiss.* nam non videtur habuisse verum, & debitum dolorem, cum proposito firmo euitandi peccatum in futurum.

27 Liben, idest, pœnitens confiteri tenetur voluntariè sua peccata, & non coactè, timore nempe alicuius pœnæ, vel infamiæ.

28 Verecunda, idest, pœnitens confiteri debet peccata sua cum erubescencia, & verecundia, quæ ad remissionem pœnæ prodest. Ex hoc sequitur mulierem, habentem rem cum sacerdote, non debere confiteri illi sacerdoti, cum quo peccauit propter illam particulam (verecunda) tamen si confitetur, est benè absoluta, sicut si confessa fuisset alteri sacerdoti, quamuis non haberet tantam verecundiam.

29 Integra, idest, pœnitens confiteri tenetur omnia peccata mortalia singulatim, quæ nunquam fuerunt confessa, nisi adsit legitima causa.

30 Secreta, idest, pœnitens confiteri tenetur, secretè, & non publicè, vt non infamet seipsum, hoc tamen non est intelligendum de necessitate, & essentia sacramenti; nam in primitiua ecclesia aliquando confitebantur publicè, *cap. quamuis de pœnit. & remiss.*

31 Hinc sequitur, neminem teneri confiteri per interpretem. Ratio est, quia esse debet secreta confessio; fieri tamen potest, qui illam facere vult, dummodo tamen pœnitens sit. præsens sacerdoti, & per nutum, aut alia signa confirmet, quæ ab interprete dicuntur, ostendens se illa commisisse, & dolore, secus si nollit signis, aut nutu confirmare. Ratio est, quia nullus sufficiens ratio afferri potest, ad ostendendum confessionem factam per interpretem irritam esse. *Bonac. disp. 3. q. 5. sect. 2. §. 2. num. 23. Filliuc. tr. 7. cap. 1. q. 7. n. 11. & alij apud citatos Doctores.*

32 Lacrimabilis, idest pœnitens doleri tenetur de peccatis saltem internis, & non requiritur dolor exterior.

33 Accelerata, idest pœnitens confiteri tenetur

rur peccata sua quam primùm, ne maneat in statu damnationis, & vt opera sua sint meritoria .

34 Fortis, idest pœnitens confiteri debet peccata sua cum animo constanti , & non debet aliquod peccatum omittere pro pudore, vel timore .

35 Accusans, idest pœnitens accusare se debet de peccato, & non excusare. Ideò non debet, quis comittendo aliquod peccatum, se excusare, dicendo, id commississe ob necessitatem, vbi necessitas non est talis, quæ excusat .

36 Parere parata, idest pœnitens tenetur obedire confessario in his, in quibus præstare tenetur obedientiam, vt in acceptanda poenitentia, & in vitanda occasione; ideò non est absolendus, si salutarem pœnitentiam recipere recusat, quia non videtur habere veram contritionem; *Dian. de Pœnitentia, in suo compendio, in principio, & multi alij* . Aliqui verò tenent contrarium, idest etiam si pœnitens nolit acceptare pœnitentiam Confessarius tenetur eum absolvere, quia satis est, quod habeat animum Deo satisfaciendi in hoc mundo, vel in Purgatorio .

### De Circumstantiis Peccatorum .

37 **S**eptem sunt circumstantiæ peccatorum . Quis Quid, Vbi, Per quos, Cur, Quomodo, Quando, & quoties .

38 Explicamus istarum circumstantiarum species, quarum prima est . Quis? idest, si duæ personæ habuerunt rem cum fæmina soluta; alter eorum est laicus, alter verò religiosus, in hoc casu mutatur species peccati, quia in laico est simplex fornicatio, in religioso est sacrilegium .

39 Secunda circumstantia est, Quid, idest, si



vnus commisit furtum alicuius rei sacræ, & alter rei profanæ . Primus , est sacrilegium . Secundus est furtum .

40 Tertia est , Vbi , idest, si alter commiserit furtum in Ecclesia , alter verò in via . Primus est sacrilegium . Secundus est furtum .

41 Quarta est per quos , idest , si quis induxit aliquem ad peccandum , aut committendum peccatum fornicationis , peccare eadem specie peccati .

42 Quinta est , Cur , idest, si quis furatur enssem ad hominem occidendum, aut pecuniam ad adulterandum, iste duo peccata committit , quia finis habet diuersam speciei malitiam .

43 Sexta est, quomodo, idest, si quis commiserit furtum per vim, & alter secretè . Primus dicitur rapina, secundus furtum .

44 Septima circumstantia est, Quando, idest , quis commisit peccatum fornicationis in die festo , iste non contrahit nouam malitiam , quia non est specialiter prohibitum peccatum in die festo , & consequenter penitens non tenetur explicare hanc circumstantiam .

45 Quoties, non dicitur circumstantiam , sed ipsamet substantia peccati, &c.

46 Circumstantiæ mutantes speciem necessariò sunt explicandæ , vt expressè determinatur in *Trid. sess. 14. c. 3.* & aggrauantes peccatum in infinitum, vt dicitur communiter Doctores .

47 Duo sunt genera circumstantiarum ; scilicet circumstantiæ mutantes speciem , & aggrauantes peccatum ; At aggrauare dupliciter considerari potest, vel simpliciter , vel in infinitum ; Aggrauare in infinitum est , quando circumstantia ex se facit peccatum mortale ; licet enim peccatum veniale effici non possit mortale ; ratione tamen circumstantiæ aggrauantis in infinitum  
fit



fit mortale, v.g. quando quis profert verbum iocolum, est ex se veniale, fit tamen mortale ratione nempe finis, quia scilicet allicere volebat animum alicuius.

48 Hinc nascitur difficultas an sit explicanda quantitas furti, licet aliqui dicant non esse exprimendum, modo confessorius cognoscat, an pœnitens peccauerit mortaliter, vel venialiter; Ego tamen dico exprimendam esse. Ratio est, quia hæc non videtur circumstantia, sed potius aliquid ita coniunctum cum actu peccati, ut actus non videatur explicari posse sine tali circumstantia; & si pœnitens non teneretur quantitatem explicare, Confessorius admonere non potest pœnitentem de ordine, & obligatione, quo facere tenetur restitutionem, & ita in praxi observatur. *Bon. dist. 1. qu. 3. sect. 2. nu. 17. Valentia, q. 17 punct. 1. col. 9. Sayrus de pœnit. c. 8. n. 8.* & alij apud citatos Doctores; Contraria tamen sententia est etiam probabilis.

49 Qui missam prætermisit in die Dominico, in quo etiam venerit festum alicuius sancti, satisfacit, dicendo, omisisse semel missam in die festo. Ratio est, quia non adest mutatio speciei nam diuersitas præceptorum non sumitur ex diuersitate præceptorum, & obligationum eiusdem speciei. *Sanchez lib. 9. de matrim. disp. 15. Bon. disp. 5. q. 5. dist. 3. n. 24. Vasquez. q. 98. a. 8. n. 50.* Qui verò prætermisit ieiunium aliquo die, in quo non solum tenetur ieiunare ex præcepto ecclesiæ, sed etiam ex voto, non satisfacit dicendo fregisse semel præceptum ieiunij, nam committit duo peccata, vnum contra temperantiam, & alterum contra religionem; Peccata contra temperantiam, & religionem sunt speciei diuersa, ideo explicanda sunt in confessione *Bon. loc. cit. Nau. c. 11. nu. 4.* & communiter Doctores.

51 Qui sacramentum Pœnitentiæ petijt, si postquam venerit confessorius non potest amplius loqui, aut exprimere non potest aliquod peccatum mortale in particulari ob infirmitatem, sed solum exprimit aliquod peccatum in genere, aut solum ostendit aliquod Pœnitentiæ signum, absolui potest. Ratio est, quia non solum in sacramento confessionis exprimenda sunt peccata, quantum fieri potest, sed etiam, quia adest materia cum debita forma, & intentione ministri, dummodo tamen haberi non possit alia materia. *Syluester, verbo confessio 3. qu. 3. Nau. c. 26. n. 27. Toletus l. 3. c. 8. Bon. l. c. q. 4 p. 7.*

52 Hinc sequitur in articulo mortis posse confessorium sacramentalem impendere absolutionem morienti, quem nouit absolutionem in absentia petijisse, vel dedisse signa contritionis in ordinem ad salutem; Hæc opinio est probabilis, non solum propter Doctores huic adhærentes, sed etiam quia ita censuit Sacra Congregatio Cardinalium, ita etiam Clemens VIII. respondit viuæ votis oraculo, prout refert *Bellarmin. & alij apud Coninch. nu. 108. Bonac. loc. cit. num. 10.*

*In quibus Casibus ist iteranda Confessio.*

53 **O**bligatio iterandi confessionem nascitur ex duplici capite. Primò ex defectu pœnitentis. Secundò ex defectu confessorij.

64 Ex defectu pœnitentis est iteranda confessio, quoties pœnitens integrè formaliter non confiterur omnia peccata sua mortalia, aut quoties confiterur sine dolore requisito ad substantiam confessionis. Ratio est, quia Christus præcepit fieri confessionem integrè, saltem formaliter.

55 Ex defectu Confessarij est iteranda, quoties Confessarius in essentialibus deficit, sacramentum enim non subsistit sine sua essentia. Secundò, quando non vititur debita forma. Tertiò, quando non habet debitam intentionem.

56 Hinc sequitur eum, qui non habet iurisdictionem ordinariam, vel delegatam absoluedi, non validè absolvere. Ratio est, quia pronunciari non potest sententia valè sine iurisdictione, nisi credatur habere iurisdictionem, & potestatem cum errore communi, & titulo colorato: tunc enim Ecclesia supplet iurisdictionem, ut communiter ex lege *Barbarius*, ff. de officio *Pratoris*.

57 Confessio facta excommunicato vitando, est nulla. Ratio est, quia excommunicatus vitandus amittit iurisdictionem, tamen si facta fuit in eo loco, in quo habetur pro legitimo confessario cum errore communi, & titulo colorato, tunc ut modò diximus, Ecclesia supplet iurisdictionem; aut facta in articulo mortis, nam sacramentum poenitentiae, administratum in articulo mortis, est validum, etiam si fuisset administratum ab excommunicato propter hæresim, in articulo enim mortis nulla est reservatio. *Suarez disp. 21 sect. 1. num. 14. Caietanus verbo Absolutio*, & communiter: Confessio verò facta excommunicato non vitando, idest illi, qui non est publicè declaratus, est valida; ita fuit declaratum in Concilio Constantiensi sub Martino V. ubi habetur, quòd non est reiteranda confessio facta, excommunicato suspensò, aut interdictò, nisi fuisset declaratus excommunicatus, aut percussor publicus Clericorum, vel degradatus.

58 Aduertendum tamen est, quòd quando excommunicatus vitandus communiter igno-

ratur, confitens verò sciat, confessio ipsa erit inualida, non quidem ob defectum iurisdictionis, sed propter obicem, quem ponit, peccans mortaliter, communicando in Diuinis cum tali excommunicato, quem secretum tenetur secretè vitare, *vt in capit. cum non ab homine, de sentent. excommun.* Excusari tamen potest propter ignorantiam inuincibilem, aut legitimam causam; quando v. grat. est coactus tempore Paschatis confiteri sua peccata, & non reperitur alius confessarius, qui sibi subueniat, nisi proprius Pastor. *Reginald. de potestate exequendi iurisdictionem, c. 10. nu. 118, lib. 1. Sanchez, & alij.*

59 Hic nascitur difficultas, An sit valida absolutio sacramentalis collata à Confessario nominatim denunciatio irregulari, quem poenitens ignorabat esse irregularem denunciatum, sicut est inualida absolutio collata ab excommunicato vitando, quem poenitens ignorabat esse excommunicatum.

Respondeo, validam esse. Ratio est, quia non solum nihil deficit ex parte poenitentis, sed etiam nihil deficit ex parte sacerdotis, nam sacerdos non solum habet potestatem ordinis, sed etiam iurisdictionis; irregularitas enim non tollit iurisdictionem, vt clarè patet ex definitione irregularitatis. *Bona. de irregularit. disp. 7. quest. 1. punct. 4. nu. 20. Filliuc. nu. 80. Suar. disp. 4. sect. 2. nu. 45. & alij communiter.*

60 Aduertendum tamen est, quòd confessio est nulla facta sacerdoti, cum sit denunciatus nominatim irregularis, quando poenitens hoc sciebat. Ratio est, quia (vt diximus paulò antè) poenitens ponit obicem ad gratiam cooperando peccato sacerdotis, qui exercet functionem Ordinis, contra pœnam irregularitatis;

ritatis ; sed si sacerdos non est nominatim denunciatus , confessio est valida , poenitens enim non peccat communicando cum irregulari, qui non est nominatim denunciatus irregularis *Bonac. loc. cit. nu. 19. Suarez disp. 40. sect. 2. num. 12.*

61 Omnes Christi fideles utriusque sexus, postquam peruenerint ad annum discretionis , confiteri tenentur semel in anno , ut diximus : & habetur in *cap. omnis utriusque sexus , de penit. & remissionibus* , nisi in periculo mortis existant, tunc enim confiteri tenentur sub pœna peccati mortalis. *Filliucciustr. 7. c. 2. q. 4. Regin. lib. 3. nu. 22. Bon. disp. 5. q. 2. sect. 3. punct. 4. n. 12.*

## De Satisfactione.

62 **S**atisfactio est quædam compensatio pœnæ temporalis debitæ ob iniuriam , & offensam Deo factam , quæ consistit in operibus pœnalibus à Confessario taxatis .

63 Confessarius imponere tenetur pœnitentiam pœnitenti secundum qualitatem peccatorum , ut probatur ex *Concilio Tridentino sess. 14. cap. 3. & 8. de sacramento penit.*

64 Opera pœnalia , quæ adiungi possunt à Confessario , ut pœnitens Deo satisfaciatur ob pœnam peccatorum , reduci possunt ad tria capita . Primum est oratio . Secundum est ieiunium . Tertium est eleemolyna . Ratio est , quia sicut pœna correspondere debet delicto , ita etiam pœnitentia correspondere debet peccatis ; Quodlibet peccatum aut committitur contra Deum , & contra hoc imponitur oratio : aut contra proximum , & contra hoc imponitur eleemolyna ; aut contra seipsum , & contra hoc imponitur ieiunium , *Bellar. de penit. l. 4. c. 6. versiculo. Quod dicitur. Bon. l. c. sect. 3. puncto 2. num. 8.*

65 Confessarius, cum sit iusta, & rationabilis causa, minuere potest, aut commutare pœnitentiam, ab ipso impositam, aut ab alio confessario. Ratio est, quia confessarius exercere potest iudicium circa peccata, iam confessa, cum eadem peccata subiici possint clauibus, & esse possint iterum materia nouæ confessionis, *Regin. l. 7. nu. 88. Naua. c. 26. n. 22. Bonac. punct. 3. num. 1. Filliuccius, & alij.*

66 Pœnitens acceptare tenetur pœnitentiam, Hæc propositio est clara, & certa, vt non possit hodie sine temeritate non acceptari, vt probatur ex *Trident. sess. 14. cap. 9.* vbi habetur, quod pœnitens obedire debet confessario recte iudicanti *Filliuccius tract. 8. cap. 1. quest. 10. nu. 53. Bonac. pun. 4. n. 1. Suarez disp. 38. sec. 2. nu. 2.* Aliqui verò dicunt, pœnitentem non debere acceptare pœnitentiam, quia est in arbitrio pœnitentis facere pœnitentiam in hoc mundo, vel in purgatorio, vt supra diximus de conditionibus confessionis; Attamen nostra opinio est verior, & probabilior. Ratio est, quia si pœnitens nollit acceptare pœnitentiam, non videtur habere veram contritionem, necessario requisitam ad sacramentum absolutionis.

67 Pœnitens satisfacere debet pœnitentiam in statu gratiæ, & non in statu peccati mortalis, licet satisfaciat obligationi pœnitentiæ, adimplendo illam in peccato mortali. Ratio est, quia fecit, id, quod ei præceptum est à Confessario; non obligauit enim illud facere pœnitentiam in statu gratiæ. *Syluester, verbo satisfactio, nu. 7. Reg. l. 7. n. 9. Filliuc. tract. 8. cap. 2. quest. 9. nu. 57. Bon. loc. cit. nu. 15.*

68 Pœnitentia adimpleta in statu peccati mortalis suum sortitur effectum, & prodest ad pœnæ remissionem, sublato obice peccati mortalis.

ralis. Ratio est, quia sacramenta, recedente fictione, sortiuntur suum effectum, ergo etiam satisfactio facta in peccato mortali sortitur suum effectum, accedente fictione peccati mortalis cum sit pars sacramenti, *Reginal. lib. 7. num. 9. & 10. Bona. sect. 3. punct. 4. nu. 17. Suarez disp. 38. sect. 8. nu. 5. Filliucius, & alij.*

69 Ex hoc clarè patet differentia inter pœnitentiam sacramentalem, & reliqua opera bona, facta in peccato mortali; Reliqua enim opera facta in peccato mortali sunt mortua, & non reuiuiscunt, sed pœnitentia, cum sit sacramentum, & ex se operetur, est opus viuum, licet aliquo modo sit mortificatum ob statum peccatoris, nam sicut reuiuiscunt opera mortificata, adueniente gratia, ita satisfactio reuiuiscit, sublato impedimento, & sortitur suum effectum. *Bon. loc. cit. num. 18. Vasquez qu. 94. art. 1. dub. 10. n. 10. Reginald. & alij Doctores citati.*

70 Dari potest sacramentum pœnitentię validum, & informe, idest validum, sed sine gratia. Ratio est, quia peccata semel confessæ non est necesse, vt iterum confiteantur; nam ad omnem formam sufficienter disponentem ad aliquem effectum; sequitur talis effectus; sublato illo impedimento; Exemplum est in naturalibus, quia sublata columna sustentante lapidem, sequitur motus deorsum à gravitate. Exemplum est etiam in supernaturalibus, remota fictione in baptismo, sequitur gratia à charactere; ergo sublato impedimento Sacramenti præteriti sequitur gratia, & confessio valet, & pœnitentia causat ornatum, & ornatu sufficienter disponit ad gratiam, *Syluester, verbo, confessio 1. n. 26. Fil. 1. 7. cap. 7. qu. 11. S. Tho. in quarto dist. 17. art. 4. Rona. q. 6. punct. 5. n. 3. Suar. disp. 20. sect. 2. Gratianus, Navarrus, & alij.*



71 Opera facta in peccato mortali, non reuiuiscunt, neque meritoria fiunt vitæ æternæ ob subsequentem pænitentiam. Ratio est, quia vt opera sint meritoria vitæ æternæ, necesse est, vt fiant ab existentibus in gratia, sed opera, quæ fiunt in peccato mortali, sunt mortua, & non sunt facta in gratia; ergo non sunt meritoria, neque reuiuiscunt per subsequentem pænitentiam, communiter Doctores, & præsertim *S. Th. 3 p. q. 89 art. 6. Bon. sect. 4. pun. 1. n. 2.*

72 Opera verò mortificata per peccatum mortale reuiuiscunt per subsequentem pænitentiam, ad consequendam vitam æternam. *S. Thom. loc. cit. art. 5.* Hæc veritas, & propositio colligi potest ex his duobus versibus secundum Rainaldum.

*Illæ reuiuiscunt, quæ mortificata fuerunt.*

*Vivere non possunt, quæ mortua nata fuerunt.*

73 Aduertendum tamen est, quòd opera facta in peccato, licet non sint meritoria vitæ æternæ, multum prosunt ad alios fines; Primò ad obtinenda bona temporalia. Secundò ad humiliationem. Tertiò ad vitanda maiora tormenta in inferno, quæ omnia comprehendit his duobus versibus glossa in cap. quod quidam, de panis. & remiss.

*Quæ cum mortali bona fiunt, dant bona terra.*

*Cor faciunt humile, minuunt tormenta gehenna.*

### De Sigillo.

74 **S**igillum est obligatio confessionis, quæ tenetur confessarius occultare quidquid sibi per confessionem manifestatum fuerit.

75 Non solùm confessarius tenetur lege naturali, & diuina, sed etiam ecclesiastica seruare sigillum, vt probatur ex cap. omnis virius.



que *sexus de poenit. & remiss.* vbi hoc strictè præcipitur confessario sub poena depositionis, & faciendi perpetuam poenitentiam in arctum monasterium, vbi vt infamis continuè maneat, vsque ad mortem, ieiunando; & alijs poenis punitur.

76 Omnia illa peccata sub sigillo confessionis cadunt, quæ sunt manifestata sacerdoti per ordinem ad sacramentalem confessionem, animo se accusandi factam, ita tenent communiter Doctores, & præcipuè. *Filliuc. tr. 7. c. 11. q. 2. n. 319. Bon. sect. 5. pun. 2. n. 1.*

77 Hinc sequitur, confessarium non teneri ad sigillum confessionis, quando quis aperit confessario aliquid, non animo accusandi, sed trahendi illum ad peccatum. Ratio est, quia illa peccata cadunt sub sigillo, quæ ordinata sunt ad confessionem, sed in casu nostro peccata non sunt ordinata ad confessionem; ergo non cadunt sub sigillo. Quamobrem quidam mulctatus est, quia non manifestauit conspirationem factam, quem alter in confessione ipsi aperuerat, non animo se accusandi, sed animo illum trahendi ad eandem conspirationem. *Bon. disp. 5. q. 6. punct. 2. n. 7. Sotus in 4. dist. 18. q. 4. art. 5. Reg. n. 66.*

78 Seruare etiam tenetur sigillum ille, qui finxit se esse sacerdotem, & ob talem fictionem fuit causa, vt poenitens manifestauerit sua peccata. Ratio est, quia poenitens peccata sua manifestauit animo se accusandi, & in ordine ad confessionem sacramentalem, alias redderetur odiosa confessio. *Reginal. lib. 3. nu. 7. Filliuc. loc. cit. Bonac. loc. cit. n. 2.*

79 Cadunt sub sigillo non solum peccata mortalia, & venialia, sed etiam publica, & occulta consequenter confessarius loqui non potest de re publica, audita in confessione, cuius aliunde cognitionem non habebat; sed si aliud,

de habebat notitiam, loqui potest extra confessionem eo modo, quo prius nouerat, dummodò tamen nihil addat propter cognitionem habitam in confessione, *Filliuc. tr. 7. c. 11. qu. 3. num. 311. Nauarrus, c. 8. n. 11. Bon. l. c. num 9.*

80 Ex hoc sequitur, si aliquis surripuisset rem meam, & ego extra confessionem nouerim illum mihi surripuisse, possum ipsum denunciare postquam mihi confessus fuit hoc furtum. Ratio est, quia tunc scio ut homo, & non ut Deus, & celare teneor, quod scio ut Deus, & non teneor celare, quod scio ut homo, ut benè ait *S. Th. in addit. ad tertiam partem q. 11. art. 5. in corpore.*

81 Sacerdos solus tenetur, seruare sigillum confessionis. Ratio est, quia sacerdos est minister huius sacramenti, & sigillum confessionis est annexum huic sacramento; ergo solus sacerdos tenetur seruare sigillum confessionis. *S. Tho. loc. cit. art. 3.*

82 In hoc casu potest quis ita arguere. In casu necessitatis fieri potest confessio laico, & laicus tenetur etiam seruare sub sigillo peccata, & etiam qui finxit se esse sacerdotem, ut paulò antè diximus; ergo non solus sacerdos seruare tenetur sigillum.

83 Respondeo, quòd sigillum confessionis sacerdoti competit in quantum est minister huius sacramenti, quod nihil aliud est, quàm debitum occultandi confessionem, sicut clauis est potestas absoluendi; tamen quia aliquis, qui non est sacerdos, participat aliquando aliquid de actu clauis, dum audiat confessionem ob necessitatem, ita etiam aliquid participat de actu sigilli confessionis, & tenetur occultare, licet propriè loquendo non habeat confessionis sigillum. *S. Thom. dicto art.*

84 Sacerdos cum licentia poenitentis reuela-

re potest confessionem. Ratio est, quia qui facere potest per se, per alium facere potest; poenitens reuelare potest suum peccatum, quod fecit; ergo facere potest per sacerdotem *S. Thom. in addit. ad tertiam partem q. 11. art. 5.*

85 In quolibet casu sacerdos cœlare tenetur peccata; quæ sub sigillo confessionis nouit, vt probatur ex *cap. omnis utriusque sexus, de penit. & remiss.* vbi habentur hæc formalia verba; Caueat omninò ne verbo, aut signo, aut aliquo quouis modo aliquatenus prodatur peccatorem, & hoc secretum reuelari nunquam debet, etiam si Pontifex hoc præciperet sub pœna excommunicationis, & nullam incurrit excommunicationem, & iurare potest hoc se nescire, quia realiter nescit vt homo, sed vt Deus scit, Ratio est, quia præceptum sigilli strictius obligat aliquo, uis præcepto, *Suarez dis. 33. sect. 1. nu. 11. Regin. lib. 3. n. 11. Bonæ punct. 4 n. 20.*

86 Ex hoc sequitur, non esse reuelandam confessionem, si ex reuelatione vnius peccati penderet salus totius mundi, etiam si totus mundus esset perdendus. Ratio est, quia propter totius mundi salutem non est perpetrandum vnum peccatum, ita communiter Doctores.

### De Ministro Sacramenti Poenitentia.

87 **S**olus Sacerdos est minister huius Sacramenti Poenitentia, vt constat ex Trid.

88 Hinc sequitur, eum, qui non est sacerdos, licet sit diaconus, aut subdiaconus, & administraret in articulo mortis, non validè administrare Sacramentum poenitentia. Ratio est, quia solus sacerdos est minister, & licet aliquandò confiteatur in calu necessitatis laico, aut cuilibet personæ, quæ non est sacerdos, illa confessio non

non dicitur sacramentalis, quia non habet iurisdictionem, & in casu necessitatis fit hæc confessio laico humiliationis causa, *Fill. tr. 7. pun. 7. q. 4. & 50. n. 182. Reg. l. 1. n. 6. Bonac. q. 7. punct. 1. n. 2. & alij apud Vasquez q. 93. ar. 1. dub. 1.*

89 Parochus, siue proprius sacerdos, audire potest confessionem sui subditi ubique, siue intra territorium suæ parochiæ, siue extra. Ratio est, quia illi actus, qui sunt voluntariæ iurisdictionis exerceri possunt ubique, sed poenitentia est actus voluntariæ iurisdictionis; ergo parochus, siue proprius sacerdos, audire potest confessionem sui subditi extra territorium propriæ parochiæ. Hæc propositio habet locum non solum in parocho perpetuo, sed in temporali, quia in his, quæ sine strepitu fiunt, nullius territorium læditur, & textus in *c. omnis utriusque sexus, de penit. & remiss.* mentionem facit de proprio sacerdote, & non de loco, ergo proprius sacerdos ubique audire potest confessionem sui subditi, & quod non reperitur prohibitum à lege, concessum esse intelligitur, ut infra dicemus de legibus. Istæ rationes non solum militent in personis habentibus iurisdictionem ordinariam, sed etiam delegatam; Quamobrem sacerdos, qui hic Romæ habet facultatem generalem absolventi, absolvere potest quemlibet istius Civitatis in aliena dioecesi, modo facultas absolventi non sit limitata pro hac dioecesi *Bon. disp. 5. q. 7. pun. 2. n. 10. Filliuc. tra. 7. c. 7. q. 7. n. 189. Reginal. lib. 1. nu. 93. Sanchez, & multi alij apud citatos Doctores.*

90 Quinque conditiones requiruntur in confessario, Potestas ordinis, & iurisdictionis, Bonitas, Scientia, Prudentia, & Sigillum.

91 In ministro requiritur duplex potestas ordinis, scilicet, quod sit sacerdos, & iurisdictionis

nis, & hæc duplex est ordinaria vt in Pontifice, Prælatiſ, & Parochiſ, & delegata, vt in ſubdiſiſ.

92 Bonitas requiritur in confeſſario, ſcilicet, quòd ſit ſine peccato mortali, ad adminiſtrandum poenitentiaſ ſacramentum.

93 Hinc ſequitur ſacerdotem, adminiſtrantem hoc ſacramentum in ſtatu peccati mortaliſ, mortaliter peccare, niſi ad gratiam ſe diſponat per confeſſionem, aut per contritionem, ante, quam ſe ingerat adminiſtrationi huiuſ ſacramenti. *Regin. lib. 1. v. 161. Filliucc. tr. 7. cap. 9. qu. 8. Bon. q. 7. p. 4. §. 2. n. 3.*

94 In confeſſario requiritur ſcientia, vt ſciat docere imperitum poenitentem, & diſcernere ſufficienter peccata. Ratio eſt, quia vnusquique ſcire tenetur neceſſaria, quæ ad proprium officium ſpectant.

95 Requiritur etiam in confeſſario prudentia, & diligentia in præbendo debita remedia, & opportuna pœnitenſi, & præcipuè in interrogando in rebus venereis.

96 Confeſſarius, qui malè abſoluit pœnitentem excommunicatum, cùm non habeat iuriſdictionem, debet ipſum pœnitentem abſentem abſoluere, obſtenta facultate abſoluendi. Ratio eſt, quia abſolutio cenſurarum dari poteſt in abſentem, ignorantem, & exiſtentem in peccato mortali, *Bon. diſp. 5. q. 7. p. 6 §. 5. n. 1. Fill. tr. 7. c. 12. q. 6. n. 350. Nauarr. c. 26. n. 14.*

97 Poteſt confeſſarius, qui dubitat abſoluiſſe pœnitentem, ſi habeat facultatem, abſoluere pœnitentem, qui nondum reſceſſit a conſpectu confeſſarij, ſeu quando confeſſarius non dubitat de ipſiuſ præſentia; licet fuerit iam diſceſſuſ à confeſſionario. Ratio eſt, quia ſunt debita requiſita ex parte pœnitenſiſ, & ex parte confeſſarij; nam adeſt materia, & intentio pœnitenſiſ,

ris, cùm pœnitens videatur adhuc retinere voluntatem recipiendi sacramentalem absolutionem donec absoluator, adest etiam debita forma, intentio, & iurisdicctio ex parte confessarij; ergo in hoc casu confessarius impendere potest beneficium absolutionis, *Bon. l. c. n. 2. Reg. l. 8. n. 30. Syluester*, & alij apud citatos Doctores.

98 Pœnitens, qui absolutus fuit à confessario approbato tempore iubilæi, aut ab alio extra iubilæum, habente facultatem circa casus reſeruatos, remanet absolutus à peccatis reſeruatis, quæ omisit ob obliuionem in confessione, modò confessarius habeat animum, & intentionem absoluendi ab omnibus etiam reſeruatis, & si postea in memoriam recurrant, ea sunt debito tempore confitenda, siue eidem, siue diuerso sacerdoti, etiam non habenti potestatem absoluendi à reſeruatis. Ratio est, quia virtute talis absolutionis tollitur reſervatio, & peccatum remanet simplex, *Reg. l. 6. n. 152 & l. 9. nu. 6. Syluester, verbo, confessio, quesito 4. Fill. tract. 7. c. 10. qu. 12. num. 313 Bonac. qu. 7. punct. 6. §. 5. nu. 2.*

99 Hinc sequitur, pœnitentem non remanere absolutum, si confessarius non habuit intentionem absoluendi à peccatis reſeruatis. Ratio est, quia actus agentis secundùm iuristas, & canonistas, non operatur ultra suam intentionem, vt probatur ex *cap. fin. de prabendis, & ex l. non omnis ff. de rebus creditis.*

100 Confessarius Romanus, qui facultatem non habet hic absoluendi à reſeruatis, impendere potest beneficium absolutionis iter agentibus aut peregrinis, habentibus casus reſeruatos proprio Episcopo ipsorum peregrinorum: dummodo tamen hic Romæ non sint reſeruati. Ratio est, quia non solùm confessarius (circa non tenetur casus reſeruatos alij Episcopis, sed etiam,  
quia

quia reus iudicari debet secundum leges loci, in quo reperitur, alioquin multis scrupulis est suppositus confessorius, debitans fere semper esse casum reservatum alijs Episcopis. *Bon. disp. 5. qu. 7. pun. 5. §. 2. n. 9. Filliuc. tract. 7. c. 10. num. 283. Reginald. lib. 8. n. 68. Nauarr. c. 27 n. 275. Caietanus, & multi alij recentiores.* Omnis sacerdos pro venialibus est confessorius.

*De effectu Sacramenti Pœnitentiæ.*

**D**iuersos effectus producit sacramentum Pœnitentiæ. Primus est remissio omnium peccatorum, tam venialium, quam mortalium. Secundus recuperatio meritorum, & gratiæ. Tertius est obligatio sigilli.

101 Remissio peccato quoad culpam, non remittitur semper tota poena temporalis; Hæc propositio clarè patet ex *Trid. sess. 6. c. 14* ubi habetur: In sacramento pœnitentiæ debere adiungis satisfactionem, non ob pœnam æternam, quæ simul cum culpa remittitur per sacramentum, seu per votum sacramenti, sed ob pœnam temporalem; ergo poena temporalis non semper remittitur, remissio peccato quoad culpam. *S. Thom. 3. p. 2. q. 89. art. 4. Filliuc. tr. 6. c. 4 q. 7. nu. 47.* & alij communiter.

*De Sollicitatione.*

**S**ollicitatio, de qua hic loquimur nihil aliud est, quàm prouocatio, seu inuitatio ad turpia, & inhonesta, idest ad res carnales, & venereas.

2 Ex quo sequitur, confessorium, qui pœnitentem in confessorio osculatur, aut manum, vel aliam partem pœnitentis cum delectatione vene-



venerea attrahat; aut ictu oculi, aut alio signo prouocat ad libidinem, subijci pænis constitutionum Apostolicarum, quia sollicitare dicitur.

3 Hæc propositio ampliatur non solum si confessorius in actu confessionis sacramentalis prouocet, alliciat, & excitet pœnitentem ad turpia, sed etiam si confessorius ante, vel post confessionem immediatè, seu occasione, vel prætextu confessionis, etiam ipsa confessione non sequuta, siue extra confessionem in confessorio, aut in loco quocumque ubi audiuntur confessiones sacramentales, seu electo ad confessionem audiendam, simulans ibidem confessionem audire, prouocare tentauerit pœnitentem, & sermones inhonestos habuerit, in omnibus casibus reuelari debent confessorij, nec paruitas materiæ excusat, vt habetur in Bulla Gregorij XV. quæ personas.

4 Omnes tam masculi, quàm foeminæ denunciare tenentur confessorium, qui sollicitare, seu prouocare tentauerit ad res venereas, & inhonestas, vt in Dicta Bulla.

5 Ampliatur hæc propositio, vt pœnitens reuelare teneatur confessorium, qui in confessione, vel antè, aut post immediatè præbet scriptum pœnitenti, in quo continetur prouocatio, etiam si non legatur scriptum à pœnitente tunc, sed postea alibi.

6 Reuelandi sunt etiam sacerdotes qui licet non sint confessorij finxerunt tamen se esse confessarios, & sollicitant modo, de quo diximus.

7 Non intelligitur prouocatio, quando pœnitens sollicitauit confessorium, eiusque prouocationi non præstitit consensum, & consequenter pœnitens denunciare non tenetur confessorium. Ratio est, quia in Bulla fit mentio de confessorijs sollicitantibus; hæc autem non sollicitauit pœni-



pœnitentem , sed pœnitens sollicitauit confessarium, *Bon. de onere, & obligat. denunc. disp. 9. pu. 3. nu. 17. Sanctarellus c. 46. n. 2. Rodericus à Cuna, 9. 11. n. 4. & alij apud citatos Doctores.*

8 Hoc præceptum denunciandi confessarium sollicitantem obligat pœnitentes sub pœna peccati mortalis, nam præceptum in materia graui obligat sub pœna peccati mortalis, & confessarij tenentur sub pœna peccati mortali admonere pœnitentes de hac obligatione, vt clare constat ex verbis Bullæ dicti Gregor. XV. quæ incipit, Mandantes omnibus confessarijs *Bon. lo. c. nu. 10.*

9 Absolui possunt confessarij sollicitantes per sacramentum pœnitentiæ ab hoc graui delicto à quolibet confessario ordinario. Ratio est, quia in iure non est casus reseruatus.

### De Indulgentijs, & Suffragijs.

1 **I**ndulgentia est relaxatio, aut remissio pœnæ temporalis debitæ pro peccatis actiualibus, non remissæ in absolutione sacramentali.

2 Duplex est indulgentia; plenaria, & temporalia. Plenaria est illa, qua remittitur tota pœna. Temporalis est illa, qua non remittitur tota pœna, sed tanta quanta in Bullis exprimitur.

3 Non differt Iubilæum ab Indulgentia plenaria, & plenissima; nam indulgentia plenaria idem est, quod plenissima, & dicitur plenissima solum amplificationis causa, sed differt solummodo ab Indulgentia plenaria, & plenissima, quia in Iubilæo conceditur facultas commutandi vota, & absoluendi à casibus reseruatis. *Reg. l. 7. c. 13. Bon. de Indulg. bun. 2. n. 5.*

4 Summus Pontifex primariò concedere potest indulgentias plenaria in toto Orbe. Secundò legati Papæ concedere possunt indulgentias

tias perpetuas in terminis eorum legationis .  
Tertiò Archiepi copi in eorum Prouincijs , &  
Episcopi in eorum Diœcesibus , dummodò ta-  
men non excedat quadraginta dies , aut annum  
in dedicationem Ecclesiæ , & non plus , *ca. cum  
ex eo de pan. & remiss Bon. pun. 3. n. 2.*

5 Aduertendum tamen est , quòd quando  
Episcopus est excommunicatus vitandus , con-  
cedere non potest indulgentias . Ratio est , quia  
vt supra diximus de Sacramento pœnitentiæ ,  
caret iurisdictione. *Bon. pun. 3. nu. 8.*

6 Consequatur indulgentiam debet esse  
in gratia , sed non debet esse in gratia toto tem-  
pore , in quo præstat opera præscripta , sed de-  
bet esse in gratia , dum vltimum opus facit .  
Quamobrem qui tempore Iubilæi , in quo præ-  
scribitur ieiunium , & confessio , ieiunat , dum  
in peccato mortali existat , consequitur Iubi-  
læum , si deinde confiteatur peccata sua , & reci-  
piat gratiam sacramenti, *Bon. p. 5. n. 20. Fill. tr. 8. c.  
6. qu. 6. n. 139. Regim. loc. cit. n. 123. in fine .*

7 Indulgentiæ possunt defunctus per modum  
suffragij , & non per modum iudicij ; Hæc pro-  
positio clarè patet ex communi vsu Ecclesiæ ,  
profunt etiam defunctis , etiam si ille , qui ope-  
ra præstat , non sit in gratia . Ratio est , quia  
indulgentiæ habent effectum , & suum valorem  
ex opere operato , & non dependent à gratia  
illius , qui pro defunctis indulgentiam lucratur ,  
& licet non requiratur , vt sit in gratia , qui lu-  
cratur indulgentias pro defunctis , tamen vt  
opus satisfactorium ex opere operantis , factum  
ab aliquo in propria persona , alteri profit ad sa-  
tisfactionem , requiritur , vt operans sit in gra-  
tia . Ratio est , quia non solùm Deus peccatores  
non exaudit , sed etiam quia , qui in mortali pec-  
cato existit , est dignus remissione pœnæ , &  
cul-

culpæ, ideò est impotens ad obtinendam alteri  
pænæ remissionem, ita *S. Thom. in quarto, dist. 14.*  
*q. 5. art. 3. Bonac. disp. 6. qu. 2. pun. 2. nu. 6 Syluester,*  
*Suarez, & alij apud citatos Doctores.*

8 Hinc nascitur difficultas, an valeat opus, &  
profit, si præcipiens sit in gratia, exequens verò,  
seu adimplens opus, existat in peccato mortali.

Respondeo, distinguendum esse, aut exe-  
quens concurrit tamquam instrumentum, aut  
concurrit, tamquam causa proxima. Si primo  
modo, illud opus est validum, etiam si præci-  
piens postea incidat in peccatum, dummodo  
tamen esset in gratia, dum præcipit opus fieri,  
vt verbi gr. si dominus, qui est in gratia, præci-  
piat seruo, vel famulo fieri eleemosynam suo  
nomine, tunc enim quia seruus, vel famulus con-  
currit tamquam instrumentum; illud opus valet;  
Si secundo modo, id est, si concurrit tamquam  
causa proxima, illud opus non valet, vt v.g. si  
Prælati præcipiat suo subdito improbo ieiunare,  
vel facere aliquid aliud in aliorum satisfac-  
tionem; licet voluntas Prælati sit Deo accepta,  
illud tamen opus non est validum, neque satis-  
factorium. Ratio est, quia ieiunium est actus  
merè personalis, & persona, quæ ieiunat, existit  
in peccato mortali, & consequenter quando  
exequens concurrit tamquam causa proxima,  
illud opus ab eo factum est nullius momenti, ita  
Doctores citati, & ita testatur etiam *Sorus dist.*  
*45. qu. 2. art. 1. conclus. 6.*

9 Lucrantur indulgentias, qui illud opus præ-  
stant, cui adnexæ sunt, licet id ignorent: Ideo  
indulgentiam plenariam ab Adriano VI. conces-  
sam non solum regularibus, sed etiam omnibus  
fidelibus Christianis ad tria signa campanæ, re-  
citantibus post solis occasum, lucrantur, illi,  
qui tales indulgentias, illi operi adnexas, ne-

sciunt, *Escobar in c. 8. de indulg. Layman, & alij.*

10 Indulgentiæ plenariæ Anno Iubilæi suspenduntur, vt expressè declarauit Sixtus IV. in extrauaganti, incipiente; *Quemadmodum, de pœnit. & remiss.* Ratio est, vt fideles de tempore habeant occasionem Romam aduendi ad indulgentias consequendas.

11 Obseruandum tamen est, quòd Vrbanus VIII. viua voce declarauit, anno Iubilæi 1642. non suspendi vllas vrbes. Ratio est, quia cessat illa ratio propter quam suspenduntur indulgentiæ, vt probatur etiam ex dicta extrauaganti Sixti Quarti.

## DE SACRAMENTO Extremæ Vnctionis.

1 **S**acramentum extremæ Vnctionis est signum rei sacræ, quo sacerdos vngit aliquas partes corporis infirmi probabiliter periclitantis oleo consecrato sub certa verborum forma.

2 Extrema Vnctio non habetur expressè in Euangelio quando fuit instituta, eius tamen mentionem facit Iacobus Apostolus, vt habetur in c. 1. §. de prima de *Sacram. Vnction.* vbi sunt hæc verba: Infirmatur quis in vobis? inducat Præsbyteros Ecclesiæ, & orent super eum, vngentes cum oleo in nomine Domini, & oratio fidei saluabit infirmum; sed nobis sufficit scire fuisse institutum à Christo, vt constat ex *Trid. sess. 7. can. 1.*

3 Materia sacramenti extremæ Vnctionis, duplex est, proxima, & remota; Remota est oleum ex oliuis expressum, & necesse est, vt sit ab Episcopo benedictum, alioquin non est materia apta, Proxima est vnctio; Hæc propositio

tio clarè patet ex illis verbis Iacobi V. Vnguent-  
res oleo.

4 Forma huius sacramenti sunt hæc verba :  
*Per istam sanctam Vnctionem , & suam piissimam  
misericordiam indulgeat tibi Deus quidquid per  
visum, auditum, &c. deliquisti. Amen*, habetur in  
*Trid. sess. 14. can. 1.*

5 Solus sacerdos est minister huius sacramen-  
ti, ut clarè constat ex *Trid. sess. 14. c. 3. de extrema  
Vnctione.*

6 Hinc sequitur sacramentum extremæ vn-  
ctionis administratum à Diacono, etiam Cardi-  
nali, aut Subdiacono, inuàlidum esse, etiamsi  
administraretur de licentia Summi Pontificis .  
Ratio est, quia Christus instituit sacerdotem pro  
ministro huius sacramenti, & Summus Pontifex  
dispensare non potest in his, quæ sunt de iure  
diuino communiter, cum *S. Th. 3. p. 2. q. 3. art. 2. Bon.  
de Sacram. extrema Vnctionis dis. 7. qu. unic. pun. 4.  
num. 2.*

7 Aduertendum tamen est, quòd non quili-  
bet sacerdos administrare potest licitè hoc sa-  
cramentum, sed esse debet proprius sacerdos,  
aut parochus, & ille, qui non habet hanc facul-  
tatem à parochio grauiter peccat, administrando  
hoc sacramentum. Ratio est, quia nemo mit-  
tere debet falcem in messem alienam, *Bonac. loc.  
cit. nu. 5. Syluest. verbo Vnctio, num. 4.* Immo Reli-  
giosi, quamuis exempti, quia administrant hoc  
sacramentum sine licentia parochi, incidunt in  
excommunicationem, *Clem. 1. de privilegiis*, sed  
in hanc censuram non incidunt Religiosi, quan-  
do infirmus existit in periculo mortis, quia  
tunc præsumitur tacitus consensus Pontificis,  
vel Episcopi.

8 Hoc sacramentum conferendum est omni-  
bus fidelibus infirmis, existentibus in periculo

probabili mortis, & negandum est illis, qui nunquam habuerunt, neque habent vsum rationis, vt pueri, & perpetuò amantes, aut phrenetici, qui in phrenesim inciderunt, & habeant peccatum mortale, & non ostendebant signum contritionis. Ratio autem, quia dari non debet hoc sacramentum illis, qui nunquam habuerunt, neque habent vsum rationis, est, quia habere non possunt deuotionem erga hoc sacramentum, *Bon.loc.cit.punct. 5.n.1. & 2.Filliuc. tr.3 cap. 6 num.135.*

9 Ex hoc sequitur, conferri posse hoc sacramentum ijs, qui habuerunt intentionem illud recipiendi, saltem interpretatiuam, qualem habere dicuntur, qui Christianè vixerunt, vel qui dederunt signa contritionis, vt constat ex Rituali Romano in illa particula, Petierit, vel quasi petierit, *Bon.loc.cit.n.11.Nauar.c.22. num.13. & communiter Doctores.*

10 Hinc etiam sequitur, hoc sacramentum conferendum non esse illis, qui bellum gerunt, aut in mari existunt cum periculo mortis, neque ad mortem damnatis, neque foeminis in partu existentibus, *Bon. num.4.*

### De effectu istius Sacramenti.

11 **T**res producit effectus hoc Sacramentum. Primus abstergit reliquias peccatorum. Secundus subleuat infirmum ab ægitudine corporali, & sanitatem confert si expedierit animæ saluti. Tertius gratiam confert: non solum sanctificationem, sed etiam delet peccata venialia, & præbet auxilium contra tentationes, quæ eo tempore esse solent vehementes, *Bon.dis.8.qu.unica pun.6.nu.1.Suar.dis.41.sect.1.* Secundum verò *Nauarrum c.22.n.13.* delet tantum venialia quàm mortala. Vnde dicit, quòd fieri potest,

potest, vt aliquis moriens absque hoc sacramento damnetur, & cum hoc sacramento saluetur, quandoquidem fieri potest, vt aliquis confiteri non possint sua peccata, vel si posset non censet illud ei necessarium, quia iam confessus, sed sine contritione, vel attritione sufficienti ad remissionem, ac postea tanta ei superueniat attritio, quæ quamuis de se ad peccatorum remissionem non sufficiat, tamen adiuncto sacramenti valore sufficeret, nam per virtutem sacramenti ex attritio fit contritus, vt ait *S. Thom. 3. p. qu. 79.*

12 Sacramentum extremæ Vnctionis producere effectum in vltima Vnctione; licet aliqui contrarium teneat. Ratio nostra est, quia peccatum vnius sensus non remittitur, nisi remittantur peccata, quæ originem trahunt ab alijs sensibus; cum ergo peccata, quæ originem trahunt ab vno sensu, non remittantur, nisi remittantur omnia alia, sequitur infirmum consequi effectum in vltima vnctione, *Filliuc. tract. 3. nu. 129. Bonac. pand. 6. nu. 2. Sotus in 4. dist. 22. quest. 1. art. 1. & alij.*

## DE SACRAMENTO Ordinis.

1 **O**rdō est signaculum quoddam, per quod traditur potestas ordinato.

2 Ordines, secundum canonistas, sunt nouem: id est, Prima tonsura, Ostiariatus, Exorcistatus, Lectoratus, Acolythatus, Subdiaconatus, Diaconatus, Presbyteratus, & Episcopatus; tamen secundum commuē opinionem Theologorum, solummodo sunt septem, quia dicunt, quod prima tonsura, & Episcopatus non sunt ordines, sed officium: Hæc propositio clarè pa-

tet ex *Trid. sess. 23. c. 2. Reg. lib. 8. tr. 5. n. 5. Bon. d'of. 8. qu. unica pun. 1. n. 2.*

3 Sacramentum ordinis fuit institutum in vltima Cæna Luc. 22. *Hoc facite in meam commemorationem.*

4 Duplex est materia, proxima, & remota. Remota est illa res, quæ traditur recipienti ordinem. Proxima est illa traditio.

5 Forma sunt verba, quæ ab Episcopo proferuntur.

6 Tractus materiæ est de essentia huius sacramenti, & non dicitur ordinatus, qui non tangit realiter materiam. Ratio est, quia in quolibet sacramento materiam continente necesse est, ut sulcipiens eam tangat. *S. Tho. in addis. ad tertiam partem, q. 34. art. 5. Syluest. verbo, ordo 2. nu. 5. Fill. tr. 9. c. 2. qu. 3. n. 32.*

7 Episcopatus conferri non potest validè alicui infanti, vel non sacerdoti; Ratio est, quia Episcopatus non est ordo distinctus ab ordine sacerdotali, sed illum extendit, & supponit, *Bon. loc. c. n. 3. Syluest. verb. Ordo, n. 1. Vasqu. disput. 240. cap. 5. n. 54.*

8 Minister ordinarius huius sacramenti est proprius Episcopus, ut clarè patet ex *Trid. sess. 24. can. 4. & 7.* Abbates habentes potestatem mitræ, & baculi benedicti ab Episcopis conferre possunt primam tonsuram; & ordines minores eorum subditis regularibus. Sed alijs, sine speciali consensu Episcopi, & literis dimissorialibus conferre non possunt, ut benè ait *Quaranta, ver. Ordo, vers. Abbatibus pag. 393.* & clarè constat ex *can. quoniam, dist. 69. & ex Trident. sess. 23. c. 10.* Immò quilibet Sacerdos cum licentia Summi Pontificis conferre potest ordines minores, sed non maiores. Ratio est, quia est determinatus minister à lege diuina sacri Ordinis,



nis, vt benè docet Bellarm. de sacrament, ordinis, c. 7. in fine; Bonac. puncto 4. nu. 3. Couar. primo variarum, c. 10. n. 10.

9 Ex hoc colligi potest, quòd ille, qui non est sacerdos, neque conferre potest ordines minores ex dispensatione Summi Pontificis, licet possit sacerdos. Ratio est, quia collatio ordinum est actus ordinis; actus autem ordinis exerceri non potest ab illo, qui caret ordine, Præterea potestas conferendi ordines supponit potestatem supra Corpus Christi; sed nullus, nisi sacerdos habet potestatem supra Corpus Christi; ergo solus sacerdos conferre potest ordines, & consequenter qui non est sacerdos conferre non potest ordines. S. Tho. 3. p. qu. 38. art. 1. Syluest. verbo ordo, quasito 2. Fillius, tr. 9. c. 5. n. 95. Bonac. loc. cit. num. 4.

10 Quælibet persona, dummodo tamen sit masculus, & baptizata, est subiectum capax ordinis, quamuis sit hæreticus, vel infans carens vſurationis, aut furiosus, aut insanus ita S. Tho. 3. p. q. 30. art. 2. Bonac. puncto 5. n. 1. Ratio est, quia in cap. unico de his, qui per saltum ordinantur, habemus non esse reordinandos illos, qui receperint ordines ante vſum rationis, ergo supponimus, masculos, qui vſurationis carent, esse capaces huius sacramenti ordinis; ideò neque foemina, neque hermaphroditus, qui præualeat in sexu foemineo sunt capaces huius sacramenti. Ratio est, quia numquam legitur Christum alios ministros instituisse, quam viros, ergo soli viri sunt capaces huius sacramenti ordinis, communiter cum S. Th. q. 39. art. 2. De iure tamen ordinari non possunt infantes, furiosi, illiterati, illegitimi, bigami, serui, infames. Ratio est, quia sunt indigni, & non merentur, vt alijs præpōnantur tamen si de facto ordinantur, recipiunt

sacramētum ordinis , *ut in dicto capit. unico.*

11 Potest quis hic ita obijcere ; Qui vitam Pontificum scripserunt , affirmant Ioannem VIII. fuisse foeminam, ergo foemina potest esse capax ordinis, cū esse non possit Papa, qui ordine caret.

Respondeo hoc esse fabulosum , confictum ad hæreticis , & multis mendacijs adornatum, ut benè ostendit. *Cardinalis Bellarminus lib. 3. de Romano Pontifice . Honuphrius in annotationibus apud Platinam, Bon. tom. 3. de censuris in bulla cœna contentis disp. 1 q. 2. pun. 1. nu. 11.*

12 Multæ conditiones requiruntur ad validè recipiendum , & licitè ordines . Prima, ut suscipiens sit baptizatus : character enim ordinis necessariò præsupponit characterem baptismi . Secunda, ut sit confirmatus , sed hoc intelligitur de congruitate . Tertia , ut ille , qui sumere vult ordines , sit ordinatus prima tonsura , tamen est valida ordinatio ante primam tonsuram, quia in iure non constat , necessariò requiri primam tonsuram ad validitatem ordinis. Quarta , requiritur legitima ætas , nam ad primam tonsuram, & tres ordines minores requiritur ætas septem annorum completorum *can. singulis dist. 77.* Ad Acholytatum ætas duodecim annorum completorum ; Ad Subdiaconatum viginti duorum annorum inchoatorum ; Ad Diaconatum viginti trium inchoatorum ; Ad Presbyteratum vigintiquinque annorum inchoatorum , etiamsi per medium diem tantum inchoati sint, ut clarè patet ex Bulla Pij II. quam refert. *Quaranta verbo Ordo, in principio , & in cap. nullus de temporibus ordinandorum ;* sed ad Episcopatum requiritur ætas triginta annorum completorum, *cap. cum in cunctis, de electione.* Quinta , requiritur scientia sufficiens ad usum cuiuslibet ordinis . Sexta , morum testimonia , quæ dari solent tempore  
scrui-

scrutiniij, antequam promoueaturs quis ad ordines, vt patet ex *Trident. sess. 23. cap. 8. Septima*, vt habeat titulum, dum promouetur ad sacros ordines: immo sacros ordines recipiens sine aliquo titulo suspenditur ab executione ordinum vt probatur ex *Can. neminem dist. 7.* Immo promoti dolosè ad sacros ordines ipso facto incurrunt suspensionem ab ordine suscepto; Hæc propositio clarè patet in Bulla Summi Pontificis Urbani VIII. quæ incipit *Secretis aterna Providentia*, edita 11. Decembris 1624. vbi sunt hæc formalia verba: *Promoti verò perpetua suspensionis panam, absque spe dispensationis à Sede Apostolica obtinenda incurrant eo ipso; insuper promotos huiusmodi, ac etiam eos, qui cum falsis, vel fictis, aut fiduciarijs patrimonij titulis scienter se ad ordines huiusmodi promoueri fecerint non solum prædictis, verum etiam maioribus arbitrio nostro, & pro tempore existentis Romani Pontificis afficiendi panis, Bonac. disp. 8. qu. unica, pun. 5. nu. 21. Nauarr. conf. 14 & 46. de temporibus ordinandorum, & multi alij apud Garziam nu. 24.* Octaua, requiruntur interstitia temporum, non solum in maioribus, sed etiam in minoribus, nam recipiens ordines minores expectare debet per annum, donec promoueaturs ad sacros ordines, nisi aliter videatur Episcopo. Nona, vt suscipiens non sit irregularis. Decima, vt non sit ligatus excommunicatione, nam excommunicatio priuat susceptione sacramentorum. Undecima, intentio, quæ est necessaria in adulto. *Bonac. loc. cit. pun. 6. qu. 56. & 57.*

12. Character imprimitur in susceptione instrumenti dati ab ordinatore, ita cõmuniter Doctores.

13. Officiũ Acolythi est, præparare luminaria, & deferre uereculos cum aqua, & vino pro sacrificio.

14 Officium exorcistæ est, expellere diabolos ab Energumenis.

15 Officium lectoratus est, legere lectiones, & prophetias in Ecclesia Catholica.

16 Officium ostiariatus, est expellere infideles, Hæreticos excommunicatos, & alias personas indignas ab ecclesia.

Officium subdiaconatus est, deferre calicem cum patena ad altare Christi, & in illo præparare materiam, tradere leuitis, eisque ministrare.

18 Officium diaconi est, assistere sacerdotibus; & subministrare eis in omnibus, quæ in sacramento altaris aguntur.

19 Officium Presbyteri est dicere orationes, & conficere corpus, & sanguinem Christi in altari, & omnia alia sacramenta, præter ordinem, & confirmationem, administrare: omnia hæc colligi possunt ex *Can. Clerici dist. 21.* & ex *Can. lectis dist. 25.*

20 Prima tonsura quolibet die conferri potest. Consecratio Episcopi quolibet die dominico, sed ordines maiores conferri debent in sabbatis quatuor temporum, aut in sabbato ante Dominicam passionis, aut in sabbato sancto tempore misæ. *cap. 3. de temporibus ordinandorum.* nisi aliud per priuilegium Sedis Apostolicæ concedatur *Bon. pun. 6. num. 1. Quaranta verbo, ordo, Syluester verbo, ordo nu. 6.* Ordines minores vero diebus festis, & Dominicis modò non fiat ordinatio generalis dicto *c. 3. ubi glos.*

### *De effectu Sacramenti Ordinis.*

12 **D** Vos producit effectus hoc sacramentum Ordinis. Primus est gratia habitualis, nam ordo est sacramentum, effectus sacramenti est gratia habitualis, & non solum ordi-

ordine s maiores sunt sacramenta , sed etiam minores , quia *Trident. sess. 24. cap. 4.* post quam recensuit nomina singulorum ordinum , absolute dicit , ordinem esse sacramentum . *S. Tho. 3. p. q. 22. art. 2.* Secundus effectus est character ; ille effectus secundus confertur eodem tempore , quo primus confertur . *Bon. l. c. n. 3. S. Tho. & alij , apud Reg. l. 30. n. 3. & 16.*

## De Horis Canonicis .

1 **T**enentur recitare diuinum officium beneficiarij , & constituti in sacris ordinibus , & tenentur statim ac promoti fuerint ad sacros ordines , constituti in maioribus ordinibus ; Beneficiarij post captam pacificam possessionem . Ratio est , quia in Bulla Pij V. fuit renouatum , quod post consequutionem beneficij tenetur quis recitare diuinum officium , & ille dicitur consequutus beneficium proprie , qui pacificam possessionem adeptus est cum titulo , communiter *cum Ronac. de his , quæ pertinent ad priuatum officium , dis. 1. q. 2. pun. 5. nu. 1. Reginald. l. 30. n. 88. Fillinc. n. 138.*

2 Beneficiarius recitare tenetur solum horas canonicas , quæ correspondent horæ , in qua adeptus fuit possessionem beneficij , vt constat etiam in illo , qui ad sacros ordines promouetur ad titulum patrimonij sine titulo beneficij , non tenetur ille die , quo suscepit ordines maiores , recitare Matutinum , & Primam , sed solum recitare tenetur officium iuxta horam , in qua ad sacros ordines promouetur , *Fillinc. c. 9. num. 285. Laym. l. 4. tr. 1. c. 6. dub. 4. Bon. loc. c. num. 10. & communiter moderni .*

3 An duæ , aut plures personæ vnum , & idem beneficium litigantes teneantur ad pensum diuini officij .

Respon.

Respondeo, aut neuter eorum cœperit possidere pacificè, aut alter eorum. Primò casu neuter eorum tenetur ad pensum diuini officij recitandi. Ratio est, quia neuter eorum habet iurisdictionem, siue ius certum in beneficio, cùm ius acquiratur per pacificam possessionem, & illa sola spes non tribuit ius; nam multis modis esse potest, vt recitans diuinum officium librem non vincat, & in tali casu beneficium iudicabitur tamquam vacans. Secundo casu, qui possidere cœpit pacificè beneficium tenetur ad pensum diuini officij, nam iste habet ius, titulum, & possessionem beneficij, licet fructus beneficij fortè fuerint sequestrati auctoritate Iudicis, Bon. loc. cit. pun 4 n. 26. Reginal. lib. 30. nu. 30. Layman. l. 4. tr. 2. c. 5. nu. 3. qu. 4. & alij communiter, teste Filliuc. num 160.

4 Singulis diebus est recitandum diuinum officium iure ecclesiastico, & non iure diuino, vt patet ex ca. dolentes, de celebrat. missarum, & ex Concilio Lateranensi, & ex Bulla Pij V.

5 Tempus recitandi diuinum officium incipit à mediâ nocte diei præcedentis, & persequatur vsque ad mediam noctem diei sequentis inclusiue. Ratio est, quia diuinum officium recitari debet singulis diebus, vt constat ex dicto cap. dolentes.

6 Dies secundùm communem usum Ecclesiæ, incipit à mediâ nocte diei antecedentis vsque ad mediam noctem diei subsequens, vt omnes Doctores dicunt.

7 Hinc sequitur, non satisfacere præcepto eum, qui recitat diuinum officium pro sequenti die, excepta recitatione matutini vt communiter obseruatur. Ratio est, quia qui non recitat diuinum officium intra tempus ab Ecclesia præscriptum, non tenetur elapso die recitare, cùm  
obliga-

obligatio sit affixa illi diei, & transsit cum ipso die; Idem dicendum est de ieiunio, & audiendo sacro, ut benè obseruat, *Bonac. pun. 3. nu. 3. Syluest. verbo. hora, quasito 9. Regin. l. 18. num. 18. Toletus l. 2. c. 13. num. 7.*

8 Non seruas ordinem horarum recitandi v.g. primam ante matutinum, aut vespèras antè horas, venialiter peccat, dummodò tamen hoc faciat sine iusta causa, quia non obseruat consuetudinem, & modum præcepti, non peccat tamen mortaliter, neque tenetur reprobare, quia adimpler præceptum quo ad substantiam, immo neque peccat venialiter, si hoc facit ob iustam causam. *Syluester, verbo, hora, quasito 4 Toletus lib. 2. c. 14. n. 4. Bon. pun. 4. n. 123. Lessius lib. 2. c. 37. dubio 11. num. 80.*

9 Non peccat, qui priuatè recitat officium sedendo, dum genuflectendum est. Ratio est, quia ritus recitandi officium hoc modò, non videtur receptus sub rigore præcepti, sed solummodo deuotionis causa, sed in publico facillè esse potest, ut interueniat aliqua culpa, ut patet in illo, qui sine iusta causa recitat officium in choro sedendo, dum genuflectendum est. Ratio est, quia non videtur exhibere debitam reuerentiam Deo; dum alij genuflectunt, & ipse sine vlla causa publicè sedet, & ingerit aliquam suspicionem modicæ deuotionis in Deum, *Regin. lib. 18. n. 72. Bonac. pun. 6. nu. 1. Filiius, tom. 2. tr. 23. c. 8 q. 6. in fin. n. 265.*

10 Possumus eodem tempore audire missam, & recitare diuinum officium. Ratio est, quia hæc ad vnum finem diriguntur, ut supra diximus de Missa, & non est impossibilis recitatio diuini officij cum missæ auditione. *Bonac. dis. 1. qu. 3. pun. 2. §. 2. n. 1. Nauar. de ordinatione, c. 13. nu. 36. Caiet. 2. 2. q. 85. Art. 13.*



11 Peccat mortaliter, qui tenetur recitare horas Canonicas, non recitando eas, aut partem illarum notabilem omittendo, & dicitur pars notabilis medietas horæ paruulæ, vt aliqui iudicant, & non tertia pars, *Syluest. verbo, hora, quasito 12. Reg. l. 18. n. 143. Fill. c. 7. n. 246. Laym. l. 4. tr. 1. c. 4. n. 4. & alij apud Suar. cap. 25. n. 16.*

12 Qui libertauit non recitare diuinum officium, & postea sapè sapius in die repetit voluntatem non recitandi toties peccat, quoties mortaliter repetit voluntatem omittendi officium, vel partem notabilem. Ratio est, quia tot sunt peccata, quot sunt actus peccaminosi interni moraliter interrupti, *Bon. q. 5. pun. 1. n. 7. Reg. l. 18. n. 157. Nau. de oratione, c. 17 nu. 9. Syluest. verbo, Hora, quasito 12. & alij communiter.*

13 Beneficiarij, qui recitare tenentur diuinum officium, restituere tenentur fructus ante sententiam Iudicis pro rata omissionis diuini officij, si elapsis sex mensibus, postquam obtinuerit possessionem beneficij, culpabiliter non soluerint pensum diuini officij, etiam si alio die pensum prætermisum supplere conentur, vt clarè patet ex *Concilio Lateranensi*, sub Leone X. & ex *Bulla Pij V.* vt benè refert *Bonac. loc. cit. pun. 2. n. 2.* vbi affert decretum extensum editum à dicto Pio V. 12. Kalendas Octobris 1571. & quilibet Clericus, qui pensionem percipit, recitare tenentur officium Beatæ Mariæ Virginis prædicto modo; & poenis prædictis subijcitur.

14 Hinc colligi potest eum, qui omisit diuinum officium primis sex mensibus post consecrationem possessionis beneficij non teneri restituere fructus, licet mortaliter peccet, nam dictæ bullæ obligant ad restitutionem fructuum post sex menses, immò neque teneri, qui leuem partem officij omisit, vt si omiserit psalmum,

aut



aut paucos versiculos, ita *Reginald. lib. 30. nu. 44. Bon. pun. 12. nu. 11. Toletus lib. 2. c. 12. nu. 6. & alij apud citatos Doctores.*

15 Excusantur à peccato mortali, & à restitutione fructuum, qui non soluerint pensum diuini officij, si habeant beneficium tenue, licet aliqui teneant contrarium, vt *Syluester*; tamen opinio *Soti de iustitia, & iure lib. 10. q. 6.* magis pia videtur, nempe quòd non peccant mortaliter, tamen consuli debent, ne ampliùs omitant pensum diuini officij.

16 Beneficiarius, omittens diuinum officium, non tenetur totaliter restituere omnes fructus, sed solummodo correspondentes oneri diuini officij: nam nonnulli dicunt, quòd Parochus, aut Episcopus omittens diuinum officium restituere tenetur tertiam, aut quartam partem fructuum pro rata; Cæteras verò partes fructuum; videtur posse sibi retinere ratione aliorum onerum. Canonicis, & alij, habentes obligationem residentiae, tenentur restituere medietatem, aut tertiam partem; Beneficarij verò simplices, qui solummodo tenentur ad pensum diuini officij, omnes fructus restituere tenentur, correspondentes oneri diuini officij pro rata, *Bonac. q. 5. pun. 3. n. 2. Lessius l. 2. c. 34 dub. 32. Toletus l. 2. c. 12. n. 5. Emanuel Sa verbo Beneficium nu. 88. Layman, & alij apud citatos Doctores.*

17 Restitutio facienda est pauperibus, aut fabricæ beneficij, vt clarè patet ex *Bulla Pij V. & ex Concilio Lateranensi, supra relatis.*

18 Qui mutat officium ad libitum, siue mutat ex causa, siue in fraudem, vt dicatur officium breue, non peccat mortaliter. Ratio est, quia non est sub præcepto determinatum officium, *Syluer. de horis Canonicis, num. 15.* Aliqui verò contrarium sentiunt, nempe quòd mortaliter

peccat, quia facit contra consuetudinem Ecclesiae.

## DE SPONSALIBVS Et Sacramento Matrimonij.

1 **S**ponsalia sunt promissio, & repromissio futurarum nuptiarum inter virum, & mulierem, nisi enim fuerit promissio ex utraque parte, cum mutuo consensu, non habet vim sponsaliorum, *c. ex sponsalib. de sponsalib. & matr. in 6.*

2 Sponsalia iure Canonico sunt in duplici differentia; quædam enim celebrantur per verba de futuro, ut ducam te in uxorem, ducam te in maritum; quædam celebrantur per verba de præsentem, ut volo te in uxorem, volo in maritum, & sponsalia de præsentem idem sunt ac matrimonium.

3 Ex veris sponsalibus de futuro. oritur obligatio ad matrimonium contrahendum sub pœna peccati mortalis. Ratio est, quia qui non servat promissum in re gravi, peccat mortaliter; sed sponsalia sunt contractus inter sponsum, & sponsam in materia gravi, & ex illo contractu nascitur obligatio; ergo qui non adimplet obligationem ex sponsalibus contractam, peccat mortaliter; *Sanchez l. 1. disp. 27. n. 2. Filliuc. tr. 10. c. 7. q. 2. n. 236 Bonac. de sponsalibus q. 1. pun 2. n. 1.*

4 Quando sponsalia contrahuntur de futuro per parentes pro filiis puberibus, necesse est, ut ipsi puberes consentiant; si verò contrahuntur pro impuberibus, valent sponsalia sine eorum consensu, & licet filius non reneatur factus pubes deinde adimplere de necessitate, tamen ex debito honestatis tenetur adimplere, ita communiter Doctores.

5 Sponsalia de futuro contrahi possunt ab habente septimum annum completum, siue masculus, siue femina, & licet sufficiat eadem ætas in contrahendis sponsalibus de futuro, tamen in contrahendis sponsalibus de præsentì, secus. Ratio est, quia in contrahendis sponsalibus de futuro requiritur usus rationis tantum, qui in utroque regulariter incipit simul completo septennio, sed in sponsalibus de præsentì requiritur potentia coeundi, quæ in utroque sexu non incipit eodem tempore. Unde sponsalia de futuro contracta a minore septennio non valent, neque ex illis oritur impedimentum publicæ honestatis, nisi ex sententia communi Theologorum parum distarent à septennio, ita *Sotus in 4. sent. dist. 27 q. 2. art. 2.*

6 Matrimonium est maris, & feminae coniunctio individuum viræ consuetudinem continens, *l. 1 ff. de ritu nuptiarum.*

7 Ad Matrimonium contrahendum non sufficit consensus internus, sed requiritur, ut exprimaturs verbis, aut signis. Ratio est, quia matrimonium est contractus; contractus necessariò debet manifestari signo externo, cum homines percipere non possint interiora, non est tamen necesse, ut consensus exprimaturs verbis determinatis, sed sufficit si per nutum, aut signa sufficienter exprimaturs; nam verba requirunturs, ut consensus manifestetur; sed consensus manifestari potest per signa, aut nutum; igitur non est necesse, ut consensus exprimaturs verbis. *Sanch. l. 2. disp. 30. Fill. tr. 2. c. 3. q. 4. Bon. q. 2. pun. 1. num. 3.*

8 Matrimonium fuit institutum a Deo in Paradiso Terrestri, quando dixit illa verba; *Faciamus ei adiutorium simile sibi, & erunt duo in carne una, Gen. c. 12.*

9 Matrimonium infidelium est contractus, quem

quem infideles, celebrando, non peccant, est enim in officium, seu conseruationem naturæ humanæ, & remedium concupiscentiæ; non est tamen sacramentum. Ratio est, quia non habent baptismum infideles, qui est ianua omnium sacramentorum, *Bonac. loc. cit. p. 2. num. 2. & alij apud Sanchez l. 2. disp. 8.*

10 Duplex est materia huius sacramenti, proxima, & remota. Remota sunt corpora contrahentium. Proxima est traditio mutua ipsorum contrahentium.

11 Forma est acceptatio vtriusque, idest mariti, & mulieris, qua perficitur matrimonium, ita Recentiores communiter, *Sanct. l. 2. disp. 8. Reginal. lib. 31. nu. 42. Filliuc. tr. 10. c. 1. q. 6. nu. 10. Bonac. pun. 4. n. 4.*

12 Minister essentialis huius sacramenti non est sacerdos, sed sunt ipsi contrahentes. Ratio est, quia matrimonium clandestinum, quod sine sacerdote celebrabatur ante Tridentinum *sess. 24. c. 1.* erat verum matrimonium, & sacramentum, vt clarè constat *ex Tridentino*; ergo sacerdos non est minister essentialis, alioquin non esset matrimonium Clandestinum verum matrimonium, & sacramentum.

13 Matrimonium celebratum inter absentes per litteras, aut procuratorem, est verum sacramentum. Ratio est, quia concurrunt omnia necessaria ad validitatem sacramenti, nempe concurrunt materia, forma, & intentio ministri, idest contrahentium, qui intelligunt recipere sacramentum, *Syluester verbo, matrimonium. § fin. Sanct. l. 2. disp. 15. Bon. p. 5. nu. 2. & alij apud præcitatos Doctores.*

14 Impedimenta, quæ non solum impediunt matrimonium contrahi, sed contractum dirimunt, sunt duodecim, secundum verò ius nouum

nouum sunt quatuordecim ; Concilium enim Tridentinum addit duo , idest raptum , & defectum præsentia Parochi , & testium , quæ omnia his versibus continentur .

*Error , conditio , votum , cognatio , crimen ,  
Cultus disparitas , Vis , Ordo , ligamen , honestas ,  
Si sis affinis , si fortè coire nequibis .*

*Si Parochi , & duplicis desit præsentia testis .*

*Raptaue sit mulier nec parti reddita tua .*

*Hæc faciendæ vetant conubia , facta retractant .*

15 Error , idest , matrimonium contractum cum errore personæ est nullum , quando v. gr. mulier crederet contrahere matrimonium cum filio talis Regis in particulari , vel ducis , comitis , aut cuiuslibet , cùm non sit ille , quem esse credit ; sed si crederet indeterminatè , quod sit filius Regis , Ducis , nobilis , aut diuitis , non dicitur error personæ , sed tantum fortunæ , qui quidem error non est sufficiens ad annullandum matrimonium , neque dicitur error personæ ; si non habeat notitiam , saltem per famam talis Regis , aut Ducis , *Syluest. verbo , matrimonium 8. q. 1. §. 5. Rosella , verbo , impedimentum 2. & commuiter Doctores , cum D Th. apud Sanchez l. 7. disp. 8.*

16 Dicitur etiam error personæ , credere esse primogenitum alicuius cùm non sit realiter ille , & ob idem , ob quam erat successurus in bonis parentum , vt primogenitus . Ratio est , quia deficit consensus omninò necessarius ad contrahendum matrimonium ; nam ille qui errat non consentit *leg. 6 per errorem ff. de iurisdic. omnium iudicum , Hostiensis in sua summa , verbo ( matrimonium ) impedimento 433. Calderinus in c. 2. de coniugio seruorum .*

17 An sit validum matrimonium hoc modo contractum ; Caius contrahere volebat matrimonium cum primogenita Titi , volebat prius  
illam

illam inspicere, num sit formosa, & sibi placeat, sed quia primogenita Titij est deformis, loco illius ostenditur secundogenita, aut alia, quæ illi pulchra videtur, & ei placet, postea Caius matrimonium contraxit cum primogenita Titij, non aduertendo, an sit illa, quæ prius fuerit sibi ostensa, non potest aduerrere forsitan, quia per procuratorem matrimonium contraxit.

Respondeo, validum esse. Ratio est, quia non interuenit error personæ, sed qualitatis; Nam Caius accepit primogenitam Titij; quam intendebat accipere, & quæ sibi promissa fuerat, licet errauerit in qualitate pulchritudinis. Secus dicendus est, si Caio fuit promissa vna ex filiabus Titij indeterminatè sine singulari nota, idest non denotando neque primam, neque secundam; tunc enim si casus contingeret, vt si Caius videre volebat sponsam, an sibi placeat, si alia ostendatur pulchra, postea in contractu matrimonij alia aquæ pulchra substituatur, aut pulchrior, non est validum matrimonium, quia interuenit error personæ, cum ipse credat se contrahere cum illa, quam viderat, & ad quam fertur sua intentio tempore contractus matrimonij, *Sanch. lib. 7. disp. 18. nu. 35. Bon. q. 2. pun. 2. nu. 9. de impedimento erroris.*

18 Condicio, idest matrimonium contractum cum errore conditionis est nullum, quando conditio errantis deterior fit, vt quando liber homo cum serua contrahit, quam liberam esse credebat, sed quando persona, cum qua contrahitur est æqualis, aut melioris conditionis, tunc matrimonium tenet, *Ita communiter Doctores*, quos sequitur *Sanch. l. 7. disp. 19. nu. 12. Bon. disp. 3. pun. 3. n. 1. Filliuc. tr. 10. d. 2. cap. 2. n. 4. & 44.*

19 Hinc sequitur, si seruus cum persona libera contraheret, quam seruam esse putabat, aut  
con

contraheret serua cum seruo, quem putabat esse liberum, esse validum matrimonium, vt habetur in *cap. si quis*, & in *cap. nostrum*, de coniugio seruorum. Ratio est quia ecclesia posuit hoc impedimentum, vt tollatur inæqualitas, & non fieret iniuria personis liberis; sed in casu nostro non adest inæqualitas, aut iniuria, quando persona, cum qua contrahitur, est æqualis, aut melioris conditionis; ergo matrimonium contractum cum huiusmodi errore conditionis est validum; Est validum quoque, quando liber homo contrahit cum serua, sciens, aut probabiliter dubitans an sit serua, nam in hoc casu non fit illi iniuria; eò quòd inæqualitas videatur esse voluntaria, *Sanch. num. 20. Filliuc. n. 42. Bon. n. 4.*

20 Vorum, idest, qui votum castitatis emisit, vel in religione approbata vel susceptione ordinis sacri contrahere non potest, & si contrahit, est nullum matrimonium, etiam si sit consummatum *c. 1. de voto*, in 6. Idem dicendum de voto simplici, quod faciunt Patres societatis. Iesu, elapso biennio, vt clarè patet ex motu proprio Gregorij III. qui incipit: *Ascendente Domino*: de quo videri potest; *Valentia to. 4. dis. 10. q. 5. pun. 3. Bon. p. 4. n. 2. & 3. Sanch. l. 2. dis. 19.*

21 Cognatio triplex est, naturalis, legalis, & spiritalis Cognatio carnalis, siue naturalis impedit contrahi, & contractum dirimit inter ascendentes, & descendentes, secundùm communem opinionem in infinitum; inter collaterales vsque ad quartum gradum inclusiue, *c. non debet*, de consanguinit. & affinit. habetur in sacro Concilio Trid. sess. 4. de Sacram. matrim. Can. 2.

22 Cognatio legalis impedit contrahi, & contractum dirimit in linea ascendentium, & descendentium, etiam snblata adoptione in infinitum secundùm communem opinionem, in linea  
col.



collateralium in primo gradu tantum, durante tamen adoptione, *cap. unico, de cognatione legali*. Hæc propositio intelligenda est, stantibus ex vna parte legitimo tantum, & ex altera legitimo, & naturali simul; nam si ex vna parte extaret legitimus tantum, & ex altera naturalis tantum; vel ex vtraque parte extarent legitimus & legitima, tunc enim inter eos contrahi potest matrimonium, *Bon. §. 3. de cognatione legali n. 8. Fill. n. 203. Sanch. dis. 63. num. 30.*

23 Cognatio spiritualis hodie impedit contrahi matrimonium, & contractum dirimit inter baptizantem, & baptizatum, & matrem, & patrem ipsius baptizati, & inter confirmantem, & confirmatum, & patrem, & matrem ipsius confirmati, & inter tenentem, & tentum, & matrem, & patrem ipsius tenti, & non ultra, ut patet ex *Trid. sess. 24. c. 1. de reformatione*.

24 Crimen idest delictum, duplex est, Quod habet vim non solum impediendi, sed etiam irritandi matrimonium, & in his duobus reduci possunt illa tria quæ afferunt *S. Tho. in 4. dist. 42. & dist. 39. communiter receptus*.

25 Primum crimen est machinata occisio coniugis, ut quia quis occidit uxorem suam, aut virum alicuius mulieris hoc facit, ut illam duceret in uxorem, aut è conuerso; nam si vnus illorum machinatus sit mortem absque conspiratione alterius, non contrahit impedimentum matrimonium dirimens, modò cum homieidio non intercesserit adulterium. *cap. super hoc, de eo qui duxit in matrim.*

26 Secundum crimen est, cum quis adhuc viuentem primam, aliam uxorem cognouit promittendo se ducturum in uxorem post mortem primæ, nam si nec ante, nec post promissionem eam cognouerit, mortuo marito, ducere eam potest



potest in uxorem, *cap. si quis, eodem titulo*

27 Cultus disparitas; licet inter infideles sit verum matrimonium, dummodò tamen non adsit impedimentum legis diuinæ, aut naturalis, tamen matrimonium, quod sit inter fidelem, & infidelem non est verum matrimonium iure ecclesiastico, sed quando fidelis duceret foeminam, quæ licet sit baptizata, nihilominus est hæretica, aut schismatica, licet Christianus peccet mortaliter, tale matrimonium tenet: communiter Canonistæ in *Can. non oportet* 28. q. 1. ubi glos. *Reg. n. 169. Bon. pun. 7. n. 2. Sanch. disp. 72. n. 4.* Vbi plures alios refert.

28 Vis, id est, inualidum esse matrimonium per vim contractum, quæ sit absolutè, & per metum grauem, qui cadit in constantem virum, vt metus mortis, libertatis, stupri, aut longi carceris, vt habetur in toto titulo codicis, de his, quæ metus causa, *c. cum dilectus, de his, quæ vi, & l. nec timorem, ff. quod metus causa*; dummodò tamen metus sit iniuste incussus à causa libera ad extorquendum consensum, *Ricc. decis. 253. Bon. p. 8. n. 8. Sanch. l. 4. disp. 14.*

29 Ordo, id est, ordines maiores validè, & legitimè suscepti sine aliquo timore, dirimunt contractum matrimonij, subsequentem; Hæc propositio est de fide definita in *Concilio Trident. sess. 25. Can. 9. cap. unico de voto, in 6.* sed matrimonium antea contractum non dissoluitur per suspensionem sacri ordinis, neque per dignitatem Episcopalem: ita est definitum in quadam extrauaganti Ioannis XXII de voto.

30 Hinc nascitur difficultas, an teneatur continere, & an valeat matrimonium, si quis finxit se esse annorum 21. cum re vera non haberet nisi 14. vel 15. ordinem subdiaconatus suscepit, ignorans illi esse annexum votum solenne castitatis.

postea verò facti pœnitens aliò se contulit , & ibi matrimonium contraxit .

Respondeo, non teneri continere , & validum esse matrimonium . Ratio est , quia votum solemne expressum in religione approbata , antè pubertatem emissum , nisi post pubertatem ratificetur non obligat, *Can. 1. & Can. illud 20. q. 1. & cap. ad nostram de regular.* ergo nec votum solemne tacitum emissum in susceptione sacri ordinis . Præterea hodie cùm votum solemne expressum professionis non valeat vsque ad 16. annum completum, iuxta *Trid. sess. 23. c. is de regul.* Idem erit dicendum de initiato sacri ordinibus ante 16. annum , eum non teneri continere , & consequenter esse validum matrimonium. *Sanch. l. 7. dis. 30. vbi refert plures DD.*

31 Ligamen, id est , qui secretè duxerit vxorem, licet cognita non sit , non potest aliam ducere , dum illa viuit , & si contrahit, secundum matrimonium non tenet, & si aliqua mulier contrahit cum secundo , quia credens primum maritum esse mortuum , tunc tenetur recedere à secundo, postquam cognouit primum viuum esse viuum, alioquin mortaliter peccat , petendo , vel reddendo debitum post huiusmodi notitiam , & primus maritus tenetur eam recipere , dum modo tamen non habuerit rem cum secundo , postquam habuerit notitiam , primum adhuc viuere , & omne illud, quod dictum est de muliere, intelligendum est de marito , *Can. cum per bellicam 34. q. 2.* Si verò certo non nouit primum virum esse superstitem , sed tantummodo dubitat, non potest, existente dubio, petere debitum ; alioquin exponit se periculo adulterij , sed tantum reddere potest, ita communiter in c. celebre , de secundis nuptijs .

32 Honestas , id est impedimentum publicæ honestatis .

honestatis , con surgens ex sponsalibus validis , non solum impedit contrahit matrimonium , sed contractum dirimit hac tempestate inter sponsum , & consanguineos sponsæ , & è conuerso vsque ad primum gradum tantum , *cap. 3. sess. 24. de reformat. in sacro Concil. Trident.* si verò oriatur ex sponsalibus de præsentì , tunc impedit matrimonium contrahi , & contractum dirimit vsque ad quartum gradum inclusiue , & licet sponsalia de futuro inualida non causent hoc impedimentum , vt habetur in *Tridentino loco citat.* tamen ex matrimonio inualido contracto per verba de præsentì , oritur hoc impedimentum . Ratio est , quia non est recedendum à iure antiquo , nisi aliter iure nouo decernatur , sed iure antiquo impedimentum publicæ honestatis con surgebat ex matrimonio inualido , & extendebatur vsque ad quartum gradum , vt habetur in *cap. accessit , de dispensat. impub.* & iure nouo non est aliter decretum , vt patet ex motu proprio Pij V. incipiente , *Ad Romanum spectat* ; igitur ex matrimonio inualido nascitur impedimentum publicæ honestatis , ita habetur in declarationibus Cardinalium , teste *Bon. punct. 11. nu. 11. Tuscus tom. 5. concl. 140. n. 3. Sanch. & alij.*

33 Affinitas , id est vinculum , quod prouenit ex carnali copula licita , vel illicita quarundam personarum , non solum impedit contrahi matrimonium , sed contractum dirimit , cum hac tamen differentia : nam impedimentum , quod ori tur ex copula licita impedit , & dirimit vsque ad quartum gradum inclusiue ; sed quod nascitur ex copula illicita vsque ad secundum gradum inclusiue , vt clarè constat ex *Trid. sess. 24. c. 4.*

34 Si fortè coire nequibis ; id est , peccat qui contrahit scienter sponsalia , aut matrimonium , non habendo potentiam coeundi , vel ex natura ,

vel ex maleficio, dummodo sit perpetuum, & matrimonium non tenet, vt habetur in titulo de frigidis, & maleficiatis, tamen si scienter ex vtraque parte contrahitur matrimonium, secundum nonnullos tenet; iuxta illud si iliam non potes habere in vxorem, habet in sororem, vt benè iudicauit Syluest. verbo *matrimon.* 8, n. 16. & glos. in c. *laudabilem, de frigidis, & maleficiatis.*

35 Eunuchus contrahere non potest, & si contrahit, matrimonium non tenet. Ratio est, quia iste censetur impotens pro vt declarauit Pius V.

36 Præsentia Parochi, & testis id est hodie, vbi acceptatum fuit Tridentinum, fieri non potest matrimonium sine præsentia Parochi, & duorum, vel trium testium, & si contrahitur sine dicta præsentia, est nullum, cap. 1 sess. 24. de re-form. in Tridentino; immò matrimonium in articulo mortis contractum sine dicta præsentia parochi est nullum, & inualidum, quamuis fuerit contractum in magna necessitate. Ratio est, quia quamuis præceptum Ecclesiæ non videatur obligare cum tanto rigore, nihilominus hoc intelligitur, quando præceptum non inducit formam substantialem, vt præceptum præmittendi denunciationes, sed in casu nostro inducit formam substantialem, ergo deficiente forma substantiali, deficit quoque contractus matrimonij, & consequenter matrimonium huiusmodi contractum nullius est momenti, *Sanch. l. 3. disp. 17. Bon. q. 1. pun. 8. n. 8. Suar. de leg. l. 5. c. 23. n. 2.*

37 Matrimonium contractum coram Parocho excommunicato vitando, aut suspenso ab officio, aut irregulari, videtur esse validum. Ratio est, Quia hæc assistentia non est propriè actus iurisdictionis, ita vt non possit ab excommunicato vitando validè exerceri, sicut ab eo exerci-

Teri non possunt actus iurisdictionis; immò huiusmodi Parochus alteri concedere potest licentiam ad assistendum ob rationem iam dictam, quia sicut non est priuatus auctoritate assistendi, ita etiam neque priuatur facultate concedendi alteri huiusmodi licentia, *Bonac. de matrimo. q. 2. pun. 8. n. 21. Filliuc. n. 204. Sanch. disp. 20. 21. & 40. num. 10.*

38 Quælibet persona mentis, & rationis capax esse potest testimonium in matrimonio cuiuslibet ætatis, aut conditionis, aut status. Ideò non excluduntur iuuenes, vltim rationis habentes, nec foeminae, nec parentes, nec pater, nec mater, nec infidelis, neque excommunicati; licet istæ personæ non admittantur, vt idonei testes in alijs rebus, nihilominus admittuntur in matrimonio. Ratio est, quia Tridentinum nullum testem excipit; ergo non est conueniens, vt nos excipiamus: ita communiter, *Bon. l. c. n. 43. Riccius decis. 244. Sanch. l. 3. disp. 40.*

39 Raptaue sit mulier, id est, hodie inter raptorem, & raptam fieri non potest matrimonium, dum manet in potestate raptoris; tamen si rapta leparata fuerit à raptore, & constituta in loco securo, & postea consentiat illud accipere in maritum, tunc raptor eam ducere potest in uxorem, sed raptor & omnes illi, qui consilium præstant, auxilium, aut fauorem, sunt ipso iure excommunicati, vt clarè patet *Tridentino sess. 24. cap. 6. de reform.*

40 Impedimenta, quæ contrahi impediunt, sed contractum non dirimunt, sunt quinque; interdictum, sponsalia, catechismus, votum, & Crimen, quæ his versibus continentur.

*Ecclesia vetitum, nec non tempus feriarum  
Atque catechismus, sponsalia, iungito votum,  
Impediunt fieri, permittunt facta teneri.*

41 Interdictum, id est peccat, qui matrimonium contrahit contra prohibitionem Ecclesiæ, Episcopi, Iudicis, aut Parochi, donec constet non esse impedimentum aliquod, de quo fuit oppositum, & peccat etiam ille, qui contrahit matrimonium de præsentī sine debitis publicationibus in Ecclesia publicatis, non existente legitima causa: nihilominus matrimonium tenet.

42 Sponsalia, id est, mortaliter peccat, qui sponsalia de futuro contrahit cum vna, sine legitima causa contrahit sponsalia de præsentī cum alia; nihilominus matrimonium tenet.

43 Catechismus, id est, peccat, qui matrimonium contrahit cum vna persona, attinente ad ipsum ob parentelam spirituales natam ex Catechismo: Catechismus enim est instructio fidei; quæ solemniter fit ante ianuam Ecclesiæ super baptizando, vel iam baptizato, ex qua nascitur cognatio spiritualis imperfecta, quem tantum impedit, sed non dirimit matrimonium.

44 Simplex votum, id est, peccat, qui matrimonium contrahit, postquam votum simplex castitatis emisit, & peccat etiam qui cum aliqua contrahit, quam sciebat fecisse simile votum castitatis secundum glossam singularem in canonibus 27. qu. 2. licet matrimonium iam contractum teneat, *can. consuluit, can. si quis 26. qu. 1.*

45 Crimen, id est, grauiter peccat, qui matrimonium contrahit, postquam commiserit vnum ex his septem peccatis, quæ impediunt matrimonium contrahi, sed non dissoluunt iam contractum; Quorum primum est incestus. Secundum occisio vxoris sine legitima causa. Tertium raptus sponsæ alienæ. Quartum cum quis leuat proprium filium de sacro fonte. Quintum quando quis sacerdotem occidit, dummodò tamen fuerit in iudicio de crimine conuictus. Sextum est

est illud, ob quod fuit imposita solemnis poenitentia. Septimum est contractus matrimonij scienter cum moniali professa, in omnibus his casibus licet peccet contrahendo, matrimonium tamen contractum tenet. Communiter Doctores, & præcipuè *Bon. qu. 3. pun. 14. n. 10. usque ad 20. Sanchez disp. 6. n. 6. Fill. n. 290.*

46 In matrimonio contrahendo, in foemina requiritur ætas duodecim annorum, in masculo quatuordecim, & hoc de iure civili; nam secus de iure canonico, quod in matrimonio contrahendo non ex annorum numero, sed ex coeundi potentia pubertatem dijudicandam statuit; Vnde foemina etiam minor duodecim annis viri potens rectè matrimonium contrahit *c. puberes, &c. de illis, de desponsat. impub.*

47 Fines primarius matrimonij est susceptio prolis, & educatio, alij verò fines sunt domestica societas, & communicatio inter virum, & uxorem, significatio coniunctionis Christi, & Ecclesiæ, & remedium contra concupiscentiam.

48 Regulæ, quibus gradus discerni possunt, sunt tres, quarum prima utimur in linea ascendentium, & descendantium, vna in linea collateralis æquali, & altera in linea collateralis inæquali.

49 Prima regula est hæc: tot sunt gradus, quot sunt personæ, dempta vna; exemplum Caius pater, & Titius filius sunt in primo gradu, Caius avus, & Sempronius nepos sunt in secundo gradu, quoniam sunt tres personæ, dempta vna, remanent duæ.

50 Secunda regula, quoto gradu vterque distat à communi stipite, eodem gradu distat à suo collateralis; Exemplum duo fratres sunt in linea collateralis æquali, vterque distat à communi stipite æqualiter, sed stipes nempè pater, & fi-



lius sunt in primo gradu ; ergo duo fratres sunt etiam in primo gradu .

51 Tertia regula , eo gradu distant personæ inter se , quoto gradu remotior persona distat à communi stipite, sic filius fratris distat à patruo , seu à fratre sui patris in secundo gradu ; idest regulæ habent locum de iure canonico , quod semper seruandum est in materia matrimonij ; Si scire cupis graduum computationem de iure ciuili, animaduèrtere oportet , quòd illa regula , quæ locum habet in linea ascendentium , & descendendum de iure canonico , habet quoque locum de iure ciuili ; In collateralibus verò duplicandus est gradus , qui enim sunt in primo de iure canonico , sunt in secundo de iure ciuili ; & qui sunt in secundo de iure canonico , sunt in quarto de iure ciuili .

*De dispensatione matrimonij :*

52 **S**ummus Pontifex dispensare potest in impedimentis dirimentibus, immò aliquando dispensare potest in matrimonio rato , vt ad tollendas discordias , aut ad euitandum periculum peruersionis . Ratio est , quia non solum aliqui Pontifices de facto dispensarunt vt Paulus III. Martinus V. Adrianus IV. & Pius IV . vt testatur *Bon.pun. 11. n. 4.* sed etiam quia iudicandum est à Christo collatam fuisse potestatem suo Vicario , & auctoritatem ad ea, quæ sunt necessaria bono regimini Ecclesiæ. *Sanch. disp. 15. & 18. Filliucc. n. 56. & sequent Bon. loc. cit.*

53 Hinc nascitur difficultas , si matrimonium fuerit legitime contractum inter duos infideles , & consummatum ; An Summus Pontifex dispensare possit, si alter eorum peruenerit ad Religionem Christianam , altero verò permanente in infidelitate ,

Respon,



Respondeo, quod licet aliqui dicant quod in hoc casu Summus Pontifex dispensare non potest, & consequenter huiusmodi matrimonium dissolui non posse cum dispensatione Summi Pontificis, tamen melius responderi potest, distinguendo; Aut ille, qui remanet in infidelitate petita a fidei disinggi, aut vellet cum eo habitare in contumeliam creatoris; in hoc casu interueniente auctoritate Summi Pontificis non solum potest dissolvere matrimonium fidelis, sed etiam matrimonio se coniungere, si verò vellet habitare cum eo sine contumelia creatoris, in hoc casu dissolui non potest, hoc clarè deducitur ex *cap. gaudemus, ubi DD de diuort.*

54 Neque obstat illa scriptura: *Quod Deus coniunxit, homo non separet*: Nam respondetur quod quando dissoluitur matrimonium, interueniente auctoritate Summi Pontificis, non censetur solum auctoritate humana, sed potius diuina, ut probatur ex *c. quodcumque 34. q. 1.*

55 Episcopus dispensare potest in impedimentis non dirimentibus, excepto voto castitatis, & religionis absoluto, & perfecto. Ratio est, quia licet inferior dispensare non possit in legibus superioris, nihilominus consuetudine introductum est, ut dispensatio istorum impedimentorum non obtineatur à Pontifice, excepto (ut modò diximus) voto castitatis, & religionis. *Nauiar. c. 21. n. 5. Bonac. loc. cit. pun. 15 m. 3. Fillius. n. 802. & alij apud Sauch. l. 2. disp. 46.*

56 Hic addendum est etiam, posse aliquando Episcopum dispensare in impedimentis dirimentibus, quæ superueniunt matrimonio, ut quando impedimentum est occultum, & matrimonium est publicum, nec coniuges separari possunt sine magno scandalo, nec ad Summum Pontificem, aut Nuncium haberi potest recur-

sua propter paupertatem, aut distantiam loci *Riccius decisione 261.* & omnes Doctores citati. Ratio est, quia non est credibile Summum Pontificem, in casu tantæ necessitatis velle reseruare sibi dispensationem, & cum tanto periculo animarum, & consequenter præsumitur concessa, facultas tacita Episcopo dispensandi in foro conscientie, dummodo tamen matrimonium fuerit bona fide contractum, vt communiter Doctores dicunt, si sed mala fide fuit contractus, ita eo casu præsumitur, Pontificem sibi reseruasse facultatem dispensandi, secundum *Trid sess. 24. c. 5.* vbi habetur in hoc casu separandos esse sine spe obtinendæ dispensationis.

*De Debito coniugali.*

57 **R**egulariter loquendo coniuges non reddendo alteri coniugi petenti debitum, mortaliter peccant. Ratio est, quia iniuriam facit grauem coniugi petenti secundum Doctores, & Apostolum 1. Corinth. 7. vbi habetur. Vir vxoris debitum reddat,

58 Quinque sunt causæ, coniugem excusantes, ne reddere teneatur. Prima est impotentia cocundi, siue propter actum præcedentem, quod tamen in muliere communiter locum non habet, siue propter aliquam causam, quia impossibile nullum est obligatio. Secunda est, quando in reddente imminet periculum in persona, idest, mortis vel infirmitatis. Tertia est fornicatio, quia fornicanti alius debitum reddere non tenetur, quia potest etiam hac ratione vir dimittere, nisi in aliquibus casibus, de quibus dicemus infra de diuortijs. Quarta causa addi potest religio, quam alter scilicet coniugum intrare vult, qui reddere non tenetur statim,

tim, sed debet sibi statui tempus, intra quod ingredi tenetur, nempe tempus, duorum mensium: *ut c. ex publico de conuersione coniugum*. Quinta causa additur locus sacer, aut publicus, in quo salua honestate reddi non potest. *S. Th. relatus à Syluestro in verbo, debitum, n. 2.*

59 Redditio debiti vel eius petitio in multis casibus est peccatum mortale. Primò ratione malæ intentionis. Secundò ratione loci, nisi adsit magna necessitas. Tertiò ratione modi, qui est contra naturam. Quartò ratione menstruorum. Quintò ratione abortus. Sextò ratione iniustæ negationis. Septimò ratione impedi-  
menti voti, vel affinitatis. Octauò ratione adulterij alterius comparis; ita communiter, præsertim *Syluester loc. cit. n. 3.*

60 Coniux, qui post contractum matrimonium, contraxit cognationem spirituales cum altero coniuge baptizando, vel tenendo filium communem in confirmatione, priuatur iure petendi, si illum baptizauit extra necessitatem, si verò in necessitate non priuatur iure petendi, vel reddendi debitum. Ratio est, quia qui caret culpa, etiam à poena excusatur; ut probatur *ex c. si uni, de cognatione spirituali, Bon. de hic, que pertinent ad usum matrimonij pun. 2. n. 2. Reg. l. 31. n. 291. Sanch. Filliuc & alij.*

61 Dantur etiam casus, in quibus coniuges in contractu matrimonij peccare possunt. Primò, quando deficit consensus internus, in quo casu apud Deum est inualidum matrimonium, & mortaliter peccant toties, quoties carnaliter se cognoscunt, donec animo coram Parocho de nouo consentiant; quamuis apud Ecclesiam præsumatur verum matrimonium, quia Ecclesia non iudicat de occultis. Secundò, ex defectu alicuius impedimenti dirimentis, aut defectu

absentia Parochi, & testium. Tertio, defectu ætatis, vel temporis; Quarto, defectu denunciationum. Aduertendum tamen est, quod ille, qui intra quatuor menses post factas denunciationes, matrimonium non contraxit, non potest matrimonium contrahere, nisi præmittat nouas denunciationes arbitrio Episcopi. *Ita decreuit Congregatio Cardinalium apud Rebellum in declarationibus Cardinalium sess. 2. n. 8.* Quinto, defectu benedictionum omissarum; nam coniuges post contractum matrimonii benedici debent debito tempore, non peccant tamen mortaliter, qui benedictiones omittent sine contemptu, licet illarum susceptio in iure præscribatur. Ratio est, quia benedictiones sunt tantummodo sacramentalia, quæ non videntur esse tanti momenti, & obligare sub pœna peccati mortalis. Sexto ratione alicuius peccati mortalis nondum per confessionem, vel per contritionem deleti; nam qui recipit sacramentum indignè, peccat mortaliter; sed qui contrahit matrimonium cum peccato mortali, indignè recipit sacramentum; igitur peccat mortaliter, contrahendo matrimonium in peccato mortali. *Sancti. & alij apud Bon. loc. cit. pun. 6. n. 1.*

62 Vxor potest se tactibus excitare donec seminet, si vir postquam seminauit se retrahat ante seminationem vxoris. Ratio est, quia alioquin sentiret grauem afflictionem, si cogere-  
tur ita remanere libidine excitata, & illi tactus ordinantur ad actum coniugalem completum; hæc ratio non militat in viro, qui tactibus se polluit, postquam foemina se retraxit. Ratio disparitatis est, quia semen mulieris nec actiuè, nec passiuè concurrit ad generandum, semen verò viri à natura ad generationem institutum est; *Bon. dicto pu. 6. n. 15. & 16. Sancti, l. 9. dis. 17. n. 10.*

63 Ex hoc sequitur virum committere peccatum mortale, qui copula incepta à seminando desistit. Ratio est, quia hoc est contra finem generationis, quæ expostulat, ut consummato coitu ex parte foeminae, consumi debeat etiam ex parte viri. *Bon. l. c. n. 16 Sanch. l. 9. disp. 19. nu. 4.* contra nonnullos Doctores.

64 Pollutio habita inter coniuges habet speciem adulterij, & hanc circumstantiam aperiendam esse in confessione, videlicet pollutionem commissam esse cum propria vxore, ut benè ait *Sanch. disp. 18. n. 4 & 5. Reginald. n. 333. Bon. pun. 6. num. 19.*

65 Confessarius admonere tenetur poenitentem, qui matrimonium contrahit in gradu prohibito cum ignorantia inuincibili, quando credit admonitionem non statim profuturam; sed breui tempore. Ratio est, quia semper facienda est correctio, siue admonitio, quoties speratur correctionem profuturam esse, melius tamen est poenitentem admonere post absolutionem quam ante, ne turbetur, & ponat obicem ad gratiam, si verò credit illam monitionem non profuturam esse, debet illum in sua bona fide relinquere, si autem mala fide contraxit, omnino debet monere, quam rem diligenter aduertat confessarius, quid sibi faciendum sit. *Bon. pun. ultimo n. 12. Filliuc. num. 99. & alii apud Sanch. lib. 7. disp. 38. num. 16.*

## De Diuortiis.

66 **D**iuortium, propriè loquendo, est matrimonij, quo ad vinculum, legitima solutio, utroque coniuge viuente, impropriè est legitima separatio mariti, & vxoris quoad mutuam habitationem, remanente vinculo matrimonij.

trimonij *can. 7. & 8 sess. 24. in sacro Conc. Trid.* Dicitur diuortium, à mentium diuersitate, vel quia hi, qui matrimonium distrahunt, in diuersas partes eunt *l. 1. ff. de diuortijs.*

67 Regulariter matrimonium legitimè contractum dissolui non potest ( Dixi regulariter ) nam dantur multi casus in quibus dissoluitur.

68 Primus, si alter coniugum, matrimonio contracto per verba de præsenti, & non adhuc consummato, emiserit professionem in approbata religione; nam tunc matrimonium dissolutum esse censetur, etiam si alter non consenserit; Verùm si dicenti velle ingredi in approbatam religionem, & per hoc nolle matrimonium consummare, est certus terminus præfigendus ad deliberandum arbitrio iudicis, non minus tamen duorum mensium, *ut diximus supra de matrimonio cap. ex publico, ubi glossa, & Abbas de conuersione coniugum.*

69 Hic aduertendum est, quòd si mulier post sponsalia de præsenti dicat velle ingredi approbatam Religionem, & vir cognosceret eam violenter infra duos menses, non per hoc dicitur matrimonium consummatum, ita vt amplius in religionem ingredi non possit, si verò fuit cognita violenter post transactos duos menses à die desponsationis, tunc enim, quia non est amplius in sua potestate eligere religionem, cum tenebatur tunc reddere debitum, dici non potest violentiam passam esse, & consequenter in hoc casu censetur consummatum matrimonium. Ratio est, quia in primo casu fit iniuria sponsæ, & culpa sponsi impedire non debet bonum sponsæ, *Syluest. verbo, diuortium n. 8. Bon. de impediment. matrimon. q. 3. p. n. 4. n. 8. Sanchez. l. 2. disp. 21. Reg. l. 31. nu. 39.*

70 Committit adulterium, qui emittit pro-

fessio-

fessionem legitimè , post consummatum matrimonium , si aliam cognouerit . Ratio est , quia per professionem non dissoluitur matrimonium , & conlequenter religiosus coniugatus adulterium committit , cum cognoscat carnaliter aliam personam distinctam à propria vxore , & facit contra fidem datam in matrimonio. *Sanc. disp. 21. usque ad trigesimam quintam* , vbi videri possunt multæ res vtilis , & curiosæ circa hanc materiam, *Bon. q. 3. pun. 4. n. 13. de impedim. matrim.*

71 Secundus casus, in quo similiter dissoluitur matrimonium ratum , & non consummatum , etiam quo ad vinculum, quod Summus Pontifex ob magnam causam ex communi coniugum consensu dispensat, vt *supra diximus de dispen. matr.*

72 Tertius casus est, in quo dissoluitur matrimonium , etiam consummatum inter infideles , quando alter eorum peruenerit ad fidem , altero remanente infidelitate , adueniente tamen auctoritate Summi Pontificis , vt supra dictum est *de sacram. matrim. in fine.*

73 Aduertendum tamen est , quòd si matrimonium contractum sit inter fideles, & alter eorum labatur in hæresim , vel in alium errorem gentilitatis, in hoc casu non dissoluitur matrimonium, nec remanens in fide alteri nubere potest , *cap. gaudemus de diuortijs.*

74 Fieri potest diuortium , quando foemina ita arcta sit, vt mulier fieri non possit , aut mulier virum acceperit , qui adeo frigida naturæ fit , vt eidem carnaliter misceri non possit , *c. 1. de frig. dis. & maleficiatis.*

75 Aduertendum est, quòd si mulier fieri potest apta viro per incisionem , tenetur pati incisionem , vt apta reddatur , etiam cum graui dolore; non tenetur tamen pati cum periculo vitæ, aut grauissimo morbi incommodo , quia non  
vide-



videtur obliganda ad debitum coniugale reddendum cum suo tanto incommodo. *Bon. qu. 3. pun. 13 n. 7. Sanch. lib. 7. disp. 93. nu. 32. Fill. nu. 7.*

76 Diuortium improprie fieri potest quoad mutuam habitationem, remanente tamen vinculo matrimonij pluribus ex causis, & primò ob maximam mariti lætitiā, vel si maritus infidiat⁹ est vitæ vxoris. Secundò ob adulterium alterius coniugis, & sic tam viri, quam vxoris, & si adulteria viri notoria fuerint, potest vxor propria auctoritate absque decreto iudicis Ecclesiastici a viro suo diuertere, & è contra. *Riccus in decis. 230.*

77 Dantur tamen casus, in quibus per adulterium coniugis separatio fieri non potest. Primus est, si vterque coniux commiserit adulterium, esto quod adulterium vnius sit occultum, alterius publicum; nam in foro conscientiæ satis est, ut vterque lapsus sit in adulterium. *Sanch. post reliquos lib. 1. disp. 6* Secundus quando eam post adulterium reconciliauit, debitum reddendo, vel exigendo, vel publicè adulterantem tenuit, & retinet in consortio Maritali *can. 1. cum sequenti 31. qu. 1.* sunt alij casu, in quibus per adulterium fieri non potest diuortium, de quibus per *Syluestrum, verbo, diuortium num. 11.*

78 Tertio fit diuortium quantū ad separationem propter hæresim, vel infidelitatem alterius, quando ex illa cohabitatione fit periculum incidendi in eadem hæresi, vel infidelitate; *Sanch. lib. 1. disp. 17.* dicens posse hoc in casu fidelem coniugem ad religionem transire, & si masculus sit etiam ad sacros ordines. *Syluest. loc. cit. n. 13.*

79 Adnertendum tamen est, quòd datur maxima differentia inter fornicationem carnalem, & spiritualem. Ratio est, quia in prima sequuta emendatione, non compelluntur coniuges se  
coniun-



coniungere. *cap. ex bonis de diuortio*, & in secunda compelluntur se recipere, nisi ad religionem transitum fecissent, vel facere velint. *cap. fin. de conuers. coniug.*

80 Quartò fit diuortium ob maleficium, impediens copulam carnalem post facta remedia spiritualia: *Riccius in decis. 236.* & multis alijs modis fieri post diuortium quoad mutuam habitationem, quos ob breuitatis causa omitto.

81 Ex consensu communi matrimonium consummatum dissolui potest quoad thorum, & habitationem utroque intrante, & proficiente religionem, sed non quo ad vinculum; unde si vnus egrediatur religionem scilicet post professionem, non propter hoc potest alter exire, sed egressus compelli debet ad reditum; Potest etiam ex consensu alterius in sæculo remanentis dissolui matrimonium, vbi non est timor de incontinentia, puta quia remanens in sæculo eius sit ætatis, vt sine suspitione viuere valeat, alioquin quamquam de vxoris licentia monasterium vir ingressus fuerit, & professionem fecerit non debet vxor ad continentiam cogi, sed vir ad vxoris thorum auocari poterit, nec sola licentia sufficit, nisi votum continentiae concurrat. *cap. 1. & cap. ad Apostolicam, de conuersatione coniugum.*

82 Qui contra voluntatem vxoris ingressus fuerit religionem, si ab ipsa vxore coactus fuit redire ad eam, non tenetur, ea mortua in monasterium reuerti. Ratio est, quia votum à principio inualidum non reconualefcit, non potest tamen ampliùs ducere vxorem, cum monasterium ingrediendo, debitum se non exacturum promississe videatur, quod facere potuit. *Abbas in c. 3. & in c. nostri de conuersatione coniugum.*

De motu sensualitatis, & delectatione  
morosa.

13 **M**otus sensualitatis primò primi non sunt peccata. Ratio est, quia non sunt in nostra potestate; motus verò sensualitatis secundò primi non sunt peccata, quamuis prævideri, & caueri possint, modò tamen proueniat ex causa, habente aliquam honestatem, ut quando v. g. proueniunt ex auditione in confessione peccatorum turpium. Ratio est, quia, ut isti motus peccaminosi sint, non sufficit quodlibet voluntarium, quod in alijs rebus sufficit, sed maius voluntarium requiritur; nam isti motus valdè nobis sunt connaturales, & facilè in nobis oriuntur ex infirmitate naturæ. Aliæ verò actiones non requirunt tantum voluntarium, ut furtum, homicidium, nec ita excusari possunt ob infirmitatem naturæ, sicuti excusari possunt sensualitatis motus, ita *Bon. de q̄s, quæ pertinent ad usum matr. pun. 7. n. 3. & 4. Vasquez in opusc. de relict. c. 3. dub. 6. num. 24.*

84 Ut motus sensualitatis sint peccata, requiritur aduertentia, vel saltem expressa aliqua dubitatio, vel scrupulus de malitia, vel periculum eius. Ratio est, quia non potest esse aliquid voluntarium, nisi posita aduertentia, sed nullum peccatum est nisi voluntarium sit igitur non sunt peccata isti motus; Hæc propositio militat etiam in actionibus externis, quæ ad culpam non imputantur, non posita aduertentia: *Bonac. loc. cit. n. 6. Reginald. l. 15. n. 75. ad finem.*

85 Morosa delectatio de cogitatione sola rei illicitæ secundum suam naturam non est peccatum, ita *S. Thom. 1. 2. quest. 74. art. 8. communiter receptus*, si verò bono fine caret, erit peccatum venia.

veniale, & si sit coniuncta cum periculo peccandi mortaliter, erit mortale peccatum; ideò delectatio de re mala siue turpi erit mala, siue bona iuxta motuum ipsius delectationis, ratione cuius delectatio non obiectum fertur. Ratio est, quia delectatio totam suam bonitatem, & malitiam à motiuo sumit, si igitur malum est motiuum, delectatio est mala; si verò bonum, delectatio est bona, & est venialis, si est motiuum otiosum, *Bonac. l. c. pun. 8. n. 4. & 5.* & multi Doctores apud *clauem Regiam l. 8. c. 8.* & alii verò dicunt absolutè, delectationem de opere mortali esse peccatum mortale.

86 Ex hoc sequitur, excusari eum, qui delectatur, ridet de subtili aliquo modo, quem quis adhibuit ingeniosè in furando, siue de homicidio iam secuto, licet iniusto, vel de furto, quatenus est vtile ad subleuandam necessitatem proximi, *Bon. dicto pun. 8. n. 7. & 8. Less. l. 4. c. 3. Vnsqn. dis. 115. c. 2. & 3.*

87 Ex hoc etiam sequitur, coniuges non peccare mortaliter, qui in absentia alterius coniugis delectantur de actu præterito coniugii, vel etiam futuro, ac si actus præsens esset. Ratio est, quia vt diximus, delectatio sumit bonitatem, & malitiam à motiuo; sed motiuum est venerea delectatio externa, quæ in vxoritate est licita ratione matrimonij, igitur etiam interna delectatio suscepta in absentia alterius coniugis excusat à peccato mortali, *Reg. l. 11. c. 5 nu. 51. Fill. tr. 10. c. 9 quasito 12. n. 353. Bon. l. c. n. 12.* & multi alij apud DD. cit.

88 Vidua mortaliter peccat, quæ de actu præterito coniugii, & sponsa quæ de actu futuro delectatur carnaliter, quatenus scilicet de actu coniugij delectatur, vt est aliquid delectabile sensui. Ratio est, quia sicut actus venereus ex-

ter.

ternus respectu viduæ , aut sponsæ est illicitus ; ita neque delectatio est licita , quæ capitur de illo actu. *Fill. tr. 20 c. 9. n. 359. Bon q. 4 pun. 8. n. 13. Sanch. lib 9 disp. 47. n. 4. & 7.*

89 Dicunt aliqui , quòd dari potest paruitas materiæ in re venerea . Ratio illorum est , quia assignari non potest sufficiens ratio ; quare in alijs præceptis dari possit paruitas materiæ , sed non in hac . Ista opinio probabilis non est ; certa est enim contraria sententia , scilicet non posse dari paruitatem materiæ , excepta venerea delectatione inter coniugatos . Ratio est , quia qui libet tactus , seu delectatio venerea ex sua natura ad seminis effusionem tendit , & sicut seminis effusio est mortale peccatum , ita quælibet delectatio morosa , & licet semen non affundatur , adest tamen periculum ipsius. *Fill. tr. 30. ex cap. 9. q. 1. n. 166. Bon. loc. c. n. 17. S. Thom. & alij recentiores apud citatos .*

90 Delectatio morosa est eiusdem speciei cum opere externo , & cōsequenter in confessione explicandam esse circumstantiam personæ , circa quam fuit delectatio . Ratio est , quia delectatio morosa non solum est mala ex malo motu , sed etiam est mala ex casualitate , quàm ex sua natura habet in opus externum. *Bon. num. 19. Nauarr. c. 16. n. 9. Lessius lib. 4. cap. 3. dubio 16. n. 119.*

91 Turpiloquium si fiat propter delectationem , quæ præcisè capitur ex narratione , absque prava intentione , est peccatum veniale tantum , si verò fiat animo oblectandi se de rebus turpibus narratis , est peccatum mortale , ita communiter Doctores .

De statu Religioso .

**R** Religio à qua appellatur religiosus , ut ait *S. Thom. 2. 2. q. 81. art. 1.* dicta est à relige.

gendo, id est iterato, vel frequenter eligendo ea, quæ sunt diuini cultus.

2 Ad essentiam status religiosi requiritur editio trium votorum, siue solemniū, siue simplicium, nempe votum castitatis perpetuæ, paupertatis, ac obedientiæ.

3 Regulæ religiøsæ sunt quatuor, S. Basilij, S. Augustini, S. Benedicti, & S. Francisci, sub quibus omnes religiosi viuunt, præter Societatem Iesu, & Carthusianos, qui quidem ordines habent propria statuta.

4 Seruus intrare non potest in religionem, nec recipi debet, nisi de licentia Domini, & si ingreditur, redditur domino cum omnibus, quæ attulit, fide tamen recepta de eius impunitate, post verò triennium recipi non potest, nisi esset tam longe, quod non posset conferri *can. si quis incognitus* 17. q. 2. & si interim profiteatur, non obstante professione, domino restitueretur, & si monasterium in culpa fuit, quia sciebat eum esse seruum, vel neglexit inquirere, cum notus esset, in religione remanebit, sed monasterium Dominus satisfaciet. *arg. dist. 54. can. si seruus.*

5 Grauatũ ære alieno olim admittebatur ad religionis ingressum, bonis cedendo, hodie verò admitti non potest nisi prius satisfaciat creditoribus ex noua constitutione Sixti V. moderatione à Gregorio XIV. addita *Escobar de statu religioso cap. 7.*

6 Professio facta ante decimum sextum annum est nulla, & inualida, & annus nouitiatus computari debet de momento ad momentum, & si annus nouitiatus per egressum interrumpatur, opus est de nouo incipere: non interruptur tamen manendo extra monasterium de licentia superioris ex causa. *Escob. loc. cit.*

7 Regulares approbati in vna diœcesi possunt

sunt confessiones audire in itinere , si audire non possunt facile Ordinarium, modò parochus non repugnet; & quilibet religiosi, & Prælati regulares facultatem eligendi confessarium habentes, quemlibet sacerdotem eligere possunt, etiamsi non fuerit approbatus ab ordinario; Ratio est, quia Tridentinum in hac re nihil innouavit, sed tantum loquitur de confessionibus secularium, ad quas audiendas accedere vult confessarius ab Episcopo approbatus, ut ait *Suarins relatus ab Escobar cap. 4.*

8 Professio fieri potest per Procuratorem. Ratio est, quia quilibet actus explicari potest per procuratorem, nisi sit à iure expressè prohibitus, ille autem nunquam excipitur expressè, ut patet ex *l. Pomp. ff. de proc. & c. qui ad agendum de proc. in 6. iuncta glossa*, ubi excipiuntur casus.

9 Ingredientes monialium claustra sine iusta causa, & sine licentia Episcopi incurrunt poenā excommunicationis, & Superiores, Abbatissæ facientes, vel permittentes aliquam personam ingredi sua monasteria prætextu facultatum à Summo Pontifice, vel eius à Legato obtentarum ante motum Gregorii XIII. qui incipit: Vbi gratiæ; incurrunt excommunicationem, priuationē dignitatum, & inhabilitatem ad illas, sicut etiam Abbates, aliiq; superiores monasterium facientes, vel permittentes feminas ingredi in sua monasteria eidem excommunicationi priuationi dignitatum, inhabilitati ad illa, & alia posterum obtinenda subiiciuntur, ut patet ex citato motu.

10 Idem determinatur in Bulla Pauli V. contra Abbatissas, & Superiores, quæ aliquam feminam audent introducere, seu admittere, vel retinere, ingredi volentem prætextu licentiarum Apostolicarum. Item monialis, quæ feminam, vel virum prætextu facultatis ingre-

dica.

dientem, admittere præsumit in monasterium, extra casum necessitatis, ipso facto incurrit excommunicationem Papæ reservatam, & priuationem officiorum, & inhabilitatem ad illa, vt habetur expressè in motu Gregorii XIII. quæ incipit. *Vbi gratia*, infantibus non videtur interdictus ingressus ad monasteria monialium, Amen- tibus verò interdicitur.

11 Omnes foeminae ingredientes monasteria virorum incurrunt excommunicationem, Papæ reservatam; Hæc propositio clarè patet ex motu Pii V. edito anno 1556. 14. Octobris, quæ incipit; Regularium personarum, & quamuis in dicto motu sit sermo de foeminis ingredientibus prætextu facultatum, nihilominus idem Pontifex alibi declaravit, eidem excommunicationi subiici foeminas quascunque ingredientes, etiamsi nullam licentiam habere prætendant: vt patet non solum ex Bulla citata Pii V. sed etiam ex praxi sacre pænitentiarie, *Teste Bonacin. de clausur. & pœnis viol. pun. 3. n. 1. & Fill. tr. 15. c. 5. qu. 5. nu. 118.*

12 Dantur multi casus in quibus mulieres sæculares ad virorum regularium habitationem admittuntur sine scandalo, & peccato. Primus Reginae cum comitatu. Secundus, monasterii fundatrices. Tertius, aliæ sæminæ illustres cum comitatu. Quartus, in sepultura Ecclesiastica simul mulieres comitantes admittuntur. Quintus, mulieres honestæ ad aulam Abbatis, a claustro remotam, admitti possunt secluso scandalo.

*De Legibus in communi, & in particulari.*

1 **D**iuersimode definitur lex à Doctores. A discipulis communiter *S. Th. par. 2. q. 91. art. 4.* sic definitur. Lex est ordinatio rationis



nis ad bonum publicum, promulgata ab habente curam communitatis, aut ab habente potestatem obligandi.

2 Lex diuiditur à *S. Th. 1, 2. qu. 9.* in quatuor membra, idest in legem æternam, diuinam, humanam, & naturalem.

3 Lex æterna largè sumpto vocabulo est ipsa mens diuina, quæ ab æterno ordinauit omnia. *Prouerb. 8. Ab æterno ordinata sum*, sed strictè accepta, est mens, & ratio Dei, qui bona præcipit, & mala prohibet, & per hoc definitur peccatum, dictum, factum, concupitum, contra legem diuinam æternam: secundùm August. Vide de hac lege æterna plura apud *S. Thom. 1, 2. quest. 91.*

4 Diuina lex est illa, quæ vim habet, quatenus à Deo ordinatur, & hæc duplex est, antiqua, & noua. Antiqua vt erat Mosaica, & noua, idest lex Euangelica, vt est lex baptismi, & confessionis.

5 Lex diuina diuidi etiam potest in diuinam naturalem, & diuinam positiuam. Lex diuina naturalis est illa, quæ præcipit id, quod à lege naturali præcipitur, vt sunt præcepta decalogi, Diuina positiua est illa, qua præcipitur, quod non est lege naturali sancitum, vt præmittenda est confessio ante sumptionem Eucharistiæ, ab existente in peccato mortali, & dicitur lex diuina positiua, quia iure naturali non præcipitur confessio ante sumptionem Eucharistiæ, sed iure diuino.

6 Lex humana dicitur illa, quæ constituitur auctoritate humana, & est duplex; Ecclesiastica, & secularis.

7 Ecclesiastica est illa, quæ constituitur à personis Ecclesiasticis, vt à Summo Pontifice, & à Concilio.



8 Sæcularis est illa, quæ constituitur à persona seculari, vt à Rege, aut Imperatore.

9 Lex naturalis est ipsemet conuenientia ; aut disconuenientia rei cum iusta ratione , ita *S. Thom. 1. 2. q. 94. art. 1. & 2.*

10 Ab aliquibus verò definitur lex , quòd sit dictamen , aut lumen naturale nostræ rationis , quo cognoscimus , quæ sunt euitanda , & quæ sunt facienda .

11 Lex diuiditur in naturalem , genitum , & ciuilem .

12 Lex naturalis constat quid sit , de quo diximus . Lex gentium est illa , quam homines omnes naturali ratione constituunt , *lege omnes populi, ff. de iustitia, & iure*, vt est illa ; Dominia sunt diuidenda : licet enim à principio , & iure naturali bona fuerint communia , & indiuisa , processu tamen temporis ad tollendas discordias , omnes homines naturali ratione ducti iudicarunt dominia esse diuidenda .

13 Lex ciuilis est illa , quæ simpliciter determinat , interueniente tamen auctoritate hominum, & est seruanda .

14 Quando lex ciuilis contrariatur canonicæ, obseruanda est lex canonica . Ratio est , quia sicut Ecclesia potest abrogare leges ciuiles , vt constat ex legibus, quæ permittunt præscriptionem cum mala fide , quæ ob legem ecclesiasticam sunt sublata, vt patet ex *c. fin. de præscriptionibus* : Ita etiam concedere potest legem contra leges ciuiles , & consequenter seruanda est semper lex Ecclesiastica . *Syluester, verbo lex ; quasi. to 9. Suarez lib. 3. de legibus cap. 8. num. 6. Panorm. tab. canonum statuta n. 3. Bonacina de legibus p. 2. num. 17.*

15 Constitui potest lex ab habente potestatem publicam, & iurisdictionem , & vim adstringendi,

gendi. *Bart. in l. Imperium, C. de iurisdictione omnium iudicum.*

16 Sex conditiones saltem requiruntur ad constituendam legem humanam: Prima, quod constituatur à superiore. Secunda, quod sit ob bonum Publicum. Tertia, quod sit iusta. Quarta, quod sit promulgata. Quinta, quod sit tempus elapsum à legislatore præscriptum. Quamobrem si legislator spatium trium dierum appositum ad obligandum; subditi non tenentur, neque obligantur, nondum elapsis tribus diebus. Sexta, quod sit acceptata. *Nauar. c. 23. num. 41. Bonac. puz. 4. n. 25. & 27.*

17 Subiectum legis est homo subditus rationis capax secundum tenorem legis. Ita communiter Doctores.

18 Hinc sequitur, infideles non esse obligatos ad obseruandas leges Ecclesiasticas, quia infideles non sunt subditi Ecclesiæ.

19 Lex humana tam Ecclesiastica quam ciuilis obligare potest in conscientia sub poena peccati mortalis, quando illius transgressio sit in materia graui, & transgressor sit in culpa. *Bon. p. 7. §. 1. n. 1. Regin. l. 23. n. 174. Fill. tr. 21. c. 11. qu. 6. num. 411. & alij communiter.*

20 Aduertendum tamen est, quod non omnes leges humanæ obligant in conscientia sub poena peccati mortalis. Ratio est, quia leges prohibentes venationem, aut piscationem sine tertij præiudicio, aut prohibentes delationem quarundam vestium; aut armorum tempore nocturno; non videntur obligare sub poena peccati mortalis; ergo non omnes leges humanæ obligant in conscientia præsertim sub mortali peccato. *Fill. n. 16. Bon. loc. c. n. 2. Suar. l. 3. c. 27. Nauar. ruz. & alij.*

21 Non solum leges præceptiue, sed etiam poenæ.

poenales obligant sub poena mortalis, aut venialis iuxta gravitatem, aut leuitatem materiae, nisi contrarium constet ex contraria mente legislatoris. Ratio est, quia lex poenalis continet præceptum; ergo lex poenalis obligat in conscientia. *Bon. loc. c. §. 2. n. 3. Fill. tr. 21. c. 11. q. 7. nu. 413. Layman lib. 1. tr. 4. cap. 15. n. 5.*

22 Ex hoc colligitur, præceptum recitandi horas sub poena amissionis fructum, aut legem soluendi vectigalia sub poena amissionis mercedis obligare in conscientia, & sic de alijs.

23 Superior legitimus potest cum inferiore dispensare, & eum facere immunem ab obligatione legis, perseverante adhuc obligatione respectu aliorum. Ratio est, quia obligatio legis humanæ per voluntatem superioris legitimi inducitur, qui præcipit; ergo etiam per voluntatem superioris legitimi tolli potest, iuxta illud: Res, per quas causas nascitur, per easdem dissolvitur, communiter Doctores præsertim *Bon. q. 2. punct. 1. num. 3.*

24 Si lex non prohibet aliquid, an intelligatur esse concessum id quod non est prohibitum. Respondeo, quod duplex habetur argumentum *cap. inter corporalia de translatione*. Vnum scilicet, quod intelligitur prohibitum omne, id quod non est concessum. Alterum, quod intelligitur concessum omne id, quod non est prohibitum, & utrumque argumentum habetur in glossa, quæ & soluit dicens: Primum habere locum in iudicijs, & contractibus stricti iuris, ut in arbitrijs, & privilegijs, & rescriptis. Secundum verò in iudicijs, & contractibus bonæ fidei, in beneficijs scilicet, & absolutionibus, in edictis prohibitorijs, in quibus quilibet admittitur, qui non prohibetur. *Sylvest. verbo lex, n. 21.*

## De Peccatis, &amp;c.

**I** Peccatum diuiditur in originale, actuale; habituale, mortale, & veniale. Peccatum originale contrahitur ipsa conceptione carnis humanæ. Peccatum actuale est dictum, factum, concupitum contra legem Dei æternam, secundum August. lib. 22. contra Faustum c. 27. ut supra diximus de legibus. Secundum verò Ambrosium est præuaricatio legis diuinæ, & inobedientia præceptorum cælestium. Peccatum habituale est quædam macula, quam post se relinquit peccatum actuale, hæc propositio patet ex Ezechiele 36. *Effundam super vos aquam mundam, & mundabimini ab omnibus iniquitatibus vestris, & hæc macula peccati actualis consistit in duobus.* Primò in malitia actus præteriti, perseverante mortaliter per modum habitus. Secundò in priuatione gratiæ habitualis; Sicut enim gratia habitualis est quædam pulchritudo, & sanctitas animæ, ita peccatum actuale sibi vendicat nomen maculæ, quatenus animam priuat splendore. Quamobrem communiter Doctores dicunt, Peccatum mortale habituale consistere in priuatione gratiæ, ita S. Th. 1. 2. q. 86. ar. 1. & 2. Scotus, n. 4. dist. 15. q. 1. art. 2. & alij.

2 Datur peccatum mortale, & veniale, quæ sunt verè, & propriè peccata. Hæc propositio est de fide. Quod detur peccatum mortale, patet ad Romanos 1. *Qui talia agunt digni sunt morte.* Quod detur veniale etiam clarè patet Ecclesiast. 10. *Non est, qui non peccat.*

3 Peccatum mortale est causa æternæ mortis, sed veniales secus, & dicitur veniale, quia est dignum venia.

4 Datur etiam peccatum contra Spiritum Sanctum.

**Sanctum**, quod est definitum à *D. August.* in libro *de verbis Domini*, quod sit impoenitentia finalis quando quis perseuerat in peccato mortali vsque ad mortem.

5 Peccatum Spiritus Sancti dicitur irremissibile vt habetur Matth. 12. *Qui dixerit verbum contra Spiritum Sanctum non remittetur ei in hoc saculo, neque in futuro saculo*, sed tamen ista propositio non sic intelligenda est, quòd nullo modo remitti potest. Hæc propositio falsissima est, cùm non fit peccatum, quod vera contritione non condonetur, vt patet *de pen. & remissionib. dist. 1. can. dicunt, & can. nemo, dist. 7.* sed quia secundum suam naturam meritum habet, quod non remittitur, sicut aliqua infirmitas quæ secundum suam naturam est incurabilis, per quam aufertur, id per quod morbus curari potest; non tamen per hoc præcluditur via diuinæ omnipotentiae, vt sanare possit illam infirmitatem, ita etiam peccatum in Spiritum Sanctum dicitur irremissibile, quia ex se tollit illa merita, per quæ fit remissio peccatorum, sed per hoc non præcluditur via diuinæ omnipotentiae, & misericordiae.

6 Tribus modis committi potest peccatum; cogitatione, verbo, & opere,

7 Ad peccatum mortale requiritur plena, & perfecta deliberatio, aut expressa aduertentia malitiæ, periculi, aut saltem certa dubitatio expressa. Ratio est, quia si quis non considerat periculum mali, aut non dubitat de aliqua mala cogitatione, iudicatur laborare inaduerrentia, seu obliuione inuincibili, & inculpabili, quæ æquiparatur ignorantiae inuincibili. Quamobrem non sufficit, vt quis dicatur comittere peccatum contra præceptum ieiunij, quia in die ieiunij comedit, aut coenat, sed requiritur,

vt aduertat illam comestionem , aut coenam  
esse malam, aut probabiliter ; ideò quis punitur ,  
quia amplectitur peccatum, & qui agit inaduer-  
tenter , non dicitur amplecti peccatum ; igitur  
ad peccatum requiritur malitia, seu aduertentia .  
*Reginald. l. 11. cap. 3. nu. 32. Bon. de peccatis disp. 2.  
q. 2. pun. 3. n. 3. Fill. tr. 21. cap. 6. n. 50. Syluest. Cai-  
tanus, & alij .*

8 Ad peccatum requiritur consensus . Ratio  
est ; quia non dicitur peccatum , nisi sit volunta-  
rium ; sed voluntarium dicitur illud, cui voluntas  
consentit ; ergo non dicitur peccatum, nisi adsit  
consensus .

9 Quomodo possumus cognoscere, an adfue-  
rit consensus perfectus, & deliberatus ad mor-  
tale, aut imperfectus, & insufficiens ?

Respondeo , tres regulæ in hac materia dari  
possunt . Prima si homo se cognoscit affectum ,  
& animo dispositum ad peccatum, vt licet illud  
peccatum faciliter committere posset, non com-  
mitteret, vt plurimum iudicari debet non ad-  
fuisse consensum deliberatum , & ad mortale  
sufficientem . Secunda regula est, si ille, qui du-  
bitat, sit persona bonæ vitæ, conscientia timo-  
rata, vt dissentire soleat peccatis, vt plurimum  
iudicari debet etiam non habuisse plenum con-  
sensum, & plenam aduertentiam ; licet commi-  
serit aliquam negligentiam in expellendis tenta-  
tionibus . Tertia, quando quis dubitat, an fe-  
cerit aliquid, aut in somno voluerit, est signum  
imperfecti consensus, neque est signum suffi-  
ciens sola perseverantia delectationis. *Bon. disp. 2.  
q. 2. pun. 1. num. 19 Filliuccius tract. 21. cap. 6. qu.  
10 num. 25.*

10 Peccatum mortale differt à veniali. Ratio  
est ; quia mortale priuat gratia, & charitate, &  
affert mortem spiritualem animæ, sed veniale  
non

non priuat charitate, & gratia, neque affert mortem spiritualem animæ.

12. Essentia peccati venialis effici non potest essentia peccati mortalis, quia sunt duæ species distinctæ, vt leo fieri non potest equus, neque è contra, attamen veniale disponit ad committendum mortale. Iuxta intentionem, qua aliquis dicit illud peccatum veniale; ita intelligenda est illa sententia Diui Augustini: Nullum peccatum adeò veniale, quin fiat mortale dum placet. *S. Bonauent. in 4 dist. 7. communiter Doctores.*

12. Aduertendum est, quòd quando quis facit aliquid, quòd non peccatum, putans, ex conscientia erronea esse peccatum, peccat, nisi deponat conscientiam erroneam. Ratio est, quia qui credit aliquid esse peccatum, & adhuc vult illud committere, censetur habere sufficientem voluntatem ad peccatum; cum velit illud, quòd iudicat esse peccatum, iuxta illud, ad Roman. 14. *Omne, quòd non est ex fide, peccatum est*, idest omne illud est peccatum, quòd non est secundum conscientiam, vt exponit Chrysostomus, Ambrosius relat. à Bonacin. *pun. 6. nu. 13. Filliuc. tract. 21. cap. 4. qu. 2. §. 3. Regin. lib. 13. num. 69.*

14. Peccat etiam ille, qui operatur cum conscientia practicè dubia. Ratio est, quia ille, qui operatur cum dubio peccandi, exponit se periculo peccandi, de quo dubitatur, & qui se exponit periculo peccati peccat: Ecclesiast. 3. *Qui amat periculum peribit in illo.* Bonac. *pun. 7. nu. 3. Filliuc. tr. 21. c. 4. qu. 8. Sanch. in opere morali. l. 1. c. 10. n. 1. Regin. l. 13. n. 81.*

15. Non sunt tot peccata, quot sunt obiecta; circa quæ vobis, & idem actus, eodem tempore dirigitur. Ratio est, quia quando est vnicum tantum obiectum, circa quòd dirigitur vnicius,



actus, est vnicum peccatum; ergo etiam est vnum peccatum, quando vnus, & idem actus simul dirigitur circa plura obiecta eiusdem rationis. Quamobrem, qui intendit occidere aliquam familiam, non committit tot peccata, quot sunt homines illius familiae. *Navar. in sua summa c. 6. n. 6.* Idem proferens blasphemiam in duodecim Apostolos, non dicitur committere duodecim peccata. Idem posset dici de illo, qui vno, & eodem actu percutit plures Clericos, vnam tantummodo cenfuram incurrit. *Bonac. de peccatis, dis. 2. q. 4. pun. 2. n. 2. Fill. tr. 21. c. 8. qu. 12. n. 230. Navar. in summa c. 6. n. 8.*

16 Multae sunt causae, quae excusant à peccato. Prima est impotentia adimplendi praeceptum. Ratio est, quia nemo ad impossibile tenetur, *l. impossibilem. ff. de regulis iuris*. Secunda est non posse ieiunare toto die, sed tantum ad vespervas; consequenter non peccat ille, qui ieiunare non potest; si manè ientaculum sumat. Tertia est, quando quis ob infirmitatem, aut aliam rationem non potest recitare totum officium; tenetur saltem ad illam partem, quam commodè satisfacere potest; dummodo tamen sit pars notabilis. Quarta est, quando quis audire non potest totum sacrum; tenetur saltem audire illam partem, ad quam non est impotens; dummodo etiam sit pars notabilis. *Bonac. q. 8. pun. 1. n. 1. Navar. cap. quando, de consecratione. dist. 1. cap. 11. num. 16.*

17 Violentia absoluta excusat à peccato. Ratio est, quia nullum peccatum est peccatum, nisi sit voluntarium *ut supra diximus*; sed peccatum non potest dici voluntarium factum cum violentia absoluta, quia non consentit ille, qui aliquid facit per violentiam absolutam; ergo, &c. ita communiter Doctores.



18 Sed aduertendum est, quòd duæ resistentiæ requiruntur ad hoc violentiæ genus, per quod homo excusatur. Prima ex parte voluntatis, idest, vt voluntas ipsa, posita aduertentia nolit hanc violentiam inferri. Secunda, ex parte facultatis exterioris, idest, vt ille, cui violentia infertur, violentiam propulset quantum potest; fugiendo, & vociferando, vel aliquid aliud faciendo. Quamobrem si fuit raptus ad committendum homicidium, & non faciat resistentiam inferenti quantum potest, non potest excusari ab homicidio, quia non dicitur pati absolute violentiam, ita communiter Doctores præsertim, *Bon. in dicta qu. punct. 2. n. 2.*

19 Metus aut probabile periculum damni grauis excusat à legis humanæ transgressione, regulariter loquendo, & consequenter à peccato. Ratio est, quia non supponitur legem humanam obligare cum tanto onere, & plusquam obligat lex diuina. Diuina enim lex præcipit confessionem præmittendam esse ante sumptionem Eucharistiæ, tamen non obligat simpliciter in omnibus casibus; ergo metus, & periculum grauis damni excusat à transgressione legis humanæ, & consequenter à peccato. *Bon. disp. 2. qu. 8. pun. 2. n. 3. Sanch. in opere morali l. 1. c. 18. num. 4. Laym. lib. 1. tr. 24. n. 5. & alij.*

20 Ignorantia inuincibilis excusat à peccato, & consequenter etiam à poena imposita ob culpam. Ratio est, quia vt paulò antè diximus non est peccatum; nisi sit voluntarium, peccatum voluntarium dici non potest cum ignorantia inuincibili; ergo ignorantia inuincibilis tam iuris, quàm facti excusat à peccato. *Bonac. loc. c. nu. 12. Reginald. lib. 11. num. 13. Filliuccius tract. 21. cap. 11. q. 5. nu. 405.*

21 Dicitur ignorantia inuincibilis, illa, quæ

vinci non possit, quando v.g. quis nihil vnquam cogitauit, vel dubitauit de aliqua lege, vel nunquam lex in mentem venit; quis enim vincere potest ignorantiam, de qua nihil vnquam cogitauit?

22 Peccatum per ignorantiam minui potest, vt ex mortali fiat veniale. Ratio est, quia peccatum mortale ex suo genere fieri potest veniale ob imperfectam aduertentiam; vt communiter Doctores dicunt; ergo fieri potest etiam veniale per ignorantiam, *Bon. dis. 2. q. 8. pun. 3. n. 21. Reginald. lib. 1. num. 19. Suarez de Sacramentis dis. 81. sect. 3.*

## DE PRÆCEPTIS Decalogi.

**D**ecem sunt præcepta Decalogi. Primum vnum cole Deum. Secundum ne iures vana per ipsum. Tertium sabbata sanctifices. Quartum habeas in honore parentes. Quintum non occisor eris. Sextum non machaberis. Septimum non furtum facies. Octauum nec testis iniquus. Nouum non alterius nuptam. Decimum nec rem cupies alienam.

Omne, quod committitur contra aliquod ex decem præceptis, obligat ad mortale, nisi excusaret aliqua causa istarum trium causarum. Prima defectus deliberationis. Secunda paruitas materiæ. Tertia est defectus pleni iudicii, vt in illis, qui perturbati reperiuntur, & somnolenti; licet enim tale iudicium sufficere possit ad inducendos eos ad veniale; non est tamen sufficiens ad integram rationem, quæ in morali requiritur. *Navar. de præceptis Decalogi c. 11. num. 2. Ioannes maior in 3. lib. sent. dis. 37. q. 14.*

3 Differentia, quæ est inter præcepta affirmatiua, & negatiua est hæc. Affirmatiua enim non obligant semper, & ad semper, sed negatiua obligant semper, & ad semper.

4 Qui peccatum committit, ex quo alia sequerentur, non committit plura peccata, sed vnum, vt v.gr. qui aliquam personam indignam eligeret ad aliquod officium, vbi ob malum regimen oriuntur multa scandala, committeret vnum tantum peccatum. *S. Bonauentura 4. lib. sent. disp. 8. super litteram Magistri qu. 2. Naharr. loc. cit. num. 4.*

## De Adoratione.

5 Adoratio nihil aliud est, quam exhibitio reuerentiæ propter excellentiam illius, cui exhibetur. *S Thom. 2. 2. q. 84. art. 1.*

6 Adoratio triplex est. Alia latriæ, Alia duliæ, & altera hyperduliæ. Latria Deo debetur ob increatam excellentiam. Dulia debetur Sanctis ob creatam perfectionem. Hyperdulia debetur Beatæ Virgini, quæ ob excellentiam omnes sanctos præcelit.

7 Humanitas Christi per se considerata, præcisa persona Diuini verbi, adoranda est adoratione hyperduliæ propter excellentiam creatam; & propter gratiam, qua omnes sanctos præcelit.

8 Sacramentum Eucharistiæ adorandum est absolutè, & non sub conditione, quando dubitatur, an sit facta consecratio, vel non. Ratio est, quia prudenter credere possumus consecrationem fuisse factam: qui autem prudenter agit, non peccat; sufficit tamen adorantem ita affectum esse, vt non adoraret, si non esset consecrans panis, ita *Bonaventura de primo præcepto Decalogi*

*pun. 2. n. 8. Caiet. 2. 2. q. 1. ar. 3. Vasqu. disp. 108. c. 12.*  
 & multi alij apud citatos Doctores.

9 Non committit speciale peccatum necessarium in confessionem explicandum, qui fornicatur, vel furatur, dum habet reliquias ad collum appensas; Ratio est, quia huiusmodi peccata non repugnat directè cultui reliquiarum, ita ut pœnitens explicare teneatur hanc circumstantiam. *Bon. disp. 3. punct. 4. nu. 8. Sanchez lib. 2. c. 40. num. 28. Filliucc. tract. 20. cap. 7. q. 7. n. 129. Laym. & alij.*

### De Fide, & Spe.

10 **F**ides, nihil aliud est, quàm substantia sperandarum rerū, Theologicè sumpta.

11 Quilibet credere, tenetur explicitè articulos fidei, non autem alia; sed solum implicitè; nec tamen est necesse cuilibet explicitè credere omnes articulos fidei, sed quantum sufficit ad dirigendum in vltimum finem. Vnde tenetur quilibet Christianus explicitè credere Deum esse; & prouidentiam eius, & mysteria Christi, præcipuè, quæ publicè in Ecclesia solemnizantur, *S. Tb. 2. 2. qu. 2. art. 7.*

12 Simples errantes in subtilitate fidei non peccant, si non pertinaciter adhæreant peruersæ doctrinæ in particulari contra fidem vniuersalis Ecclesiæ, *S. Thom. loc. cit. Syluester, verbo Fides num. 7.*

13 Ecclesia vniuersalis in his, quæ sunt fidei, errare non potest. Ratio est, quia pro hoc Christus in Evangelio orauit ad Patrem. *Ego pro te rogavi Petre, &c.*

14 Non peccat contra præceptum fidei negatorium, qui metu mortis, vel carceris velcitur inter hæreticos carnibus feria sexta, vel die Sab-  
 bati.

bati. Ratio est, quia eius carniū non est signum ex sua natura protestatiū hæresis, vel falsæ sectæ, & Ecclesia non obligat cum tanto incommodo, modò non adsit scandalum. *Bonac. disp. 3. qu. 2. pun. 3. nu. 23. Filliucc. nu. 84. Azorius l. 9. c. 27. quasit. 4.*

15 Beneficarij curam animarum habentes, aut Canonatum, vel dignitatem in Ecclesia Cathedrali tenentur intra duos menses à die captæ possessionis publicam professionem fidei facere coram Episcopo, vel eius Vicario generali; Immodò obtinentes Canonatum, vel dignitatem in Ecclesia Cathedrali tenentur facere professionem etiam coram Capitulo; alioquin non faciunt fructus suos; dummodo tamen non essent impediti legitima causa, vt colligitur ex *Conc. Trid. sess. 24. c. 12.* & ex Bulla Gregorij XIV. quæ incipit: *Onus Apostolica*. Tenentur etiam facere professionem Episcopi, Archiepiscopi, adepto Episcopatu.

16 Tres sunt species infidelitatis. Paganismus, Iudaismus, & Hæresis. Pagani dicuntur, qui quomodocumque peccent contra fidem, quam numquam habuerunt; & promiserunt; tenentur tamen eam amplecti ex fidei præcepto; Iudæi dicuntur, qui simplici professione fidem promiserunt, antequam Christus adueniret; secundum falsam opinionem eorum existimantium Christum nondum venisse. Hæreticis dicuntur, qui professione solemni prouiserunt in Baptismo.

17 Adest etiam præceptum spei affirmatiuum, quo obligamur aliquando actu spei elicere. Hæc propositio clarè patet ex Psalmo 33. *Beati viri, qui sperant in eo*, & ista spes est virtus supernaturalis, qua speramus beatitudinem obtinendam; posito diuino auxilio.

## De Charitate, &amp;c.

18 **C**haritas nihil aliud est, quàm rectissima animi affectio, qua diligitur Deus propter se, & proximus propter Deum.

19 Ordo seruandus est in charitate: nam primò Deum diligere debet homo, plusquam proximum, & seipsum, & super omnia. Secundò seipsum, & suum corpus, & suas res, plusquam proximum, & eius corpus, aut res. Tertiò proximum plusquam corpus proprium siue propriam vitam, & hoc quantum ad salutem animæ eius. Et quarto plus meliores, quam coniunctiores nobis, & hoc quantum ad speciem dilectionis; ut scilicet maius bonum velimus magis Deo coniunctis. Quintò magis coniunctos, quàm extraneos. Sexto inter coniunctos, plus parentes, quàm filios. Septimò plus patrem, quàm matrem. Octauo plus parentes, quàm uxorem propter maiorem coniunctionem. *S. Thom. 2. 2. q. 15. ar. 3.*

20 Ex hoc sequitur charitatem obligare ad subueniendum extremæ necessitati spiritali proximi cum vitæ periculo, aut facultatum. Ratio est, quia sicut Christus posuit animam suam pro nobis; ita etiam nos debemus illam ponere pro salute proximi. *S. Th. 2. 2. q. 26. ar. 2. Bon. disp. 3. qu. 4. p. 4. num. 2. Reginald. lib. 4. cap. 25.*

21 Non solum quis tenetur iure diuino, sed etiam naturali sub leuare proximum, dum laborat extrema necessitate. Ratio est, quia naturalis ratio hoc dictat, & præceptum diligendi proximum, clarè demonstrant communiter Doctores cum *S. Tb. 2. 2. q. 32. ar. 5. Bonac. loc. cit. pun. 6. num. 2. & 3.*

22 Facienda est eleemosyna omnibus indi-

gentibus, siue iusti sint, siue iniusti, siue fideles, siue infideles, siue sint amici, siue inimici. Hæc propositio patet ex iam dictis, quia tenemur subleuare proximos, & omnes tam fideles, quam infideles sumus fratres in Domino.

23 Sub mortali tenemur corrigere omnia peccata mortalia. Ratio est, quia quodlibet peccatum mortale est materia necessaria correctionis, cum per quodlibet peccatum mortale salus proximi periculo exponatur; ad correctionem venialium non tenemur, neque sub veniali, nisi talia sint, quæ disponere possint ad mortalia. *disp. 3. q. 4. pun. 7. num. 3. Syluest. verbo correctio n. 1. Reginald. l. 4. c. 25. n. 334.*

### De Superstitione, & Diuinatione.

24 **S**uperstitio est quædam irreligiositas, seu vana, vel falsa religio, qua colitur creatura cultu diuino, vel Deus modo indebito.

25 Datur aliud genus superstitionis vniuersale, & magis commune, cum cultus, qui Deo debetur, datur dæmoni, aut alteri quam Deo, & appellatur idolatria, & ab hoc peccato non exculatur metus mortis, quia tribuere cultum Dei rei creatæ, & vanæ, per se est intrinsecè malum. Ita communiter Doctores, præcipuè *Bon. 9. 5. pun. 2. n. 4. Filliuc. 27. 24. c. 2.*

26 Dantur etiam aliæ species falsi cultus quæ consistunt in diuinatione, quæ quidem diuinationi nihil aliud est, quam prænunciatio rerum occultarum, facta ope dæmonis; quæ naturaliter cognosci non possunt.

27 Diuinatione ex suo genere est peccatum mortale, siue fiat cum expressa, siue cum tacita inuocatione dæmonis. Ratio est, quia per diuinationem initur societas cum dæmone perpetuo



tuo Dei hoste, & in hoc non datur paruitas materiæ; si diuinatione serio fiat. *Bon. disp. 3. pun. 3. nu. 7. Regin. lib. 17. nu. 170.*

28 Omnes artes Ariolorum Arupiscum, & Incantatorum sunt detestatae ob quandam societatem dæmonum. Hinc prohibita est iudiciaria Astrologia, præterquam circa agriculturam, navigationem, & contravenientes puniuntur, etiam quoad asserentes, id secretò non affirmare, sicut etiam retinentes libros, tractantes de his, & ista prohibitio ligat in foro conscientiae, etiam si protestentur se id certò non affirmare. Ita *Sixtus V. constit. 27. anno 1585.* quam latè declarauit, *Turreblanca in suo tractatu de matrim. & confirmauit Urbanus VIII.* sic etiam prohibita scientia Paulina, scientia Salomonis, & aliae, quæ per quasdam suspiciones ab aliquibus exequentur, ut de omnibus apud Turreblancam.

29 Poena autem fortilegiorum est, quòd ab Ecclesia ejiciantur, & perpetuo anathemate feriuntur.

30 Maledcorum diuersa est poena, nam si quis ausus fuerit blasphemare publicè Deum, vel aliquem Sanctum, & poenitentiam recusauit agere, viuens ab ingressu Ecclesiae arcebitur, & mortuus carebit Ecclesiastica sepultura.

31 Sacrilegi verò similibus poenis, & aliquando poenis acrioribus puniuntur pro qualitate sceleris, quibus quoque poenis sunt obstricti, sacrilegis consentiens, & sacerdotes ipsis impoenitentibus, & satisfacere nolentibus ministrantes absolutionem sacramentalem, & alia sacramenta, vel interuenientes sepulturae eorum, vel recipientes ab eis eleemosynas.

32 Sacrilegium committi potest tribus modis, vel ratione rei, vel ratione loci, vel ratione personae. Ratione rei, cum quis sacrum de sacro,



sacro vel sacrum de non sacro ; vel non sacrum de sacro aufert . Ratione loci , cùm violatur immunitas Ecclesiæ , vel Cæmeterij ; ideò sacri . legium est opprimere hospitalia , loca pia , & similia . Ratione personæ , cùm quis in Clericum , vel monacum violentas manus injicit , vel si iuniscet carnaliter cum persona Deo dicata , scilicet cum moniali .

*De vana Observantia , & maleficio .*

33 **V**ana observantia est superstitio , qua adhibentur media inutilia ad præstandum aliquid , quod illa media nec à natura , nec à Deo nullam habent virtutem : ita *S. Thom. 2. 2. q. 96 art. 1. & 2.* vt quando quis intendit includere dæmonem in anulo , aut lusores , mutant loca ad evitandam malam fortunam , quamvis aliqui excusent lusores à mortali , quia non videtur peccatum perfectum superstitionis .

34 Maleficium est , cùm quis arte dæmonum facit , vel dicit aliqua ad nocendum alijs .

35 Non est licitum maleficium alio maleficio dissolvere , si non potest fieri sine ope dæmonis , si verò potest fieri modo licito , solui potest maleficium alio maleficio , faciendo ea , quæ præstari possunt sine ope dæmonis , v.g. dissolvendo ligaturas , aut eas remouendo à sepulcro ; hoc enim non est intrinsecè malum ; ita *Bon. pun. 5. nu. 7. Filliucc. tr. 24. cap. 8. qu. 4. nu. 192.*

36 Tenetur quis reuclare Prælato , vel Inquisitoribus , Magum , aut maleficum , quando quis scit esse Magum aliquem , vel maleficum , quia semper hi reputantur de fide suspecti . Vide de hac materia , *Bon. loc. cit. Toletum lib. 4. cap. 16.* & multos alios apud Doctores citatos .

## De Blasphemia.

37 **B**lasphemia nil aliud est, quàm dicere tacitè, aut verbis aliquid contra Deum, & suos sanctos, aut attribuere ei quod non conuenit, aut negare, quod ei conuenit, aut attribuere creaturis, quod est proprium Dei. *S. Thom. 2. 2. qu. 13. art. 7. communiter receptus.*

38 Blasphemia est peccatum mortale grauissimum. Ratio est, quia est contraria confessioni fidei, & diuinæ bonitati, videtur derogare voluntatem Dei *S. Th. loc. cit. art. 1. 2. & 3.* tamen si quis ex passione subito prorumperet in verba contumeliosa, non aduertens, neque considerans significationem verborum, non peccaret mortaliter, sed si aduertit esse verbum blasphemix, peccat mortaliter, licet subito ex passione in illud verbum prorumperet, & statim poeniteret illud dixisse. *S. Tho. in dicta questione, art. 2. ad tertium.*

39 Blasphemia alia est hæreticalis, alia simplex; hæreticalis est illa, quæ opponitur directè articulis fidei, vt v.g. Deus est ingratus, nego fidem, aut puritatem Beatæ Virginis, vel quid simile contrarium fidei. Simplex dicitur illa, quæ directè non opponitur articulis fidei; vt si quis dicat, sit Deus maledictus: Illa enim verba, quæ proferuntur contra Deum per modum optandi, non dicuntur blasphemix hereticales, sed simplices, quia per se considerata non continent falsitatem contra fidem. *Bonac. de blasphemia pun. 1. n. 4. Fill. tr. 25. c. 2. q. 4 n. 17. Sanch. in sua summa lib. 7. cap. 32. num. 36.*

40 Non differt specie blasphemia in Deum à blasphemia in sanctos, sed est eiusdem speciei maior; aut minor pro grauitate, aut leuitate materiæ.

materiae. Ratio est, quia sicut blasphemia in Deum habetur, & in sanctos; ita habetur iuramentum per Deum, & per sanctos; solius iuramentum per Deum, & per sanctos non differt specie: ergo quaelibet blasphemia est eiusdem speciei: *Caetan. verbo blasphemia, Bon. l. c. p. 4 n. 1. Fill. tr. 25. c. 1. q. 7 n. 51. Lessius lib. 2. c. 45. d. 10 5. num. 33 in fine.*

41 In confessione explicanda est qualitas blasphemiae; licet aliqui dicant contrarium, quia non mutat speciem. Ratio nostra est, quia sicut debet explicari quantitas furti, & damni, ut supra diximus de sacramento poenitentiae; ita etiam explicanda est qualitas blasphemiae, nam haec non solum est circumstantia peccati; sed aliquid, quod ad obiectum spectat: ita *Bon. loc. c. num. 2. Reginald. num. 201. Fill. tr. 25. c. 1. q. 7. in. 26. Laym. num. 12.*

42 In blasphemia tamen in sanctos non est necesse exprimere sanctum. Ratio est, quia blasphemiae in sanctos sunt eiusdem speciei, & diuersitas personae non aggrauat peccatum, regulariter loquendo; ut cogat poenitentem istam circumstantiam confiteri. *Bon. loc. cit.*

*De secundo precepto Decalogi, nempe de  
Iuramento.*

**I**uramentum est vocare Deum in testem: *S. Thom. 2. 2. qu. 89.*

2 Tres comites requiruntur in iuramento veritas, iudicium, & iustitia, id est quod sit verum quod iuratur, & quod sit iustum, & sit Deo factum cum debita reuerentia, & est mortale communitur, quando deficit veritas, & tanta iustitia ei, quod iuramento confirmatur, sed est veniale, si deficit solum iudicium, aut reuerentia.

*Filliucc. tr. 25. cap. 2. qu. 3 nu. 45. & sequent. Bonac. de secundo precepto Decalogi, disp. 4. q. 1. pun. 3. nu. 4. & alij communiter.*

3 Licitum est iuramentum, ut clarè patet ex *Psal. 62. Laudabuntur omnes, qui iurant in eo.*

4 Duplex est iuramentum, vnum assertorium, aliud promissorium. Assertorium est illud, quo solemus affirmare, vel negare præterita, vel præsentia, ut iuro per Deum Caium fuisse vulneratum à Titio, *cap. si verò de iureiurando.* Promissorium verò est illud, quo promittimus dare aliquid in futurum, ut per Deum dabo tibi decem aureos, ædificabo tibi domum, *ea contingat, de iureiurando.*

5 Iuramenti materia debet esse licita, & non peccaminosa; nam qui promittit rem illicitam iuramento, & non potest illam adimplere sine peccato, non tenetur illam adimplere. Ratio est, quia iuramentum non est vinculum iniquitatis, nec ad malum obligare potest; *secundum regulam iuris in 6. & communiter Doctores.*

6 Iuramentum factum contra primum iuramentum, aut contra primam promissionem validam non obligat. Ratio est, quia iuramentum secundum, aut secunda promissio est de re, quæ servari non potest sine peccato; sed iuramentum, aut secunda promissio, quæ sine peccato adimpleri non potest, non obligat, ergo secunda promissio, vel secundum iuramentum non obligat. *Bonac. pun. 6. num. 1. Sanchez cap. 9. Filiucc. nu. 185.*

7 Aduertendum tamen est, quod illæ obligationes, quæ sunt factæ ante primam obligationem iuratam, sunt validæ, nisi contrarium aliunde constet; nam venditio facta contra primam promissionem iuratam non vendendi, est valida, matrimonium contra sponsalia iurata est validum.

lidum. Bonac. loc. cit. n. 2. de leg. traditionibus, C. de pactis l. quoties, C. de rei vindicatione.

8 Non nascitur obligatio ex iuramento facta sine animo obligandi. Ratio est, quia Deus accipit iuramentum, prout ex corde procedit. *can. humana aures* 22. q. 5. ergo huiusmodi iuramentum non obligat. *Sanchez in summa cap. 10. num. 8. Sylvester, verbo iuramentum 4. q. 7. Bonac. pun. 7. nu. 7. Filliucc. tr. 25. cap. 6. qu. 2. nu. 144.*

9 Ex iuramento facto cum animo non adimplendi nascitur obligatio ex vi iuramenti. Ratio est, quia sublato inferiori, non tollitur, quod prius est; sed in iuramento animus exequendi est posterior animo se obligandi; ergo sublato animo exequendi, non tollitur animus obligandi & consequenter neque tollitur obligatio, quæ nascitur ex iuramento facto cum animo obligandi. *Sanchez lib. 3. in summa cap. 10. num. 5. Bonac. dicto pun. 7. nu. 5. Filliucc. tr. 25. cap. 6. q. 4. nu. 150. Lessius cap. 42. dub. 8. nu. 4.*

10 Iuramentum factum per metum grauem; licet aliqui dicant distinctè, quod obligat, *Sylvest. verbo iuramentum 4. num. 7.* quem sequitur Ioannes Andreas, Panormitanus melius distinguit, & dicit, quod obligatorium in conscientia, si ille qui iurauit intendebat se obligare: si non intendebat, non obligatur. Ratio est, quia Deus, (vt paulò antè diximus,) accipit iuramentum, prout ex corde procedit, *dicto can. humana aures, 22. qu. 5.* sed in foro iudiciali iuramentum factum per metum grauem non obligat, quia non præsumitur aliquem iurasse animo adimplendi: communiter Doctores.

11 Iuramentum licitè peti potest ab illo, quem credimus iuraturum fallum; dummodo tamen adsit iusta causa, illud petendi. Ratio est, quia non petitur, nec intenditur periurium, sed iura.

iuramentum, quòd quis facere potest licitè sine mendacio. *S. Th. q. 98. a. 4. Caietanus, & alij apud Lessium lib. 2. c. 43. dub. 10 n. 49. Bon. p. 2. n. 1.*

12 Magis obligat votum, quam iuramentum. Ratio est, quia obligatio voti causatur ex fidelitate, quam Deo debemus, sed iuramentum communiter fit ob bonum proximi. *S. Th. 2. 2. q. 89.*

13 Iuramentum in conscientia obligat præcisè ad factum, quando quis promittit aliquid, quod in facto consistit; licet in foro civili non obliget præcisè ad factum, sed soluendo interesse liberatur, sed quando quis promittit factum alienum, tenetur facere quantum in se est. *Syluest. verb. iuramentum 4. nu. 21. & probatur ex cap. qualiter pœnis.*

14 Qui dolosè iurat aliquid, aliter intelligens quàm ille cui iuratur, intelligit, non existente legitima causa vtendi tali dolo, peccat mortaliter, si non iurat secundùm communem intelligentiam illius, cui iuratur. Ratio est, quia quando ille, qui iurat, vtitur tali dolo, & alter non, adimpleri debet secundùm intentionem illius; cui iuratur. *can. quacumque, art. 22. qu. 1. Innoc. & alij in cap. verus, de iure iurando, sed quando ille, qui iurat, est in bona fide, & alter vtitur dolo tunc adimpleri debet secundùm intentionem iurantis. S. Thom. 2. 2. q. 89. ad quartum.*

15 Iuramentum in dubio ita explicandum est; vt seruata proprietate verborum, vt quantum fieri potest, minus obliget. Ratio est, quia vbi tractatur de obligatione contrahenda, strictè faciendæ est interpretatio, nisi constet contrarium ex intentione illius, qui iurat. *cap. 1. de iure iur in 6. l. quidquid astringenda. ff. de verb. obligat. Abbas in cap. Clerici de verbor. signif.*

16. **V**otum est promissio deliberata Deo facta de bono meliori.

17. Ad votum non sufficit propositum, sed requiritur promissio, & plena deliberatio. Ratio est, quia votum est quædam lex priuata, qua quis Deo obligatur; sed nullus iudicatur velle se obligare, nisi habeat plenam deliberationem illius, quod facit; ergo qui non habet plenam deliberationem non peccat, violando votum. *Bonac. de voto n. 3. Nauar. c. 12. n. 17. Less. l. 2. cap. 4. dub. 1. num. 2. Filliuc. & alij.*

18. Duplex est votum, simplex, & solemne. Simplex consistit in quadam nuda promissione, ut quando quis simpliciter promittit non ludendi, aut non contrahendi matrimonium. Solemne fit per professionem legitimam factam in approbata Religione, vel per suspensionem Ordinis sacri. *cap. 1. de voto in 6.*

19. Votum factum ob metum grauem, qui cadit in constantem virum ut metus mortis, est ipso iure nullum, sed votum factum ob metum grauem incussum à causa extrinseca est validum. Ratio est, quia istud votum spontaneè fit, & matrimonium, & alij contractus ob similem timorem non inuvalidantur; ergo neque votum. *Bon. pun. 3. n. 3. Fill. tr. 26. c. 1. n. 10. Nauar. cap. 12. num. 12. Sanch. cap. 3. num. 4.*

20. Ex hoc sequitur validum esse votum factum ab illo, qui votum emisit ad euitandum naufragium, dum in mari existat.

21. Votum factum de re indifferenti non obligat. Ratio est, quia res indifferent non est res bona secundum suam naturam; & votum non nendi die Sabbati in honorem Beatæ Mariæ



*nald. l. 18. n. 276. Fill. tra. 26. c. 5. q. 5. nu. 86. & alij apud Sanchez lib. 1. de matrim. disp. 9. nu. 11.*

25 Opera facta ex voto sunt maioris meriti, quam illa, quæ non fiunt ex voto. Ratio est, quia ille, qui sine voto facit, vnicum consilium adimplet, idest faciendi; qui verò ob votum facit, adimplet duo consilia, nempe vouendi, & faciendi, *S. Th. 2. 2. q. 78. art. 6. & omnes in 4. dist. 38. & gloss. singularis in Clementina 1. de reliquijs. & venerat. sanct.*

26 Quælibet creatura rationalis, sanæ mentis emittere potest votum, nec peccat ille, qui votum emittit de illo, quod non est in sua potestate, quia in voto intelligitur hæc tacita conditio si superiori placuerit. *S. Thom. dicta quest. art. 8.*

27 Qui vouit quolibet die veneris ieiunare; tenetur eo die ieiunare, & à carnibus abstinere, etiamsi in eum diem incidat dies Natiuitatis Domini; dummodo tamen illum diem vouens expressè non exceperit. Ratio est, quia non solum habentur hæc verba in *c. fin. de obseruation. ieiunij*. Adstricti voto, aut regulari obseruantia prohibentur carnes comedere die veneris, aut sabbati, in quem incidit Natiuitis Domini; licet elus carnum eo die alijs fidelibus permittatur; sed etiam quia vouens se obligauit generaliter pro quolibet die veneris. *Bona. dis. 4. qu. 1. p. nn. 4. n. 9 Reginal. lib. 8. n. 390. Filliuc. tr. 26. & alij apud Sanch. in summa lib. 4. c. 11. n. 60.*

*De Commutatione, Dispensatione, & irritatione Voti.*

28 **P**ontifex irritare potest omnia vota fidelium, Episcopus suorum subditorum, Domini vota realia seruorum, Tutores, & curatores



tores omnia vota realia vsque ad vigesimum quintum annum: Patres familias omnia vota filiorum, quæ præiudicant regimini domus. Fallit tamen in voto terræ sanctæ: nam hoc votum pater annullare non potest, *c. ex multa, de voto*; Neque maritus, & vxor emittere possunt votum alteri præiudiciale, hæc propositio extenditur etiam ad vota facta ante matrimonium, quia quantum ad hoc sunt pares. Fallit tamen in voto terræ Sanctæ, quod vir facere potest sine consensu vxori, *dicto cap. ex multa*; vxor tamen hoc facere non potest sine licentia mariti, quia non potest sic discurrere sine periculo castitatis. Fallit etiam in modica peregrinatione, etiam sine voto, quia vir sine licentia vxoris facere potest, quia in regimine vitæ mulier est subiecta viro non autem contra; Prælati, & Superiores omnia vota Reliosorum irritare possunt excepto voto strictioris Religionis: communiter Doctores, præcipuè Syluest. verbo votum 5. n. 2. Bonac. punct. 7. nu. 26. Filliucc. tract. 26. cap. 8. q. 9. n. 240 Reginald. n. 321.

29 Ecclesiæ Prælati auctoritatem habent dispensandi, & communicandi vota. Summus verò Pontifex, aut qui ab ipso auctoritatem specialem habet, dispensare potest in quatuor sibi reservatis secundum morem curiæ, scilicet in voto perpetuo continentiæ, & consequenter Religionis, & in tribus votis scilicet peregrinationis Terræ Sanctæ, Apostolorum Petri, & Pauli, & S. Iacobi in Compostella, ita de facto seruatur, licet in iure non sit cautum, nisi de voto pro subsidio Terræ Sanctæ, *c. ex multa de voto*, & omnia ista quatuor vota sunt Pontifici reservata, ut constat ex extrauag. Sixti IV. in cap. & si dominici, de penit. & remiss.

30 Aduertendum tamen, quod Prælatus com-

commutare non potest vota sine iusta causa. Ratio est, quia sicut Prælati non potest præcipere malum, ita neque bonum impedire, *Syluest. verbo, votum 4. n. 6.*

31 Commutare votum in aliquid maius, vel æquiualens cum causa potest quilibet Confessarius; immò & ipse poenitens secundum aliquos.

32 Hic nascitur difficultas, an Summus Pontifex dispensare possit in voto solenni continentie.

Respondeo, quod quantum ad votum solenne solemnizatum ordinis sacri susceptione communiter Doctores dicunt, quod potest, quantum ad votum solenne solemnizatum professione Religionis approbatæ. Aliqui dicunt, quod etiam potest, ut de facto fuit dispensatum cum aliquibus: Ego autem adhæreo opinionibus S. Th. q. 88. ar. 11 *Syluest. verbo, votum 4. nu. 5.* & aliorum apud *Sanch. in opere morali lib. 4. c. 10. nu. 75.* asserentium Papam in hoc voto dispensare non posse. Ratio colligitur non solum ex Levitici ultimo ubi habetur: *Illud, quod est semel Deo dictum, non debet conuerti in profanos usus; sed etiam ex cap. cum ad monasterium de statu monachorum, ubi hæc sunt formalia verba: Abdicatio proprietatis, sicut etiam custodia castitatis, adeo est annexa regula monachali; ut neque Summus Pontifex contra eam indulgere possit.*

*De Tercio præcepto Decalogi sanctificandi dies festos.*

1 **O**mnia festa fidelium Christianorum, & etiam dominicæ sunt introductæ de iure canonico, & nullum de iure diuino, & consequenter humana potestate abrogari possunt, in alium diem commutari, ut tenet S. Th. 2. 2. qu.

122. art. 4. *Bon. de tercio praecepto Decalogi q. unica n. 4. Thom. Valdensis Carmelita de sacram. ca. 14.* & allegat dictus Thomas ad hoc effectum S. Iacobum, & Remigium; licet aliqui teneant, quod Dominicae sunt introductae de iure diuino.

2 Præceptum obseruandi festum non præcipit cultum diuinum interiorem, qui consistit in cogitando diuina mysteria, sed tantum exterio-rem, qui consistit in audiendo sacro, & cessando ac operibus seruilibus, vt benè docet *Caietanus*. 2. 2. q. 122 art. 4.

3 In diebus festiuis non prohibentur omnia opera, sed solum seruilia, & sunt illa, ad quæ deputati sunt serui. *S. Th. dicta qu. 122. art. 3. ad tertium*, vbi etiam dicit, quod sunt septem genera operarum seruiliū, quæ licitè possunt exerceri diebus festiuis. Primum est, illud, quo Deo seruimus in diuino cultu. Secundum est exercitium cuiuslibet operis spiritalis, vt est docere verbis, aut scriptis. Tertium, opus necessarium ad salutem propriæ personæ. Quartum necessarium ad salutem corporalem proximi. Quintum, necessarium ad euitandum damnum præparatum, tam proprium, quam proximi. Sextum, opus necessarium, quo præparatus est elus. Septimum, Piscatio cum licentia Prælati Ecclesiæ, *cap. licet de ferijs*.

4 Quinque opera non seruilia sunt prohibita in diebus festiuis ob legem canonicam, Mereatus, Iudicium ciuile, aut criminale, & iuramentum; hoc tamen intelligitur non existente necessitate; Hæc prohibentur per *cap. primum de ferijs*, & per aliud capitulum prohibentur omnis processus, & actus iudiciales, exceptis tamen illis, qui ob pietatem.

5 Opera, quæ ab anima procedunt permittuntur, & licitè fieri possunt in die festo, exceptis

ptis quibuldam casibus in iure expressis, de quibus diximus, ita *S.Th. in dicta qu. 102. art. 4. Bon. pun. 2. nu. 6. Regin Syluester, & alij.*

6 Ex hoc sequitur: Primò licitum esse aduocato in die festo operam dare studijs, scribere, & informare iudices in scriptis. Secundò licitum esse doctõribus in die festo consilia dare etiam si hoc faciant ob lucrum. Tertiò licitum esse Ciuibus conuenire ad consilia, & eligere personas ad officia in diebus festiuis, *Caietan. in d. q. D. Th. Bonac. locis citatis n. 8. & 9.*

7 Opera corporalia, quæ propriè sunt seruilia prohibentur in die festo, vt fodere terram, arare, & facere quid simile: Hæc propositio clarè patet ex *Leuit. 23.* vbi sunt hæc verba; *Omnes opus seruile non facietis in illo;* sed opera corporalia, quæ sunt communia tam seruis, quàm dominis, nobilibus, aut ignobilibus licitè fieri possunt qualibet die. Quamobrem licitum est facere iter; dommodo tamen non addantur circumstantiæ adnexæ operibus seruilibus, vt si cum magno labore imponenda sint onera iumentis, quæ ducuntur, aut deferunt animalia onerata de vno loco ad alium locum; nam hoc per se est opus seruile, sed transferre animalia de vno ad alium locum sine oneribus, non est opus seruile.

8 Licitum est etiam vt instrumentis musicis, ludere, venari, scribere, aucupari, etiam si hoc fiat ob lucrum. Hæc enim opera ex se non sunt seruilia, nec opus seruile fit, quia ob lucrum fit, si de se non sit seruile, Tertiò videtur etiam esse licitum scribere, aut transcribere ex officio, etiam lucri causa; nam actus scribendi, & transcribendi secundum se non videtur esse opus seruile, sed potius liberale, vt bene docet. *Bon. dis. 5. q. unica, pu. 2. nu. 25. Nauar. c. 13. nu. 14. Fill. tr. 29. c. 1. q. 4. n. 3. Lay. c. 2. n. 5. Syluest. & alij.*

9 Quantum non est licitum depingere in die festo, quia est iudicandum opus seruilè; nam communiter fit ab illis qui alijs inserviunt. *Bon. loc. cit. Filliuc. n. 168. Sanch. c. 26. Emmanuel Sà, verbo, festum.*

10 Quintò dicimus cum *Caietan. dista q. 122. ar. 4. Navarroc. 13. n. 9.* quòd nec facere, nec consentire in faciendo barbam die festo esse peccatum mortale, cùm sit res parui momenti, nec veniale si aliqua causa interuenisset; Immodò neque esset mortale, si consumeretur longum tempus in faciendo barbam. Ratio est, quia non solum consuetudo legibus derogat, & habet vim legis, vt communiter Doctores dicunt, sed etiam quia superior videt, & tolerat, & non videtur velle iniicere vinculum, *Bonac. disp. 5. qu. unica, pun. 3. n. 21. in fine, Filliuc. tr. 27. c. 11. num. 227. Laym l. 4. tr. 7. c. 2. n. 3.*

11 Multæ sunt causæ, ob quas quis excusatur, si daret se operibus seruilibus die festo. Prima necessitatis; vt paupertatis, & damni in agricolis tempore messis. Secunda metus magni damni, vt sunt serui. Tertia est obseruantia loci in quo celebratur dies festus. Quarta est paruitas materiæ; & hoc relinquendum est arbitrio viri prudentis, quando dicitur paruitas materiæ, aut pars notabilis. Quinta est timor amittendi magnum lucrum. Sexta est necessitas Reipublicæ, & salutis communis. Ideò excusantur bello decertantes, muros edificantes belli causa, parentes necessaria ad bellum. *Bonac. disp. 4. q. unica, pun. 3. n. 11. & 12. Filliuc. nu. 173. Suarez cap. 28. n. 8.*

12 Qui discedit à loco, vbi dies festus celebratur, non peccat mortaliter missam non audiendo, si ante meridiem perueniret ad locum, vbi dies festus non celebratur, & potest ibi ope-

ra seruilis exercere, nec dicitur fraudem committere, qui iure suo utitur. *Bon. loc. cit. num. 18. Sanchez in opere morali l. 1. c. 11. num. 35. Suarez l. 7. q. 6 num. 13. & alij.*

13 Vagitenentur ad festa loci, in quo morantur. Peregrini, si pernanenter habitant in illo loco, vbi celebratur festum, tenentur; si verò versentur tanquam in hospitio sine intentione habitandi in illo loco, aut constituendi domicilium, non tenentur. Ratio est, quia peregrinus non sortitur forum loci, per quem transit, vt probatur *per textum in l. hares absens §. perinde. ff. de re iudicata*; & qui id illo loco moratur pro modico tempore, non dicitur moraliter permanere in illo.

*De Quarto præcepto honorandi Parentes.*

1 **O**Mnes filij exhibere tenentur reuerentiam proprijs parentibus, & non reuerentia debetur exterior, sed etiam interior; vnde filij, coniicientes contumeliosa conuicia in parentes, peccant mortaliter, & tenentur etiam sub mortali, dum sunt sub patria potestate, illis obedire circa res domesticas, pertinentes ad suam educationem in rebus grauib, & maioris momenti, in alijs venialiter. Ducere vxorem indignam contra voluntatem patris, est mortale & interdum etiam erit mortale, nolle ducere vxorem digna, quam parentes offerunt propter aliquod magnum bonum, quod ex tali matrimonio oriretur, dummodò tamen filius habeat animum ducendi vxorem. In rebus prauis filij non tenentur obedire parentibus. *S. Th. 2. 2. q. 100. art. 5. Filliucc. de 4. præcepto Decalogi c. 1. num. 20.*

2 Tenentur etiam filij subuenire parentibus,

tam in necessitate corporali, quam spiritali; dummodo tamen subuenire possint. Ratio est, quia adimplere non possunt præceptum diligendi parentes, nisi eis tempore necessitatis subueniant. *S. Thom. 2. 2. qu. 100. art. 2. Bonac. disput. 6. q. unica, pun. 5. nu. 3. Filliuc. tr. 28. cap. 1. q. 4 & alij apud citatos Doctores.*

3 Filius ingredi non potest religionem, si parentes existunt in extrema, vel graui necessitate, sed debet eis subuenire; modò concurrant hæ conditiones. Prima, vt necessitas sit grauis, vel extrema. Secunda, vt filius remanendo in sæculo possit subuenire tali necessitati, & ingrediendo non possit. Tertia, vt non sit alius, qui possit, & velit subuenire. Quarta, vt filius, remanendo in sæculo non sit in graui, vel probabili periculo peccandi mortaliter, à quo liberetur per ingressum religionis. Hæc propositio habet locum non solum, si necessitas sui patris sit præsens; verum etiam si futura probabiliter credatur. Militat enim eadem ratio. *Bon. p. 5. n. 4. Filiuc. tr. 29. s. 1. q. 5. n. 9. Sanchez in summa l. 4. c. 2. n. 5.*

4 Si filius fuerit ingressus religionem, & emiserit professionem, & parentes existant in extrema necessitate, tenetur filius egredi ad subueniendum necessitati parentum: tenetur etiam inuito Prælato. Ratio est, quia hoc tenetur facere propter extremam necessitatem extranei; nam si extraneo lapso in puteum solus religiosus subuenire possit, teneatur subuenire etiam inuito Prælato. *Bonac. loco cit. nu. 7. Valentia, Corduba, & alij apud Sanchez loc. cit.*

5 Propter parentes omittit possunt præcepta vt audire sacrum, ieiunare quando parentes reperiuntur in extrema, vel graui necessitate. Ratio est, quia quando concurrunt duo præcepta, quæ eodem tempore adimpleri non possent; illud



lud est obseruandum, quod maius vinculum, habet, sed maius vinculum habet, subuenire parentibus, quàm audire sacrum, & ieiunare; ergo in casu nostro possunt, & debent omitti præcepta; Maior patet. Minor probatur; maius vinculum habet ius naturale, quam positium, quia ius naturale mutari non potest; sed subuenire parentibus est præceptum iuris naturalis; siue vt aliqui volunt iuris gentium; & audire sacrum, & ieiunare est præceptum positium, ergo magis subueniendum est parentibus, quàm seruare præcepta. Item habemus in *cap. fin. de ferijs*, quòd solemnitates, quas mandant Episcopi in proprijs dioecesibus seruari, sunt seruandæ: nisi necessitas, aut pietas proximi contrarium suadeat, quia necessitas non est sub lege, igitur si necessitas proximi, & pietas excuset, quanto magis necessitas, & pietas parentum? Dicit etiam *glossa in dicto cap. quod in operibus misericordia non est faciendæ est distinctio dierum*.

6 Filij possunt parentibus denegare alimenta in omnibus illis casibus, in quibus parentes iure possunt debitis alimentis filios priuare. *l. ultima, C. de alendis liberis*, & iure ciuili ob quatuordecim causas parentes repellere possunt filios ab hæreditate, & alimentis, vt habetur in *auth. vt cum, de appellatione cognosc. §. causas*.

7 Filij nunquam occidere possunt parentes, nisi essent hostes Patriæ, vel Reipublicæ proditores. *Fillius tract. 28. cap. 1. num. 19. Azorius in c. 13. q. 13. & alij ab ipsis relati*.

8 Tenentur parentes curam habere filiorum, & illos instruere bonis moribus per se, vel per alios, & consequenter eos corrigere. Tenentur subministrare filijs necessaria ad vitã si possunt, contra autem facientes, peccant mortaliter. *Filius in c. loco citato cap. 2. num. 22. & 23. Bonacini*



punct. 6. num. 6. Nauar. cap. 14. num. 12. & alij communiter.

9 Tenentur etiam præstare parentes alimenta filiis spuris de iure canonico, & in hoc potius est seruandum ius canonicum, quam ciuile; vt potè conforme æquitati naturali, cap. cum habetur, de eo qui duxit uxorem, quam polluit, & cap. per venerabilem qui filij sint legit gloss. ibi & D D. Immo Clerici filijs, vel filiabus (purijs possunt etiam ex fructibus quæsitis ex beneficijs ecclesiasticis relinquere alimenta necessaria. Ratio est, quia alimenta sunt necessaria de iure naturæ. Filliuccius loco citato num. 31. Nauar. de spoliis, Clericorum, § ultimo n. 8. cons. de testam.

10 Pater iure alimentorum tenetur dotare filiam illegitimam spuriam, & idem esset, si Clericus esset, & hoc esse seruandum de iure canonico; secus de iure ciuili. Filliucc. dicto tract. 28. cap. 2. n. 42. Abbas in c. cum haberet de eo qui duxit n. 3. Couar. de matrim. cap. 8 § 6. num. 11. part. 2. Nauarrus & alij apud citatos Doctores.

11 Parentes mortaliter peccant, exponendo filios hospitali, nisi iustam causam haberent exponendi, vt si parentes existant in graui necessitate. Ratio est, quia videntur filios derelinquere contra naturalem; & parentum pietatem Bonac dicto punct. 6. §. 1. num 6. Syluester, verb. adulterium quæsito 6. Reginald. lib. 20. num. 30<sup>o</sup> Nauar. cap. 14. num. 17.

12 Mater alere tenetur filios, & filias vsque ad finem tertij anni; post triennium verò educatio vsque ad emancipationem pertinet ad patrem; Hoc tamen intelligendum est, quando pater est diues, aliàs tenetur, posita impotentia patris. Ratio est, quia in hoc casu restat iuris humani dispositio, & in defectum matris tenentur aui, & alij ascendentes, l penult. ff. de liberis agnoscent.

Bon. d. pun. 6. §. 1. n. 3. Filliuc. c. 2. nu. 43. Syluester, verbo *alimenta*, §. 2. Reginald. Nanarr. & multi alij apud citatos Doctores.

13 Maritus denegans alimenta vxori graui-  
ter peccat. Hæc propositio intelligenda est;  
modò maritus vxorem alere possit, aut vxor  
non recesserit propria culpa à mortali confor-  
tio, aut is, qui dotem promisit, non sit in mora  
culpabili soluendi dotem; Si verò maritus alere  
non possit vxorem, non tenetur ei præstare ali-  
menta, quia nullus obligari potest ad id, quod  
facere non potest Bonac. disp. 6. qu. unica, punct. 7.  
num. 3. Sanch. lib. 9. disp. 3. Regin. num. 48.

14 Magis tenetur maritus subuenire paren-  
tibus, & filiis, quam vxori, quando sunt con-  
stituti in extrema necessitate, & non potest om-  
nibus subuenire. Ratio est, quia est maior obli-  
gatio erga parentes, cum ab ipsis acceperimus  
esse. Item erga filios est maior coniunctio, quàm  
erga vxorem, cum sint filij pars patris, & ex eius  
visceribus extracti; vxor verò non est aliquid  
substantiæ viri; Neque obstat illa scriptura, *quod*  
*maritus, & vxor sunt duo in carne una*; nam hoc  
procedit circa actus coniugales, & circa admini-  
strationem domus inter coniuges. Bon. l. c. nu. 10.  
Surdus de aliment. tit. 7. q. 14. Tolet. l. 5. c. 1. Sanch.  
lib. 9. de matrim. disp. 4. num. 26. & multi alij apud  
citatos.

15 Quando concurrunt pater, & filius, &  
non potest præstare quis alimenta patri, & filio,  
est præferendus pater in alimentis. Ratio est,  
quia quando sumus in officio charitatis, illis est  
subueniendum, à quibus maiora beneficia re-  
cepimus, sed maiora beneficia recepimus à pa-  
tre, ex quo habuimus esse, vt paulò antè dixi-  
mus; ergo est præferendus pater in alimentis.  
Præterea quando concurrunt duo creditores: ibi

le est præferendus, qui est antiquior: sed pater est antiquior; ergo præferetur filio. Ita *S. Tho. 2. 2. q. 26. art. 9. ad tertium*, & hæc est communis opinio; ut refert *Vinianus in select. variarum opinionum 556.*

16 Domini, & alij superiores habere curam subditorum tenentur; alioquin grauitè peccant, dum, quantum in ipsis est, curam non habent; ut serui confiteantur, abstineant à malo, & adimpleant diuina præcepta, & ecclesiastica. Ita *Bon. pun. 8. num. 1. Nauarrus cap. 14. num. 2. & alij communiter.*

17 Frater tenetur alteri fratri, vel sorori præstare alimenta si aliundè non habeat; immò tenetur dotare sororem indigentem: nam dos succedit loco alimentorum. *Bonac. loco cit. num. 12. Panorm. cap. peruenit, de arbitris*, ubi de communi sententiam iuris peritorum testatur *Reginald. lib. 20. num. 49.*

18 Subditi tenentur præstare obedientiam superioris, & non solum probis, sed etiam improbis; non tenentur tamen superioribus obedire, quando constat id, quod præcipitur esse peccatum etiam veniale. Ratio est, quia debet esse præceptum hominis conforme præceptis Dei, *cap. litteras de restitutione spoliat. Filliuc. tr. 28. cap. 5. n. 90. Bon. dicto punct. 8. nu. 13. S. Tho. 2. 2. q. 103. art. 2.*

### De Quinto precepto Decalogi non occidendi.

**H**omicidium est hominis occisio id est corporis animati; etiam si esset in utero matris; unde dicitur homicida mulier prægnans, quæ procurat abortum, recipiendo medicamenta, vel aliquid aliud ut abortetur, si effectus

ctus fuit fequutus , fi verò effectus non fuit fequutus; licet peccet , non dicitur tamen homicida: communiter Doctores .

2. Infunditur anima in embriõnem fi eft mafculus poft quadragefimum dies , fi eft foemina poft octuagefimum , iuxta gloffam communiter receptam in *cap. 1. de præfumptionibus, can fi quis per negligentiam, de confeccratione, dift. 2.*

3. Aduertendum tamen eft, quòd contra procurantes abortum, præfertim animatum eft lata fententia excommunicationis à Sixto V. in conftitutione , quæ incipit: *Effrenatam* , quæ poena eft confirmata à Gregorio XIII. fed talis poena excommunicationis hifce temporibus à lege communi non eft referuata ; fed quilibet confeffarius , ad hoc fpecialiter deputatus ab ordinario loci , poteft in conscientia abfoluere , vt clarè patet ex decreto eiuſdem Gregorij XIII. in concilio Provinciali 7. citato de Sacramento Pœnitentiæ .

4. Dantur multi cafus , in quibus permiſſum eft aliquem occidere , Primò ob auctoritatem Iudicis, vt dicit Scriptura *Exodi 22.* Secundò in bello iuſto . Tertiò pro defenſione propriæ vitæ , defenſio fit cum moderamine inculpatae tutelæ : & hoc licitum eft ex omni iure , quia quiſque habet ius ad defendendam propriam vitam , & qui vtitur iure ſuo , nemini infert iniuriam . Pro defenſione verò rerum ſuarum licitum eft etiam inuaforem occidere , ſi res illæ tales ſint , vt abſque illis vita corporalis commodè conſeruari non poſſit ; Communis enim opinio eft licere occidere inuaforem , quando aliud remedium non fit ; ſi verò ſint res tales , vt etiam ſine ipſis commodè viuere poſſit , tunc non videtur licitè occidi poſſe . Ratio eſt , quia in ordine charitatis præferenda eſt vita corporalis

ralis bonis temporalis, cap. suscipiens, cap. perfodiens, de homicidio, Fillinius cap. 3. num. 46. Syluester, verbo homicidium 1. quest. 4. & alij apud citatos Doctores, & omnes isti casus conueniunt, praequam tertius; nam qui occidunt hominem pro propria defensione, neque peccant, neque sunt irregulares, in alijs verò casibus licet non peccent, sunt tamen irregulares secundum glossam singularem acceptam quasi ab omnibus, quae est penultima in Clementina, de homicidio.

5 Addo etiam, quòd licet sit manifestum, quod maritus occidere potest mulierem in adulterio deprehensam in foro externo, in foro tamen conscientiae illam occidere non potest sine peccato. Nau. c. 15. nu. 3. can. inter hac, ubi glossa.

6 Non debent dari medicamenta foeminae praegnantis, ad procurandum abortum, ad euitandum praegnantis periculum. Ratio est, quia spiritualia praeferrì debent temporalibus, nam ex parte infantis adest periculum animae, quae est nobilior corpore; ex parte praegnantis adest periculum corporis. Hoc tamen est intelligendum, si foetus est animatus, secus si est inanimatus; tunc debent dari ad euitandum periculum praegnantis, quando nullum esset remedium. Fillius. tr. 29. c. 6. n. 104. Less. n. 63. Syluester, verbo medicus, num. 4.

7 Nunquam est licitum proprium homicidium, nisi diuina accedat auctoritas; imò nec etiam licet se mutilare ad euitandum peccatum. Ratio est, quia tale medium non est necessarium ad vitandum peccatum, ita definitum est in Concilio Nicano 1. c. 1. & licet aliqui sancti viri id fecerint; ut de adolescente, qui linguam sibi amputauit, & proiecit in faciem petulantis foeminae; id tamen egerunt vel ex ignorantia incul-

culpabili, vel ex diuina inspiratione. *Filliuc. cap. 4 num. 67.*

8 Peccat mortaliter, qui casu occidit, aut percutit aliquem sine intentione, si fuit in culpa non adhibendi diligentiam, quam homines prudentes adhibere soleant in similibus occasionibus; ut non sequatur mors, aut damnum in persona alicuius; ut accidit in illo, qui projicit saxum in via, in qua soleant homines transire, & antequam projiceret, non adhibuit diligentiam, a monendo eos, qui transeunt. Addo quod ad hoc, quod homicidium casuale sit peccatum mortale nec ne, parum refert, si illud opus, ex quo sequitur mors, sit licitum, vel illicitum; nam in utroque casu erit peccatum mortale, si interuenerit culpa non adhibendi debitam diligentiam; quo ad irregularitatem multum refert, si illud opus, ex quo sequuta est mors, aut mutilatio, sit licitum, vel illicitum; nam si illud opus, ex quo sequuta est mors, erat illicitum, adhibita diligentia, vel non, incurritur in irregularitatem; si erat licitum, & adhibita diligentia, non incurritur; si non est adhibita, incurritur: Hæc propositio patet ex *c. suscepimus, c. de cetero, de homicidio, Caietanus 2.2. q. 64. art. 7.*

9 Peccat mortaliter, qui minuire vult vitam abstinentijs, quas ipse scit, & aduertit esse immoderatas, etiam si hoc faceret sine intentione minuendi eam aduertens tamen ipsam minuire. Iuxta textum Diui Hieronymi in *c. non mediocriter, de conseo. dist. 5. & D. Th. & Caiet. 2.2. q. 147. art. 1.* licet id faciat ad melius seruiendum Deo ob sua peccata. Non est tamen peccatum mortale, imò neque veniale, si id faciat, credens probabiliter in hoc non esse imprudens iuxta dictum commentatorem in dicta questione.

10 Damnatus ad mortem, cum possit fugere commodè, si non fugit, non peccat. Ratio est, quia id non est directe se perimere, sed indirectè tantùm; idque ex iusta causa fieri potest, nempe ad sustinendam iustam sententiam mortis. *S. Thom. 2. 2. qu. 69. art. 4. Gaianus, idem Fill. tract. 29. cap. 4. num. 75. Azorius cap. 3. qu. 7. Lessius num. 28.*

11 Illicitum est omne duellum susceptum, ad ostendendam gloriam, vel odij exaggerationem, vel ob alias causas, nisi in aliquo casu illud acceptare necessarium esset, ad effugendam mortem, certò imminentem. Hæc est communis opinio. Confirmatur etiam ex iure canonico, quod prohibuit duella generaliter, ut probatur *ex c. Henricus, de clerico pugnante in duello, & ex Trident. sess. 25. c. 10. de reformatione*, & dicitur duellum, quasi bellum inter duos.

12 Multæ sunt poenæ impositæ contra pugnantes in duello. Prima est excommunicatio lata sententiæ, Papæ reservata. Secunda, privatio sepulturæ ecclesiasticæ, si decesserint in conflictu. Tertia, privatio dignitatum, & beneficiorum ecclesiasticorum, si fuerint personæ ecclesiasticæ. Quarta, inhabilitas ad illa, & alia omnia. Quinta, interdictum pro locis, in quibus scientibus dominis, initum est duellum, & dictis sententia excommunicationis etiam extenditur inconcedentes locum ad monomachiam, ac pariter impugnantes, necnon Patrimos, consulentes, suadentes, & spectatores; ut clarè constat ex decreto Gregorij XIII. *Fill. tr. 29. n. 165. Suar. disp. 23. lectione ultima, nu. 11. Nauar. c. 27. n. 150. & alij apud Sanc. n. 26.*

13 In prædictam excommunicationem non incidunt prouocantes ad duellum, effectus pugnae non sequuto. Ratio est, quia dictus Gregorius



rius XIII. solos locios excommunicat, etiam si duellum non sequatur, modò per ipsos non steterit, quo minus sequeretur. At de prouocantibus ad duellum dicit: Qui monomachiam commiserit. Non dicitur enim monomachiam committere prouocans, quando effectus pugnae non est subsequutus; istis tamen non obstantibus, prouocantes, etiam effectum non sequuto per Bullam Clementis VIII. saltem incurrere in excommunicationem, & hic est stylus Curiae, qui legem facit; vt benè refert *Fill. l. c. n. 170. Bon. de ex. communic. disp. 2. q. 6. punct. 1. nu. 29.*

14 Spectatores verò transeuntes casu per locum, vbi fit duellum non incidunt in excommunicationem, quia Bulla loquitur de spectatore ex proposito, vel industria. *Fill. loc. c. n. 177. Bon. loc. c. n. 3.*

15 Omnes militantes occidere possunt, nisi sint à lege prohibiti; vnde Clerici in sacris constituti, & monachi iure Ecclesiastico prohibentur pugnare; in minoribus verò possunt ex consuetudine, quæ canones abrogat. Possunt tamen tam Clerici in sacris constituti, quàm monachi pugnare de licentia Papæ in casu necessitatis, vel ad consequendam insignem victoriam, immò in huiusmodi etiam casibus possunt, non expectata licentia Pontificis. *Filliuccius tract. 29. cap. 9. nu. 197. Caietanus qu. 40. art. 2. Couar. Clem. si furiosus p. 2 §. 3. num. 2.* Possunt tamen Clerici alios ad bellum hortari ad pugnandum fortiter absque intentione determinata particulari. *Filliuc. loc. c. 5. Th. 4. ar. 2. ad secundum, & tertium Nauar. c. 26. num. 211.*

16 Qui occidit Episcopum, aut Cardinalem vltra poenam peccati mortalis incidit in poenam excommunicationis, reservatam in Bulla Coenæ, saltem si sit homicidium contra  
pro



proprium Episcopum. Idemque multo magis dicendum de excessu, qui fieret contra Summum Pontificem. *Fill. dicto tr. 29. c. 6. n. 113.*

18 Si quis fieri mandauit homicidium, & ante occisionem reuocauit mandatum expresse, vel tacite, sciente mandatario, si mandatarius occidat, non peccat mandans, nec illi imputatur homicidium; Si verò consilium dans reuocet consilium, adhuc ipsi imputabitur, si alius ex suo consilio occidat, quia reuera eius consilium influit in homicidium; si verò fuit reuocatum consilium, & alius occidit non ex illo consilio, tunc non imputabitur consilium danti, ita communiter Doctores, præsertim Syluester, verbo homicidium 1. *quæsto 7. Filliuc. dicto tr. 29. c. 5. n. 95.* Quomodo autem reuocare debeat consilium, ne consulens sit particeps homicidij, quod sequeretur: vide *Filliuc. de irregul. ex delicto c. 2. quæst. 3.*

19 Homicidium proditorium addit specialem malitiam, vnde grauius punitur à legibus, vel rectè augeat notabiliter in eadem specie, consequenter in confessione videtur exprimendam esse hanc circumstantiam. *Filliuc. tr. 29. c. 6. n. 115. Azor cap. 8.*

20 Quamuis non sit excommunicatus, qui subita iracundia occidit Clericum deprehensum in fraganti crimine, peccantem cum matre, filia, vxore, vel sorore, non tamen excusatur à peccato homicidij *Bon. de cens. d. 2. q. 4 p. 4. n. 5.*

### De Scandalo.

**P**Otest adijungi hic homicidium spirituale proximi, quando quis scilicet verbo, aut facto inducit aliquem ad peccandum, in quo consistit peccatum scandali.

21 Scandalum est offensio, vel occasio ruinæ spiritualis proximi, & est duplex, actiuum, & passiuum. Actiuum est, quando dictum, vel factum alterius est alicui causa peccandi per se, vt quando quis publicè facit peccatum, vel quod habeat similitudinem peccati, & tunc propriè dat occasionem ruinæ. Passiuum verò est, cùm quis præter rationem, & ex sua malitia sumit occasionem peccandi ex opere alterius, v.g. si mulier ornata erat ad sacrum, & alter in hoc sumat occasionem, illam desiderandi, & peccandi.

22 Scandalum actiuum semper est peccatum in scandalizante, quia vel est peccatum, vel habet speciem peccati, & consequenter est dimittendum pro charitate proximi, & non dimittens contra charitatem agit, & peccat. Similiter scandalum passiuum semper est peccatum in scandalizato, quia est ruina spiritualis; tamen qui est causa scandali passiui, non tenetur abstinere ab illo opere, si illo opere non potest priuari sine suo incommodo, licet sequatur scandalum alterius, sed hoc peccatum eius malitiæ imputatur; si tamen potest sine suo incommodo priuari illo opere, tenetur abstinere. Ratio est, quia semper ex charitate tenemur euitare ruinam proximi, ita communiter Doctores.

23 Propter scandalum non sunt dimittenda bona spiritualia, si sunt de necessitate salutis, quia nullus debet peccare neque mortaliter, neque venialiter, vt peccatum alterius impediat. Ratio est, quia nemo tenetur compensare damnum proprium cum bono alieno, vt ait, (ni fallor) Augustinus. Si verò non sunt de necessitate salutis, si scandalum procedit ex malitia, vt scandalum Phariseorum, cùm scilicet aliqui impedire volunt bona spiritualia, scandalum concitando,

tando , contemnendum est ; si verò sit pusillorum , id est ex ignorantia , vel infirmitate procedens , opera spiritualia interdum sunt differentia , ubi periculum non imminet ; si verò dureret , iam videtur Phariseorum esse , & consequenter non sunt dimittenda bona spiritualia propter illud . Bona verò temporalia si nobis sunt commissa ad conseruandum sicut bona Ecclesiæ Prælati committuntur , non sunt propter scandalum dimittenda : Vnde Beatus Thomas Cantuariensis repetijt res Ecclesiæ cum scandalo Regis . Si verò sunt talia , quorum sumus domini dispensando ; si scandalum sit Phariseorum non sunt omittenda , quia daretur malis occasio delinquendi , si verò pusillorum sunt dimittenda , ita Syluester, verbo scandalum, num. 3. & 4. S. Thom. in 4. vide etiam Bonacina de Peccatis disp. 2. quæst. 4. punct. 2. §. unico : Præceptum verò iuris positi , qui non obligat aliquem cum scandalo, cap. 2. de noui operis nunciat. & cap. nihil de præscript.

*De Sexto Præcepto non Fornicandi ,*

1 **L**uxuria , de qua loquimur in præsentia est appetitus inordinatus venereorum.

2 Septem sunt species luxuriæ . Quarum prima est fornicatio simplex , quæ committitur inter personas solutas , quæ non sunt adstrictæ aliquo vinculo, nempe matrimonij, vel Religionis. Secunda appellatur adulterium, quod committitur inter personas vxoratas, & non vxorata , vel inter duas vxoratas . Tertia dicitur incestus , vel committitur inter parentes , & affines . Quarta appellatur stuprum , & est propriè illicita virginum defloratio . Quinta dicitur raptus ; cùm puella violenter , & contra eius , vel parentum volun-

voluntatem abducitur . Sexta dicitur contra naturam, & est actus venereus, repugnans non solum rationi rectæ, sed etiam ipsi ordini naturali actus venerei, qui conuenit humanæ speciei, qui scilicet est, vt sit inter masculum, & foeminam eiusdem speciei in vale, & statu debito; & hoc peccatum diuiditur in sodomiam, quæ fit inter masculum, & masculum, vel inter foeminam, & foeminam; in bestialitatem, & fit quando coitus est cum re alterius speciei, & voluntariam pollutionem, quæ est grauior omnibus peccatis naturalibus, & fit, quando quis sine coitu sponte polluitur. Sacrilegium est peccatum luxuriæ, quo persona Deo sacrata, vel locus per actum venereum fædatur. Omnium prædictorum supremum est bestialitas, maximum contra naturam, medium sodomia, infimum mollities; postea maior incestus, deinde adulterium, postea stuprum, infimum autem est fornicatio. Hæc autem aggrauantur omnia sacrilegio. *S. Tho. 2. 2. q. 154. Syluest. verbo luxuria, num. 8.*

3 Dicitur etiam peccatum contra naturam, quando quis habet rem cum aliqua muliere, procurans, vt illa non concipiat. *S. Tho. loc. cit. & Caietanus.*

4 Qui rem habet cum aliqua virgine sine dolo, & fraude illius, quia ipsa se offert ad hoc, vel quia precibus suis acquieuit, ad nihil tenetur quoad forum conscientie, etiam si realiter esset virgo. Ratio est, quia volenti, & consentienti, non fit iniuria, vt in *regul. iuris in 6*: In foro tamen externo iste talis, qui eam deflorauit, tenetur eam dotare, vel ducere in uxorem, si sint æqualis conditionis, etiam si eam non inuenisset virginem, & negat illam fuisse virginem, sed non probat fuisse talem, idest non fuisse virginem, quia

quia leges semper iudicant illam fuisse virginem, & deceptam, vt affirmant Panorm. & communiter Doctores in cap. 1 & 2. de adulterijs.

5 Vxoratus cognoscens vxorata duo peccata committit, consequenter est explicanda ista circumstantia in confessione. Ratio est, quia in vno actu adulterij in casu prædicto sunt duæ iniuriæ, numero distinctæ, quæ à singulis coniugatis irrogantur duobus coniugibus proprio, & illi coniugi, cui admiscetur, immò si coniux sodomiticè iungatur cum mare, vel foemina, debet exprimere in confessione statum coniugij, quia militat eadem ratio nempe violat fidem illi datam, idè semper erit adulterium. *Fill. tr. 30. cap. 4 n. 88 & 92.*

6 Foemina vxorata, quæ habuit filium ex adulterio, aut supposuit partum fingens se esse grauidam, recipiens filium alienum scienter ab alijs, absolui potest hoc non manifestando, licet faciat damnum patri putatiuo, nutriendi filium alienum, vt respondit Innocentius III. in capit. *effic. de pœnit. & remiss.* hoc tamen intelligendum est, quando timet, ne maritus eam occideret, aut peccaret contra eam odio mortali, si de hoc veniret in cognitionem; immò sufficit timor amittendi honorem, & suam existimationem. Ratio est, quia nullus tenetur restituere bona inferioris ordinis cum iactura bonorum superiorum, nam bona honoris sunt maioris ordinis quam non sunt bona fortunæ; Melius est enim bonum nomen, quam diuitiæ multæ, vt habetur *Eccles. 41. & Prou. 22. ita Caietanus 2. 2. q. 63. art. 6 ad secundum, Sotus in 4. dist. 15. qu. 2. post quintum argumentum in responsione articuli Nauar. cap. 6. num. 43.*

7 Concubitus cum dæmone, licet semper sit eiusdem speciei, potest tamen esse ex parte affectus

Etus diuersæ speciei; nam si quis cum dæmone coeat in specie mulieris affectu fornicario, vel adulterino præter peccatum bestialitatis, & superstitionis, erit etiam peccatum fornicationis, aut adulterij, & sic de alijs. *Fill. dicto tr. 30. c. 8. n. 162. Caiet. & alij.*

8 Ocula, tactus, amplexus, &c. secundum suam speciem, & rationem non sunt peccata, sicut fornicatio, & mendacium; tunc enim sunt peccata quando fiunt ex libidine, vel propter delectationem libidinosam, vel ex amore libidinoso. *Fillius. loc cit. num. 187. S. Thom. 2. 2. qu. 154. art 2.*

9 Libros legentes turpes, & tractantes ex professo de obscenis amoribus, non peccant mortaliter; ob enim solam curiositatem, & delectationem quodammodo speculatiuam non excedit veniale; si verò sit periculum probabile labendi in delectationem, erit mortale, & Confessarius huiusmodi libros permittere non debet ex regula 7. Indicis librorum prohibitorum. *Sanch. n. 45. Nau. c. 23. n. 28 & 30. Fill. cap. 4. num. 213.*

*De septimo præcepto non furandi.*

1 **F**urtum ita definitur: Est contrectatio rei alienæ fraudulosa inuito domino, lucrificandi gratia; hoc tamen intellige rei alienæ mobilis, & corporalis.

2 Omne furtum ex sua natura est peccatum mortale nisi excuset paruitas materiæ. Ratio est, quia est contra iustitiam, & contra ius diuinum, *S. Th. 2. 2. q. 59.*

3 Hic nascitur difficultas, quænam paruitas excuset à peccato mortali, quia hoc a nullo iure est communiter determinatum; & dico hoc remittit-

mittendum esse arbitrio hominis prudentis; nam illæ res, quæ à lege sunt indecisæ, decidi debent secundum iudicium hominis prudentis, vt probatur ex cap. de causa, de officio deleg. & lib. 1. ff. de iure delib.

4 Quænam quantitas notabilis dicatur ad hoc vt committatur peccatum mortale; & dico quodd licet Doctores in hoc non concordent; tamen Nanarrus cap. 16. nu. 3. de preceptis Decalogi, dat consilium; & tenet, quodd dicitur, quantitas notabilis summa trium iuliorum, immodò vnius iulij, & etiam medietatis secundum conditionem illius, cui furatur, & ista est communis opinio.

5 Surripiens modica paulatim, quando pervenerit ad notabilem quantitatem, tenetur restituere; nam licet non peccet in hoc casu mortaliter surripiendo, peccat tamen retinendo: non tenetur tamen restituere sub mortali totam quantitatem ablata, sed illa tantum, qua restituta, non retinet ampliùs notabilem quantitatem. Ratio est, quia qui retinet rem parvam non peccat nec tenetur sub mortali ad restitutionem, quia obligatio restituendi sub mortali oritur ex notabili quantitate alterius detenta, ita Bon. disp. 2. q. 8 pun. 2. nu. 6. Fill. n. 46. Sanch. Sotus, Petrus Nanar. apud cit. DD.

6 Excusant à peccato mortali indeliberatio, & defectus iudicij, quæ duo excusant in omni materia peccati, vt paruitas materiæ: excusat etiam à peccato veniali ignorantia probabilis, quando quis ignorabat non fuisse rem propriam: immodò necessitas non solum propria, sed etiam aliena, & potest quis in necessitate subtrahere pro se, & alio, quia tunc omnia reducuntur ad ius naturale, quod vult omnia esse communia. S. Th. 2. 2 q. 67. Syuester verbo furtum n. 1.



7 Potest quis sibi furtivè satisfacere de rebus debitoris? quando debitum sibi habere non potest in iudicio: dummodo tamen debitum sit certum, & liquidum, & non adsit scandalum, & non immineat periculum vitæ, vel famæ personæ, quia hoc esset tentare Deum. *Sylvest. verbo, furtum nu. 17. arg. c. 1. pro te uxoris, Innoc. no. olim. de restitut. spoliat. qui facit contra supradicta, licet peccet, tamen non tenetur ad restitutionem.*

8 Quatuor sunt species furti: Quarum prima dicitur sacrilegium, quod est furtum rei sacræ. Secunda dicitur peculatus, quod est furtum de re publica. Tertia dicitur abigeatus, idest furtum de grege ab hoc disperso. Quarta est plagiat, idest furtum hominis liberi venditi scienter, vel empti, l. 1. ff. de plagiarijs.

9 Aduertendum tamen est, quod iisdem speciebus additur rapina, & est quando in furto interuenit violentia. Istæ circumstantiæ furto simpliciter addunt notabilem malitiam, ob quam in confessione sunt explicandæ. *Reginald. lib. 13. c. 1. qu. 2. nu. 12. S. Thom. 2. 2. q. 66. art. 6. ad secundum.*

10 Qui res sacras furatur ab Ecclesia, licet committat sacrilegium, non est tamen excommunicatus, nisi cum furto fregerit ostium, fenestras, aut armaria, *cap. conquesti, de sent. excomm. cap. conquestus de foro competent.*

11 Tenentur in conscientia fures ad restitutionem rerum furto ablatarum, & ad damnum, quod patitur ille, cui factum est furtum; dum sit illa re priuatur: ita communiter. Et iure canonico qui inter furandum occisi sunt priuantur orationibus fidelium, *cap. fures de furtis.* & clericus constitutus in ordine sacro, qui furtum commiserit, legitimè conuictus fuerit, debet a iudice ecclesiastico deponi, & quando perseverat



in tali peccato crescente contumacia, debet excommunicari : hæc excommunicatio proferri non potest, nisi ab Episcopo secundum *Trident. sess. 25. c. 3. Reginald. lib. 24. q. 4. n. 24.*

12 Aduertendum tamen est, quòd excommunicatio ad hunc effectum non fertur ad puniendum, cùm furtum sit præteritum, sed ad obtinendam restitutionem damni, per ipsum dati, à quo excusantur siue ob impossibilitatem, siue ob condonationem creditoris, qualis præsumitur in marito respectu vxoris, in parentibus respectu filiorum, siue ob compensationem factam, seruatis debitis, & legitimis conditionibus, *ut dictum est supra n. 7. Reginal. loc. cit.*

*De Octauo praecepto non dicendi falsum  
testimonium.*

**I**N hoc præcepto prohibentur iniustitia, & iniuria, quæ verbis fit contra proximum per falsum testimonium.

1 Mendacium ita definitur à *Diuo August lib. 1. contra mendacium cap 42.* est falsa significatio vocis cum intentione fallendi, vel dicendi falsum.

2 Omne mendacium est peccatum, quia intrinsecè est malum: immò est malum, vt licitè fieri non possit, licet fiat ob bonum finem, vt ob finem conseruandi propriam, aut alienam vitam, ita *S. Thom. 2. 2. q. 10. art. 3. Syluester verbo, mendacium n. 2. can ne quis arbitretur 21. q. 1. Bon. disp. 10. q. 1 pun. 2. n. 2.*

3 Aduertendum tamen est, quòd non omne mendacium est peccatum mortale, & quando aliqui dicunt, quòd omne mendacium est peccatum mortale iuxta illam scripturam; *Perdes omnes qui loquuntur mendacium*, intelligitur de men-

mendacio pernicioso, non de iocoso, aut officioso; hoc enim mendacium nemini affert grauem iniuriam, & iudicatur materia leuis; hoc tamen etiam intelligendum est, dummodo non addatur iuramentum; tunc enim est peccatum mortale periurij *Bon. l. c. n. 3. S. Th. dicta q. 110. art. 4.*

4 In hoc loco arguunt aliqui, & dicunt constat mendacium non esse peccatum, allegando illam scripturam *Genesis 26.* vbi habetur quod Isaac dixit Rebeccam esse sororem, & Abraham *Genesis 12.* dixit Saram suam sororem esse, cum esset vxor; ergo mendacium non est peccatum.

Respondeo, quod isti non commiserunt mendacium, sed potius adhibuerunt ambiguas locutiones, & dum adest iusta cau'a, licitum est ambiguè loqui. Quamobrem Abraham loquutus est ambiguè; accipiendo nomen sororis pro consanguinea, sicut etiam aliquando accipi potest nomen fratris pro consanguineo: vt colligitur ex *Genesis 13 Fillic. tr. 40. c. 2. q. 3 Bon. l. c. dicto n. 3. Lessius l. 20 c. 48. dub. 6 S. Th. & alij.*

5 Qui vtitur igitur verbis ambiguïs, aut æquiuocis non peccat peccato mendacij: licet audiens intellecturus sit iuxta falsum sensum. Ratio est, quia non loquitur contra mentem propriam, & verba debent deferuire intentioni, & non intentio verbis: sed hoc intelligendum est, quando non tenetur loqui iuxta sensum audientis, vt in iudicio verò, & iusto. Potest hic afferri exemplum filij hominis, qui iuxta Marcum dicit, se ne scire diem iudicij; quod secundum Doctores, idèd dicit, quia illud non scit, ad reuelandum nobis: Pater verò illum scire dicitur, quia de hoc filio dedit notitiam: tamen istæ cælationes cauendæ sunt, vbi sequi potest scandalum. *Bon. loc. cit. n. 7. Syluest. verbo mendacium num. 6. Filliuc. & alij.*

## De Vltimis duobus præceptis.

**I**sta duo præcepta cum resolui possunt ex dictis de matrimonio, & infra dicendis de contractibus, & restitutione: ideo hic non immorabor, & ad dicta vos remitto, & ad dicenda.

## De præceptis Ecclesiæ.

**I** **Q**uinq̃ue sunt præcepta Ecclesiæ. Primum de sacro diebus festis audiendo, Secundum de ieiunijs obseruandis. Tertium de non comedendo carnem in certis diebus. Quartum de confessione, & communione semel in anno faciendis. Quintum de decimis soluendis.

2 Circa prædicta præcepta hic remanet tractandum de ieiunio, & de decimis, quia de præcepto audiendi sacrum diebus festis, & de Eucharistia sumenda in Paschate, & de confessione facienda semel in anno, iam latius egimus supra in materia de Eucharistia, & de poenitentia.

## De Ieiunio.

**I**eiunium accipi potest quatuor modis. Primo pro abstinentia à vitijs, vt benè docet D. Augustinus tract 13. in Ioann. vbi dicit: Verum ieiunium est ab omnibus vitijs esse alienum. Secundo pro abstinentia à quolibet comestibili, & potabili sumpta, & hoc dicitur ieiunium naturale, quod frangitur, quoties aliquis cibus; vel potus ad stomachum transmittitur, sed qui aliquid degustat, vel accipit, & illud ad stomachum non traiecit, sed statim eiicit, non frangit ieiunium naturale, & hoc ieiunium requiri,

tur in sumendo Eucharistiæ sacramentum. Tertiò pro ieiunio ecclesiastico, quæ præcipitur vnica tantum comestio in die: id est a media nocte vsque ad mediam noctem futuram. Quarto pro temperantia, quæ in hoc consistit, vt non sumatur cibus vel potus, quam ratio naturalis dictat: ideò contra hanc temperantiam committitur peccatum, quando quis dat causam ebrietati scienter. *Bon. de præceptis eccles. q. 1. n. 1. Reginald. l. 4. n. 125. Filliucc. tr. 27. c. 1. n. 6.*

2 Qui cænat die Iouis, si dubitat, an sit audita hora noctis duodecima, potest comedere carnes. Ratio est, quia habet libertatem edendi, nisi sit duodecima, secus si die sabbati cænaret, quia in hoc casu adest obligatio, non manducandi, nisi sit duodecima. *Sanch. relatus ab Escob. de ieiunio cap. 3.*

3 Ieiunium ecclesiasticum est abstinencia voluntaria à cibo, iuxta præceptum Ecclesiæ vel consuetudine acceptum.

4 Qui sæpè sæpius in die ieiunij vinum bibit, non frangit ieiunium, nisi id in fraudem faciat, nempe sumendo vinum in die ieiunij pro sustentatione, & per hoc cessat afflictio, quam ieiuniū inducit; tunc enim, quia facit in fraudem legis, non solum peccat mortaliter, sed etiam amittit meritum ieiunij, *Reginald. lib. 4. nu. 152. Abulensis in cap. Matth. q. 16. in responsione ad primam, & alij quibus adhæret, Azorins lib. 7. cap. 16. ad finem; licet aliqui contrarium sentiant, id est, non peccat, etiam si hoc faciat in fraudem. Filliucc. Nauarr. & Bonac.*

5 Vnica tantum comestio in die præcipitur, hæc propositio patet ex vsu, & omnium consuetudine; Adest etiam consuetudo, quod vespere sumitur ientaculum, & non solum est licitum, si sumatur pro sustentatione naturæ, sed etiam

ex lenitate. Ratio est , quia sufficit terminos consuetudinis non excedere. *Bon. disp. ultima q. 1. pun. 3. n. 2. Reginald. l. 4. c. 14. n. 164. Filliuc. tr. 29. cap. 1. q. 2. n. 21.*

6 Quantitas refectiuiculæ metienda est secundum conditionem personarum, & regionum constitutionem; idè inspicienda est circumstantia personæ, an sit senex, an iuuenis, an regio sit frigida, an sit calida, an labor, quo detinetur sit magnus, idè in hac materia non potest dari regula; quænam quantitas sumenda est; Vnus, quisque igitur recipiet, quod suæ complexioni profit, & cauebit excessum, ne tanta quantitas cibi sumatur, per quam ientaculum in coenam transeat. *Bon. l. c. n. 2. Laym. n. 9. Reg. Fill. & alij: immò Filliuccius, & Caietanus admittunt in vigilia Natiuitatis maiorem quantitatem cibi sumere licitum esse: hoc tamen intellige vbi adest consuetudo, vt benè ait Bon loc. cit.*

7 Hinc sequitur peccare mortaliter eum, qui sæpè sæpiùs in die ieiunij vescitur, nisi excuset paruitas materiæ; nam parum pro nihilo reputatur; idè sumens duos ficus, aut quid simile non peccat mortaliter, immò non à mortali, sed etiam à veniali excusatur, qui ob vrbaneitatem; vel preces amici sumit quid exiguum in die ieiunij, vt fieri solet inter amicos, dum amicus alium amicum visitet; Cauendum tamen est; ne sæpiùs modicum cibi sumatur in die ieiunij sine legitima causa; nam multa modica facere possunt, ita vt vnā notabilem quantitatem sufficientem constituent ad peccatum mortale. *Reginald. l. 4. n. 174. Filliuc. n. 37. Bon. disp. ultima, q. 1. pun. 3. n. 4. Abulensis in cap. 6. Matthai q. 165. versiculo dicendum.*

8 Peccat solùm venialiter, qui manè sumit ientaculum, quod recipi solet vesperi, dilato  
pran.

prandio ad vesp̄as , si hoc faciat sine iusta causa . Ratio est , quia non soluit ieiunium quoad substantiam , sed solum variat circumstantiam ; præsertim si refectiuncula sumatur circa horam prandij , immò licite , & sine peccato ob legitimam causam hanc circumstantiam variari posse , sic enim est in vsu , & obseruatur à personis probis , & hoc fieri potest studij causa , & itineris causa agendi . *Bon. n. 6. Less. dub. 2. Fill. tr. 17. c. 2. q. 5. n. 27. & seq. Loym. l. 4. tr. 8 c. 1. n. 19*

9 Qui ob negotia interruptit ieiunium nondum completo prandio , potest , absoluto negotio , perficere , & reassumere prandium , & hoc videtur esse verum etiam si interuenerit longa temporis mora , hoc tamen intelligendum est , si interruptit animo continuandi , secus si animo non continuandi ; tunc enim non potest prandium reassumere ; & perficere , postquam intercesserit longa mora , sed si interuenerit modica mora , qui omiserit mensam animo non continuandi , poterit tunc , mutata voluntate , continuare . Ratio est , quia moraliter iudicatur vnica comestio ; Idem dicendum est de illo , qui post prandium iterum parum comedit , tamen si hoc faciat sine legitima causa , peccat solum venialiter , si parua materia sit . *Bon. nn. 10. Less. lib. 4. cap. 2. dubio 2. n. 11. Filliuccius nn. 41. Reginald. lib. 4. num. 177.*

10 In die ieiunij prandium faciendum est circa horam meridiei , ita obseruatur ex communi consuetudine fidelium , & qui notabiliter anticipat prandium in die ieiunij sine legitima causa , verb. grat. per vnam , vel duas horas ante meridiem non peccat mortaliter , sed solum venialiter : iuxta probabiliorem sententiam . Ratio est , quia non mutat substantiam ieiunij , sed illius circumstantiam , quæ non videtur esse suffi-

ciens ad peccatum mortale . Item hora comedendi non est de essentia ieiunij ; quod non fit de essentia probatur ; nam quæ sunt de essentia , non possunt mutari ; sed hora comedendi mutari potest , vt clarè constat , ex canonibus , quia olim in die ieiunij prandebant post vespervas : ergo , &c. *Bona. punct. 4. num. 3. Filliucci tr. 27. cap. 4. qu. 3. nu. 66. Lessius cap. 2. dubio 2. num. 13. Laym. lib. 4. tr. 8. cap. 1. num. 11. Toletus lib. 6. c. 2. Angelus qu. 2.*

11 Ieiunia fidelium sunt indicta ab ecclesiastica potestate , nulum à Iure diuino , vel naturali fuit impositum ; nam licet ieiunium Quadragesimæ ob antiquitatem sit anteponendum , & strictiùs obseruandum , iuxta *S. Tho. 2. 2. qu. 147. ar. fin.* nihilominus est de iure ecclesiastico , & non de iure diuino , ( vt dicunt Lutherani ) secundum communem opinionem *in cap. quod , de consecratione dist. 1. Bonac. pun. 6. nu. 1. Reginald. lib. 4. nu. 130. Filliucc tr. 27. cap. 5. q. 1. nu. 77. Lessius lib. 4. c. 2. dubio 3. nu. 30. & multi alii apud citatos Doctores .*

12 Omnes fideles , completo vigesimo primo anno , tenentur seruare ieiunia præscripta ab Ecclesia ; hæc propositio clarè patet ex communi vsu fidelium . Ratio est , quia adolescentes ob abundantiam caloris , & crescentem ætatem crebriter cibo indigent , & Ecclesia non vult illos obligare ante vigesimum primum annum , *S. Th. 2. 2. q. 177. art. 4. Bonac. pun. 8. nu. 1. Syluester verbo ieiunium num. 18.*

13 Peregrini , & aduenæ non tenentur seruare ieiunia locorum , per quos transeunt , nisi decreuerint permanere maiori parte anni in eo loco . *Bonacina puncto 6. num. 6. Reginald. lib. .... numer. 136. Filliucc. tract. 27. cap. 6. quæsto 2. nu. 206. Sanchez & alij ,* nam tunc tenentur seruare ieiunia ,



ieiunia, & consuetudinem dictorum locorum, vt probatur ex *can. illa autem*, dist. 21. vbi habetur illud celebratum responsum. S. *Augustini datum à Diuo Ambrosio*. Cum Romam venio, sabbatum ieiunio, cum Mediolani sum non ieiunio; vnde duos versus extant, quos citat glossa ibidem.

*Si fueris Roma, Romano viuito more.*

*Et si sis a libi, viuito sicut ibi.*

14 Causæ, quæ excusant ab obligatione ieiunij reduci possunt ad tria capita. Primum est impotentia. Secundum labor. Tertium pietas. Sub primo capite continentur infirmi, & conualescentes, & alijs similes. Sub secundo continentur foeminae grauidæ, aut lactantes, quibus necessarius est cibus pro se, & foetu, non possunt tamen licitè comedere carnes. Continentur etiam sub hoc capite multus laborantes qui sustentare volunt se, & suos; & non possunt seruare ieiunium sine maximo detrimento notabili eorum status. Hic etiam addendum est quod Eugenius IV. anno 1440. fecit circa hoc magnam modificationem, indulgens, quòd artifices, siue rustici laboriosa opera exercentes, siue sint diuites, siue pauperes non teneantur seruare ieiunium sub præcepto, vt benè refert *Syluester verbo. Ieiunium*, nu. 13. Sub tertio capite continentur senes septuagenarij, quia vt plurimum sunt infirmi, immò plures Doctores tenent, quod sexagenarij eximantur ab obligatione ieiunij; huius sententiæ Doctores videri possunt apud *Navar. cap. 21. nu. 16*. Ego cum alijs existimo non esse exemptos, dummodo constet non esse infirmos, vel debiles. Ratio est, quia non sunt exempti à lege à muneribus personalibus; vt probatur per textum in *l. fin. C. qua etate lib. 10*. ergo neque à ieiunio, vt benè ait *Syluester*.



*ster ubi supra quasito 9. Layman cap. 3. nu. 2. Bonac. puncto ultimo, num. 4. Reginald. num. 209. Si verò dubitetur an sint habiles, & robusti non tenentur seruare ieiunium, quia ieiunando se exponerent periculo grauis incommodi, & Ecclesia in hoc casu non videtur obligare. Item sub hoc capite continentur pauperes, qui ob paupertatem carerent cibo sufficienti ad vnicam refectionem; immò esset licitum illis edere carnem, si inuenire non possent alium cibum. Ratio est, quia Ecclesia non obligat cum graui incommodo. Bonac. n. 5. Syluest. dicto quasito 9. Tolet. l. 6. c. 4. nu. 4. Fill. & alij apud citatos Doctores.*

15 Qui ieiunium non seruat, putans habere iustam causam non ieiunandi, non peccat, si non ieiunat, si realiter sit iusta causa, & sufficiens. Ratio est, quia bona fides excusat, ita Bon. n. 10. Reginald. lib. 4. n. 222. Fill. tr. 27. cap. 5. q. 1. num. 29.

16 Obtinens priuilegium manducandi carnem in die ieiunij, si illud priuilegium obtinuit ob debilitatem naturæ, non tenetur ieiunare, si verò ob nauseam, aut damnum piscis tenetur ieiunare, & non potest pluries vesci in die ieiunij. Ratio est, quia hoc priuilegium iudicatur odiosum, quasi contra legem communem, consequenter strictè explicandum est, ita Bon. pun. 2. dis. ultima q. 1. n. 3. Less. dub. 6. n. 45. Reginald. l. 4. n. 168 Nau. c. 12. n. 22 & alij, & ita fuit obseruatum hinc Romæ anno 1657. ob suspicionem contagiolam, quæ illo tempore accipebat; Regnante Papa Alexandro VII.

17 Existente casu necessitatis mandandi cibos prohibitos in die ieiunij, non est petenda licentia, loquendo generaliter, dummodo tamen necessitas sit certa, & euident. Ratio est, quia obligatio legis propter necessitatem aufertur;

(dixi

( dixi regulariter ) quia si sequi potest scandalum, tunc petenda est licentia. & etiam si dubitatur de sufficientia necessitatis, & hæc licentia petenda est ab Episcopo, aut à Parocho, si haberi non potest aditus ad Episcopum. *Syluester verbo, ieiunium n. 2. Bon. loc. cit. nu. 5. Regin. Lessius, & alij.*

## De Decimis.

1 **D**ecima est omnium bonorum mobilium licite quæsitum pars decima Deo data diuina constitutione debita, vt colligitur ex *cap. 1. de decimis.*

2 Decimæ quo ad sustentationem sunt de iure diuino, quoad quotam sunt de iure humano; nec obstat *c. pastoralis, & c. tu nos, de decimis*, ubi dicunt, quod decimæ sunt soluendæ ex lege Diuina; nam illa capitula loquuntur, & intelligenda sunt quoad imitationem, & exemplum Diuinæ legis antiquitus datæ. *Riccius decis. 605. nu. 5. Reg. lib. 99 n. 84. Bon. disp. ult. q. 5 pun. 1. n. 3. Fill. tr. 27. cap. 7. qu. 6.*

3 Tres sunt species decimarum, prædialis, personalis, & mixta. Prædialis, aut realis est decima pars fructuum, qui recipiuntur à possessionibus, vt ab oleo, vino, & leguminibus. Personalis est decima pars fructuum, qui proueniunt ab industria personæ, vt à mercatura, venatione, ludo, & alijs similibus. Mixta est illa, quæ pars ab industria, pars à possessionibus prouenit, vt sunt fructus animalium, caseus, & lana. *Bonac. pun. 2. n. 12. & 13. Less. dub. 3. n. 12. Toletus l. 6. c. 10. num. 4.*

Personales decimæ soluendæ sunt ab omnibus illis, qui recipere debent sacramenta; hæc propositio colligitur ex *cap. transmissa de deci-*

*mis*. Ratio est, quia decimæ sunt institutæ in subsidium illorum, qui sacra & eunta administrant. Prædiales verò soluendæ sunt ab omnibus illis, qui possessiones possident, non tamen titulo spiritali, ut v.g. Clerici soluere tenentur decimas de possessionibus patrimonialibus, sed non de beneficialibus. *S. Thom. 2.2 qu. 87. art. 4. cap. à nobis de decimis.*

5 Mixtæ solui debent iuxta consuetudinem acceptam locorum, *c. ad apostolicam, de decimis in fine.*

6 Qui decimas non soluit, aut primitias debitas ob legem, aut legitimam consuetudinem, & qui soluere impedit, non solum debet excommunicari, sed neque absolui non facta plena restitutione, secundum *Trid. sess. 25. de reform. cap. 12. & can. statuimus 17. qu. 2.* Hæc propositio est intelligenda, modò non adsit impotentia restituendi. Ratio est, quia non est verisimile Concilium obligare velle ad impossibile. Religiosi, qui prædicant, aut audiunt confessionem, & non hortantur ad solutionem decimarum, sunt excommunicati. *Clement. cupientes, de decimis. Bonac. pun. 7. nu. 2. in fine,* & communiter Doctores.

### *De Censuris Ecclesiasticis.*

1 **C**ensura est correctio non simplex, sed ecclesiastica, & est triplex, excommunicatio, suspensio, & interdictum.

2 Excommunicatio est censura, privans hominem baptizatum solum communione sacramentorum, aut sacramentalium, & fidelium, & est duplex, maior, & minor. Minor privat participatione passiva omnium sacramentorum. Maior privat participatione activa, & passiva sacramentorum.

cramentorum, iuxta communem sententiam canonistarum *in rub. de sent. excom. & Theologorum in 4. dist. 18.* & licet dispositiones poenales in casu dubio intelligantur de minori poena, vt *in cap. in penalis, de regulis iuris*, nihilominus si Iudex aliquem excommunicet sine expressione de minori, aut maiori, de maiori est intelligenda, *cap. per, de sent. excom.*

3 Excommunicatio duplex est, vna data à lege, altera ab homine, Data à lege est, quando canon, constitutio, aut statutum excommunicat, qui faciet tale, aut qui non faciet, Data ab homine est illa, quam iudex pronunciat generaliter contra facientes, vel non facientes tale, inter quas datur maxima differentia, quia illa, data ab homine, cessat, mortuo conditore, aut ablato ab illo officio, qui eam tulit, iuxta glossam *in cap. à nobis, de sent. excom.* acceptam à communi opinione canonistarum, nam si Episcopus excommunicauit aleatores, mortuo ipso, aut priuato illo officio, cessat illa excommunicatio; hoc tamen est intelligendum, dummodò illi eam non incurrerint, tenente adhuc Episcopatu, nam si eam incurrerint, petere debent absolutionem ab illo, qui succedit. Sed lata à lege non spirat, ea mortuo, *c. fin. de officio delegati, Reginal lib. 9. c. 6 qu. 8. Bonac. de censuris, num. 5.*

4 Excommunicationes aliae sunt latae, aliae ferendae. Latae sententiae sunt, quae ipso iure incurruntur absque iudicis declaratione. Ferendae sententiae sunt quae non incurruntur, nisi praecedente iudicis declaratione; vt clarè patet ex *c. eis, de sent. excom. in 6.*

5 In sententia canonis incidunt omnes, & singuli, qui Clericum, etiam prima tonsura initiatum, vel monachum professum, vel nouitium conuersum, licet non sit clericus, percutiunt.

Idem

Idem dicendum est de monialibus, & nouitijs earum, vt habetur in *c. Monachi*, eodem titulo, & absolui non possunt nisi à Summo Pontifice, vel Legato à latere. Monachi verò ad inuicem se percutientes absolui possunt ab Abbate, ne habeant occasionem euagandi, vt Romam veniant pro absolutione.

6 Aduertendum tamen est, quòd si percussio, aut iniuriam illata Clerico, non sit enormis, sed leuis, absolvere potest Ordinarius, & dicitur leuis, vt si pugno, palma, manu, pede, digito, aut etiam lapide quis percutiatur, dummodo nulla macula relinquatur. *Nauarr. de percussione Clericorum nn 21.* In hoc tamen semper est attendenda qualitas personarum, tam dantis, quàm recipientis, ideo arbitrio viri prudentis remittitur, quando dicatur leuis, aut grauis iniuria.

7 In eandem excommunicationem incidit mandans, vel fauorem, vel consilium præbens, ad percutiendum, vel ratum habens, dummodo eius nomine gestum fuerit, secus si eius nomine gestum non fuerit, *cap. raribabitacionem de reg. iuris in 6.*

8 In eandem excommunicationem incurrit percutiens clericum volentem, & consentientem. Ratio est, quia hoc privilegium est concessum statui clericali, & non potest clericus illud renunciare; vt habetur expresse in *c. contingat de sent. excom.* Immò clericus seipsum percutiens incurrit maiorem excommunicationem, dummodo tamen seipsum non percutiat ex ira. Ratio est, quia ista percussio est iniuriola statui clericali. *Bonac. de excom. extra bullam, disp. 2. q. 3 pun 6. sect. 2 n. 7. Nauarr. cap. 27. n. 78. Reginal. l. 1. n. 222.* & alij apud dictos Doctores.

9 In eandem excommunicationem incidit, qui Clericum coniugatum percutit, qui matrimonium

monium contraxit cum virgine, quamvis habitum, & tonsuram deseruerit, si penitentia ductus eam postea reassumpserit. *Bonac. loc. cit. sect. 3. nu. 2. Syluester verbo excommunicatio 6. nu. 4. Filliucc. tract. 25. c. 1. q. 4 n. 8*

10 Incurrit etiam excommunicationem, qui Clericum percutit, degradatum verbaliter tantum. Incurrit etiam, qui percutit Clericum irregularem, aut excommunicatum toleratum, aut vitandum, aut affectum alia censura. Ratio est, quia adhuc dicitur percutere Clericum, quia per censuram, aut degradationem verbalem, aut irregularitatem non amittit priuilegium canonis. *Bonac. num 5. Filliucc. tract. 15. cap. 1. q. 4. nu. 9. Nauar. c. 27 n. 79.*

11 Dantur multi casus, in quibus percutiens Clericum excusatur ab excommunicatione. Primus est, quando percutiens facit ad sui defensionem necessariam, non excedendo modum inculpatæ tutelæ. Secundus, quando quis percutit Clericum ignorans esse Clericum. Tertius, quando quis percutit, vel occidit Clericum inuentum turpiter ad agendum cum matre, filia, vxore, vel sorore, dum modo percutiat incontinenti, & non ex interuallo. *cap. si vero, de sent. excom.* Ille tamen talis non excusatur à peccato, vt supra diximus de homicidio. Quartus est, quando quis percutit Clericum post dimissum habitum clericalem, qui se immiscuerit sæcularibus negotijs. Quintus est, quando quis percutit Clericum coniugatum publicè per se, exercentem officium capponis, & macellarij, & non desistit ab illo officio intra terminum ab Episcopo præscriptum. Ratio est, quia Clericus coniugatus amittit priuilegium Clericale non desistendo ab officijs prædictis, si cui non sit coniugatus, & gerat habitum, & ton:

& tonsuram : *Clementina* 1. de vita, & honestate Clericorum. Sextus; quando quis percutit clericum bigamum; nam bigamus omnia privilegia clericalia amittit, *cap. unico de bigamis*: dantur alij casus; in quibus quis excusatur ab excommunicatione, quos ob brevitatis causam omitto.

12 Qui percutit laicum incedentem in habitu, & tonsura, quem credebatur esse clericum non incidit in excommunicationem. Ratio est, quia nemo ligatur sua opinione: ita communiter Doctores.

13 Exercentes auguria, sortilegia, invocando diabolum, aut præbentes eis auxilium, consilium, non incurrunt excommunicationem ipso facto, dummodo non sentiant aliquid contra fidem. Ratio est, quia nulla ex afferri potest, quæ contineat excommunicationem, ipso facto impositam, & si afferri potest aliqua lex, quæ continet hanc excommunicationem; illa tamen non est usu accepta, ut benè docet. *Bonac. de excom. in particul. extra bullam disp. 2. qu. 2. punct. 37. Filliucci tr. 14. c. 6. q. 11. nu. 97. Lessius l. 2. c. 43. dub. 3. n. 29. Toletus, & alij ab ipsis relati.*

14 Excommunicare possunt regulariter omnes qui habent iurisdictionem Ecclesiasticam ordinariam, aut delegatam; laicus, & fœmina excommunicare non possunt, quia iurisdictionem non habent *c. decernimus, de iudicijs, &c. nona, de poenit. & remiss.* Summus Pontifex tamen de potestate absoluta dare potest facultatem fœminis, & laicis, ut excommunicare possint. Ratio est, quia non est contra legem divinam, aut naturalem; *Bonac loc. cit. punct. 2. num. 4. Filliucci tract. 11. cap. 2. qu. 8. Reginald. num. 116.*

15 Maior excommunicatio ferri non potest, cum non sit culpa peccati mortalis, & consequen-



quenter nemo incurrit excommunicatione, la-  
tam à canone generali, aut particulari, nisi mor-  
taliter peccet, & idem dicendum quoad hoc de  
excommunicatione generali ab homine publica-  
ta, c. nullus, & can. nemo 11. q. 3.

16 Ad incurrendam excommunicationem  
requiritur effectus completus præterquam in si-  
monia, prout dicemus in proprio quæsito. Ra-  
tio est, quia quando sumus in materia odiosa,  
strictè facienda est interpretatio, & verba de-  
bent intelligi cum effectu, ut est communis axio-  
ma Iuristarum, Bonac. punct. 3. nu. 12.

17 Solus homo baptizatus est capax excom-  
municationis, habens superiorem, ideò excom-  
municari non possunt infideles nec Pontifex, ne-  
que collegium, neque vniuersitas, cap. Romana,  
§. vniuersitatem de sens. excom.

18 Effectus excommunicationis maioris his  
versibus continentur.

*Os, orare, vale, communio, mensa negatur.*

*Si pro delictis anathema quis efficiatur.*

Os, idest, negatur loquutio, osculum, rece-  
ptio, aut missio literarum.

Orare, idest, negatur dicta participatio sacra-  
mentorum, officiorum diuinorum, & omnium  
aliarum precum in Ecclesia dicendarum.

Vale, idest, negatur salutationes mutue,  
etiam quæ per litteras fiunt, aut mouendo labia,  
aut quid simile.

Communio, idest, negatur participatio in fa-  
ciendo aliquid cum excommunicato, habitando  
in eadem domo, aut tractando cum illo, aut fa-  
ciendo quid simile.

Mensa, idest, negatur comestio in eadem  
mensa, quies in eodem lecto, etiamsi sit domus  
aliena.

In quinque casibus, qui his versibus conti-  
nentur,

nentur, communicari potest cum excommunicato.

*Vtile, lex, humile, res ignorata, necesse.*

*Hac anathema faciunt, nec possit obesse.*

Vtile, idest, potest quis communicare propter utilitatem excommunicati, ut prædicando, admonendo, ut resipiscat, aut potest esse utilitas ex parte participantis in temporalibus, ut petendo ab eo debitum.

Lex, idest, mulier communicare potest cum marito, cum à lege teneatur cum ipso communicare.

Humilis, idest, filij familias, & serui urbani, & rustici, qui ante excommunicationem erant subiecti, communicare possunt cum patre, & patreño.

Res ignorata, idest, qui communicat cum excommunicato, ignoranter, modò non sit ignorantia crassa, excusatur ab excommunicatione.

Necesse, idest potest quis communicare cum excommunicato ob magnam necessitatem tam propriam, quàm excommunicati, aut alterius, qui indiget.

19 Participans cum excommunicato, maiori excommunicatione innodato, est solùm peccatum veniale, idest solùm peccat venialiter, qui participat cum excommunicato. *S. Tb. & alij in 4. dist. 18 Hostiensis in sua summa de sent. excom. §. si. Ioannes Andreas in c. sacras, de his, qua vi, & metus causa.*

20 Dantur multi casus, in quibus, quis peccat mortaliter, communicando cum excommunicato. Primus est participatio in sacramentis vel diuinis Officijs. Secundus est contemptus clauum, idem fit per frequenter locutionem. Tertius est præceptum speciale iudicis. Quartum est  
par-

participatio cum excommunicato à Papa. Quin-  
tus est communicatio in delictis cum excommu-  
nicato, immò in hoc casu incidit in eandem ex-  
communicationem. Ratio est, quia quælibet  
actio istorum est specialiter prohibita, ita  
*DD. cit.*

21 Excommunicati, cum quibus non possu-  
mus communicare sunt duplicis generis, idest  
publici percussores clericorum, qui nulla tergi-  
uersione cædari possunt, & illi, qui sunt spe-  
cialiter denunciati, & declarati, & non quilibet  
excommunicatus notorius est euitandus, ut con-  
stat ex extrauagante Martini V. & confirmata ex  
*Concilio Lateranense sub Leone X. sectione 11.* &  
qui semel fuit excommunicatus, & declaratus,  
est semper euitandus, donec constet ipsum esse  
absolutum, nisi persona non fuisset talis, cui dan-  
da esset fides, affirmans esse absolutam. *glos in c.*  
*proposuit, de clerico excommunicato.*

22 Diximus supra, quod ille, qui fert sen-  
tentiam excommunicationis, habere debet iu-  
risdictionem ecclesiasticam ordinariam, aut de-  
legatam; nam non incurrit excommunicationem,  
qui commiserit delictum sub poena excommu-  
nicationis illo tempore, quo superior, qui sen-  
tentiam tulerat, incidit in excommunicationem,  
& fuit denunciatus excommunicatus. Quapro-  
pter si Iudex diebus elapsis tulerit sententiam  
cum hac conditione, qui commiserit furtum sic  
excommunicatus, si furtum committitur eo tem-  
pore, quo ille iudex fuit declaratus excommu-  
nicatus; fur, furando eo tempore, non incurrit  
excommunicationem. Ratio est, quia illo tem-  
pore potestatem non habet legitimam excom-  
municandi, cum sit denunciatus excommunica-  
tus, & consequenter fuit iurisdictione priuatus;  
nam excommunicatio ferri non potest, a non ha-  
bente

bente iurisdictionem. Bonac. disp. 2. qu. 2. punct. 5. num. 10. Filliuc. tract. 11. cap. 3. qu. 9. nu. 70. Suarez tom. 5. disp. 3. sect. 4. & alij communiter.

23 Quilibet sacerdos absolvere potest excommunicatum minori excommunicatione, si absolvere potest à peccatis, *cap. per tuas, cap. nuper, de sent. excommun.*

24 Excommunicatus maiori excommunicatione, modò à lege non reservata, absolui potest à proprio Prælato, *dicto cap. nuper.*

25 Excommunicatus ab homine absolui potest ab ipso solo, aut eius successores, aut à superiore, aut delegato, nisi quòd delegatus Papæ, qui excommunicare potest, & infra annum absolvere à lata sententia definitiva, elapso tamen anno absolvere non potest, *c. conquerenter, de sent. excommun. & communiter ibidem.*

26 Qui absolvere potest ab excommunicatione lata à lege, absolvere potest ab excommunicatione lata generaliter ab homine, *juxta decisionem singularem Ioannis de Imola, in cap. græve, de præbendis, collat. 4. relata per Felinum in cap. pastoralis, §. præterea, de officio ordinarij, Ioannes Andreas, & Cardinalis in dicto cap. græve.*

27 Excommunicati à lege, siue ab homine, qui ob infirmitatem, aut aliud iustum impedimentum fuerint absolvi ab illo, qui extra illum casum non poterat, cessante impedimento, præsentari se debent quàm primum commodè possunt apud quem poterat iuridicè eos absolvere; alioquin incidunt in eandem excommunicationem, sed absolutus à reservatis non tenetur se præsentare, cessante impedimento; iuxta communem opinionem Theologorum, ut notat Sylvester, verbo confessio 1. num. 21.

28 Omnes leges, quæ præcipiunt fieri satisfactionem ante absolutionem in articulo mortis, intel.

intelligendæ sunt, si excommunicatus satisfacere potest, si non potest, sufficit dare cautionem. Ratio est, quia ad impossibile nemo tenetur, *l. impossibile, ff. de reg. iuris, Felinus in c. pastoralis, § praterea, collat. 3. de officio ordinarii.*

*De Censuris in Bulla Coena contentis.*

29 **E**Xcommunicationes reseruatae Pontifici in Bulla Coenæ sunt viginti.

30 Prima est contra omnes hæreticos cuiuscumque nominis, cuiusvis sectæ sint, & contra eos, qui fidem præstant, & contra receptatores, & fautores, & contra legentes eorum libros sine speciali licentia sedis Apostolicæ, aut imprimentes, aut apud ipsos retinentes.

31 Secunda est contra appellantes ad futurum Concilium à sententijs ordinarijs, & mandatis sedis Apostolicæ; & è contra ad id præstantes consilium, auxilium, aut fauorem.

32 Tertia est contra piratas cursarios, latrunculo maritimos, contra eorum fautores, receptatores, & defensores.

33 Quarta est contra furantes bona naufragantium christianorum, inuenta in maria, aut in littore maris.

34 Quinta contra imponentes noua pedagia, aut gabellas in eorum terris, aut eas augment, aut recipiunt, aut faciunt instantiam, vt imponantur, aut augeantur,

35 Sexta est contra falsificantes, lacerantes, facientes, aut falsè scribentes litteras Apostolicas, aut Vicecancellarij.

36 Septima est contra deferentes arma, aut transmittentes ad infideles alia necessaria in damnum, & incommodum christianitatis, aut Reipublicæ.

37 Octava est contra impediētes , aut inuadētes eos, qui victualia conducunt, aut alia necessaria ad vsum curiæ Romanæ .

38 Nona est contra occidentes per se ipsos , aut per manus alterius spoliānt , mutilant , capiunt, aut impediunt illos , qui ad curiam Romanam accedunt , aut ab ea discedunt , aut in ea commorantes spoliānt, capiunt, vel faciunt quid simile.

39 Decima est contra lædentes , occidentes , mutilantes , tenentes , prædantes Romipetas , aut peregrinos , accedentes ad Urbem deuotionis causa .

40 Vndecima est contra offendentes , mutilantes , persequentes , carcerantes , detinentes , persequentes Cardinales Sanctæ Romanæ Ecclesiæ, Patriarchas, Archiepiscopos, Episcopos , Legatos sedis Apostolicæ , vel Nuncios , seu in hoc fauorem, auxilium, consilium præbentes.

41 Duodecima est contra omnes impediētes, aut fauorem dantes , percutientes , spoliāntes bonis per se , aut per tertiam personam illos , qui accedunt ad Romanam curiam pro negotijs prosequendis , aut pro litteris , & gratijs impetrandis.

42 Decimatertia est contra appellantes à graamine , aut futura exequutione litterarum Apostolicarum , legatorum , Auditorum , præfidentium , aut alias recurrunt ad curias laicales , & ad potestatem Ecclesiasticam, & contrahentes .

43 Decimaquarta est contra reclamantes alibi per se aut per aliam personam propria auctoritate prætextu alicuius exemptionis , aut alterius gratias , nec non remouentes causas beneficiales decimarum , aut aliarum rerum spiritua-

lium

lium à iudiciis ecclesiasticis, etiam si illi, qui committunt tale delictum, fuerint præsidentes cancellariæ, conciliorum, parlamentorum, consiliaris, ordinarij, aut extraordinarij cuiuslibet Principis sæcularis, etiam si sint indignitate confuturi Regali, aut Imperiali, aut sint Episcopi, aut Archiepiscopi, aut Abbates.

44 Decimaquinta est contra trahentes, aut trahere facientes personas ecclesiasticas, capitula, conuentus, collegia ecclesiarum quarumcumque coram se ad suum tribunal ultra dispositionem iuris canonici.

45 Decimasexta est contra impediētes quolibet modo Archiepiscopos, Episcopos, aliosque superiores, & omnes alios quoscumque Iudices Ecclesiasticos ordinarios, ne utantur eorum iurisdictione ecclesiastica, secundum quod determinant canones, & constitutiones Ecclesiasticæ, & præsertim Tridentinum.

46 Decima septima est contra usurpantes, iurisdictionem, aut fructus, redditus pertinentes ad sedem Apostolicam, & cuiuslibet personæ ecclesiasticæ ratione ecclesiarum, monasteriorum, & aliorum beneficiorum ecclesiasticorum, aut sequestrantes quauis causa sine licentia Summi Pontificis.

47 Decima octaua est contra imponentes decimas, talis, & alia grauamina sine licentia Summi Pontificis, Clericis, & alijs personis ecclesiasticis, ac eorum, & ecclesiarum, monasteriorum, & aliorum beneficiorum ecclesiasticorum bonis, etiam si præfulgeant Imperiali, aut regali dignitate.

48 Decimanona est contra Iudices sæculares, notorios, scribas, exequutores, subsequutores, quomodolibet se interponentes in causis capitalibus, seu criminalibus contra personas ecclesiasticas.



clesiasticas sine licentia expressa Sum. Pontificis.

49 Vigesima est contra inuadentes aliam Urbem, & alia loca, &c.

50 Reperiuntur aliæ excommunicationes reseruata Summo Pontifici, non contentæ in Bulla Coenæ, quarum prima est percussio grauis clericorum.

51 Secunda est perseuerantia in excommunicatione delegati post annum.

52 Tertia est participatio cum excommunicato à Papa in diuinis scienter, dummodò participans sit Clericus, & excommunicatus sit nominatim, & iudicialiter declaratus.

53 Quarta est spoliatio Ecclesiæ, idest, fractura portarum, aut fenestrarum post denunciationem.

54 Quinta est violatio immunitatis ecclesiasticæ circa confugientes.

55 Sexta est violatio clausuræ monialium ob malum finem.

56 Septima est contra Religiosos, qui administrant sacramentum Extremæ vnctionis, aut Eucharistiæ, tam laicis, quam clericis sine licentia speciali Parochi; Idem si absoluunt excommunicatum à canone; præterquam in casibus in iure expressis.

57 Octaua est contra illos, qui dispensant in votis vltamarinis S. Petri, & S. Pauli, S. Iacobi in Compostella, castitatis; & religionis, & contra illos, qui à casibus reseruatis absoluunt.

58 Nona est contra illos, qui simoniæ vitium commiserint in ordinibus, aut beneficijs in curia, aut extra, publicè, aut priuatè, etiam si essent constituti in qualibet dignitate, & contra mediatores, & procuratores in dicta simonia.

59 Decima est contra religiosos, qui è Monasterio egrediuntur, quæ quidem excommunicatio

catio ipſo facto incurritur, & extenditur ad illos, qui licentiam præbent egrediendi, & ad receptantes in caſibus, in quibus non permittitur religioſis è Monafterio egredi; immò dicti religioſi egredientes, & ſuperiores licentiam præbentes egrediendi priuantur dignitate, adminiſtrationibus, officijs, & inhabiles fiunt ad illa, & quæcumque alia in futurum, vt conſtat ex motu proprio Pij V. incipiente: *Decoris, & honeſtati*, & nemo abſolvere poteſt iſtam excommunicationem, niſi Summus Pontifex, aut ab ipſo delegatus, dummodo tamen excommunicationis publica ſit, vt conſtat ex motu proprio dicti Pij V.

60 Undecima eſt peregrinatio Terræ ſanctæ deuotionis cauſa ſine licentia Summi Pontificis, vt dicit S. Antonius referens iſta verba: Accedens ad ſepulchrum Domini deuotionis cauſa ſine licentia Papæ, eſt excommunicatus, & eius abſolutio Papæ reſeruatur, vel eius Poenitentiario.

61 Duodecima eſt lata ſententia excommunicationis ipſo facto incurrenda à Pio IV. anno 1562. in bulla 63. quæ incipit: *Intelligendis Eccleſiarum Prelatis*, ſ. *litteras*, contra illos, qui mandant, recipiunt litteras, aut ſcripta cuiuslibet generis, aut nuncium, aut notam, aut ſignum illis, qui conclauis exiſtunt, aut exconclauis illis, qui foras exiſtunt, & in hac poena excommunicationis incurrit quælibet perſona, licet ſit in dignitate conſtituta Cardinalatus, quæ poena excommunicationis eſt Summo Pontifici reſeruata: præterquam in articulo mortis; vt clarè patet ex dicta Bulla Pij V. ultra dictam poenam puniendi ſunt ſecundum qualitatem delicti.

62 Decima tertia eſt contra omnes illos, qui extrahunt, aut extrahere faciunt reliquias à Ca-

tacumbis, Cryptis, Coemeterijs existentibus intra, vel extra Urbem. Ista excommunicatio edita est ab Eminentissimo Cardinali Mellino de mandato Summi Pontificis Pauli V. anno 1613. die 24. Augusti, vbi sunt hæc formalia verba. *Che persona alcuna di qualsiuoglia stato, e conditione dell' uno, e l'altro sesso, tanto ecclesiastica, come regolare, ò secolare, non ardisca, nè presuma, nè possa estrarre in alcuna delle grotte, catacombe, ò cimiterio dentro, ò fuori di Roma, ne da quelle estrarre reliquie, anche in minima particella, nè in ciò dare aiuto, ò fauore, arbitrio da incorrersi ipso facto, e d'applicarsi come nel seguente capitolo, & anco di scomunica latæ sententiæ, della quale li transgressori non possono essere assoluti: se non da Sua Santità, eccetto, che in articolo di morte, alle esecutioni delle quali pene si procederà irremissibilmente.*

63 E tutte le pene sopradette tanto corporali, come pecuniaria di scomunica latæ sententiæ incorrono ipso facto tutti quelli, ad istanza de' quali si cauerà, ò si acconsentirà di far cauare reliquie da detti cimiterij, ò saranno complici, e tutti quelli, che riceueranno reliquie, sapendo essere cauate da detti luoghi di qualsiuoglia grado, e conditione, ancorche fussero tali, de' quali si douessero far menzione particolare, dalle quali pene, e censure non possono essere assoluti, se non da Sua Santità, come di sopra. Dichiarando, che li regolari, che contraueranno al presente editto oltre alle predette pene, incorrono anco ipso facto nella priuatione di voce attiva, e passiva, & inhabilità alle dignità, e gouerni delle loro religioni, dalle quali non possono essere assoluti, & habilitati se non dalla Santità di Nostro Signore.

*De onere, & obligatione denunciandi sub pœna  
censura facta ex vi Matrimonij.*

**I** **Q** Vi denunciare teneretur esse debet subditus illi, qui sententiam fert, consequenter qui non est subditus non ligatur excommunicatione lata contra non reuelantes. Ratio est, quia actus iurisdictionis exercei non potest in non subditum: communiter Doctores, præcipuè Bonac. de onere, & obligat. denunciandi punct. 151. num. 2.

2. Hic nascitur difficultas, an Civis Romanus, qui se ad aliam dioecesim transtulit intentione ibi permanendi maiori tempore anni; aut ibi perpetuò habitandi, incurrat excommunicationem, latam contra non reuelantes intra terminum præscriptum, non elapso adhuc tempore termini in monitorio concessio.

3. Respondeo affirmatiuè. Ratio est, quia remanet subditus; mediante delicto; & propter citationem monitorij perpetuatur iurisdictionis, cap. proposuisti, de foro compet. Bonac. loc. cit. num. 2. Sayrus lib. 1. quest. 1. punct. 11. nu. 6. & seq. Suarez tom. 7. disput. 5. sect. 5.

4. Quando ex denunciatione graue periculum nascitur, & euidentis denunciante tam in vita, quam in bonis, non teneretur denunciare. Ratio est, quia lex non obligat cum tanto incommodo, dummodo tamen delictum non redundet in damnum & detrimentum Reipublicæ; nam bonum publicum præferri debet privato, Bonacin. loco cit. §. 3. num. 2. Filliuc. tract. 14. c. 2. qu. 5. & 6. Nauar. cap. 25. nu. 50.

5. Hinc sequitur furem, aut socium delicti non teneri ob vim monitorij manifestare delictum proprium, nisi fuerit iuridicè interroga-

tus, & dicitur iuridicè interrogatus, quando præcessit infamia, vel semiplena probatio, aut alia indicia manifesta, in his casibus tenetur respondere Iudici iuridicè cum interroganti. *Bonacin. de octauo præcepto Decalogi disp. 10. quæst. 3. punct. 2. n. .... Reginal. lib. 21. num. 134. & seq. Filliuccius num. 262 & seq. Lessius lib. 2. cap. 31. disp. 3. num. 10.* Tenentur tamen restituere rem alienam sub poena excommunicationis.

5 Mulier non tenetur denunciare maritum, quia sunt duo in carne vna, neque filius furtum, aut delictum patris, quia reputantur vna, & eadem persona, & damnum patris redundat in filium, & regula generalis est, quòd nemo denunciare tenetur, quando ex denunciatione nascitur magnum damnum denuncianti, vt supra diximus; communiter extenditur ad sorores, & generos, & fratres vsque ad quartum gradum, sed *Syluester, & Angelus, verbo, fama*, extendunt hanc doctrinam ad familiam, quia interest Reipublicæ, vt euitentur dissensiones, & discordiæ inter familiares.

6 Non nascitur obligatio denunciandi illas res, quas realiter ignoramus. Ratio est, quia edicta loquuntur de illis, qui verè, & realiter sciunt. *Reginal. lib. 21. n. 13. Bonac. §. 4. n. 1. & can. inter verbo, 11. q. 3.*

7 Nemo tenetur ex vi edicti reuelare illas res, quas scit sub secreto naturali, vt quando quis sciuerit per viam consultæ, vt petendo cōsiliū ab aduocato. Ratio est, quia secretum est de iure naturæ, & in hoc casu qui reuelat, peccat mortaliter, & tenetur ad restitutionem, etiam si reuelet illum, de quo præcessit infamia, vel semiplena probatio, *Bonac §. 5. n. 1. & 2 Fill. tr. 14. c. 2. q. 8. n. 39. & alij apud Reginal. loc. cit. n. 47.*

8 Non obligat edictum ad denunciandum iustum

flum detentorem, & compensatorem, etiam si in sententia excommunicationis exprimeretur iusta compensatio. Ratio est, quia non solum continet hæc sententia errorem intollerabilem, sed etiam excommunicatio non incurritur, nisi propter peccatum mortale contra obedientiam; sed ille, qui compensat, retinendo rem acceptam in compensatione, non peccat contra obedientiam censuræ; ergo in hoc casu edictum obligare non potest, *Bonac. §. 6. nu. 1. Filliucc. tr. 14. c. 1. n. 28. Lessius lib. 2. c. 12. dubio 10. nu. 6.*

9 Qui non denunciat intra tempus præscriptum in edicto, elapso illo tempore, tenetur denunciare quam primum commodè potest. Ratio est, quia terminus non apponitur ad terminandam obligationem denunciandi, sed ad sollicitandam: & ideo termino elapso, non cessat obligatio *Reginald. l. 24. n. 63. Filliuc. quest. 11. nu. 42. Bon. §. 9. nu. 1. Nauarrus cap. 5. n. 45.*

10 Quilibet sub pœna peccati mortalis denunciare hæreticum à lege communi tenetur. Ratio est, quia ita colligitur ex *cap. 2. de hæreticis, & ex bulla 18. Innocentij IV. anno 1254.*

11 Ampliatur cum communi sententia, etiam si esset delictum occultum. Ratio est, quia unusquisque magis tenetur consulere bono communi, quam famæ personæ priuatæ, *cap. ratio nulla, de præbendis, l. actione, §. labeo, ff. pro socio Bonac. §. 10 punct. 2. num. 1. Farinac. de hæreticis qu. 197. §. 2. & multi alij apud citatos Doctores.*

12 Hæreticus mentalis absolui potest à quolibet confessario approbato. Ratio est, quia propter hæresim mentalem non incurritur excommunicatio, & hæresis est reservata solum ratione excommunicationis, *Bonacina de censuris in bulla cœna contentis punct. 2. n. 3. Aragon. 2. 2. q. 11 art. 3. & alij communiter.*

## De Suspensione .

1 **S**uspensio, de qua hic loquimur, est censura ecclesiastica, quia interdicitur aliquod officium, vel exercitium competens personæ ecclesiasticæ, aut in totum, aut in partem, aut in perpetuum, vel ad tempus.

2 Suspensio triplex est, vna est ab officio solum, alia est à beneficio tantum, & alia est ab officio, & beneficio simul. *Glossa in cap. cupientes, de penitent.*

3 Aliquæ suspensiones sunt à lege impositæ, aliquæ ab homine. A lege ipso facto incurruntur, & sunt multæ, quas dicta glossa tangit: Ego ob breuitatis causam omitto illas, quæ rarò occurrunt.

4 Prima est contra Sacerdotem; Diaconum, & Subdiaconum concubinarium notorium, donec se emendat *c. si quis 81. dist.* & sicut ipso facto incurritur in suspensionem ab fornicationem notoriam, ita pariter aufertur ipso iure ob emendationem: *iuxta gloss. receptam in dicto can. si quis.*

5 Secunda est contra Clericos per tres annos à beneficijs, eligentes in Episcopum illegitimum, non habentem legitimam ætatem, scientiam, & bonum testimonium. *cap. cum in cunctis. § finali de electione.*

6 Tertia est contra omnes promouentes ad ordines sacros sine legitima ætate, aut extra tempus præscriptum, vt constat ex extrauag. Pij V. quæ incipit: *Ex sacramentorum.*

7 Quarta est contra Clericum, qui prouocat, aut accettant duellum. *Syluest. verbo, suspensio, num. 6. §. 11. Nauar. tamen tenet contrarium, quia textus in c. sacro de sentent. excommun. dicit solum, quòd deponi debet,*



8 Quinta est contra Iudicem Ecclesiasticum à suo officio; aggrauantem contra iustitiam parti ob amorem, aut propter odium, aut propter aliquid aliud, *cap. 1. de re iudicata in 6.*

9 Sexta est contra admittentes ad diuina officia, aut sacramenta, aut sepulturam ecclesiasticam excommunicatos, interdictos publicos, & notorios; & istæ personæ intelliguntur suspensionæ ab ingressu Ecclesiæ donec satisfaciant, *cap. Episcopum de priuilegijs in 6.*

10 Septima est contra Clericos omnes recipientes ordines sacros ficto patrimonio, vel beneficio; immò extenditur ad Episcopum, ordinantem Clericum religiosum sine titulo illius ordinis, in quò sit votum tantùm temporale religionis, vt constat ex constitutione Pij V. *fol. 207.*

11 Octaua est contra religiosos, præsumentes mulieres in monasterio introducere; nam isti sunt suspensi à diuinis officijs, priuati beneficijs ecclesiasticis, & fiunt inhabiles ad illa; vt constat ex Bulla Pij V. quæ incipit: *Regularium*, & ex Bulla Gregorij XIII. quæ incipit: *Vbi gratia*, vbi excommunicantur foeminae, ingredientes monasteria virorum, aut è conuerso sub prætextu facultatum iuxta stylus sacrae Poenitentiariae. Vide de hac materia *Nauiar. cap. 27. num. 150. Bonac. de suspensione §. 4. nu. 18.*

12 Omnes, qui excommunicare possunt, suspendere possunt, sed non omnes, qui excommunicari possunt, suspendi possunt, sed solum personæ Ecclesiasticæ. Ratio est, quia suspensio non cadit in laicis, vt affirmant communiter Doctores.

## De Interdicto.

1 **I**nterdictum est censura ecclesiastica quo homo priuatur perceptione quorundam

sacramentorum, diuinis officijs, & ecclesiastica sepultura; ita colligitur *ex cap. non est nobis, de sponsalibus.*

2 Triplex est interdictum, locale, personale, & mixtum. Locale est illud, quo interducitur tantum locus, ne possint Incolæ, aut extranei audire in loco diuina officia, licet personæ illius loci interdicti, quæ causam non dederunt possint alibi audire diuina officia. Personale est illud, quo prohibetur populus, aut aliæ personæ particulares audire diuina officia. Mixtum utrumque comprehendit, id est locum, & personas. *Bonacina de interdicto punct. 1. num. 1. Syluester, verbo, interdictum 1. quasito 2.*

3 Tempore interdicti localis; aut si vniuersale, aut particulare administrari possunt sacramenta baptismi, & confirmationis solita solemnitate. *cap. quorum de sentent. excommunic. in 6. cap. Alma mater eodem titulo.*

4 Est licitum tempore interdicti localis debita solemnitate administrare sacramentum Eucharistiæ, existentibus in probabili periculo mortis, *cap. permittimus de sentent. excomm. cap. quod te, de poenit. & remiss.* Immo hodie est licitum administrare Sacramentum Poenitentiae tempore interdicti cuilibet interdicto tam sano, quam infirmo cum duobus limitationibus. Prima est, ut recipiens non sit excommunicatus. Secunda, est, ut non fuerit in causa culpabili, ob quam fuit factum interdictum, aut non sit specialiter interdictus; ita determinatur *in dicto cap. Alma mater.* Antiquitus tamen conferebatur tantum morientibus, & peregrinis. *cap. quod in te, de poenit. & remiss.*

5 Item celebrari potest ad conficiendum sacramentum Eucharistiæ ianuis apertis, si administranda est infirmo Eucharistia. Item in magnis fe-

festiuitatibus celebrari possunt missæ , & diuina officia publicè , & solemniter cum sono campanarum ianuis apertis alta voce , admissis interdictis, sed non excommunicatis, dummodo tamen interdictum sit locale generale , non speciale . Sacramentum tamen extremæ vnctionis administrari non potest , nisi ex speciali priuilegio sit permissum . Bonac. ubi supra. §. 3. num. 4. Filliuc. tract. 18. cap. 1. q. 3. cap. quod in te, de Pœnit. & remiss. & communiter alij .

6 Reliqua sacramenta Eucharistiæ , ordinis ; & matrimonij administrari non possunt tempore interdicti , excepto sacramento Eucharistiæ morientibus; vt diximus paulò antea; communiter Doctores, & præcipuè Bonac. dicto §. 2.

7 Interdictum tam locale , quàm personale priuat etiam ecclesiastica sepultura ; communiter in Clement. 1. de sepulturis , & clarè patet ex cap. quod in te, de panit. & remiss.

8 Interdictum ecclesiasticum ferri non potest in aliquam Ciuitatem , vel populum ob debitum pecuniarium , vt v. gr. propter contumaciam domini , aut Episcopi illius loci commissam ; in retinendo debitum alienum, ita fuit declaratum à Bonifacio XIII. in constitutione, incipiente: *Prouidè ascendentes*.

9 Violantes interdictum generale, aut speciale peccant mortaliter. Ratio est, quia faciunt contra prohibitionem Ecclesiæ in materia graui. Bonac. pun. 7. nu. 1. & 2. Filliuc. n. 5 4. Innoc. in c. tanta, de excessibus prælat. & alij apud Syluest. verbo, interdictum , questio 6. licet Syluester , & alij dicant laicos peccare tantum venialiter , modò absit contemptus , aut scandalum, exceptis quibusdam casibus, de quibus per Nauar. num. 181.

10 Laici aliquem cogentes celebrare diuina officia in loco interdicto , aut vocantes alios in.

interdictos, vt intersint diuinis officijs, quæ celebrantur in loco interdicto, aut prohibentes, ne exeant interdicti; postquam fuerint admoniti, subiiciuntur poenæ excommunicationis; ita etiã excommunicantur personæ interdictæ, recusantes exire post huiusmodi admonitionem: à qua absolui non possunt nisi à Summo Pontifice, vt probatur ex *Clemen. 1. c. 2. de senten excommun.*

11 Interdictum ad tempus latum, elapso illo tempore, cessat. Ratio est, quia lex non obligat, neque ligat vltra intentionem legislatoris. *Bonacin. punct. ultimo num. 1. Fillinec. num. 114. Reginald. lib. 32. tract. 3. num. 53. Sayr. cap. 15. & licet aliquid dicant, quòd sicut non cessat excommunicatio, adimpleta conditione, aut elapso tempore, & requiritur absolutio, ita etiam in interdicto, & suspensione.*

Ad hoc respondeo: ita obseruatur in praxi, & est in vln, idest in interdicto, & in suspensione non requiritur absolutio, elapso termino, aut adimpleta conditione, sed in excommunicatione requiritur absolutio. *Bonac. loc. cit. Fillinec. cap. 3. q. 7. nu. 48. Nauar. c. 27. num. 161.*

12 Aduertendum est, quòd interdictum locale non cessat si ædificium loci interdicti fuerit destructum, aut resectum. Ratio est, quia non solum ædificium est interdictum, sed etiam solum tamquam fundamentum ipsorum. *Bon. dicto punct. ult. num. 2. Reginald. n. 59. Fillinec. nu. 118.*

### De Irregularitate.

1 **I**rregularitas est impedimentum canonicum ex facto, vel defectu proueniens, quo quis promoueri non potest, & promotus exercere non potest.

2 Irregularitas non solum impedit ordinum susce.

susceptionem, sed etiam primæ tonsuræ. Ratio est, quia licet prima tonsura, si nomen istius sumatur strictè, non sit ordo, sed dispositio ad ordines, nihilominus in iure canonico nomine ordinis, intelligitur, ut probatur ex *cap. cum contingat, de etate, & qualis*. ideò quando in definitione irregularitatis dicitur: Irregularitas est impedimentum canonicum, quod impedit susceptionem ordinum, nomine ordinum intelligitur etiam prima tonsura; ut communiter sumitur in iure canonico, à quo est introducta irregularitas, *Bon. disp. 3. qu. 1. punct. 1. num. 4.* Idem tenuit *Rota Romana anno 1583. coram Seraphino*, & idem senserunt consultores Poenitentiariæ Mediolanensis; ut benè refert. *Bonac. loc. cit. & in tract. de beneficijs §. de irregularitate.*

3 Irregularitas duplex est, vna nascitur ex defectu, aut indecentia, quæ absque culpa contrahitur, altera ex facto, aut delicto, ut ex homicidio.

4 Irregularitatis multe sunt species, quæ proveniunt ex delicto. Prima nascitur ex defectu animi, & hæc cadit in illis, qui carent usu rationis, & illiteratis. Secunda ex defectu corporis, & hæc cadit in habentibus notabilem defectum in corpore. Tertia ex defectu natalium, & hæc cadit in illegitimis natis. Quantum ex defectu ætatis, & libertatis, & hæc cadit in non habentibus legitimam ætatem, & non habentibus libertatem, ut sunt serui, coniugati. Quarta ex defectu sacramenti, ut est bigamia, & dicitur quis bigamus, qui plures uxores habuit. Sexta ex defectu leuitatis, idest, homicidio licitè patrato, ut sunt iudices, ita communiter Doctores.

5 Quare Ecclesia determinauit illum esse bigamum, & irregularem, qui cum foemina ab alio cognita contraxit, sed non sit bigamus, qui matrimonium contrahit cum virgine, licet ipse

ſæpiùs commiferit fornicationem.

Reſpondeo, quia non ſolùm defectus virginitatis arguit maiorem indecentiam in ſponſa, quàm in homine, ſed etiam quia motus non ſpecificatur à termino à quo, ſed à termino ad quem; ita matrimonium non ſpecificatur ab eodem contrahente, qui ſæpiùs fornicatus fuit, ſed ab altero contrahente, ad quem terminatur, qui eſt foemina, cuius carò ſæpiùs diuiſa eſt; nam ſi foemina fuiſſet capax ordinis, fieret bigama, accipiendo hominem fornicarium, ſicut ille homo fit bigamus contrahendo, & conſumando matrimonium cum illa, quæ ab alio eſt fornicata, *Bonac. punct. 3. num. 7. Filliuc. num. 117. Suar. ſect. 3. num. 9. Sylueſter, verbo irregularitas.*

6 Sunt aliæ ſpecies irregularitatis, quæ proueniunt ex delicto. Prima naſcitur ex iteratione baptiſmi, & hæc cadit in illis, qui ſcienter reiterant baptiſmum. Secunda ex ſulceptione indebita, aut uſu ordinis, & hæc cadit in illis, qui habuerunt ordines aut exercuerunt indebitè. Tertia ex infamia, & hæc cadit in illis, qui à lege ſunt declarati infames propter aliquod delictum. Quarta ex homicidio illicitè patrato, & hæc cadit in illis, qui commiſerunt homicidium ſine iuſta deſenſione. Quinta ex defectu infidelitatis, & hæc cadit in omnibus infidelibus, ad ſidem venientibus, qui promoueri non poſſunt ad ordines ſine diſpenſatione Summi Pontificis: immò filijs hæreticorum ſunt irregulares uſque ad ſecundam generationem per lineam virilem paternam; per lineam maternam uſque ad primam, modo parentes mortui ſint in delicto hæreſis. *cap. ſtatuiſmus, de hæreticis.*

7 Ad incurrendam irregularitatem requiritur, ut ſit baptizatus ille, qui mutilat, occidit, ſit doli capax, & influit in homicidium, & mutila-

tionem extra casum necessitatis, & iustæ defensionis. Ratio est, quia non solum leges loquuntur tantum de illis, qui occidunt, aut mutilant post susceptionem baptismi, ut probatur *ex can. si quis viduam distinet. 30. & can. si quis post baptismum distinet. 31.* sed etiam quia infidelis non ligatur poenis Ecclesiasticis. *Filliuc. n. 237. Bonac. de irregul. q. 4. n. 2. Reginald. lib. 30. num. 94. & alij communiter.*

✱ 8 Ex hoc sequitur non esse reum homicidij, & consequenter non est irregularis ratificans homicidium nomine suo factum, ipso tamen insciente; licet grauitur peccet. Ratio est, quia approbatio homicidij iam sequuti, non est iniuriosa, quia non influit in homicidium, cum sit iam præteritum, & licet ratihabitio possit æquiparari mandato, ut est communis exioma: nihilominus non habet locum in casu nostro, quia poenæ non incurruntur, nisi sint expressæ in iure: In iure canonico non reperitur expressum, quod ratificans homicidium incurrit irregularitatem, sicut reperitur expressum, quod incurrit excommunicationem ratificans percussorem Clerici, nomine suo factam, ita *Bonacin. disput. 7. quest. 4. punct. 8. num. 47. Reginald. lib. 30. num. 140. Fill. num. 39. & 41. & alij apud Suar. disp. 44. sect. 3. num. 24.*

9 Cui ob infirmitatem, aut ex medicorum consilio amputata sunt virilia, expelli non debet ab ordinatione: *can. si quis à medicis, & can. si quis in infirmitate, distinet. 55.* Ablicissi tamen ex propria voluntate promoueri non possunt ad ordines sine dispensatione, etiam si hoc non fecerint ad euitandum peccatum mortale, *sap. ex parte, de corpore vitiat.*

10 Accusantes, siue aliquem querelantes de iniurijs, expressè tamen non protestante, quod  
non



non agunt ad vindictam, neque ad poenam sanguinis, si sequatur mors, sunt irregulares, siue Iudex iustè, siue iniustè ad mortem processerit. Ratio est, quia cooperantur ad mortem; ideo tacita protestatio non sufficit, sed requiritur expressa, *cap. 2. de homicidio in 6. Couar. in Clemens. 1. de homicidio, & communiter.*

11 Non est irregularis, qui aliquem iustè ferit, & non occidit etiam si ab alijs fuisset occisus sine sua culpa, aut moritur ob defectum medici, aut propter suam malam curationem, aut propter infirmitatem, quæ ei superadditur; est tamen irregularis, qui iniustè ferit; nam posito, quòd non sit vulnus lethale est tamen causa, ut quis ei det mortem, aut cadat in infirmitate aliqua, ex qua moritur etiam ob malam curationem, aut culpam medici. Ratio est, quia quo ad hoc non datur differentia inter occisionem, & vulnerationem iniustè, si sequatur mors, etiam si non esset culpa illius, ut duo capitula affirmant, *c. presbyteri, c. ad audientiam, de homicidio.*

12 Qui occidit ob defensionem suæ vitæ, honoris; & bonorum, non efficitur irregularis, non excedendo moderamen inculpatæ tutelæ. Ratio est, quia occidens aliquem sine culpa non est irregularis, sed aliquem occidendo ob defensionem suæ vitæ, honoris, & rerum suarum, sine culpa occidit; ergo non incurrit irregularitatem. *Bon. pun. 6. n. 10. Fill. tr. 20. c. 5. qu. 6. nu. 146. Less. l. 2. c. 9. dub. 11. n. 13. Sayrus l. 8. c. 17. nu. 22.*

13 Committens homicidium casuale; si dat operam rei licitæ, adhibita diligentia; non efficitur irregularis, secus verò non adhibita diligentia, si dat operam rei illicitæ, adhibita diligentia, vel non, semper occidens est irregularis: Ex hac regula resolui possunt omnes quæstiones, quæ occurrere possunt circa hanc materiã;

Vide

Vide quæ supra diximus de homicidio . Hæc propositio probatur per *c. presbyterum, & c. continebatur secundum unum intellectum, & c. ad audientiam de homicidio* .

14 Est irregularis iubens, mandans, consulens, auxilians, & cooperans ad homicidium, vel mutilationem, sequuta occisione, vel mutilatione . Ratio est, quia influunt in homicidium, & mutilationem; dummodo tamen non fuerint reuocatum præceptum, mandatum, consilium expressè, vel tacitè, & mandatarius de hoc habuisset notitiam, cum hac tamen differentia, quod mandans sufficit, quòd reuocauerit mandatum expressè, vel tacitè, si illius reuocatio innotuerit mandatario; Consulenti verò non sufficit reuocatio tacitè, vel expressè, quia si non credat firmiter, quòd habeat locum reuocatio, tenetur indicare occidendo, ut sibi caueat, ne sit irregularis, mandans verò non . Ratio disparitatis est, quia mandatum datur in gratiam mandantis, consilium verò præstatur in gratiam consulti, & sic consultus agit nomine proprio, & non nomine consulentis; mandatarius tamen agit nomine mandantis. *Fillius. n. 34. Syluester, verbo, homicidium 1. n. 11. Sayrus l. 7. cap. 3. nu. 6. Suarez dis. 44. sect. 3. num 3.*

15 Licetè potest, qui commiserit homicidium occultum, conficere Eucharistiam post debitam contritionem, & confessionem; antequam obtineat dispensationem, si nasci possit scandalum, & suspicio, quòd si ipse non sacrificaret, crederetur ipsum occidisse, & remaneret infamatus . Ratio est, quia lex naturalis, & diuina de defendendo propriam famam est altioris ordinis, quàm humana, in abstinendo à celebratione Missæ, cum sit irregularis . Ita communiter, & præsertim *Nahar. in cap. 27. num. 239.*

16 Summus Pōtifex dispensare potest in omnibus irregularitatibus quomodolibet incurfis. Ratio est, quia Pontifex habet potestatem supremam super terram, & dispensare potest in omnibus impedimentis legis humanæ; Licet Summus Pontifex maxima cum difficultate dispensare soleat in homicidio voluntario; vt colligitur ex *Trid. sess. 14. c. 7.* illis verbis, *Ordine perpetuo careat.*

17 Episcopus dispensare potest in qualibet irregularitate, proueniente ex omni delicto occulto, præterquam ex homicidio voluntario etiam occultissimo, dummodo tamen tale delictum non sit deductum in iudicio, *cap. 6. sess. 24. & cap. 7. & eadem sess.*

18 Potest Episcopus dispensare in irregularitate, proueniente ex iusta mutilatione occulta. Ratio est, quia non solum exceptio firmat regulam in non exceptuatis, vt probatur ex *cap. 2. de coniug. seruor.* sed etiam quia Tridentinum excipit tantum homicidium voluntarium; ergo signum est Episcopum posse dispensare in irregularitate ob mutilationem occultam contracta, quamuis voluntaria, ita etiam determinauit Sacra Congregatio Cardinalium, teste *Suarez disp. 44. sect. 4. num. 35.*

19 Omne illud, quod non est publicum dici potest occultum, & publicum dicitur illud, quod est omnibus manifestum; iuxta *Bart. in l. 3. §. peti, de succes. tutorum*, & ad hoc, vt Episcopus dispensare non possit, requiritur, vt sit notorium manifestum; sufficit tamen, vt sit tale vicinitati, Collegio, monasterio, & tunc dicitur notorium, quando erit maior pars collegij, vel monasterij, vel vicinatis, dummodo tamen reperiantur decem personæ in dicta vicinitate. Potest etiam Episcopus dispensare non quacumque irregularitate, quo ad solum ordines minores, excepto cum

cum homicidio voluntario, vt in *Trid. supra cit.*  
*Nauar. c. 27. n. 250. Panorm. & alij ob eodem citati*  
*in c. vestra, & de cohabitatione Clericorum.*

20 Aduertendum tamen est, quòd ad incur-  
 rendam irregularitatem, proueniente ex delicto  
 requiritur culpa peccati mortalis. Ratio est, quia  
 poena commensurari debet delicto, vt probatur  
 ex *c. felix, de pœnis*; dum ergo irregularitas, quæ  
 incurritur ob delictum sit grauissima poena, in-  
 curri non debet ob leuem culpam, aliàs non erit  
 proportionata delicto. *Bon. disp. 7. q. 1. punct. 3. n.*  
*1. Filliuc. quæsto 7. n. 24. Reginald. lib. 36. num. 20.*  
*Nauarr. & alij.*

21 Irregularitas, quæ prouenit ex infamia,  
 auferri potest tribus modis; Per dispensationem.  
 Per baptismum; Per emendationem. Per dispen-  
 sationem; solus Pontifex directè tollit irregula-  
 ritatem; indirectè verò laicus Princeps tollendo  
 infamiam, quæ oriretur ex iure ciuili, ita commu-  
 niter Doctores.

### De Pollutione Ecclesia.

I S Ex modis polluitur Ecclesia. Primus est,  
 quando effunditur sanguis humanus iniu-  
 riosè in Ecclesia, aut datur causa naturalis effusio-  
 nis, aut mortis. Secundus casus est, quando  
 effunditur semen humanum in Ecclesia volunta-  
 riè. Tertiùs est, quando in ipsa sepelitur infide-  
 lis. Quartus est, quando in ipsa sepelitur aliquis  
 excommunicatus. Quintus quando Ecclesia  
 consecratur ab Episcopo publicè excommuni-  
 cato. Sextus, quando omnes parietes, vel ma-  
 iores partes deiiciuntur, *gl. in cap. ligneis de con-*  
*secr. Eccles.*

2 Aduertendum tamen est; quòd ad hoc vt  
 Ecclesia reputetur polluta, requiritur, vt effusio  
 san-

sanguinis, aut mortis fiat iniuriosè; nam non sufficit effusio naturalis naris, oris, aut quæ casu euenit, neque effusio facta ab infante, vel furioso ex eo, quia careant usu rationis, & facere non possunt iniuriam, licet pati possint, neque effusio, quæ fit ob propriam defensionem; neque reputatur polluta, quando percussio extra Ecclesiam fuit facta; licet sanguis in ipsa effundatur, secus verò si vulnus factum fuit in Ecclesia, & vulneratus se recipit extra, antequam effunderetur sanguis in Ecclesia, nam tunc iniuria facta fuit in Ecclesia; ideò in hoc casu reputatur polluta; sufficit etiam ad hunc effectum suffocatio, aut occisio hominis in Ecclesia absque effusione sanguinis; emissio aliquarum guttarum sanguinis non polluit Ecclesiam, quia effusio significat abundantiam. Item polluitur Ecclesia, si in ea martyr occideretur propter fidem; nam illa actio est iniuriosa, & iniqua. *Nav. c. 27. n. 251. Archid. & glos. in c. 1. de consecr. Ecclesia in 6.*

3 Non violatur Ecclesia, quando quis occiditur supra tectum Ecclesiæ; neque violatur locus sacer, quando copula habetur extra parietes Ecclesiæ, vel in sacristia, & cameris Ecclesiæ adherentibus. Ratio est, quia illud spatium dicitur locus sacer qui spectat ad interius corpus Ecclesiæ à tecto interiori usque ad pavementum. *Bon. de sacrilegio in materia luxuria, q. 4. punct. ult. n. 11. Fill. tr. 30. n. 135. Reginald. Nauarr. & alij apud dictos Doctores.*

4 Notandum tamen est, quòd nulla pollutio occulta impedit celebrationem in Ecclesia secundum glossam, in dict. c. 1. ex quia inferri potest, quod effusio sanguinis, aut seminis facta ab hinc octo diebus incipit hodie impedire, non autem ante: ut ait *Nauarr. c. 27. n. 251.*

5 Ecclesia consecrata, quando polluitur recon-

conciliari debet ab Episcopo , & cum aqua ab eodem benedicta , aut ab alio Episcopo ; non consecrata reconciliari potest à solo sacerdote cum licentia superioris cum aqua ab eodem benedicta, *cap. aquam de consecrat. Ecclesia.*

## De Immunitate Ecclesiastica.

**I**mmunitas ecclesiastica, late sumpta, non significat aliud nisi priuilegium , aut exemptionem , per quam Ecclesiæ subtrahuntur ab oneribus , quæ repugnant eius libertati , strictè sumpta , quod ad locum , de qua hic loquimur , est priuilegium , aut exemptio Ecclesiæ concessa , vt ibi existentes sit immunes à potestate laicali .

2 Immunitas ecclesiastica est concessa Ecclesijs fidelium , & alijs pijs locis à lege positiva , vt constat *ex cap. in rer alia , de immunitate Ecclesiæ , & ex constitutione Gregorij XIV. quæ incipit: Cum alia .*

3 Immunitas ecclesiastica multos producit effectus . Primus , vt existens in Ecclesia capi non possit à laicali potestate: vt constat ex dicta constitutione Gregorij .

4 Hic nascitur difficultas, an delinquens, dum in Ecclesia moratur , custodiri possit à laicali potestate hoc fine , vt tradatur ecclesiasticæ personæ, donec declaretur an debeat gaudere .

Respondeo affirmatiuè. Ratio est, quia in hoc non offenditur immunitas ecclesiastica , *Farinacius de carceribus , q. 28. Tnsens verbo Ecclesia , conclusione 11. nu 33.*

5 Secundus est , vt nullum apponatur impedimentum , per quod existenti in Ecclesia , aut in alio loco sacro non deferantur alimenta , & alla , quæ sunt necessaria ad vitam, *l. presenti, C.*

de his , qui ad Ecclesiam confugiunt . Farinac. de  
carceribus, & carceratis, cap. 28. num. 9. Ratio est,  
quia si posset hoc modo impediri in loco sacro  
existens, esset adstrictus delinquens se dare po-  
testati laicali, & succumberet morti, & conse-  
quenter redderetur inutile hoc priuilegium ec-  
clesiasticæ immunitatis.

6 Hinc sequitur, delinquentem, existentem  
in loco sacro impediri non posse, quin ab Eccle-  
sia exeat ad exonerandum corpus, dummodo  
statim reuertatur, *can. definiuit 17 qu. 4.*

7 Tertius effectus est, vt nullum damnum af-  
feratur, aut violentia existenti in loco sacro, vt  
probatur ex Concilio Toletano XII. cap. 11.

8 Quartus effectus est, vt damnari non possit  
ad mortem, aut poenam corporalem reus, dum  
in Ecclesia moratur, *c. inter alia de immunitate  
ecclesie*, vbi hæc sunt formalia verba: *Neque  
damnari debet ad mortem, vel ad poenam corpo-  
ralem, ex can. id constituimus 17. q. 4.* vbi sunt  
hæc verba: *De morte, & omni poenarum genere  
sunt securi.*

9 Quintus effectus est, vt restituatur Ecclesie  
delinquens, extractus per vim. Ratio est *in can.  
minor*, & *can. antiquitus 17. q. 4.* vbi habetur,  
quod extrahens cogendus est sub poena excom-  
municationis ad restituendum delinquentem.

10 Immunitas Ecclesie competit primò Ec-  
clesijs, auctoritate Episcopi fundatis, & conse-  
cratis, præsertim si in ipsis celebrentur diuina  
officia. Ratio est, quia istæ vocantur Ecclesie,  
loquendo regulariter, & loca sacra Deo perpe-  
tuò consecrata, vt determinatur in *cap. Ecclesijs  
de immunit.*

11 Competit etiam hoc priuilegium Eccle-  
sij Episcopi auctoritate fundatis, etiamsi non  
sint benedictæ. Ratio est, quia hæc est materia  
fauo.



fauorabilis , & conſequenter extendenda eſt. *Farin. de carceribus q. 28. n. 34. Tuſcus tom. 3. verbo Eccleſia concl. 9. num. 9.*

12 Eodem priuilegio gaudent Eccleſiæ dirutæ , nam non ceſſant eſſe loca ſacra , hoc tamen intellige , modò non ſint auctoritate Episcopì dirutæ ſine ſpe eas reædificandi ; Eccleſiæ enim dirutæ ſine ſpe reædificandi eas , ſicut amittunt indulgentias , ita etiam immunitatem. *Bonac. de primo præcepto decalogi punct. 4. num. 4. & multi alij ab eodem relati.*

13 Non ſolùm hoc priuilegio gaudet corpus Eccleſiarum , ſed etiam tota fabrica , vt rectum , partes parietum , campanile , ſacriſtia , coemeterium . Ratio eſt , quia principale trahit acceſſorium , & hoc locum habet etiam , ſiue ſit coemeterium coniunctum Eccleſiæ , aut diſiunctum , ſiue conſecratum ſit , ſiue benedictum , ſiue etiam locus ob ſepulturam alicuius Chriſtiani cum diuiniſ officijs , & cum licentia Episcopì , & domini ; nam tunc locus ſacer reputatur , & religioſus . *Farinac. de carceribus , & carcerat. q. 28. n. 14. Bon. loc. cit. num. 5.*

14 Hoc priuilegium à lege communi extenditur ad conſinia Eccleſiæ per 40. paſſus , ſi Eccleſia fuerit maior , aut baſilica , ſi erit minor uſque ad 30. paſſus , *can. definiuit , can. ſicut antiquiſ 17. qu. 4.*

15 Simili priuilegio gaudent domus Parochorum , Canonicorum , & aliarum perſonarum Eccleſiaſticarum propè Eccleſias exiſtentes intra dicta conſinia , licet in ipſis habitent laici . Priuilegium enim immunitatis directè fuit conſeſſum locis , & non perſonis , *Bon. n. 7. Decian. in tr. crim. lib. 6. c. 26. num. 16.*

16 Monasteria , domus religioſorum , tam ſæcularium , quàm regularium , & alia loca ſacra ,

cra, & religiosa immunitate Ecclesiæ gaudent. Hoc priuilegium extenditur ad omnem habitationem eorum, & ad viridarium. Ratio est, quia totus ille locus est sacer, & religiosus, & reputatur vna, & eadem res cum Monasterio. Item extenditur ad hospitale, dummodo sit fundatum auctoritate Episcopi, quia in iure locus sacer reputatur, *c. ad hac, de religiosis domibus.*

17 Idem dicendum est de seminarijs, oratorijs confratrum affixis alicui Ecclesiæ, hæc enim sunt loca religiosa, & pia, *Bonac. pun. 4. n. 10. Peregrinus cap. 4. nu. 64.*

18 Domus aut palatium Episcopi immunitate Ecclesiæ gaudet, *can. id constituimus 17. qu. 4.* Pariter palatium Cardinalium.

19 Simili priuilegio gaudet sacerdos deferens sacramentum Eucharistiæ; ita vt reus ipsum amplectens capi non possit, neque molestari à laicali potestate, & hoc conceditur ob reuerentiam debitam corpori Christi, *can. multi 95. dist. Bon. post alios dicto punct. 4. n. 27. Suárez. & alij.*

20 Gaudet simili priuilegio capanna Ecclesiæ, ab ea tamen non distans, sed intra triginta passus existens, solummodo seruiens pro seruitio Ecclesiæ. *Barbosa in collectaneis bullarum in verbo Immunitas, in fine.*

21 Omnes Christi fideles cuiuslibet conditionis, & ordinis, exceptis quibusdam casibus in iure expressis, immunitate ecclesiastica gaudent. Ratio est, quia leges absolutè loquuntur, & sine aliqua distinctione, *c. inter alia, de immun. Ecclesiæ,* & nouiter Bulla Greg. XIV.

22 In Bulla dicti Gregorij continentur aliquæ personæ, quæ non gaudent immunitate ecclesiastica; & istæ sunt, latrones publici, viarum grassatores, qui publicas vias obsident, depopulatores agrorum, assassini, qui homicida, & mutilatio-

tionem membrorum in ecclesijs, aut eorum cœmeterijs committere non verentur, At qui commiserint homicidium proditorium, hæretici, apostatæ à fide. Apostata à fide pro hæretico habendus est, & qui commiserint crimen læ læ maiestatis.

23 Neque gaudet hoc priuilegio offendens personas Cardinalium, Episcoporum consecratorum, in eos violentas manus iniiciendo, obfidendo, vel insequendo. *Martinus Italianus de immunitate Ecclesiæ lib. 5. cap. 5.*

24 Pariter non gaudet simili priuilegio foemina, occidentes eorum filios infantes, & prouocantes abortum malis medicamentis, & etiam committentes homicidium veneno: ita determinauit Sacra Congregatio, vt videri potest apud *Barbosam in collectaneis bullarum in verbo, Immunitas.*

25 Qui delinquit in Ecclesia, modò delictum non sit enorme, gaudet immunitate Ecclesiæ, & delictum enorme dicitur non solum homicidium, & mutilatio: vt constat ex dicta bulla Greg. sed etiam adulterium, & raptus virginum. *Hofst. in cap. fin. de immunitate Ecclesiæ*, licet aliqui dicant contrarium de adulterio, & de rapto virginum.

26 Hinc sequitur gaudere immunitate Ecclesiastica, qui furtum in Ecclesia committit, Qui verò furatur pixidem ab ecclesia cum particulis, credo non gaudere. Ratio est, quia hoc delictum sapit speciem hæresis, & in dicta bulla Gregorij habetur, quod committentes delicta, quæ speciem hæresis sapiunt, non gaudent immunitate Ecclesiastica.

27 Licet aliqui dicant, quòd Clerici, non gaudent hac immunitate; nihilominus Congregatio Cardinalium contrarium determinauit.

Ratio

Ratio est, quia esse non debent deterioris conditionis laicis, & hoc privilegium est concessum loco, & non personæ. *Barbosa ubi supra.*

28. Iudæi, Pagani hoc privilegio gaudent, si ad Ecclesiam confugiant, petendo baptismum, ut fideles fiant, si verò confugiant ob occasionem delictorum non gaudent. *Boer. dec. 100.* In praxi tamen contrarium observatur, idest etiam in secundo casu gaudent, pro ut vidi hic Romæ ita semper fuisse observatum.

29 Percutientes imaginem Dei; Sanctorum, iurantes per pudenda Dei, blasphematores Dei, & Virginis, non gaudent immunitate Ecclesiastica. *Riccus decis. 910. Remigius in rubrica, facientes maleficia.*

30 Carcerati, qui sub iuramento de redeundo obrinuerunt licentiam eundi ad domum, vel missam audiendi, si iuste detinebantur non gaudent immunitate Ecclesiæ; si iniuste, gaudent: ita post reliquos *Remigius in rubrica, quando detur carcerato, Sylvester verbo carcer.*

31 Ecclesia providere debet de expensis illis, qui hoc privilegio gaudent *l. presenti in fine, C. de his, qui ad ecclesiam confugiunt*; recuperabit deinde expensas factas, nisi sint impotentes confugientes; Impotentes enim Ecclesia etiam alere tenetur ad se confugientes, *can. ausum habet 2. qu. 2.*

32 Contra violantes immunitates ecclesiasticas ultra pœnas impositas à lege civili, & canonica, imposita est etiam pœna excommunicatio, nis ipso facto, à qua absolvi non possunt nisi à Summo Pontifice; ut constat ex dicta constitutione Gregorij XIV. & aperte constat ex decreto Sacræ Consecrationis edito de mandato Clementis VIII. quod incipit: *Sacra Congregatio*, teste *Bon. pun. 8. num. 3. in fine.*

33 In hanc poenam non solum incurrunt satellites, & exequutores, aut alia personæ privatae, quæ de mandato Iudicis extrahunt, ad Ecclesiam confugientes, sed etiam Iudex superior. Ita; *Genuensis in praxi Neapolitana cap. 2. num. 7. ubi affert multas rationes. Bonac. dis. 3. q. 7. pun. 9. nu. 5. & 6.* & alij ab ipsis relati: Confluentes tamen contra formam iustius constitutionis, in hanc excommunicationem non incidunt, licet incurrat mandans. Ratio, est, quia sumus in materia odiosa, in qua stricta interpretatio est facienda, & magis fauorabilis, & benigna. *Bonac. loc. cit. x. 7.*

## De Beneficijs.

1 **B**eneficium est iurisdictio perpetua, & legitima recipiendi fructus beneficiorum Ecclesiæ propter aliquod officium speciale; ita colligitur ex *c. relatus de prabendis in 6.*

2 Beneficium vnum est regulare, alterum, sæculare. Regulare est illud, quod confertur tantum regularibus, vt Abbatia regularis, Prioratus. Sæculare, quod confertur sæcularibus.

3 Sæculare aliud est curatum, vt Parochia, Episcopatus, aut Abbatia. Aliud non est curatum, vt Archidiaconatus, & Decanatus.

4 Beneficium aliud est manuale, quod reuocari potest arbitrio conferentis, vt beneficia regularia. Aliud non est manuale, quod reuocari non potest, nisi in casibus in iure expressis: *glossa in Clement. quia regulares, de supplenda negligentia Prælati.*

5 Multæ conditiones requiruntur in adepturo beneficium. Prima, vt sit Clericus. Secunda, vt non sit coniugatus: Tertia, vt sit legitimæ ætatis, vt infra dicemus. Quarta, vt habeat certum

ordinem, saltem primam tonsuram. Quinta, ut obtineat beneficium canonica institutione, sine qua possideri non potest; ut habetur *cap. beneficium de regulis iuris in 6.*

6 Ad obtinendum beneficium canonicè tres conditiones requiruntur. Prima, ut conferatur ab habente potestatem legitimam à lege, ut à Prælato Ecclesiastico. Secunda, ut illi conferatur per modum debitum, & iuridicum, non per simoniam, aut per aliud. Tertia, ut sit habilis ad hoc, ut non sit irregularis. *Sylvester, verbo, beneficium 3 num. 1.*

7 Si beneficium est regulare, si est Abbatia, in Abbatissa requiruntur triginta anni completi, *cap. indemnitatibus, de electione in 6* sed in Abbate non reperitur quænam ætas requiratur, sed communiter dicitur, requiri viginti quinque annos, ob *cap. cum incunct. §. inferiora, de electione*, ubi regulariter ad obtinendam quamlibet dignitatem sufficit illud tempus, nec tempus statutum in Abbatissa trahendum est ab Abbate ob glossam dicti *cap. indemnitatibus*; Propter enim debilitatem sexus maius tempus requiritur, & antiquitus requirebatur tempus quadraginta annorum: ut in *can. iuvenile 20. quest. 1.* sed si est prioratus, tunc si est conventualis sub se habens collegium, requiritur tempus viginti annorum, *argumento in Clement. ne in agro, §. verum, de statum regul.* sed si non est conventualis, sed curam habet, tunc si Prior ex consuetudine per se exerceret curam, habere debet viginti quinque annos, quia esse non potest sacerdos, quod requiritur ad curam, nisi sit in vigesimo quinto anno, ut constat ex *Clement. de etate & qualitate* sed si per se curam non exercet, videtur sufficere tempus viginti annorum, ut in dicto *§. ceterum*. Sed si est sine collegio, & sine cura

cura requiritur saltem tempus quatuordecim annorum. *arg. textus in c. indecorum, de atate, & qualitat. & in dicto §. ceterum*: si verò beneficium non est sæculare, si est Episcopatus, requiruntur triginta anni completi; si verò est dignitas inferior requiritur, quòd attigerit decimum quintum annum, *ut in dicto §. inferiora*: si verò beneficium est simplex, & sine cura, saltem requiritur tempus quatuordecim annorum, idèd non requiritur tempus vigesimi quinti anni, quia hoc tantum requiritur expressum in curatis, *ut in dicto §. inferiora*.

8 Clericus de bonis Ecclesiæ acquisitis dotare potest sorores, & alere parentes, aut conanguineos. Ut dicit Sylvester, verbo *Clericus* 4. *quæsitio* 15. *Panorm. cap. peruenit de arbitris*. Probat-ur etiam per *cap. 1. de cohabitatione Clericorum, & mulierum*, & per textum & glossam in *can. omnino confitemur dist. 32.* ubi dicit glossa, quòd Clericus habens uxorem, & filios, pascere potest illos ex redditibus Ecclesiæ; & consequenter multo magis dotare, cùm causa dotis sit favorabilior: Hoc tamen intellige si indigeant, & non ad pompam, aut propter alium finem; tunc etiam tam donans, quam recipiens restituere tenetur. *can. peruenit 16 qu. 7. Cardinalis in Clement. 2. de vita & honestate cleric. Sylvester loc. cit.*

9 Clericos habens sufficiens patrimonium; illud conseruare potest suis hæredibus, & viuere de redditibus beneficij; communiter Doctores, præsertim Sylvester *loc. cit. nu. 16. Innoc. cap. Episcopus, de præbendis*.

10 Beneficiarius facere tenetur quatuor partes de redditibus beneficij, Episcopo, pauperibus, ipsi sacerdoti, & fabricæ; sicut volunt iura antiqua; tamen quoad quartam Episcopi standum esset consuetudini, quæ derogare potest



præfatis iuribus, modò fabrica non remaneat desolata; tunc esset irrationabilis, & non valeret; hoc intelligendum est, quando redditus superfluit, decunctis necessarijs; immò tenetur omnia superflua suæ necessitati dare pauperibus sub poena peccati mortalis. *Syluester verbo Clericus 4. num. 19.*

11 Clericus conuertens fructus beneficii in vsus inhonestos, non solum peccat mortaliter, sed etiam restituere tenetur. Ratio est, quia quidquid habet, pauperum est; *can. 16. qu. 1. P. norm. c. cum de prabendis, Syluest. l. c. n. 15.* & licet viuere debeat, non debet tamen luxuriari.

12 Clericus beneficiarius non recitans horas canonicas non solum peccat mortaliter, sed etiam restituere tenetur fructus, vt supra diximus de horis canonicis; pariter pensionarius post constitutionem Pij V. tenetur recitare officium Beatæ Virginis.

### De Simonia.

1 **S**imonia traxit originem à Simone Mago, qui emere volebat donum Dei; & Spiritus Sancti, vt eum venderet. *S. Tho 2. 2. qu. 110. art. 1.*

2 Simonia est studiosa voluntas emendi, aut vendendi aliquid spirituale, vel spirituali annexum. *S. Thom. loc. cit. & canonista in rubrica de simonia.*

3 Simonia triplex est, mentalis tantum, conuentionalis tantum, & realis. Mentalis tantum est simonia mente concepta absque vlla conuentione neque expressa, neque tacita. Simonia conuentionalis est illa, quæ in pactum deducitur; non sequuto adhuc implemento ex vtraque parte, vel ex altera. Realis est illa, quæ iam est con.

coniuncta, aut expresse, aut tacite, & consummata ex utraque, vel saltem ex altera parte.

4 Simonia duplici iure est prohibita, vna est prohibita à lege diuina, altera à lege positua, Prima est voluntas emendi, vel vendendi res verè spirituales, aut sint à Deo datæ, aut institutæ, vt sunt sacramenta, Secunda est voluntas resignandi, præsentandi, conferendi, aut acceptandi iam facta cum conditionibus illicitis, & hæc est prohibita ab Ecclesia. Ideò committitur simonia absque interuentum pecuniæ, dummodo tamen detur quid pretio æstimabile. *Nan. cap. 23. num. 110.*

5 Triplex est pretium quod tradi potest pro spiritualibus; ideò communiter appellatur donum à manu, à lingua, & ab obsequio, & ad hæc tria rerum genera reduci possunt omnia alia, quæ dari possunt in pretium pro re spirituali *can. Saluator I. qu. 3.*

6 Hic dantur regulæ duæ ad cognoscendum, quando interuenerit vitium simoniæ, vel non. Prima regula est, quòd ad euitandum simoniæ vitium in conscientia, & coram Deo sufficit, quod quis non intendat accipere aliquid temporale pro rebus spiritualibus, vel spiritualitati annexis, tamquam pretium, sed tamquam subsidium à lege, vel pia consuetudine concessum, vt ait *S. Tho. 2. 2. q. 10. art. 2.* Secunda regula est, quòd si actus sit spiritualis, qui alicui personæ competit propter aliquam spiritualitatem, quæ est in ipsa, vt diacono legere Euangelium, si intelligat suum exercitium vendere, est simonia; si actus non sit spiritualis, vt docere artes liberales, non est simonia; ex his duabus regulis decidi possunt omnes casus occurrentes circa hanc materiam.

7 Materia, circa quam vitium simoniæ com-

mittitur, est res spiritualis, aut supranaturalis; Ratio est, quia opponitur simoniæ peccatum Religioni, & cultui diuino.

8 Hinc sequitur, committit Simonia vitium, vendendo gratiam sanctificantem, quia gratia sanctificans est res spiritualis, & sacra, & licet habeatur in *can. indices* 1. q. 1. & in *can. saluator* 1. q. 3. quod gratia vendi non potest, sicut neque Spiritus Sanctus emi, & vendi potest, nihilominus dicti canones loquuntur de iure, sed non de facto: de facto Spiritus Sanctus, vel gratia vendi potest, ut si sacerdos vendatur ratione sacerdotij, & suæ dignitatis *Fill. 1. 45. c. 2. n. 22. Quarr. tom. 1. de religione l. 4. c. 9. n. 7. de Simonia Bonac. disp. 1. q. 4. n. 2.*

9 Quoad Deum, & conscientiam simoniæ vitium sola voluntate committitur, ut probatur ex *cap. tua nos, de simonia*.

10 Non est licitum Episcopo præcipere, ut detur certa quantitas pecuniæ ob celebrationem missæ, & ut nullus recipiat minorem quantitatem. Ratio est, quia missa non est pretio æstimabilis *can. qui studet* 1. q. 5. *Th. art. 3.* communiter receptus, *Nauarrus c. 23. n. 16.*

11 Donatus aliquid sacerdoti, aut alteri; ut aliquem baptizet, existentem in extrema necessitate, non committit simoniam. Ratio est, quia non intendit dare pro sacramento, sed ad redimendam vexationem; Ista propositio habet locum, tam si necessitas se teneat ex parte adulti, quam infantis, quia eadem militat ratio, & in necessitate licite recipitur ab hæretico: iuxta glossam in *c. prater*, § *hac*, *dist. 32. Panorm. in c. cum ecclesiæ, de simonia, Nauarr. c. 23. num. 201. Bonac. disp. 1. q. 4. §. 1. nu. 3.* Ista propositio etiam habet locum, si recipiens iuret pretium largiri non ad redimendam vexationem, sed ad emendandum sa-

cramentum, quando aliter habere non potest hoc sacramentum. Ratio est, quia licet recipiens iuret hoc modo, nihilominus salua semper est eius intentio, quod facit ad redimendam vexationem, & in hoc casu nulla falsitas subest in iuramento, quia Deus accipit iuramentum pro ut ex corde procedit; pro ut supra dixi de iuramento. *Sotus de iustitia, & iure lib. 6. q. 6. art. 1.*

12 Conferens beneficium alicui, cui tenetur ex obligatione, animo se ab illa liberandi, simoniæ vitium committit, si ei confert ob causam principalem, & immediatam illius rei; sienti etiam Canonicus simoniam committit, qui ad eorum pergit principaliter distributionis causa, si verò secundariò non est simonia. *Nav. l. c. n. 106. S. Th. 2. 2. q. 6. Sylvest. verbo simonia, nu. 3.*

13 Summus Pontifex committere potest simoniæ vitium, in his, quæ iuris diuini sunt, quia est ei subiectus; in his, quæ sunt iuris humani committere non potest, quia princeps non ligatur suis legibus, *l. Princeps. ff. de legib. S. Th. communis. receptus 2. 2. q. 100. art. 1. can. sunt quidam. 25. q. 1.*

14 Aduertendum est, quod si Summus Pontifex alicui pecunia conferat beneficium, & recipiat pecuniam tamquam pretium illius beneficii, nempe illius iuris spiritualitatis, simoniæ vitium committeret. Ratio est, quia Summus Pontifex non est dominus rerum Ecclesiasticarum, sed principalis dispensator, hoc tamen moraliter loquendo non potest euenire, quia non est verisimile Papam pecuniam recepturum esse tamquam pretium. *Bon. disp. 1. q. 5. pun. 1. num. 2. Filliuc. tr. 45. cap. 12. q. 1 ad finem. Lessius l. 2. cap. 25. dubio 5. Sotus, & alij.*

15 Emens beneficium, vel ordinem à Papa, vel ab alio scientia Papæ, licet antiquitus potuerit quis excusari, quia videbatur Papam in

hoc dispensare, vt plures Doctores confirmant ; hodie tamen non excusatur à vicio simoniæ, pro vt constat ex Bulla Alexandri VII. quæ incipit : *Inter grauissimam*, vbi habetur, quod in hoc casu non intelligitur quis dispensatus, nisi adsit specialis gratia in scriptis obtenta.

16 Clerici, licet recipere non possunt aliquid pro sepultura ob prohibitionem legis ; consuetudine tamen introductum est, vt licet recipere possint aliquid pro exequijs defunctorum, & ista consuetudo est rationabilis, & laudabilis, quia non recipitur pro sepultura, sed pro labore in faciendis exequijs, & vbi adest talis consuetudo adstringi possunt licet à Iudice Ecclesiastico, ad eam obseruandam. *Tuscius in sua praxi de sepult. reso 56 c. ad apostolicam de Simonia, glos. in c. ad adolendam, in verbo exigere, de sepulturis.*

17 Episcopus, aut alij collatores ordinum recipere non possunt aliquid sine vicio simoniæ pro collatione quorumcumque ordinum, etiam clericalis primæ tonsuræ, nec pro litteris dimissorialibus, aut testimonialibus, nec pro sigillo, nec alia quacumque de causa, etiam sponte oblatum. Notarij verò in ijs tantum locis, in quibus viget laudabilis consuetudo nihil accipere possunt pro singulis litteris dimissorijs, aut testimonialibus, nisi decimam partem vnius aurei, dummodo eis nullum salarium sit constitutum pro officio exercendo; ita habetur in *Trid. sess. 11. c. 1.*

18 Non solum committitur simonia in tradendo, vel accipiendo aliquid pro sacramentis, sed etiam pro sacramentalibus, & non solum permanentibus, vt benedictio aquæ, & olei, & consecrationis calicis, sed etiam non permanentibus, vt benedictiones nuptiarum, & similia, *cap. suam de simonia, Bonac. disp. 1. qu. 4. §. 2. nu. 2. Filliucc. tom. 2. tr. 46. c. 3. num. 19, sed hoc in*  
telli.

intelligendum est, quando datur aliquid tamquam pretium, sed non tamquam subsidium, & stipendium, ut supra diximus, & ex hac conclusione, resolui etiam possunt plures casus, qui occurrere possunt circa hanc materiam, idem propter breuitatem eos omitto.

19 Preces nunquam inducunt simoniæ vitium, ut dicunt communiter Doctores, & licet olim quis potuerit dare pecuniam pro redimenda vexatione in re spirituali pro iure quæsito, ut omnes canones, & Doctores confirmant; hodie verò fieri non potest sine simoniæ vitio, prout declarauit expressè Alexander VII. in Bulla supra citata, incipiente: *Inter grauiissimas*.

20 Simoniæ vitium committitur, si quis pecuniam donat, ut aliquis non ordinetur, non præsentetur, non eligatur, vel electus non confirmetur, ut patet ex cap. nemo hoc eodem titulo.

21 Simoniæ vitium non committitur, quando quis gratitudinis causa conferenti beneficium, vel alteri dicat, numquam te poenitebit exhibiti mei beneficii. Ratio est, quia ista sunt verba urbanitatis, & non inducunt obligationem, & per consequens non videtur aliquid promitti tamquam pretium rei spiritualis. Bon. de simonia q. 6. p. 1. n. 2. Nau. l. 5. consiliorum consilio 81. Azorius, & multi alij.

22 Simoniacus mentalis, licet peccet, restituere non tenetur, quod acquisiuit sine conuentione, ut simoniacus realis, sed solum pænitere tenetur de mala intentione, cap. mandato, de simonia. S. Th. 2. 2. q. 100. art. 6. ad 6.

23 Quare simoniacus mentalis restituere non teneatur, usurarius verò mentalis teneatur, infra in proprio quæsito dicemus.

Respondeo, quia usura benè soluitur, sed malè recipitur; nam soluere usuram non est pec-

catur, *cap. debitores, de iure iurando*, sed recipere usuram est peccatum, & qui male recipit ab illo qui benè dat, restituere tenetur danti. *can. non sanè, ubi glossa 14. q. 15.* sed qui per simoniam mentalem recipit ab illo, qui malè dat, benè recipit propter ignorantiam malæ intentionis dantis, & consequenter recipiens restituere non tenetur. *Nauar. c. 23. nu. 103. & Caiet. 2. 2. qu. 100. art. 6.* dicit, quod soluitur, & datur usurario, non datur voluntariè, quod autem datur simoniaco mentali voluntariè datur, & spontè soluitur, & consequenter simoniacus mentalis restituere nō tenetur, usurarius verò mentalis tenetur.

24 Iura patronatus, & decimarum neque vendi neque emi possunt, ut patet ex definitione simoniæ. Res sacræ in casu necessitatis vendi possunt, non tamquam res sacræ, sed tamquam materia, ita Syluest. verbo, *Simonia n. 12.*

### De Simonia Confidentiali.

25 **S**imoniam confidentialis accidere solet in resignationibus, collationibus, electionibus, aut præsentationibus hoc fine, aut animo, ut beneficium, aut fructus, in totum, aut in partem restituantur, aut reseruentur eidem resignanti, conferenti, eligenti, & præsentanti.

26 Materia huius excommunicationis est beneficii acceptatio in confidentia, quæ quatuor modis accidere solet. Primus modus est, quando recipitur beneficium ab aliqua persona, quæ resignat hoc beneficium cum spe, & confidentia, ut resignatarius soluat fructus in fauorem resignantis, aut amici, aut alterius, quam resignans nominauerit; ut constat ex verbis, *constit. Pij V.*

27 Aduertendum tamen est, quod hæc poena est tantum lata contra recipientem, ut patet



ex dicta Bulla. Ratio est, quia Pontifex punire vult magis recipientem, quam resignantem beneficium, quia homo est promptior ad recipiendum, quam ad dandum.

28 Ad incurrendam istam excommunicationem non requiritur, ut ista confidentialia deducatur in pactum expressum, sed tantum requiritur, ut resignans cum hac spe resignet, & resignatarius de hoc veniat in cognitionem, etiam si resignatarius non habeat hanc intentionem *Bon. loc. cit. d/ sp. 1. q. 8. §. 1. num. 4.*

29 Secundus modus, in quo committitur simonia confidentialis in beneficijs, accidit, quando aliquis alicui confert beneficium, confidens, quod beneficiarius beneficium resignabit iuxta voluntatem conferentis, aut fructus, aut partem illorum, vel dabit sibi, vel alteri pensionem.

30 Tertius modus est, quando quis aliquam personam elegit ad beneficium cum hac spe, & fiducia, iam in secundo modo explicita.

31 Quartus modus est, quando dominus licet laicus aliquam personam præsensat cum dicta confidentialia. Isti tres ultimi modi continentur in istis verbis bullæ Pij V. *Idem sit Ordinarius, vel alius collator contulerit ante hæc, aut conferat in futurum beneficium Ecclesiasticum quouis modo vacans, ea conditione tacita, vel expressa, ut postea in alterum pro arbitrio collatoris, seu alterius cuiuscumque contra iuris communis ordinationem disponatur, siue ut de eo prouisus fructus illius, vel partem ad utilitatem, vel libitum conferentis, vel cedentis, aut alterius, relinquat, & remittat, seu pensionem illi, vel illis, quem, vel quos idem collator, aut cedens, vel alius per se, vel alium scripto, aut verbo iusserit, seu significauerit, persoluat, & pariter si patrono etiam laico, vel alteri præsentatori,*

vel electori contigerit, aut contingat id fieri.

32 Simonia confidentialis incurritur etiam effectu non sequuto confidentiæ, modo receptum fuerit cum tali confidentia. Ratio est, quia cessio beneficij, vel pensionis in confidentiam est actio prohibita sub censura; ideò nil aliud desideratur, ut patet ex illis verbis: Omnes, & singulos, qui beneficia, pensiones hoc intercedente vitio receperint, vel quidquid tale admitterint in futurum, *Bonac. loc. cit. num. 8. Nauar. cap. 23. num. 110.*

33 Pius V. in Bulla 12. quæ incipit: *Inter ceteras*, ad tollendas fraudes, dolos, & maculas simoniæ, quæ committuntur in beneficijs procurandis, tulit poenam excommunicationis contra illos, qui se supponunt pro alijs in examine, & contra illos, qui beneficia obtinent pro se spe, & intentione resignandi oblatione solutionis, annuæ pensionis, aut alterius commodi, aut etiam sine aliquo commodo, & contra procurantes beneficia pro alijs spe consequendi pensionem ab illis, aut aliud commodum temporale, quamvis paruum, & hoc habet etiam locum, etiam si hæc spes alijs non manifestaretur, licet enim spes sit actus internus, nihilominus ligat actum externum, qui subijcitur excommunicationi, sed in hac poenam non incurrit impetrans beneficiū animo illud permutandi cum alio, aut illud possidendi, donec pinguius obtinuerit. Ratio est, quia materia penalis non est extendenda. *Bonac. punct. 28. n. 4. Filliucc. tr. 25. q. 4. num. 10. vers. 5.* & constat etiam ex Bulla dicti Pij V. ubi sunt hæc verba. Vel pro se ipsis principaliter animo, & intentione, & postmodum in fauorem aliorum, etiam quantumvis benè meritorum, & idoneorum cum simili pensione, aut commodo, aut etiam sine eo resignandi obtinere procurauerint.

34 In hanc censuram incurrunt tantum illæ personæ, quæ obtinent beneficia in Curia Romana apud Datarium Papæ . Ratio est , quia Summus Pontifex occurrere intendit suis incommodis, & fraudibus , quæ in consequutione beneficiorum apud curiam committi solent . *Bonacina loc. cit. num. 9.*

## De Poena Simoniacorum .

35 **P**aulus II. in Constitutione incipiente : *Cum detestabile*, de Simonia, poenam suspensionis imposuit ordinatis per simoniam ab exequutione ordinum ; alijs verò simoniam committentibus , aut ad illam cooperantibus in collatione beneficiorum imposuit poenam excommunicationis , & talis prouisio facta per simoniam realem est nullius momenti , & consequenter prouisi non faciunt fructus suos , immò tenentur omittere beneficia tanquam rem alienam , & non lucrantur fructus malè acceptos , vt determinatur in dicta constitutione , & resignationes etiam huiusmodi factæ nullius sunt roboris , & valoris , nec absolui possunt , nisi à Summo Pontifice , præterquam in articulo mortis . Adest de hac materia alia constitutio Martini V. in Concilio Lateranensi confirmans citatam Bullam Pauli II. *Syluester, verbo simonia, nu. 19. alij tertio est Bonac. de simon q. 572. nu. 2.*

36 Iure antiquo requirebatur , vt delictum simoniæ realis fuisset consummatum , ad incurrendam hanc excommunicationem . Ratio est , quia quando delictum sit prohibitum sub poena censuræ ; non incurritur in censuram , si delictum non sit consummatum ; Iure tamen nouissimo ad incurrendam hanc poenam excommunicationis non requiritur , vt delictum sit consummatum .

summatum, sed sufficit tantum promissio simoniacè facta, prout declaravit Alexander VII. in Bulla supra citata incipiente: *Inter gravissimas.*

37 In consequutione, aut collatione pensionis simoniacus non subijcitur censuræ. Ratio est, quia pensio non est beneficium, & in pœnalibus non est facienda extensio. *Bonac. loc. cit. num. 5. Nauarr. cap. 23. nu. 111. Reginald. lib. 23. c. 12. nu. 175. Filliucc. de simonia cap. 13. nu. 8. & de pensionibus tract. 42 & qu. 4. n. 6. Lessius lib. 2. cap. 35. dub. 28. n. 230. & communiter apud citatos Doctores.* Hæc propositio non militat in simonia confidentiali, quia Pij IV. constitutio complectitur beneficia, & pensiones, ut patet ex illis verbis: Omnes, & singulos, qui beneficia, aut pensiones hoc intercedente vitio receperant,

38 Committens simoniam in beneficijs fit inhabilis ad illam idem obtinenda, nisi habilitetur per summum Pontificem, hoc clarè patet, ex cap. si alicuius de electione, fit etiam inhabilis ad alia beneficia obtinenda in futurum, ut clarè patet ex Bulla Pij V. ubi sunt hæc verba; Illis sit ipso iure priuatus, & perpetuò sit inhabilis ad ea, & quæcumque alia beneficia obtinenda, neque Iudicis sententia requiritur declaratiua ad incurrendam hanc poenam, sed ipso iure incurritur, ut refert *Bon. disp. 1. q. 7. punct. 2. nu. 1. & 2.*

39 Papa dispensare potest in simoniæ vitio scienter contracto, in alijs casibus Episcopus dispensare potest; dum resignatur, quod acquiritur vitio simoniæ, & tunc consequitur dispensatio. *S. Th. 2. 2. q. 100. art. 6. ad 7.*

#### De acquirendo verum Dominio.

1 **D**ominum est ius perfectè disponendi de re corporali, nisi lege, vel conventionem prohibeatur.

2. Dominium fuit introductum de iure gentium, de iure naturali non dabatur meum, & tuum; utile verò dominium, vel quasi de iure civili.

3. Dominium est multiplex, directum, utile, plenum, & quasi dominium. Directum dicitur illud, quod est sine fructu, cum spe tamen consolidationis, huiusmodi est, quod dominus feudi, vel emphyteusis habet. Utile, quod habet vassallus in feudo, vel emphyteuticarius in re concessa in emphyteusim. Plenum dominium ille habere dicitur, qui habet utrumque, idest directum, & plenum dominium. Quasi dominium is habere dicitur, qui bona fide possidet rem alienam, habitam, à non domino, non facta adhuc usucapione, nam mediante usucapione efficit possidentem verum dominum; ius habere dicitur in re, cui servitus deberetur, ut creditor in pignore.

4. Dominium differt ab usufructu, & usu, nam usufructus, est ius utendi, fruendi rebus alienis salva rerum substantia; usus est ius utendi tantum, non autem fruendi.

5. Dominium duobus modis acquiritur dispositione iuris gentium, & dispositione iuris civilis. Dispositione iuris gentium per occupationem, ut in his, quæ non sunt in bonis alicuius, quæ occupanti conceduntur, ut animalia fera, aues, pisces, & gemmæ, quæ in mari sunt, vel in littore maris reperiuntur. Dispositione iuris civilis multis modis, usucapione, præscriptione, adoptione, arrogatione, cessione bonorum, aditione hæreditatis, & huiusmodi, de quibus habetur in l. 1. ff. de acquirendo rerum dominio.

6. Aduertendum est, quòd ad acquirendum dominium non sufficit sola visio rei, sed requiritur actualis apprehensio, unde si quis inueniret

aliquam rem, & alter eam apprehenderet, dominium erit apprehendentis. Ratio est, quia inuenire intelligitur cum effectu, id est ad rem venire, vt habetur per textum in l. *Barsatoriam*, C. de fideiussoribus, vbi non sufficit vilus, sed requiritur actualis apprehensio.

7 Dominia rerum non acquiruntur pactione, sed traditione, nec solus titulus sufficit: hæc propositio fallit in Ecclesijs, & locis pijs, nam in dictis locis ex solo titulo sine traditione dominium transfertur, vt in cap. *si sibi absenti*, de prebendis in 6.

8 Venatio ferarum bestiarum omnibus est permessa, exceptis Clericis, ne à Diuinis desistant, & quia tumultuosa venatio sine peccato vix fieri potest: can. & casu 86. dist. ideoque absque rationabili causa prohiberi non potest, & non tantum quis in proprio, sed etiam in alieno fundo venari potest, nisi à domino loci ingredi prohibeatur, quod facere potest, etsi fuerint capta post prohibitionem animalia; efficiuntur capientis, si loci redditus non consistit in venatione, si verò consistit in venatione, capientis non efficiuntur. Oinoth. in §. singulorum n. 6.

9 Animalia mansueta, prout sunt gallinæ, Anseres domesticis, & columbæ non conceduntur occupantibus, sed quemcumque in locum peruenierint, longiusque auolauerint, noluerintque redire, nunquam desinunt esse nostræ, & qui animo lucrandi eas detinet, furtum committit institut. §. gallinarum.

10 Columbaria est licita; ideo columbarum dominus non tenetur pro illarum potu, seu cibo. Nauarr. cap. 17. num. 126.

11 Fratres minores secundum nonnullos habent verum dominium; vt in extrauaganti Ioannis XXII. dicentis habere aliquod dominium

in communi , quia in rebus , quæ usu consumuntur non distinguitur usus à dominio . *Sylvester , verbo dominium 53.* Alia est sententia Nicolai III. Clementis V. qui dicunt , eos tantum habere vltim , sequitur *Sotus de iustitia, & iur. lib. 4. q. 1. Nauar. causa 2. de reg. n. 3. & alij communiter*

## De Præscriptione .

**P**ræscriptio est acquisitio dominiij per continuationem possessionis tempore à lege definito ; communiter Doctores *ex lib. 3. ff. de usucup.*

2 Quinque conditiones requiruntur ad validam præscriptionem , bona fides , titulus iustus , continuata possessio , tempus à lege definitum , & quòd res non sit vitiosa vlucapi .

3 Res mobiles priuatorum præscribuntur spatio decem annorum inter præsentis , & viginti inter absentes , res mobiles corporales si priuatorum sint præscribuntur spatio triennij . Contra Ecclesiam præscribitur eodem tempore , nam in rebus mobilibus , nec Ecclesia , nec Romana habet priuilegium , *can. ultimo , & penult. 16. q. 3. Lessius dub. 7. Molina disp. 68. Fihliuc. tract. 31. num. 196.*

4 Immobile contra Ecclesiam inferiorem Romanam præscribuntur spatio 40. annorum , contra Romanam 100. annis , contra monasteria , & Fratres Ordinis Sancti Benedicti , eosque qui ipsorum priuilegio gaudent 60. annis , ita habetur in *auth. quas actiones . C. de sacro ecclesiis , & c. illud , & c. ad audientiam , de præscript.*

5 Qui pacificè absque simoniæ ingressu beneficium per triennium possedit , præscribit contra actionem cuiusvis competitoris : regula cancellariæ 33. non solum fructus , sed etiam proprie-



prietatem. *Nauar. consil. 40. & 41. de præbendis*,  
*Lessius dubio 10. Filliucc. loc. cit. num. 198.*

6 Fuitque inuenta vsucapio, siue præscriptio iure ciuili ob bonum publicum, & propter publicam vtilitatem, ne dominia rerum essent diu, & serè semper incerta, & vt diligentes præmiarentur, & negligentes punirentur.

7 Præscriptio, prout significat præfigere, & terminare, aut horarum est, aut dierum, aut annorum. Præscriptione vnus horæ præscribitur ius obligationis, nam si quis est in obligatione per horam alteri, & maxime hypotheca præferatur, iuxta regulam, qui prior est in tempore, prior erit in executione. Præscriptione vnus diei præscribitur iurisdicctio iudicis, ne elapso die aliquid sententiæ addere possit. Præscriptione trium dierum vsucapiuntur fructus cadentes ex arbore vicini in fundum vicini; Verum per vnus anni spatium intentare potest actionem in factum. Præscriptione nouem dierum præscribitur ius, quod habent defuncti hæredes, ne pro debitis hæreditarijs possint molestari. Præscriptione decem dierum præscribitur ius appellandi, Præscriptione quindecim dierum præscribitur ius expediendi testes extra prouinciam. Præscriptione viginti dierum, præscribitur ius dicendi suspectum iudicem delegatum. Præscriptione quinquaginta dierum præscribitur ius, quod habet, qui factus est tutor ad se excusandum, præscriptione trium mensium præscribitur facultas hæredis, ne possit adire hæreditatem cum beneficio legis, & inuentarij. Præscriptione centum dierum, præscribitur ius agnoscendi ab intestato bonorum possessionem; Præscriptione sex mensium præscribitur actio redhibitoria. Præscriptione vnus anni præscribitur actio iniuriarum. Præscriptione quatuor annorum

rum præscribuntur res fiscales, Præscriptione quinque annorum præscribitur querela inofficio- si testamenti, & criminis adulterij, & etiam pec- culatus; vt habetur in titulo ad legem Iuliam de adulterijs.

8 Dolus, siue mala fides actoris nocet in vsu- capione successori vniuersali, siue ipse voluerit præscriptionem inchoare, siue vt voluerit tem- pore defuncti, quia successor vniuersalis repræ- sentat personam defuncti, & reputatur vna, & eadem persona, singulari successori nocet hæc tempestas in præscriptione breuissima, & lon- gi temporis præscriptione, secus autem in lon- gissimi temporis præscriptione triginta, vel qua- draginta annorum, nisi velit vt singularis suc- cessor adminiculo possessionis sui actoris. *Or- noth. de vsucup. num. 68.*

9 Contra leges ciuiles præscribitur consue- tudo decem annorum; aduersus autem legem canonicam requiruntur quadraginta, si consue- tudo sit aliquo modo contra ius ecclesiasticum: communiter Doctores, præsertim *Filliuc. n. 291.*

10 In foro conscientie non tenetur quis re- stituere rem præscriptam, si completa præscri- ptione incipit habere malam fidem, cognoscen- do eam fuisse alienam. Ratio est, quia lex potest aliquem pro peccato, & negligentia punire in re sua, & alteri dare, & concedere, vt venè ait S. *Thom. quodlib. 12. art. 23. Syluester, verbo, præscri- ptio 1. num. 13. & communiter.*

11 Res, quæ præscribi non possunt sunt res sacra, sancta, religiosa, homines liberi, & serui fugitiui, quia à notis possideri non possunt, & res vitiosæ, dicitur res vitiosa, si sit furtiue, aut vi possessa, & licet res vitiosæ præscribi non possint etiam ab eamente bona fide; tamen si pos- sideantur spatio triginta annorum, per empto- rem

rem bonæ fidei præscribuntur. Sylueſter, verbe,  
præſcriptio 2. num. 12. &c.

De Contractibus in communi.

**C**ontractus est vltro citroque obligatio ;  
ideſt hinc inde, vel ex altera parte ex  
contrahentium voluntate ſurgens. l. 1. ff. de verb.  
obligat.

2 Duo ſunt genera contractum, nominati,  
& innominati. Nominati dicuntur illi, qui ſpe-  
ciale nomen contractus habent, vt ſunt emptio,  
& venditio, locatio, conduction, commodatum,  
depositum, & emphyteuſis.

3 Datur differentia inter hos contractus; nam  
in aliquibus transfertur dominium rei, in aliqui-  
bus tantum uſus fructus, in aliquibus tantum  
uſus, & in aliquibus tantum custodia. In em-  
ptione, & venditione totaliter transfertur do-  
minium. In locatione, & conductione transfer-  
tur uſufructus. In commodato uſus, & non  
uſufructus. In emphyteuſi transfertur domi-  
nium utile, dominium tamen directum remanet  
apud dominum, concedentem rem propriam in  
emphyteuſim pacto meliorationis, & recipiendi  
determinatam recognitionem. In pignore, &  
deposito transfertur tantum custodia.

4 Innominati dicuntur illi, qui ſpeciale no-  
men contractus non habent, ſed tantum nomen  
genericum habent, & ſunt quatuor, do, vt des:  
do, vt facias: facio, vt facias: facio, vt des. Ideo  
ſi trado tibi panem, vt des mihi vinum, dicitur  
contractus innominatus. l. naturalis, §. ſed ſi  
facio, ff. de præſcript. verb.

5 Contractus alij ſunt bonæ fidei, vt emptio,  
venditio, locatio, conduction, mandatum, ſocie-  
tas, depositum, pignus, commodatum, & per  
muta-

mutatio, & dicuntur bonæ fidei, quia si solus dat causam contractui non tenet, & usuræ veniunt ex mora. Alij stricti iuris, vt stipulatio, mutuum, & similia, & in istis contractibus usuræ non veniunt ex mora, prout in contractibus bonæ fidei: *glossa in §. actionum, instit. de actionibus.*

6 Error circa substantiam contractus vitiat. Ratio est, quia de substantia contractus est consensus, sed quando erratur circa substantiam, deficit consensus, ergo huiusmodi contractus celebratus est nullius roboris, & momenti: nam nihil fit magis contrarium consensui, quam error. *l. si per errorem, ff. de iurisdic. omnium iudicum,* & tunc dicitur error circa substantiam, quando emptor emere credit vas aureum, & loco illius traditur vas argenteum, tunc enim contractus est nullus, quia emptor non consentit in emptionem argentei vasis, sed aurei. Hæc propositio locum habet non solum in contractu oneroso, sed etiam in gratuito, idest in donatione, aut etiam in voto: ita communiter Doctores.

7 Error circa qualitatem contractum non vitiat, dummodo tamen non adsit dolus dans causam contractui. Ratio est, quia adest sufficiens consensus ad contrahendum: vt patet ex supradictis de matrimonio. Valet etiam contractus celebratus cum errore nominis præcisè, vt si quis contrahat matrimonium cum Catharina, quam credit Bertam appellari, *l. in venditione, §. 2. de contrah. emp. Bonac. de contract. §. 1. numer. 7. Aqor. 3. p. lib. 8. c. 25. Sanchez, & alij.*

8 Quilibet contractus celebratus per dolum, excepto voto, & matrimonio, dantem causam contractui, est ipso iure nullus in foro conscientiæ, si dolus proueniat ex altero contrahentes, dixi in foro conscientiæ, quia in foro externo aliqui contractus, nempe stricti iuris, tenent, sed relcin-

rescindi possunt, *leg. si cum postea, C. de pactis, l. de dolo, C. de inutilibus stipulat*, si verò dolus non dedit causam contractui, sed incidit in contractu, tam in foro fori, quam in foro conscientie tenet, sed in contractibus bonæ fidei agitur ex eo contractu, ut suppleatur pretium. Ratio est, quia adest sufficiens consensus ad contrahendum. *Syluester, verbo culpa, n. 9. l. eleganter, ff. de dolo, Bon. §. 2. n. 6. Reginald. lib. 12 n. 122. & 144.*

9 Aduertendum tamen est, quòd si alter contrahentium non sit doli particeps, sed dolus ex tertia persona proueniat, vel à propria opinione, qua contrahens seipsum decipit, contractus est validus, etiam si dolus causam contractui dederit. Ageretamen potest in hoc casu contrarium. Ratio est, quare contractus sit validus, quia non adest error circa substantiam, sed circa accidentia. *Syluest. loc. cit. Bonac. loc. citato, num 3. Filliuc. num. 124. Reginald. lib. 25. num. 122.*

18 Omnia acquisita per simulationem, aut per dolum, aut per mendacia restitui debent, si dolus versatur circa causam finalem, & motiuam, ut v. g. si quis finxit se esse pauperem, & prætextu paupertatis eleemosynam obtruncit. Ratio est, quia qualibet promissio, seu donatio cum dolo facta, vel errore circa causam finalem est inualida, ergo etiam acquisita per simulationem, quæ versatur circa causam finalem sunt restituenda, & dicitur causa finalis donationis, qua quis ita mouetur ad donandum, ut ea causa cessante, non donasset. *Bonac. dicto §. 2. num. 8. Filliuc. tract. 33. cap. 10. quest. 9. num. 178. Lessius lib. 2. cap. 17. dub. 10. & alij communiter testantur. Nauarr. cap. 17 num. 107.*

11 Contractus celebrati per metum leuem, vel grauem non sunt ipso iure irriti, & inualidi, neque iure naturali, neque iure positiuo; Non iure

re naturali, quia non deficit consensus necessarius, nam quæ fiunt per metum absolutè; sunt voluntaria; Neque iure positivo, ut patet ex *l. ultim. C. de his, quæ vi: ubi habetur*; Venditiones, & donationes, quæ per potentiam extortæ sunt infirmari; cum ergo ius præcipiat contractus infirmari, signum est antea fuisse validos. Excipiuntur tamen aliqui contractus, ut contractus matrimonij, & sponsaliorum, promissio dotis, votum, contractus in rebus Ecclesiæ, donatio; remissio debiti, legatum, & testamentum; Omnes isti actus, siue contractum celebrati per metum grauem saltem in foro conscientiæ sunt ipso iure nulli. *Bonac. §. 3. num. 3. Filliucc. tract. 33 qu. 8 num. 32. Lessius c. 17. numer. 36. Reginald. lib. 25. num. 32. Caietanus 2.2 qu. 30. art. 7.*

12 Aduertendum tamen est, quod quando contractus est celebratus per metum leuem, aut grauem iustè incussum ab homine ad extorquendum cōsensum, irritari non potest, ut si quis contraxit sponsalia metu excommunicationis, compellitur matrimonium contrahere. Ratio est, quia huiusmodi contractus est validus, cum non interuenerit iniuria, ob quam rescindi debeat. *Bonac. loc. cit. num. 6 Syluest. verbo, metus nu. 6. & commun. apud Sanch. lib. 4. de matrim. disp. 9.*

13 Hinc sequitur etiam matrimonium contractum ob timorem grauem, & licite incussum, ad extorquendum consensum, esse validum: ut patet ex *Bonac. disto §. 3. num. 8. de matrim. punct. 8 quest. 3. num. 10.*

14 Contractus celebrati sine sollemnitate substantiali à lege requisita, sunt inuálidi non solum in foro fori, sed etiam in foro conscientiæ. Ratio est, quia forma dat esse rei, ut est communis axioma Philosophorum, & sicuti sine forma nulla res in rerum natura subsistere potest, ita  
etiam

etiam nullus contractus esse potest validus sine forma à legere quisita. *Bonac. punct. 3. n. 2. Lessius lib. 2. cap. 19. dub. 3. nu. 35. Snar. lib. 5. de legib. cap. 24. nu. 4. Azor. 3. par. lib. 6. c. 6. Couar. cap. quamvis pactum, par. 2. §. 4. Salas de legib. dub. 16 sect. 3.*

15 Quilibet, regulariter loquendo, contrahere potest, qui administrationem bonorum habet. Hinc sequitur minores sine Curatoribus contrahere non posse, tamen si contrahant, obligantur naturaliter, & in conscientia, & dicuntur minores de inte communi à lege illi, qui nondum peruenerint ad vigesimum quintum annum, neque pupilli, qui non peruenerint ad decimum quartum annum contrahere possunt sine tutoris auctoritate; & licet pupilli, & minores contrahere non possint in eorum præiudicium sine tutoris, & curatoris licentia, possunt tamen in eorum commodum obligare alios, dummodo tamen minor cum maiore contrahat, sed non cum minore, simili priuilegio gaudente. *Bonac. disputat. 3. qu. 1. punct. 5. Sanchaz de matrim. lib. 6. disp. 38. num. 5. & alij communiter.*

16 In contractibus nominatis non est locus poenitentiae, in nominatis est locus, non sequito adimplemento ex altera parte contrahentium, sed hoc credo habere locum in foro externo, ut probatur ex *l. pecunia, ff. de conditione ob causam*, sed in foro conscientiae non est locus poenitentiae; etiam in contractibus innominatis, & quilibet contractus obligat, etiam si esset pactum nudum. Ratio est, quia Deus non facit differentiam inter simplicem loquelam, & iuramentum. *cap. 1 de pactis, & can. iuramenti. 22. qu. 5. Filliucc. tract. 33. c. 5 nu. 84. & communiter ex Couar. cap. quamvis pactum par. 2. §. 4 num. 24.*

17 Clerici, licet facere possint quemlibet contractum, non possunt tamen exercere nego-



tiationem . Hæc propositio intelligenda est de existentibus in ordinibus sacris . Ratio est , quia prohibita est eis negotiatio a lege , ne desistant a diuinis; vt probatur *ex c. ultimo, de vita, & honestate Cleric. c. secundum, ne Clerici, vel Monachi*, Idem dicendum est de Religiosis claustralibus , immò non solum peccant mortaliter , si hoc faciunt, vt ait *S. Th. 2. 2. qu. 77. art. 2. ad tertiam*, sed etiam excommunicati debent . *can. Episcop. 2. q. 3.*

18 Aduertendum tamen est , quod licet Clerici , & Religiosi non possint per se exercere negotiationem , possunt tamen per tertiam personam . Ratio præcipua est , quia Clericis , & Religiosis solum videtur prohibitam esse negotiationem personalem , vt colligitur *ex Clement. 1. de vita, & honestate Clericorum* , vbi adest hæc particula ( *personaliter.* ) Secunda ratio est , qui Clericis est interdicta negotiatio per seipsos ob indecentiam , & distractionem ad terrena , sed distractio cessat , cum per alios negotiatio exercetur : ergo per alios exercere possunt negotiationem . *Salas de emp. dub. 2. num. 8. & multi alij apud Bonac. de contr. punct. 5. num. 19.*

19 Bona Religiosi post professionem pertinent ad Monasterium quoad proprietatem , & professionem . Hæc propositio non habet locum in Religiosis minoribus de obseruantia , & cœteris , qui strictiùs obseruant Regulam Sancti Francisci , vt Capuccini , & alij Reformati . Neque domus , & Collegia Societatis Iesu habent vllum ius in bona professorum , nisi ante professionem de ijs disponant in Societatis fauorem , *Lessius cap. 41. dub. 10. Filliuc. tract. 33. c. 3. n. 58.*

De Dolo , & culpa in contractibus .

20 **D**olus malus est calliditas , fallacia , ac machinatio adhibita ad circumueni-

L

nien.

niendum, fallendum, aut alterum decipiendum, & est duplex; Alter verbis fit, & appellatur fallacia; Alter cum effectu tantum, & dicitur fraus. *S. Th. 2. 2. qu. 118. art. 8.*

21 Culpa sumitur apud Theologos pro peccato mortali, seu veniali, & dicitur deuiatio voluntaria à recta ratione, & lege Dei. Apud Iuristas sumitur pro omissione diligentiae, quam quis adhibere tenetur.

22 Triplex est culpa; lata, levis, & leuissima. Culpa lata est omissio illius diligentiae, quam communiter adhibere solent homines, eiusdem conditionis, vel maior pars eorum, ut si quis librum commodatum relinquat in loco publico, unde furripiatur, tunc diceretur perisse culpa lata commodatarij. Culpa levis est omissio illius diligentiae, quam homines diligentes suae conditionis adhibere solent, ut si quis rem commodatam relinquit in cubiculo, vel arca non obserata, tunc diceretur perisse culpa lata illius. Culpa leuissima est omissio illius diligentiae, quam homines diligentissimi suae conditionis adhibere solent, ut si rem commodatam reliquit in cubiculo clare quidem obserato, sed non tentauit, an esset benè clausum, tunc diceretur talis esse in leuissima culpa.

23 Quidam contractus fiunt in fauorem dantis, ut depositum. Quidam in fauorem recipientis tantum, ut commodatum, & quidam in fauorem vtriusque, tam dantis, quam accipientis, ut pignus, venditio, & locatio.

24 In contractibus factis in fauorem dantis solum, non venit nisi dolus, & culpa lata. In contractibus factis in fauorem vtriusque venit etiam levis culpa. In contractibus factis in fauorem recipientis tantum, venit etiam leuissima, *l. sicut certo, §. nunc videndum, ff. commodati.*

25 Casus fortuitus est inopinatus euentus rei, quem humana prouidentia prouidere non potest: neque impedire, vt mors serui absque vlla culpa, tempestas maris, ruina, domus, naufragium, vis fluminis, & similia.

26 Nullus tenetur regulariter ad damnum, quod interuenit casu fortuito, nisi in tribus casibus. Prima est, quando culpa precessit casum, vt qui equum commodatum vsque Florentiam: duxit Bononiam, & in itinere Bononiam versus, raptus est a latronibus, tunc enim culpa precessit, Secundus est, quando precessit mora, & per hanc perijt apud commodatarium, dummodo tamen non esset etiam res peritura apud dominium; licet in foro externo etiam teneretur, si esset peritura apud dominium de casu fortuito. Tertius est, quando interuenerit pactum, quo quis se obligat ad casum fortuitum, *cap. unico, de commodato, & cap. ultimo, de deposito. Bonac. punct. 6. num. 21.*

27 Aduertendum tamen est, quod ad hoc, vt si quis in mora culpabili adimplendi contractum, oportet vt sciat, vel scire debeat se teneri ad illum implendum, & quod sit interpellatus in die, vel ab homine, idest monitus; & vt habeat facultatem adimplendi, *leg. quod te, ff. de rebus creditis, Syluester, verbo, mora, Filliuc. tract. 33. cap. 9 n. 146.*

28 Morosus in conscientia tenetur ad omne interesse, & damnum, quod quis passus est ex ea mora, quia est in culpa; Tenetur etiam ad pœnas conuentionis post partis petitionem, & ad pœnam legis post sententiam Iudicis. *Filliuc. tract. 33. cap. 9. num. 151.*

29 Contractus non habet vim, non adimpleta conditione: talis enim est voluntas disponentis, à qua omnis contractus vim habet; ta-

men iure positius conditio impossibilis de facto, aut de iure non vitiet dispositionem, & habetur pro non adiecta in ultimis voluntatibus; & hoc factum est favore ultimæ voluntatis ad tollendas lites; In alijs autem contractibus vitiat contractum, idest facit nullum, *l. si impossibilis, ff. de verb. obligat. Filliuc. loc. cit. c. 10. n. 163.*

*De contractu emptionis, & venditionis.*

**1** Emptio est contractus, qui consensu perficitur pretij pro merce: venditio verò est contractus, qui eodem modo perficitur consensu mercis pro pretio, *l. 1. ff. de contr. empt.*

**2** Omnes res, quæ æstimari possunt, vendi possunt, nisi adsit specialis prohibitio. Hinc sequitur spiritualia vendi non posse, quia non sunt pretio æstimabilia, immò in huiusmodi rerum venditione sacri legum, & simonia committitur, ut probatur *ex leg. sancimus, la prima, C. de sacrosanct. Eccles.*

**3** Vendi potest res aliena inter ignorantes, & potest emptor illam usufructu capere, addito legitimo tempore, si verò venditur res furtiva usufructu capi non potest neque ab e mente bona fide. Ratio est, quia res furtivæ usufructu capi non possunt; etiamsi per mille manus transirent. Hæc propositio intelligenda est in spatio ordinario; secus in extraordinario; Unde in spatio triginta annorum res furtivæ ab e mente bona fide usufructu capi possunt. Ita communiter Doctores, præsertim *Abb. in c. nihil extra, de præscrip.*

**4** Prohibetur procuratio, asecutio, obtentio aliquarum dignitatum, & officiorum habentium iurisdictionem mediante pecunia, vel solutione, vel promissione aliarum rerum facta curiali, aut familiari pro intercessionem, aut favore, etiam

etiam per interpositam personam sub poena confiscationis omnium bonorum etiam degradationis, & amissionis; tam priuilegij doctoratus, quàm quorumcumque officiorum, tam secularium, quàm Ecclesiasticorum obtentorum, ac denique sub poena vltimi supplicij, vt colligitur ex Bulla Pij V. 137. & ex constitut. Gregorij XIII. de datis, & promissis, & Clementis VIII. de regulà communitatum.

5 Pretium duplex est, vnum legitimum, idest definitum à lege, aut à Principe, aut ab alio superiore, vt à Senatu, & excedens notabiliter pretium à lege definitum, non solum peccat mortaliter, sed etiam tenetur ad restitutionem.

6 Alterum dicitur naturale, quod constituitur solum hominum æstimatione iuxta dictamen iuris naturalis, & hoc triplex est, supremum, seu rigorosum; medium, seu moderatum; Infimum, seu pium; Latitudo huius pretij naturalis varia est, aliquando maior, aliquando minor.

7 Iustum pretium rei desumendum est ex hominum æstimatione in vnaquaque regione, ita vt tanti res vendi possit, & debeat, quanti communiter æstimatur in foro publico, seclusa fraude monopolij, *l. pretia rerum, ff. ad legem Falcidiam*, considerata tamen bonitate intrinseca rei, vtilitate venditoris, loco, tempore, abundantia, penuria, similibus rerum, aut personarum, quæ emunt, & vendunt, & præsertim modus vendendi eas determinatus à gubernatore illius loci, quia hoc est eius officium, vt probatur ex *l. 1. §. cura ff. de officio præsidis. Filliuc. tract. 35. c. 3. num 58.*

8 Non est peccatum expectare tempus, locum, & occasionem, in quibus res minus venditur. Ratio est, quia necessitas venditoris non fa-

cit, quod sit iniusta venditio, vt ait *Gaietanus* 2. 2. qu. 77. art. 1. & in summa in verbo emere. *Nauar. cap. 23. num. 80.*

9 Restanti valet, quanti vendi potest. Hæc propositio intelligenda est, seruatō modo comuni, loco, & tempore vendendi. *Nauar. loc. cit. & dicta l. pretia rerum, Alex. ibidem.*

10 Hinc sequitur, vendentes aliquid supra pretium rigorosum, aut ementes infra infimum teneri ad restitutionem illius, quod acceperunt, non seruata latitudine iusti pretij. *Nauar. lib. 5. c. 2. num. 13 Bonac. disp. 3. qu. 2. punct. 4. num. 4. Reginald. lib. 25 num. 188.*

11 Sunt multæ causæ, ob quas licitum est vendi res plusquam alioquin venderetur. Prima est multitudo emptorum, & copia pecuniæ. Secunda est affectus ad rem, quæ venditur, vt si venditor priuatur illa re maximè, aut commodo, aut oblectatione. Ratio est, quia priuatio illius affectus, & oblectationis est pretio æstimabilis. Tertia est lucrum cessant venditori, vendenti rem in fauorem emptoris, quam erat conseruaturus vsque ad illud tempus, in quo plus valuisset, vt si quis tempore autumnī vendidisset frumentum in fauorem emptoris, quod creditor seruare volebat vsque ad tempus, in quo solitum est plus valere. Quarta est damnum emergens, quod patitur venditor, vendendo rem, tunc enim non solum venditur res nuda, sed etiam commodum venditoris, quare etiam huiusmodi æstimationem exigere potest. Quinta est periculum amittendi totum pretium, vel partem pretij. Ratio est, quia periculum, cui se exponit venditor, est pretio æstimabile. *Bonac. loc. cit. num. 16. & 17. Filliuc. tract. 55. cap. 3. nu. 66. cum sequent. Nauarr. lib. 3. cap. 2. num. 68. Les. suis dubio 6. num. 54.*

12 Dantur etiam aliæ causæ, ex quibus possit emi res minus, quàm valeat, sicut dantur causæ, ob quas res plus vendi potest, quàm alioquin venderetur. Prima est abundantia mercium, & Inopia emptorum. Secunda ob paupertatem pecuniæ. Tertia ob modum vendendi, vt quando merces venderetur in magna quantitate, nam tunc venderetur viliori pretio, quàm si venderetur paulatim. *Filliuccius loco citato c. 3. num. 58. Bonac. loc. cit. nu. 21. Reginal. nu. 282. Nauar. c. 23. num. 42. & alij communiter.*

12 Peccat mortaliter emens rem pretiosam vili pretio, sciens venditorem ignorare quanti valeat, & etiam peccat, qui venderet rem parui valoris pro re magni pretij cum obligatione restituendi damnum secundum opinionem S. Th. communiter receptam 2.2. *quest. 77. art. 2. Caietanus in sua summa, in verbo alchimia. Nauarr. cap. 25. num. 89.*

14 Hinc sequitur, e mentem gemmam vili pretio à rustico ignaro valoris gemmæ, protestantem se nolle dare plus, etiam si gemma valeat mille aureos, si sciebat valorem illius, non posse eam retinere in conscientia. Patio, est quia sicut res vendi non potest plus quàm valeat, ita neque minoris emi potest inuito venditore; nam rusticus non donat voluntariè, cum ignoret valorem illius gemmæ; sed si neuter eorum cognoscebat valorem, & emptor emat cum dicta protestatione, tunc potest eam retinere in conscientia, quia vterque in sortis contractum, seseque exponit periculo lucris, & damni. *Bonac. disp. 3. q. 35. punct. 4. num. 6. Filliuc. tract. 35. num. 135.*

15 Idem dicendum est de venditore, cognoscente defectum rei, non manifestando cum emptori, ignoranti talem defectum, & de tali defe-



Et non fuit admonitus, nec satisfacit dicendo nolle teneri eam liberè defendere à tali defectu. Ratio est, quia ipse facere tenetur mentionem particularem talis defectus, sed ignorans, defectum tacendo non peccant, tamen quando aduertat de tali defectu non potest tantum accipere, quantum accepisset, si res vitio caruisset, sed tenetur vel rescindere contractum, vel resarcire damnum; si verò venditor ignorat vitium, & dicat se nolle teneri, ad nihil tenetur venditor, neque in foro conscientiæ, neque in foro exteriori, *l. ex quasito, ff. de actionibus empti. Reginal. num. 337. Filliuc. loc. cit. c. 6. num. 119.*

16 Aduertendum tamen est, quòd quando vitium est manifestum, non tenetur venditor illud manifestare, vt si equus est claudus, vel cæcus, nec pariter occultum, quod non affert damnum notabile emptori, dummodo tamen diminuat in pretio, & pretium sit æquale rei. *S. Tho. 2.2. q. 77. art. 3. Reginal. num. 336. Bonac. punct. 6. num. 13. Filliuc. tract. 35. c. 6. q. 2. n. 120.*

17 Emens circa dimidium, licet, in foro exteriori excusetur: in foro tamen conscientiæ non excusatur. Ratio est, quia pretium reduci debet ad æqualitatem iustitiæ, vt supra diximus: ita communiter.

18 Peccat mortaliter, qui tempore messis emit frumentum, aut vinum inordinate causa reuendendi carius, quod caritatem causet, vt probatur ex *can. quicumque 14. q. 4.*

19 Si aliqua res pluribus vendatur, ille est præferendus, cui primò tradita est, & idem est in donatione. *l. quoties, C. de rei vendicat.* venditor tamen tenetur crimine falsi, sed si permutauit eam, aut alteri in solutum dedit, vel aliter distraxit, postquam eam obligauit, tenetur crimine stellionatus, *l. 2. ff. de crimine stellionat.*

20 Res litigiosæ vendi non possunt. Ratio est, quia ob bonum publicum determinatum est, ne litigia vendi possint; ideò qui emit scuta centum pro quinquaginta, non potest plus accipere ab ipsis debitoribus quàm quinquaginta. *l. ab Anastasio, C. mandat.*

21 Si Iudæus, vel paganus Christianum emit, liberatur Christianus nullo dato pretio, vt probatur *ex can. generalis., § fin. in glossa dist. 54*

22 Non est licitum mercatoribus facere monopolium, & dicitur monopolium, quando inter eos conveniunt, vt vendant merces tanto pretio ab ipsis constituto, aut, quando emptores conveniunt, vt non emant nisi tanto pretio, quod præfixerunt. Non peccant tamen contra iustitiam, si inter eos convenit, vt non excedant pretium rigorosum, peccant tamen contra charitatem, quia emptores ob culpam eorum emunt pretio rigoroso, alioquin erant empturi pretio moderato, aut infimo, & propter hoc commodum sentiunt *Bonac. punct. 5 num. 2. Lessius lib. 2. cap. 21. dubio 20. Reginald. lib. 25. nu. 328. Filliucc. tract. 35. c. 8 num. 212. & alij communiter.*

23 Impedientes per vim, aut fraudem, ne merces aliundè asportentur, vt ipsi vendant eorum merces, non solum peccant contra iustitiam, sed etiam tenentur ad restitutionem. Ratio est, quia sunt causa damni non solum mercatoribus, quos iniuste impediunt, sed etiam Reipublicæ, quia sunt causa augmenti pretij, si verò absque fraude, & vi, sed ex eorum industria impediunt, tunc non est obligatio restituendi. Ratio est, quia non faciunt eis iniuriam, peccant tamen contra charitatem, *Bonac. loc. cit. num. 8. Lessius lib. 2. cap. 21. nu. 133. Filliucc. loc. citato quest. 12. numer. 215, Reginald. num. 331. Sylvest. verbo emptio questio 13.*

24 Fructus pendentes tempore venditionis siue sint maturi, siue non, ad emptorem pertinent; nisi fuerit aliter conuentum inter contrahentes. Ratio est, quia fructus pendentes sunt pars rei emptæ, & dicuntur pars fundi, *l. Julia. nus, §. si fructibus, ff. de actionibus empti. Reg. l. 23. n. 291. Filliuc. tr. 35. c. 8. q. 2. n. 173.*

25 Quando contractus venditionis, factus conditionaliter, dissoluitur, fructus medij temporis pertinent ad venditorem, vt probatur ex *leg. eum qui, ff. de in diem adiect. Fill. loc. c. nu. 185. Lessius lib. 2. c. 12. dubio 2.1. Azorius tamen in 2. p. lib. 8. cap. 13. & 14. restringit in hoc ad fructus extantes, nam si emptor consumpserit, non cogitur eos restituere, quia tunc erat dominus, & recipit fructus tamquam suos, & bona fide eos consumpsit. Ego autem dico cum *Bon. pun. 7. n. 3.* quòd tenetur in illo, in quo factus est locupletior.*

26 Quando venditio dissoluitur ob pactum retrouendendi eodem pretio, fructus medij temporis pertinent ad emptorem iuxta valorem, quem habet vlque ad illud tempus retrouenditionis. Ratio est, quia res domino fructificat, & per illud tempus erat dominus; ergo fructus ad primum emptorem pertinet, ita determinatur in *l. 2. C. de pactis inter empt. & vendit.*

27 Res vendita post traditionem emptori perit. Ratio est, quia res regulariter domino perit, sed emptor fit dominus post traditionem rei; ergo si perierit, emptori perit. Immò si res vendita sit certa, & determinata, & post contractum venditionis perit, aut deterior sit ante traditionem, regulariter perit, & deterior fit domino, modò venditio sit perfecta, & absoluta, nec adsit culpa, aut mora venditoris, in tradendo eam Domino. Hæc propositio probatur *ex lib. 1.*

*de periculo, & commodo rei emptæ. Sylueſter, verò emptio, num. 3. & alij communiter, ſed ſi venditio ſit conditionata; periculum interitus rei ante aduentum conditionis pertinent ad venditorem, l. illud, ff. de periculo, & commodo rei emptæ, ſed ſi non pereat, ſed ſolùm deterior fiat, damnum pertinet ad emptorem, ſicut etiam ad ipſum pertinet commodum, ſi res melioretur, l. neceſſario, ff. eodem.*

28 In contractibus oneroſis, vt in emptione, & venditione eſt locus euictioni; in gratuitis verò non eſt locus, vt in donatione, niſi ad ſit pactum, aut culpa contrahentis Ratio eſt, quia non eſt conueniens, vt quis patiatur damnum ob ſuam liberalitatem, *l. Aristo, §. ſin. ff. de donat. Bart. Imola, & alij communiter.*

29 Emens ex pecunia alterius, ſi emit nomine proprio, erit ſua res emptæ, tenetur tamen reſtituere pecuniam, modò non ſit emptæ ex pecunia Eccleſiæ, *con. 1. m. 12 q. 3.* aut ex pecunia pupilli, aut minoris à tutore, vel curatore, *l. ſi, ff. quando ex pacto tuto.* Idem dicendum eſt de emptis ex pecunia militis, *l. ſi ut proponitis, C. de rei vendic.* aut ab vxore, vel à marito de pecunia ſibi ab altero eorum donata, vt habetur *ff. de donat. inter virum, & uxorem.*

30 Venditio cum pacto retrouendendi in fauorem tantùm venditoris eſt licita, modò interueniat iuſtum pretium. Ratio eſt, quia non ſolùm hoc pacto nemini fit iniuria, ſed etiam in *Leuitico 25.* conceditur facultas redimendi poſſeſſiones venditas, eſt enim approbatum hoc pactum à Martino V. *extra de empt. & vendit.* à Pio V. in bulla de cenſibus, & ab alijs, vt benè ait *Bon. pun. 3. n. 3. Tuſcus tom. 6. concl. 24.*

31 Venditio cum pacto retrouendendi eſt licita in fauorem tantùm emptoris, modò grauata

men, quod venditori apponitur compensetur augmento pretij iuxta estimationem grauaminis ; ita communiter , teste *Bonac. dicto pun. 3. n. 6.*

32 Venditio cum pacto retrouuendendi in fauorem vtriusque est licita ; Ad hoc autem, vt hæc propositio sit vera , requiruntur quatuor conditiones. Prima, intentio emendi, & vendendi . Secunda, iustum pretium . Tertia, vt fructus rei emptæ pertineant ad emptorem . Quarta, vt in contractu non sit aliqua læsio , & hæc læsio nascitur ex duobus capitibus . Primum, quando emptor , confecto contractu emptionis , fecit contrastum locationis , & conditionis cum venditore , & obligat eum ad maiorem pensionem fructuum , quam petit contractus locationis . Secundum , quando emptor transmittit in venditorem aliquod onus impensarum , quod ad ipsum emptorem pertinet, vt se debitor obliget soluere omnes gabellas , etiam pro parte debita ad ipsum emptorem , nisi aliundè compensentur. *Bonac. disp. 3. q. 2 punct. 3. num. 11. 12 cum seq. Syluester, verbo, usura 2. quesito 15. Armilla verbo, usura . num. 14.*

## De Mutuo .

1 **M**utuum propriè acceptum, prout distinguitur à commodato est contractus , quo transfertur dominium in accipientem specie recipiendi simile in specie , & bonitate ,

2 Quidam sunt exempti ab obligatione mutui , ita vt non teneantur ad restitutionem mutui accepti. Primò quando mutuo aliquid datum est Ecclesiæ , aut loco pio, aut oppido . Ecclesia, locus pius , aut oppidum non tenentur ad restitutionem , nisi ille , qui mutuauit probet pecuniam mutuauit fuisse conuersam in utilitatem Ecclesiæ ,

fiæ, loci pij, aut oppidi, *l. Ciuitas, ff. si certum petatur, & l. 1. C. de solut.*

3 Simili priuilegio gaudent minores, nomine quorum tutores, vel curatores aliquid mutuo acceperunt, Minores enim soluere non tenentur, nisi, qui mutuat, probet mutuum esse conuersum in vtilitatem eorum, *leg. 3. Cod. quando ex facto tutoris.*

4 Eodem priuilegio gaudent filij familias, qui bona castrensia, seu quasi, non habent, nec reputabuntur esse sui iuris. Filij enim familias non tenentur ante, vel post mortem parentum ad mutui solutionem saltem in foro externo, vt patet ex dispositione *legis prime*, & *per totam, Cod. ad Macedonianum*. In foro tamen conscientie tenentur ad mutui solutionem. Ratio est, quia filij familias, licet liberentur ab obligatione ciuili, non liberantur tamen ab obligatione naturali, neque hoc priuilegium renunciare possunt, quia non fuit inductum in fauorem eorum, sed parentum, *l. tamen, ubi communiter Doctores, ff. ad Maced. Bon. de contract. disp. 3. qu. 3. pun. 1. nu. 6. Regin. lib. 25. nu. 155.*

## De Vsuræ.

1 **V** Suræ est lucrum secundum Theologos principaliter proueniens ex mutuo ratione mutui, secundum verò Canonistas Vsuræ est, quidquid furti accedit, *can. unico 14. qu. 3.*

2 Duplex est Vsuræ, realis, & mentalis. Realis dicitur, quando interuenit pactum reddendi aliquid ultra sortem principalem. Mentalis verò dicitur quando nullum interuenit pactum, sed mutuans dat eo animo, & intentione, vt acquirat lucrum ex mutuo.

3 Reperitur etiam alia species vsuræ, velata,

ra, & palliata in alijs rebus. & contractibus; nam palliata dicitur illa, quæ secundum suam formam, & verba contrahentium est alius contractus, quam mutui, & secundum formam velatam, & mentem contrahentium est verum, aut præsumptum mutuum, vt omnis contractus diuersus à mutuo, quo quis à iquid petit ob solutionem anticipatam saltem iusti pretij, infimi, & pij, aut quando quis vendat carius ob solutionem prorogatam, vt in *cap. Ciuitate, de usuris*, & *cap. ad audientiam, de empt.* & *cap. illa, de pignoribus.*

4 Ad constituendam vsuram requiritur intentio principalis lucrandi ex mutuo, sed non minus principalis, non quia solum ita tenent omnes Theologi, & Canonistæ, sed etiam quia aliæ auctoritares probant licitum esse seruire Ecclesiæ, aut Prælato spe secundaria; quamuis non primaria obtinendi aliquod beneficium, *can. si officij 59. dist.* & *can. quid proderit 61. dist.* sicut etiam sunt aliæ res, ad quas licet non sit licitum incumbere principaliter, licitum est minus principaliter, vt v.g. dicere missam, audire diuina officia principaliter propter mercedem, & distributiones non est licitum; minus principaliter est licitum iuxta glossam singularem acceptam in *cap. 1. de Clericis non resid.* Neque est licitum seruire Deo principaliter spe remunerationis terrenæ, minus principaliter licitum est iuxta Psalmum 181. *Inclinaui cor meum ad faciendas iustificationes tuas in æternum propter retributionem.*

5 Non est vsura si speratur in lucrum ex beneuolentia, & gratitudine. Ratio est, quia lucrum non accipitur domino inuito, sed liberè dante, neque ad id obligatur ex iustitia, sed ex sua liberalitate, & gratitudine. *Filliucc. tract. 34. cap. 2. num.*



num. 23 Bonac. disp. 3. qu. 3. punct. 2. num. 5. Lessius  
lib. 2. cap. 20. dubio 5.

6 Rationi damni emergentis, & lucri cessantis potest quis recipere ultra sortem sine usura, & dicitur lucrum cessans, & damnum emergens, quando quis cessat aliquid facere, v. g. si ego habeo pecuniam ad emendum tempore messis frumentum, & eam tibi mutuaui, sed quia tu non mihi eam restituiſti die determinato, frumentum fuit venditum plusculum, aut recipi aliquod damnum. Ita glossa in l. si mora, ff. soluto matrim. & l. 4. ff. de eo quod certo loco. Nau c. 17. nu. 122. Filliucc. loc. c. c. 4. uum. 61.

7 Usura est prohibita à lege Diuina in illis verbis Lucæ 6. *Mutuum date, nihil inde sperantes*, non solum Christianis, sed etiam Gentilibus, & Hebræis. Ratio est, quia quando Deus prohibuit Iudæos committere usuram cum fratribus, & Iudæis: inferre voluit, quod committere usuram cum qualibet persona, esset peccatum mortale, nam omnes sumus fratres in Christo, & quamuis Iudæis esset permissum committere usuram cum Gentilibus, fuit, vt remouerentur à peiore, vt non acciperent usuram à Iudæis adoratoribus Dei veri, nam valde erant inclinati ad auaritiæ vitium, & talis permissio non erat licita, immò peccabant mortaliter, eam committendo cum Gentilibus. Ita S. Thom. 2. 2. q. 79. art. 1. ad secundum. Alex. de Ales 3. p. q. 36. membro. .... qu. art. 2.

8 Quodlibet pactum, aut obligatio mutuataria imposita, quæ est pretio æstimabilis, est usuraria. Ratio est, quia pactum, quo imponitur onus mutuatario pretio æstimabile debitum tamquam ex iustitia, est usurarium, cum per ipsum exigatur aliquid ultra sortem principalem, & huiusmodi obligatio tollit libertatem, & consequen-

sequenter est pretio æstimabilis. Ex hoc sequitur committi usuram ab eo, qui alteri tradit mutuum cum pacto, ut præstet officium à lingua, ab obsequio, vel à manu; hæc enim officia sunt pretio æstimabilia, *l. sicut, C. de act. & oblig. Bon. disp. 3 q. 2. pun. 3. n. 1. cum sequent. S. Th. 2. 2. qu. 78. art. 2. Filliucc. tr. 34. nu. 33 & 40.*

9 Mons pietatis absolute, & secundum se est res licita, & laudabilis. Ratio est, quia mons secundum se non dicit aliud quam summam pecuniæ, vel rei mutuabilis expositam ad mutuandum egentibus. Hoc autem est opus pietatis, ergo est licitus, & laudabilis, & quidquid recipitur, accipitur ad eius indemnitate pro expensis ministrorum, vel alijs rebus ad montem spectantibus. Immo fuit approbatus à Leone X. in *Conc. Lateran. sess. 10* & statuit excommunicatio nem latæ sententiæ contra eos, qui prædicare, asserere verbo vel scripto ausi fuerint.

10 Omnis maritus, quamvis non sit gener illius, qui pignus dedit pro cautione soluendi dotem, licite potest recipere fructus, non computandos eos in dotem promissam, nisi contrarium declaretur, *cap. salubriter, de usuris. Panorm. in dicto cap. Nauarr. cap. 27. nu. 213.* Immo dicit etiam *Sotus lib. 6. qu. 1. art. 2. de iustitia, & iure, & Nauarrus loco citato:* quod maritus, qui recipit dotem, & eius hæredes in casu diuortij tenentur præstare alimenta mulieri viduæ, aut separata, remanente salua dote, donec ei sit soluta, & sunt etiam licita statuta Ciuitatum, quibus decernitur, ut qui promittit dotem, & maritus, & hæredes mariti donec persoluerint dotem, soluant certam pensionem singulis annis, quia tunc soluitur ratione damni emergentis, lucris cessantibus, ad alia incommoda vitanda. *Azorius 4. part. lib. 7. cap. 9. dubio 4. Salas de usuris dub. 40. num. 10.*

num. 10. Bonac. punct. 9. numer. 1.

11 Licitum est accipere aliquid ultra sortem, recipienti in se periculum sortis principalis. Ratio est, quia hoc periculum est pretio æstimabile, & hoc verum est, etiam si realiter postea nullum patiatur damnum, nam recipiens non recipit pro actuali damno sed propter periculum damni, neque debet esse inferioris conditionis, per hoc, quod ei seruit mutuando, quam tertius, nam sicut tertia persona, in se periculum recipiendo, potest recipere aliquid ultra sortem, ita etiam, & mutuans. Neque obstat *tex in cap. naviganti, de usuris*, nam ille textus loquitur, quando mutuans accipit aliquid ratione mutui, & non ratione periculi, ut benè ait Bonac. punct. 5. & 6. num. 1. Sylvester, verbo, *usura*, quesito 35. Petr. Nauarr. lib. 3. c. 2. n. 343. Filliuc. tr. 33. nu. 97. Less. & alij.

12 Licitum est mutuanti facere pactum cum mutuuario, ut si non soluat tempore præfixo, soluat aliquam poenam, idest aliquid ultra sortem in poenam moræ. Ratio est, quia non solum ad superiorem pertinet imponere poenam, sed etiam ad personas particulares illorum consensu, *cap. suam, de poenis*, l. si pacto quo quamam C. de pactis Bon. pun. 7. nu. 1. Nauarr. c. 17. n. 125. Reg. Filiuc.

13 Aduertendum tamen est, quòd ad hoc, ut sit iusta poena in contractu mutui, tres conditiones requiruntur. Prima, ut poena non apponatur in fraudem usuræ, idest, ut apponatur contra voluntatem mutuatrij ad eam palliandam, & indicium palliandi usuram cognoscitur, quando mutuans imposuit penam, sciens, & credens mutuarium non fore potentem ad soluendum tempore præfixo. Secunda, ut mutuarius verè sit in culpabili mora soluendi, secus si propter im-

impotentiam soluere non potest. Ratio est, quia poena imponitur ob moram culpabilem. Tertia, ut poena sit moderata; nam poena correspondere debet delicto, & *felicis de panis. Bon. loc. c. nu. 2. Salonijs de contractu census art. 3. controuer. 17. n. 4. Molina, & alij apud citatos.*

14 Debita iustè, & licitè emi possunt minori pretio. Ratio est, quia non solum minus est habere actionem, quam rem; ut probatur ex *l. minus, ff. de reg. iuris*, sed etiam, quia hoc non est mutuum, sed emptio, & non emptio pecuniæ, sed iurisdictionis eam exigendi *Caiet. verbo, usura, in fine, Innocent. cap. in Civit. de usuris. Nauarr. cap. 17. num. 230. Syluest. verbo, usura l. quasi 14.*

15 Qui vendere vult merces suas, quas tenere vult usque ad Calendas Maij, quæ verissimiliter valebunt triginta, vel quadraginta aureos, si quadraginta venderet, usutam committeret. Ratio est, quia periculum, & dubium reduci debet ad æqualitatem iustitiæ, & sic ad pretium moderatum, ut *habetur in c. in Civitate, & c. fin. de usuris.*

16 Quando Ecclesia tradit fundos in emphyteusim, vel in feudum, si postea emphyteoticarius, vel feudatarius eisdem fundos Ecclesiæ pignorat, tunc Ecclesia accipere potest fructus, non computando eos in sortem, ut *habetur in cap. 1 de feudis*, & licet aliqui dicant quod hoc fit in fauorem Ecclesiæ, tamen hoc non est verum, quia Ecclesia non recipit usuras, sed quia hæc est natura feudorum, & conditiones, quoties redeunt ad verum dominum, redire debent cum fructibus.

17 Si quis mihi dat pecuniam, ut certo tempore traderem illi frumentum, vel vinum, & verissimiliter eo tempore potest pluri, & minoris

ris valere, non committitur usura, sed si verificabiliter pluris valere solet, ut si de mense Augusti mutuat mihi quis frumentum, ut mense Maii restituam illi tantumdem, erit usura; cum verificabile sit, ut mense Maii pluris valeat. Hæc propositio intelligenda est, si non erat servaturus usque ad illud tempus, si verò erat servaturus, non erit usura, detracta tamen æstimatione custodiæ, & periculi corruptionis usque ad illud tempus, si hæc æstimari soleant apud prudentes, Sylvester verbo, *usura* 1. n. 14. *Sotus de iust. & iure* l. 6. q. 1. art. 2. *Nauar. c. 27. n. 2* 19. *Fill. tr. 34. c. 3. nu. 43. Lessius dub. 17.*

18 Non est licitum petere mutuum ab usurario sub usuris, etiamsi sit paratus dare sub usuris. Ratio est, quia non est licitum petere aliquid, quod quis facere non potest sine peccato, quia hoc esset inducere aliud ad peccandum, sed usurarius dare non potest mutuum sub usuris absque peccato, ergo iste contractus non est licitus; hoc tamen intelligendum est, non existente necessitate, quia tunc non solum petere potest propter propriam necessitatem, sed alienam, & petens non peccat, quia utitur iure suo. *Bonac. in disp. 3. q. ... punct. 13. n. 1. & Regin. l. 23. n. 192. Nauar. loc. cit. nu. 262. Toletus lib. 5. cap. 27.*

19 Tenetur usurarius restituere fructus, quos percepit ex re aliena accepta per usuram, nam cum non sit dominus, non acquirit dominium fructuum, quia res domino fructificat; Hæc propositio intelligenda est, modò non sint fructus merè industriales, ut sunt illi, qui accipiuntur à mutuo ab usurario, aut ab alia re usu consumptibili, ut ab oleo, frumento, & similibus. *Bon. loc. cit. punct. 14. n. 2. S. Th. 2. 2. q. 78. art. 3. Filliuc. num. 16. Lessius, & alij.*

20 Non solum usurarius realis, aut mentalis tene-

tenetur ad restitutionem, sed etiam concurrentes effectiue ad contractum usurarium, & tenentur in solidum. Ratio est, quia participans cum fure furandi causa tenetur ad restitutionem, ergo pariter participans cum usurario ad usuras: ita communiter Doctores, teste Bonac. dub. 11.

21 Non solum usurarij restituere tenentur usuras, sed etiam filij, & hæredes etiam extranei, cum teneantur exonerare conscientiam defuncti, & sicuti hæredes furis in eius defectum restituere tenentur; ut probatur ex *cap. tunc nos, de usuris*, ita etiam, & hæredes usurarij. Ratio est, quia obligatio realis defuncti transmittitur ad hæredes, qui in locum defuncti succedunt, & reputantur una, & eadem persona, ita notant communiter Doctores in *l. heredem, ff. de hered. instit.* & in *cap. vigilanti, de prescription.*

22 Tenentur etiam Iudæi restituere usuras immoderatas, exactas à Christianis, & possunt ad hoc à potestate sæculari compelli, aliàs excommunicantur eo modo, quo possunt, scilicet quo ad communionem fidelium, cum non sint capaces excommunicationis, quia non sunt subiecti Ecclesiæ, *cap. post miserabiles, de usuris.*

23 Usurarius manifestus est multis pœnis subiectus; Quarum prima est, ut non admittatur ad Eucharistiam, donec publicè satisfecerit, *cap. quia 3. de usuris*. Secunda est, ut non admittatur ad Ecclesiasticam sepulturam. Immò præsumentes sepelire usurarios manifestos sunt excommunicati, à qua excommunicatione absolui non possunt, donec satisfecerint ad arbitrium eorum Episcopi. Tertia est, ut nullus interueniat testamento usurarij manifesti; nisi prius satisfecerit, cum possit eam dare immò testamentum, seu codicillus, aut ultima alia uoluntas huiusmodi usurarij est nulla, nisi ante mortem  
satis

fat isfecerit, aut præstiterit debitam cautionem, *cap. quamquam, de usuris in 6.* Quarta est, ut non admittatur ad sacramentalem confessionem, nisi prius satisfaciatur, in quantum potest, aut det cautionem idoneam, quàm dare potest creditoribus, aut loci ordinario, aut Parocho, aut Confessario coram testibus, aut coram Notario misso ab ordinario, *dicto c. quamquam.* Quinta est infamia *l. improbum, Cod. ex quibus causis irrog. infamia*. Sexta est, ut non admittatur ad oblationem, *c. quia in omnibus de usuris*, possunt tamen ab ipso recipi eleemosynæ, modò non sit postea inhabilis, & impotens ad restituendum. Ratio diuersitatis est, quia oblationes fiunt in publico; eleemosynæ v:ò non. Septima si sint Clerici amittunt officium, & beneficium Ecclesiasticum. Octaua, quòd non potest illi locari domus, & debet expelli à Ciuitatibus. Nona est, quòd non habetur respectus, ne egeat, ut habetur in alijs creditoribus, si usurarius cedat bonis. Decima est, quia si usurarius alteri soluerit usuras, repetere non potest, nisi prius restituat, quas extorsit, uel eius hæres. Fallit tamen in Clerico, uel Procuratore, qui nomine Ecclesiæ usuras repetunt quas soluerunt, nec eis apponi potest, quamuis ipsi sint usurarij, & tenentur restituere non solùm rem acceptam pro usuris, sed fructus perceptos, & qui percipi potuerunt à uero domino, cum sint malæ fidei possessores, ita communiter Doctores.

24 Dicitur manifestus usurarius ad incurrendas dictas poenas, Primò, quando publicè dat sub usuris, quod nulla tergiuersatione celari possit. Secundò, quando est condemnatus per Iudicis sententiam huiusmodi delicti. Tertiò, quando confessus fuit hoc delictum, aut fuit conuictus duobus testimonijs idoneis fide dignis



gnis, *cap. cum olim de verb. signif. Bon. de pœnis usu-  
rartorum, punct. ult. n. 1. Navar. c. 17. n. 280. Regin.  
& alij apud præcitatos.*

### De Censibus .

**C**ensus non significat aliud , nisi iurisdic-  
tionem , aut facultatem recipiendi cer-  
tam pensionem ex re aliena fructifera.

2 Ut sit validus iste contractus , observandæ  
sunt conditiones præscriptæ à Pio V. in Bulla in-  
cipiente: *Cum onus*, in illis locis, in quibus est ac-  
ceptata dicta Bulla . Prima conditio est , ut non  
constituatur nisi super immobilia, quæ ex eorum  
natura sunt fructifera : Hæc eadem conditio ex-  
primitur in Bulla Martini V. & Callisti III.

3 Constitui potest census super vectigali 2 ,  
aut alios redditus fundatos supra Civitatem, op-  
pidum , pascua , piscationes ; nam ista reputan-  
tur tanquam immobilia . Fundari possunt etiam  
super officia perpetua , quæ fructificant , nam  
ista iudicantur bona immobilia fructifera . Se-  
cunda, ut census non celebretur, nisi numeretur  
moneta in actu celebrationis instrumenti coram  
Notario , & testibus . Tertia , ut non possit fieri  
pactum , ut censuarius anticipatè solvat censum .  
Quarta , ut re censui subiecta casu fortuito pe-  
reunte , census etiam extinguatur , & pereat .  
Quinta , ut non fiat pactum , quod restringit li-  
bertatem censuarij , qui alienare non potest  
rem censitam . Sexta , ut dominus rei censitæ  
volens rem censitam vendere , admonere de-  
beat censuarium , si eam emere velit eodem  
pretio , & eum alijs præferat . Septima , ut non  
fiat pactum , ut non soluendo censu tempore  
constituto , censuarius teneatur soluere intere-  
se, & lucrum cessans, aut amittat rem censui sub-  
iectam.

iectam. Octaua, vt pretium semel constitutum numquam augeri possit, vel minui propter qualitatem contrahentium, aut temporum. Nonna, vt sit semper liber censuarius redimendi censum, quoties voluerit, restituto eodem pretio. non obstante quolibet pacto, aut præscriptione. Decima, vel censuarius non sit obligatus, neque cogi possit ad redimendum censum. Vndecima, vt non augeatur, nec constituatur nouus census super eadem re, aut alia pro censibus decursus temporis præsentis, vel futuri, ita communiter Doctores.

## De Cambijs.

1 **C** Ambium est contractus, quo res pro re commutatur, vel pecunia cum pecunia, nam quando res est pro pecunia; iam est contractus nominatus venditionis.

2 Duplex est cambium, reale, & ficcum. Cambium ficcum non est verum cambium, sed fictum, & est quando quis concurrat ad uundinas, aut ad alia loca, fingit facere cambia, & recipientes pecuniam tradunt realiter litteras cambij, sed non sunt missæ, aut si missæ sunt, nihil operantur, & dicitur ficcum quia caret iusto titulo recipiendi lucrum, vt benè ait *Bonac. de cambijs disp. 3. q. 5. pun. unico n. 1. Nauarr. c. 17. n. 283.*

3 Reale est illud, quo pecunia realiter cum alia pecunia commutatur, & est duplex, minutum, locale, aut per litteras. Cambium minutum est, quando commutatur pecunia præsens, cum præsentis, idest, moneta aurea cum argentea, vel è contrario, vel pecunia maioris valoris cum pecunia minoris valoris, vel e conuerso; dummodo tamen fiat propter officium ad id ordinatum à Republica cum moderato lucro.

4 Cambium per litteras fit, quando campfor Petro danti sibi Mediolani certam summam, puta centum, dat litteras, quibus certa summa, de qua conueniunt, redditur illi Romæ, aut Neapoli; puta nonaginta quinque, & reliquum campfor lucratur pro suo labore,

5 Cambium siccum est illicitum, & vsurariū: ut clarè patet ex bulla Pij V. facta anno 1572.

6 Cambium minutum reale est licitum. Ratio est, quia non accipitur lucrum pro pretio, sed pro mercede, & non solum accipere potest mercedem campfor publicus, sed etiam iili, qui sine auctoritate Principis facit hoc officium; & commutat pecuniam in fauorem alterius cum aliquo suo labore, & onere, & iste contractus est licitus iure gentium, & necessarius, ac naturali ratione munitus propter pericula, & damna campforis. *Syluester, verbo usura 4. quesito 7 Bo. loc. cit. nu. 3. Nauarr. cap. 17. nu. 183. Lessius lib. 2. cap. 25. dub. 3. nu. 9. Filliucc. tract. 35 nu. 359.* Priuatus tamen recipere non potest tantum, quantum publicus accipit; nam campfor publicus habet plures causas, & titulos accipiendi, aliquid, quam habet priuatus, *Bonac. loc. cit. Filliucc. nu. 367. & alij cit.*

7 Cambium reale locale aut per litteras est licitum, etiam cum aliquo iusto incremento. Ratio est, quia duplex titulus intercedit pretio æstimabilis. Primus est virtualis transportatio pecuniæ in commodum campfarij. Secundus est assecuratio: Campfor enim Romæ accipiens pecuniam, traijciendam Venetias non solum suscipit onus traijciendi, sed etiam periculum, ita ut si pereat, non campfario, sed ipsi campfori pereat, & quia etiam est necessarium Reipublicæ. *Nau. loc. cit. Bon. dis. 3. q. 5 pun. vnic. nu. 7. Filliucc. dicto tr. 35. n. 380. Reginal. n. 454 Less. l. 2. c. 23. d. 3.*

8 Campfor si pecunia indiget in loco, ad quem transfertur, vt in Hispania, & det Romæ eam indigenti, adhuc recipere potest lucrum cambij. Ratio est, quia hoc misterium est pretio æstimabile, etiamsi ex eo commodum sentiat, sicuti patet de illo, qui transfert equum conductum Domino suis sumptibus, potest illum alteri locare indigenti, & lucrari expensas vna cum pretio locationis, ita Bon. l. c. nu. 25. Fill. n. 399. Regin. l. 25. n. 455. Sor. de iust. & iure qu. 10. art. 1. circa medium, Toletus lib 5, c. 33. nu. 6.

## De Contractu Societatis.

1 Societatis est conuentio duorum, vel plurium, facta ad conferendum aliquid in usus, vel lucrum commune: Hic enim est effectus societatis, collatio bonorum, vel operarum, aut pecuniæ, animalium, vel similium rerum in communem, vt colligitur ex ff. & C. pro socio.

2 Contrahitur licite societas, vno ponente personam, alio pecuniam, vt inde lucrum percipiat, sine vnus ponat pecuniam, alter operam tantum, sine vterque vtrumque ponat; ideo committens pecuniam mercatori, quia non transfert dominium in illum, sic mutuo accipere, & petere potest partem lucri inde prouenientis, tamquam de re sua. Hæc propositio non solum habet locum de iure civili, sed etiam de iure canonico, quia opera alicuius saepe valet pro pecunia. S. Th. 2. 2. q. 78. art. 2. ad quintum, Syluest. verbo Societas n. 1. Nauarr. cap. 17. nu. 251.

3 Tres condiciones requiritur, vt sit licita societas. Prima, vt negotiatio sit licita. Secunda, vt pecunia stet periculo ponentis. Tertia, vt seruetur æqualitas inter socios, idest, vt lucrum, expensæ, & damna sint communia.

omnibus; nam quilibet eorum reportare debet lucrum, damnum, & expensis pro rata illius, quod conferunt in societatem. Hinc clarè patet, quòd non dicitur societas iusta, sed vsuraria, quando quis tradit pecuniam mercatori hoc pacto, vt periculum pecuniæ stet mercatori, sed lucrum diuidatur. *Nau. loc. c. Regin. l. 25. n. 385 & 392. Bon. de contract. Societatis disp. 3. q. 6. pun. 1. n. 3. Syluester loc. cit. num. 2.*

4 Quando quis confert pecuniam, & alter operam, aut industriam, totum damnum pecuniæ erit conferentis, & illud laboris erit ponentis, siue damnum sit in principio, siue in medio, siue in fine societatis. Hæc propositio est vera maximè in foro conscientiæ. Ratio est, quia non erit licitum facere pactum, vt, qui posuit industriam, aut laborem, solueret medietatem, aut tertiam partem damni, quia esset contra formam contractus societatis *Syluest. verb. societas n. 6 Nau. loc. c. n. 252. S. Th. 2. 2. qu. 78. art. 2. ad 4. Bart. & Bald. in l. 1. ff. pro socio*

5 Quilibet facere potest contractum societatis, qui facultatem habet disponendi de rebus suis ad libitum, quæ in societatem conferuntur, exceptis quibusdam personis habentibus facultatem impeditam a lege disponendi, vt medicus contrahere non potest cum infirmo, durante infirmitate, *l. medicus, ff. de varijs, & extraord. cognit.* Aduocatus respectu clientis, *l. quisquis, Cod. de postulat.* Tutor; & curatore respectu pupilli, & minoris, *l. emptione, §. fin. de contrahenda empt.*

6 Item dicendum est de carceratis; nam prohibentur contrahere in eorum præiudicium. Hæc propositio intelligenda est, quando sunt carcerati iniuste in priuatis carceribus, sed quando sunt in publicis carceribus contrahere non pro-

prohibentur, & facere alios actus, etiam in fauorem illius, per quem detinentur. Ratio est, quia sicut tenet matrimonium in carceribus factum, quod maximam requirit libertatem; ut ait *Panorm. in c. cum dominus, de secundis nupt.* multo magis valere debent alij contractus in carceribus facti. *Bart. in l. qui in carcerem, ff. quod motus causa, Syluest. verb. carcer. nu. 4.*

7 Damna, quæ quis patitur ob causam proximam societatis esse debet communia, dummodo non veniant ob culpam leuem socij, & expensæ debent esse communes, quæ fiunt causa societatis, quando sunt necessariae, & utiles. Item expensæ in infirmitate contractæ ob negotia societatis, *l. cum duobus, §. damna ff. pro socio, Syluest. verb. societas qu. 12. nisi aliter conuentum sit inter socios, Nau. c. 17. n. 285. Regin. l. 24. num. 395. Filliucc. tr. 38. nu. 81. Bonac. p. 4. nu. 3.*

8 Licitum est dare animalia in societatem alicui cum pacto, quod lucrum sit commune, sed & recipiens nihil lucri accipiat, donec pretium eorum non fuerit restitutum domino, & postea erunt communia, dummodo tamen illa, quæ pereunt antequam recuperetur capitale, pereant in damnum domini, & non recipientis; sed non valet pactum, quod animalia consequentur in eodem numero, ut si aliqua pereant, compleatur numerus ex foetibus animalium, & pastor in fine singulorum annorum accipiat medietatem reliquorum fructuum: nam iste contractus videtur valde iniquus, quia non observatur æqualitas, si industria pastoris pluris æstimatur, quam valeant fructus animalium, secus verò si non æstimatur pluris industria, aut opera, *Nau. loc. cit. nu. 261. Regin. lib. 25. nu. 401. Filliucc. tr. 38. nu. 86. Bon. pun. 5. nu. 4. & 5.*

9 Si animalia æstimata collata in societatem.

pereunt culpa socijs : in æstimatione attendi debet tempus perditæ, & damni. Ratio est, quia augmentum, & detrimentum rei pertinet ad dominum, cum animalia essent apponentis usque ad illud tempus, *Bonac. dict. pun. 5. n. 7. Rebell. qu. 8. n. 3.* & alij apud citatos.

*De Societate inter Fratres,*

10 **S**ocietas inter fratres extenditur ad eantantum, quæ inter se fratres communicant, & in communi conferunt, non verò se extendit ad bona aliunde acquisita à fratribus, ut acquisita per donationem, vel hæreditatem, vel dignitatem, vel aliam industriam, nisi aliter constet ex eorum intentione, vel conventionione, *l. si fratres, ff. pro socio, Bonac. punct. 7. n. 1.*

11 Debita honesta contracta à fratre, existente in studio, patre vivente, soluenda sunt ex bonis communibus hæreditatis, quia censetur debita patris, si verò frater perseverare vult in studijs post mortem patris, non tenentur cæteri fratres contribuere studij expensas, & commodum, & damnum, quod unus fratrum ex negotiatione percipit esset ipsius fratris absentis post mortem patris, nam cum nesciret mortem sui patris, nullam iniit cum fratribus societatem, fructus verò hæreditatis diuidendi sunt, non solum inter fratres præsentes, sed etiam inter absentes, deductis tamen expensis, & opera fratrum. Ratio est, quia absentes censentur etiam condomini hæreditatis. Ita *Bon. loc. cit. nn. 6. Molina disp. 411. nn. 6.*

12 Omnes descendentes legitimi, volentes succedere parentibus decedentibus ab intestato, conferre tenentur ea bona, quæ acquisierunt ex bonis illius, cui succedere volunt, modò non  
con-



onstet contrarium ex mente illius, cui succedere volunt. Bona etiam tantummodo profecticia, quæ filius accepit à patre, vel ab auo, cui succedit, conferenda sunt à filio cum reliquijs; nam quibus in hæreditate succedit. Castrensia vero, vel quasi, non sunt conferenda. Aduentitia non conferuntur quoad proprietatem, immò que confertur vsusfructus, quando vsus fructus dictorum bonorum pertinet ad filium, vel patre filio fuit concessus, vel tacitè, vel expresse, *l.ultima, Cod. de collat. Bonac. disp. 3. q. 6. pun. §. unico, n. 3.*

13 Filij, vel alij, qui loco filij succedere volunt conferre tenentur donationem, quæ fuit ob causam, quæ data est ab eo, cui succedere volunt, donationem verò simplicem, quæ fuit ex mera liberalitate conferre non tenentur. Ratio est, quia in hoc casu donans non præsumitur dosse in compensationem legitimæ, cum liberaverit, & spontè donec. Hęc propositio non habet locum in filio emancipato. Filius enim emancipatus conferre tenetur quidquid à parentibus accepit in emancipatione, vel post emancipationem, *l. ut libens, C. de collat. Tuscus 2. 1. cons. 716. nu. 11. versiculo, Si u. aterea, Bon. l. c. nu. 5.*

14 Ad hoc, ut habeat locum collatio requiruntur multæ conditiones. Prima, ut si filius, vel alius descendens, cui legitima debeat, non inter ascendentes, & collaterales, & extraneos non est locus collationi. Secunda, ut sit successoris capax. Tertia, ut succedere velit inquam hæres, seu titulo vniuersali. Quarta, bona, quæ quis conferre debet, proueniant ex suis bonis, de cuius successione agitur, ita *Bart. Gomezus*, & alij apud *Bon. disp. 3. q. 6. pun. 7. n. 22.*

## De Locatione, &amp; Conductione.

1 **L**ocatio est contractus, quo conceditur persona mercede, vel res ad vsum, vel vsumfructum.

2 Conductor solvere tenetur totam pensionem, vel saltem pro rata temporis, si fundus publicetur, neque solvere tenetur interesse damni emergentis, & lucri cessantis, quia ea vti non potest toto tempore, pro quo acceperat. Idem dicendum est si coactus est illam deferere propter pestem, aut propter aliquam iustam causam suprauenientem ante tempus determinatum, quia solvere tantum tenetur pro tempore, in quo vti potest re conducta, *cap. propter sterilitatem, de locato.*

3 Conductor solvere non tenetur integram pensionem superueniente magna sterilitate prædij ob casum fortuitum, & absque culpa conductoris, nisi aliter conuentum sit, vel nisi sterilitas vnius anni compensari possit cum fertilitate alterius, vt fieri solet in locationibus ad plures annos celebratis, *dict. c. propter sterilitatem, & l. ex vendito, § si vis, ff. locat.*

4 Sterilitas secundum communem opinionem dicitur, quando detracta æstimatione expensarum, & semine, non supersunt fructus, qui sufficiant ad soluendam dimidiam pensionem. *Bon pun. 3. n. 14. Filliuc. n. 15. Tusculus tom. 5. concl. 431. & communiter alij.*

5 Emphyteuta, qui cessauit à solutione canonis in emphyteusi Ecclesiæ, seu loci pij per duos annos, cadit ad emphyteusi, & amittit rem acceptam in emphyteusim cum omnibus melioramentis, factis in ea, nisi purgauerit moram, si breuiter satisfacit ante citationem iudicalem, vel

vel statim post citationem absque dilatione secundum aliquos, tamen hoc remittitur arbitrio iudicis. In emphyteusi verò sæculari emphyteuta, qui triennio cessauit soluere canonem, incidit in caducitatem, nec purgare potest mortuam propter maius spatium, ei datum, *l. fin. C. de iure emphyt. Sylues. v. emphyteusis, quasito 3. Fill. tr. 10. n. 135. Bon. de feudo, & emphyt. pu. 2. n. 7. & seq.*  
 5 Licitum est potestati humanæ aliqua mala tolerare, vt tolerare meretrices, ne aliqua maiora peiora incurrantur, vel etiam ne aliqua bona impediuntur, vt ait *August. in libr. de ordine, allegatus à D. Tho. 2. 2. qu. 10. art. 11. vbi ait: Aufer meretrices de rebus humanis, omnia turbaueris libidinibus.* Ratio est, quia sicut Deus, qui est summe bonus permittit aliqua mala fieri in vniuerso, quæ prohibere non est, ne eis tributis maiora tollerentur, vel etiam peiora mala sequerentur; ita etiam potestas humana, illum imitando, facere hoc potest, *S. Thom. loc. cit.*

7 Licet aliqui dicant, quòd non potest quis de peccato locare meretricibus domus etiam in illa parte Ciuitatis, in qua est permixtum illis habitare, nihilominus probabilior videtur opinio contraria. Ratio est, quia vltus totius Christianitatis ita obseruat, & quia iam allegatum est Augustini ab omnibus receptum, nunquam sortiri possit, si hoc fieri non posset, & iam confessarij absoluunt, & semper absoluent illos sine scrupulo, qui locant eis domos si pro proposito abstinendi à simili re, ita Maior in dist. 15. q. 35. Bo. de fornicat. simplici q. 4. p. 14. nu. Less. l. 2. c. 24. du. 7. n. 40. Rebellius l. 14. q. 17. n. 8.  
 8 Locator, locans rem vitiosam, tenetur ad interesse conductori, ignoranti vitium illorum, tam si locator ignoret id vitium, tamen id intelligi debet, quoad forum externum; qui niti-

tur præsumptione culpæ, nam in foro conscientie non tenetur, si ignorabat. Idem dicendum est de omnibus alijs rebus vitiosis. *Fill. tr. 36. nu. 36. Bon. qu. 7. punct. 2. num. 3. Syluest. verbo locato, quasito 18. Nannar. c. 17. n. 196.*

9 Hinc sequitur cum teneri ad restitutionem damni emergentis, & lucri cessantis, qui locauit domum alienam mala fide, sciens esse alienam; si verò bona fide, ignorans esse alienam, non tenetur ad restitutionem damni. Ratio est, quia bona fides, quæ ipsum excusat à culpa, excusat etiam à pœna. *Bonac. loc. c. v. 5 Fill. nu. 14. Regin. l. 25 cap. 42. num. 513.*

10 Tributa, & onera, nisi aliter fuerit conuentum, soluenda sunt à locatore, vel nisi aliter expostulet consuetudo, idè locator tenetur soluere taxam, seu tributum, quod pro domo solui consuevit, ad reficiendam viam ante domum, quia hæc sunt onera pro domo imposita, *l. quod ille, §. quicumque, ff. de via publica.*

11 Qui non vititur re conducta, quia non vult, aut propter aliquem casum fortuitum ob suam causam obuenientem, soluere tenetur pensionem; iuxta glossam in *l. si vos, §. item eum quidam, ff. locati.* Hæc propositio locum habet, quando dominus per hoc desistit, & cessat alijs eam locare saltem in foro conscientie, *Syluester, verbo locutio, quasito 13. Angelus, eodè verbo. §. 15.*

12 In quatuor casibus licitum est locatori expellere conductorem de domo sua ante finitum tempus, vt patet non solum ex iure ciuili, *l. ade. ff. locati,* sed etiam ex iure canonico, *cap. propter sterilitatem, §. verum, de locato.* Primus casus est, quando conductor non soluat pensionem tempore debito, etiamsi interuenerit pactum de non expellendo, quia semper intelligitur tacita conditio si pensionem soluat, Secundus ca-

ſus eſt, quando abutitur re locata, inferendo illi  
damnum; vel inducendo meretrices, vel aliud  
turpe in ea exercendo, vnde ſequatur ſcandalus.  
Tertius caſus eſt quando locatori ſuperuenerit  
cauſa, ob quam ſibi eſt neceſſaria domus ad habi-  
tationem, & tempore contractus vere ſimiliter  
præuideri non potuit. Quartus, quando domus  
indiget reparatione, ſed in hoc, & in præcedenti  
caſu locator remittere tenetur penſionem pro  
rata temporis, aut providere conductori de alia  
re æquæ commoda, *leg. cum & plures, ff. locati de  
ſto capitulo propter ſterilitatem, §. Nauar. c. 17. n.  
195. Fill. tr. 36. n. 55. & 56. Bon. pan. 2. n. 13.*

13 Contractus locationis rei ad fruendum,  
qui dicitur *godere, à godere*, ſi fiat de rebus, in qui-  
bus diſtinguitur dominium directum ab utili,  
eſt licitus, vt ſi vnus det domum ad habitandum,  
& alter viciffim prædium ad fruendum; ſi verò  
vna ex rebus, quæ dantur ad fruendum non ha-  
bet dominum directum diſtinctum ab utili, vt  
daretur pecunia, ex altera parte, non eſt licitus  
contractus locationis, ſed uſurarius, niſi aliqua  
circumſtantia honeſtetur, vt lucri ceſſantis ex  
parte dantis pecuniam. Ratio eſt, quia qui dat  
pecuniam facit mutuum, & in mutuo nihil reci-  
pere poteſt, qui verò dat rem habente domi-  
nium directum diſtinctum ab utili, facit contra-  
ctum locationis, & in hoc contractu quis accipe-  
re poteſt; & conſequenter dicitur contractus  
uſurarius, quando ex altera parte datur res, quæ  
non habet dominum directum diſtinctum ab uti-  
li. *Fillius tr. 36. c. 5. n. 90. Nauar. de uſuris nu. 97.  
Sotus l. 6. de iuſt. & iure qu. 5. art. 1. Azorius, & alij  
apud præcitatos Doctores.*

## De Mercede Famulorum.

14 **P**eccat mortaliter cum obligatione restituendi, qui non soluit famulo stipendium in ea re, in qua conuentum est, aut qui soluit stipendium, de quo conuentum est, sed est minus iusto pretio, & peccat etiam qui non soluit statim mercedem mercenario: quapropter qui loco pecuniæ tradidit pannum famulo, vel alias merces certo pretio, quas famulus vendidit viliori pretio, tenetur ad restitutionem, quanti minoris famulus vendidit, modò famulus non acceperit spontè, & liberè. Ratio est, quia non tradidit Dominus famulo, quantum conuentum est, & in hoc casu famulus sentit damnum. *Nu. c. 17. nu. 107. Bonac. p. 4. nu. 15.*

15 Non est soluenda merces in conscientia famulo, labenti in infirmitate, modò non interuenerit pactum, neque appareat consuetudo in contrarium. Ratio est, quia non solum merces soluitur ob operas necessarias, sed etiam quia conductor non tenetur soluere pensionem, quando non utitur re conducta ob defectum locatoris, ergo si dominus non utatur operæ serui ob infirmitatem, aut propter aliquod impedimentum ipsius serui, non videtur obligandus ad stipendium soluendum. Alimenta verò secundum aliquos non sunt deneganda, & aliæ expensæ necessariae. *Filliuc. tr. 36. n. 109. Reginald. 25. n. 517. Bon. disp. 3. q. 7. pun. 4. num. 13.*

16 Qui operas suas locat, si per se ipsum non stet, potest iure accipere integram mercedem, vnde si famulus fuit expulsus à domino, nondum elapso termino constituto, licitè potest petere integram mercedem; modò dominus non habeat iustam causam eum expellendi; Neque Ad.

uocatus , qui aliquam causam agit , restituere debet stipendia soluta , si causa ultra non procedatur . Ratio est , quia conductor soluere tenetur pensionem si non utatur re conducta ob culpam , & impedimentum ipsius conductoris ; ita etiam dominus , expellendo famulum sine iusta causa. *Bonac. loc. cit. nu. 11 Filliucc. num. 107. l. qui operas ff. locati Regin. & alij.*

17 Quando conductor solum ex misericordia , & ad preces famuli ipsum conduxit , tunc enim satis sunt alimenta ; si tamen opera eius multo maiorem utilitatem affert , quam valeant alimenta , tenetur illam compensare , *Filliucc. cap. 17. nu. 105. Molina disp. 506. Nauarr. cap. 17. nu. 108. Sorus de iust. qu. 3. ar. 3. ad 1. Azorius p. 3.*

### De Pignore .

1 **P**ignus est contractus , quo traditur alicui res ad maiorem crediti securitatem , ut patet ex *inst. de oblig. §. furti.*

2 Pignus , propriè loquendõ differt ab hypotheca , licet aliquando sumatur pro hypotheca , nam pignus consistit in rebus mobilibus ; hypotheca in rebus immobilibus , quæ obligantur creditori , sed remanent apud debitorem , ut clarè patet ex *inst. de actionibus §. item seruiana*

3 Omnes res , quæ vendi possunt , pignori possunt . Ratio est , quia minus est tradi pignori , quàm vendi , nam per venditionem transferatur dominium , secus verò per pignoris contractum : Ex hoc sequitur res sacras non posse dari in pignus , nisi fieret ob magnam necessitatem ; ut propter redemptionem captiuorum , sustentationem pauperum , & alias causas necessarias , in quibus res Ecclesiæ vendi possunt , neque homines liberos , neque instrumenta aratoria , aut



boues , aut alia animalia destinata ad arandum , neque res alienas , quamuis vendi possiat , quia venditio afficit personam venditoris , ita vt teneatur de euictione; pignus afficit rem ipsam, datur enim creditori , vt sit illi ius vendendi , vt sibi satisfiat, si debitor non soluerit. *Filliucc. tr. 38. n. 175. Bon. disp. 3. q. 10. pun. 1. n. 5. Nau. c. 17. n. 106.*

4 Creditor , qui pignore utitur cum damno notabili debitoris sine eius voluntate expressa , vel tacita , furtum committit , si verò utitur de eius consensu tacito , vel expresse committit usuram , nisi sit vlus , qui concedi solet in gratiam amicorum , vt vlus libri . Ratio est , quia creditor non habet ius utendi re aliena cum damno domini , & pignus traditur ad securitatem, & non ad vlum. *S. Thom. 2. 2. quæst. 78. art. 1. ad sextum. Filliucc. nu. 180. Nauarr. c. 17. nu. 203. Syluester. Reginald.*

5 Idem dicendum est , si creditor fecerit pactum cum debitore , vt , non soluendo infra certum tempus , ei cedat pignus , nisi fiat pactum in poenam debitoris , aut quod sit emptum iusto pretio, nam tunc hoc pactum non erit vluracium, quia non fit ob lucrum creditoris , vt benè ait *Filliucc. n. 181. Nauarr. loc. cit. nu. 204. Panorm. in c. significante de pignoribus .*

6 Hinc sequitur eum , qui in pignus accepit possessionem incultam , si eam colat , teneri fructus computare in sortem principalem, deductis expensis , & laboribus , nam res domino fructificat , & etiam si res data in pignus afferret maiores fructus apud creditore , quàm apud debitorem , fructus ad debitorem pertinerent , & computari debent in sortem. *Bon. disp. 2. q. 10. part. 1. n. 10. Syluester verb pignus , quæsto 11. Fil. tr. 38. n. 287. Nauarr. cap. 17. n. 216. Reginald. lib. 25. n. 594.*

7 Iam communiter constat , quòd creditor  
viti

vt non potest pignore, non computando fructus in sortem. Hæc propositio limitatur pluribus in casibus. Primus in pignore dato, ad sustentanda onera matrimonij, nam maritus recipit fructus ad sustinendum onera matrimonij; ideò debentur illi fructus promissæ dotis, vt probatur ex *cap. salubriter, de usuris*. Idem dicendum est de hærede mariti, qui mulierem alimentare tenetur infra annum, in quo cogi non potest à lege ad restituendam dotem, quando dos consistit in rebus mobilibus. Secundus casus limitatur iure feudali, quæ postea in pignus datur domino directo, nam illi fructus computari non debent in sortem. Ratio est, quia dominium vtile consolidatur cum directo, & consequenter fructus pertinent ad dominium directum, cui datur feudum in pignus; prout supra diximus de usuris, & habetur in *cap. 1. de feudis, & cap. conquestus de usuris*. Tertius casus est, quando pignus censetur in bonis cui datur, vt equus furto sublati, & deinde ab eo, cui à fure dono datus est, pignoratur pro debito ipsi domino, tunc enim fructus recepti à domino non computantur in sortem. Ratio est, quia res domino fructificat, *c. 1. de usuris*.

§ Creditor, licet dominus pignoris non sit, habet tamen ius vendendi pignus sibi obligatum, si debitum solutum non sit tempore constituto, siue conuentum sit inter debitorem, & creditorem, siue non; sed quando non fuerit conuentum, creditor vendere non potest pignus, nisi præmissa vnica denunciatione, seu monitione, & elapsi duobus annis. Sed quando fuerit conuentum inter debitorem, & creditorem, vt pignus non vendatur, non obstante illo pacto, post trinam denunciationem pignus vendi potest, alioquin si creditor vendat pignus ante  
trinam

trinam denunciationem, reus furti constituitur; nec sufficit, quòd trina monitio fiat vnica vice sed per triduum si fieri potest, & vltra trinam denunciationem expectandum esse biennium, & si non inueniatur emptor, aut non offeratur iustum pretium, posse admitti creditorem ad licitandum, & ei pignus vendi, si iustum pretium offerat, & si pignis vendatur maiori pretio, quam sit creditum, residuum restitui debet debitori, & si vendatur minori pretio, repetere potest creditor residuum à debitore. *Filliucc. tr. 58. nu. 185. Syluest. verbo pignus quasito 10. pun. 1 nu. 22. Reginald. l. 25. nu. 605.*

## De Deposito.

1 **D**epositum est contractus, quo aliquid alicui ad custodiendum traditur, vt integrum illud restituat, *l. 1. ff. depositi.*

2 Ex hac definitione colligi potest quòd depositarius, vt non potest deposito, immò furtum committit, si eo vtatur, & tenetur ad restitutionem vsus illius rei; quoties vsus illius rei est pretio æstimabilis, ideò si depositarius vtatur equo, aut veste apud eum depositata, tenetur restituere pretium vsus, modo non constet, aut rationabiliter præsumatur illud condonare. *S. Th. 2. 2. q. 63. art. 6. Bonac. de deposito disp. 3. q. 14. puncto 2. nu. 5. Reginald l. 25. num. 556. Filiuccius de contractu depositi nu. 21.*

3 Depositum rerum, quæ consistunt in numero, pondere, & mensura, facta habilitate depositario, vt deposito vtatur, incipit esse mutuum, & mutat naturam depositi, saltem quando depositarius incipit eo vti, & quo ad ea, quæ consumit, & alienat, non verò quo ad alia quorum dominium perseuerat apud depositarium.

arium. *l. certi conditio*, §. *fin. cum l. sequenti*, ff. *de rebus creditis*, sed si depositum non consistit in rebus, quæ usu consumuntur, facta habilitate depositario, incipit esse commodatum, ut accipit quando deponitur equus, & conceditur usus illius. Addo etiam, quod depositarius, ut potest re deposita, etiam si non sit ea data facultas expressa utendi, quoties res est usu consumptibilis, nec ipsi est usus interdictus, ut si sit tradita pecunia, usu non interdicto, & depositarius reddat, se habiturum similem pecuniam tempore solutionis, qua satisfacere possit. Ratio est, quia dominus nullum patitur damnum; immò potius sentit commodum, quia cum sit translatum dominium rei in depositarium, res est ipsius periculo, ut si pereat, depositario ereat, nam res, regulariter loquendo domino perit, sed quando pecunia, siue res, quæ conceditur titulo *Depositi*, traditur sacculo causa, tunc depositarius uti non potest illa, nam dominus, qui hoc modo pecuniam tradit, videtur interdicare illius usum. *l. sacculum*, ff. *de depositi* *l. uester*, verbo *depositum*, nu. 10. Bonac. loc. cit. Renald. n. 558. Molina disp. 523. n. 2.

4 Regulariter loquendo res mobiles deponi possunt, ut libri, vestes, pecunia, & per se mobiles, ut animalia. *glossa in cap. bona fides*, de *posito*; res verò immobiles non deponuntur nisi quando est controuersia, tunc deponuntur apud sequestrum, unde depositio apud sequestrum est propriè depositio, & datur contra eam actio depositi. *l. propria*, ff. *de depositi*.

5 Quinque conditiones saltem requiruntur ad contractum depositi. Prima est consensus deponentis, & acceptantis. Secunda ut res consignetur. Tertia, ut quando depositum exitur, eadem res restituatur, sed hoc locum habet

creditoribus, quoties res deposita reperiretur, & depositum non transit in mutuum. Idem dicendum est, quando extat id, quod ex ea emptum est. *Bonac. disp. 3. q. 14. pun. 3. nu. 6. Molina d/ps. 516. n. 9. Filliucc. tr. 34 q. 11. n. 19.*

10 Depositarius peccat, qui reddere non vult depositum deponenti, quando petit depositum. In tribus casibus non tenetur depositarius reddere depositum deponenti. Primus est, quando redditus, afferret damnum deponenti, ut si factus est furiosus, & reddendus esset ensis. Secundus, quando bona deponentis essent confiscata ob aliquod crimen, tunc enim depositum reddi debet fisco. Hoc tamen intelligendum est, si iam esset data sententia. Tertius quando simul fur, & proprius dominus repeterent. *Filliucc. loc. cit. n. 17. Bon. loc. cit. n. 7. Reginald. & alij.*

### De Commodato, & Precario.

1 **C**ommodatum est concessio gratuita alicuius rei quoad solum usum certum, & determinatum, *glossa in c. unico, de commodato.*

2 Hinc sequitur peccare eum, qui commodat, si reuocat commodatum ante expletum usum contra voluntatem commodatarij, & tenetur ad restitutionem, si commodatarius pateretur aliquod damnum, nisi fortè commodans passurus sit simile damnum, tunc enim exigere potest contra voluntatem commodatarij, etiam cum eius damno. Ratio est, quia commodans non censetur voluisse talem euentum comprehendere. *Bon. disp. 3. q. 16. pun. 1. n. 1. de commodato, Filliucc. tract. 43. c. 8. q. 6. n. 183. Syluester, verbo cōmodatum, quesito 4. Lessius l. 2. c. 27. dub. 4. n. 18.*

3 Peccat commodatarius, si non restituat tempore constituto, & peccat etiam si utatur

com,

commodato diutius, vel ad alium vsum, quàm ei concessum sit cum damno notabili commodantis, vt benè obseruat Bonac. loco citato, *Fil. liuccinum* 84 *Syntheser*, verbo *commodatum*, *quasito* 1. *Navarr. cap. 17. nu* 182.

4 Ille contractus differt a precario, quia licet precarium concedatur ad certum vsum, nihilominus reuocari potest ad libitum, nec valet pactum, quòd non possit reuocari, quia est contra substantiam contractus precarij, vt clare patet ex *l. cum precario. ff. de precario*.

5 Commodatarius, si res commodata pereat, aut deterior fiat sine eius culpa, dammodo tamen non fuerit vltus re commodata, nisi ad eum vsum, quem fuit commodata, non tenetur ad damnum, *l. si commodauero. ff. commodati*.

6 Commodatarius, si res pereat, aut deterior fiat tenetur tantùm de culpa lata, leui, & leuissima, quando commodatum fit in gratiam solius commodatarij; si esset etiam in gratiam commodantis, tenetur tantùm de lata, & leui; si verò fieret in gratiam dantis tantùm, vt si quis commodaret al. cui vestes, & iocalia, vt ornatiores ad illum veniret, recipiens tenetur de dolo, & lata culpa. Ratio est, quia lata culpa æquiparatur dolo; Hæc propositio non habet locum solum in commodato, sed etiam in alijs contractibus, vt communiter Doctores in *l. contractus. ff. de regulis iuris*. Fallit hæc propositio in precario vbi quis non tenetur, nisi de dolo. Ratio disparitatis est, quia precarium reuocari potest ad libitum, commodatum verò reuocari non potest ante expletum vsum. Ex casu fortuito non tenetur, nisi interuenerit pactum, culpa, aut mora. *c. unico, de commodato*, & licet morosus teneatur in foro externo, in foro tamen conscientie si eodem modo res commodata erat peritura, non tene-

tenetur, nisi ad interesse, quod forsitan dominus passus est propter moram, ita communiter Doctores.

7 Expensæ ordinariæ factæ à commodatario ad ipsum pertinent, nam cuius est commodum, eius etiam esse debet & in commodum. Extraordinariæ verò pertinent ad commodantem, & post rem commodatam titulo compensationis retineri possunt à commodatario, ut supra dixi de deposito, & etiam pro pignore magnatum expensarum, quæ factæ sunt causa custodiendi res, *l. in rebus § possunt ff commodati. Bar. l. diuortium, § in pendia, ff. soluto matrimonio, l. ueliter, verbo, commodatum, quasito 3. Bonacin. sp. 3. q. 16. puncto unico, num. 5.*

## De Promissione.

**P**romissio est datio fidei deliberata, vera, & spontanea de se possibili, & licita. Dicitur datio fidei ad differentiam pollicitationis, & non est propriè promissio, cum non sit acta. Pollicitatio enim est solius offerentis promissio, quo ad obligationem par est pollicitationis, & pollicitationis ratio, nam in hoc differunt, quòd illam facimus rogati, & ex sponte, nullo cogente.

Hinc sequitur ad promissionem requiri plenam deliberationem, qualis sufficiat ad peccatum mortale; ideò si deliberatio non sit plena, sed impleta tantum, non obligat promissio non solum sub peccato mortali, sed neque sub veniali, nam promissio, quæ liberè, fit, est quæ ex priuata, quæ non videtur obligare voluntatem legislatoris, idest promittentis, promittit, non præsumitur se voluisse facere sine plena, & perfecta deliberatione



*Reginald. libr. 25. nu. 83. Bonac. de contract. disp. 3. qu. 12 punct. 1. num. 3 Lessius lib. 2. capit. 18. dub. 1. Sanchez lib. 1. de matrim. disp. 8. Nauarr. & alij communiter apud citatos Doctores.*

3 Promissio dubia obligat, quando non constat, an quis deliberare promiserit. Ratio est, quia professio stat pro promissione, quam constat factam fuisse, & in hoc casu promittens presumendus est deliberatè promississe. *Reginald. dicto lib. 25. n. 90. Bonac. loc. cit. nu. 5. Sanch. dicta disp. 8.*

4 Hinc sequitur eum non teneri, ad implendam promissionem, qui promittit exterius aliquid animo promittendi, sed non se obligandi. Ratio est, quia promissio non obligat vitra intentionem promittentis, vt paulò antè diximus, si verò ille cui, facta est promissio huiusmodi damnum patiatur, quia credebatur sibi ex animo promitti, & propter hoc passus fuit aliquod damnum, tunc promittens refarcire tenetur omne damnum, quod alter passus fuerit ratione doli, quo erga illum vititur contra iustitiam, & ille, qui puellæ promittit, se illam in vxorem accepturam, si suæ voluntati consentiat, obligatur seruare promissum ratione contractus non obstante, quod dolo promittat. *Reginald. tract. 25. sect. 6. num. 86. Bonac. disp. 12. nu. 8 & 20 Syluestor, verbo pactum qu. 3. Lessius de promiss. dub. 5. num. 59. Sanchez lib. 1. disp. 9. de matrim.*

5 Ex hoc etiam sequitur eum, qui promittit animo promittendi, & obligandi, sed non animo adimplendi, teneri seruare promissum. Ratio est, quia ex promissione, facta animo promittendi, & obligandi, nascitur naturaliter obligatio adimplendi promissum. *Reginald. loc. cit. Bonac. num. 8. Suarez de voto lib. 1. cap. 4. Sanchez in pere morali lib. 4. c. 1. nu. 23.*

6 Omnes promissiones extortæ per dolum, vim,

vim, aut per metum etiam leuem in foro conscientiae sunt inualidae. Ratio est, quia extorquens huiusmodi promissionem, iniuriam facit promittenti, & consequenter non acquirit ius, ut promittens promissioni steter; in foro tamen externo non datur actio in extortis ob leuem metum, ne multiplicentur licet. *Syluester, verbo restitutio 2. vers. 7. Bonac. disp. 12. num. 14. Navar. c. 17 num. 3. ubi plures refert Doctores.*

7 Idem dicendum est de promissione facta ob metum reuerentialem, sine quo facta non fuisset, saltem, quando metus non solum nascitur ex reuerentia superiori debita, sed etiam ex minis. Idem dicendum est de promissione extorta precibus importunis, quando tamen preces sunt tales, ut inuoluntarium cauarent; militat enim eadem ratio, ita Doctores citati.

8 Promissio interna non videtur obligare, nisi fiat per modum voti. Ratio est, quia non solum habens in l. 1 ff. de verb. obligat. quod animus in mente retentus non parit obligationem, sed etiam quia sicut lex Principis in mente retenta, & nondum promulgata, non obligat, ita etiam neque obligat promissio interna. *Bonac. sp. 2. qu. 12. punct. 2. nu. 1. Filliucc. tract. 33. c. 2. 2. Reginald. lib. 25. num. 84. & 85. Lessius lib. 2. c. 18. dub. 5. & alij communiter.*

9 Promissio interna facta per modum voti meliori bona obligat; ut quando quis Deo committit se daturum pauperi eleemosinam, aut daturum pauperem in matrimonium, sed si res minus promissa per modum voti, non est de meliori bono, sed indifferens, aut maioris boni editiua, non est adimplenda promissio. Ratio est, quia non est Deo acceptum illud, quod dedit maius bonum. *Bonac. loco citato num. 1. Sanchez de matrim. lib. 1. disp. 7. numer. 25.*

*Azor.*

*Axor. 3. part. libr. 11. capit. 15. quest. 1. in fine.*

10 Simplex promissio signo externo expressa, & acceptata, obligationem parit, & peccat mortaliter, qui non adimplet huiusmodi promissionem, nisi paruitas materiæ excuset. Ratio est, quia qui promissionem non adimplet, excommunicari potest, ut habetur in *cap. 1. de pactis*, ergo peccat mortaliter, non adimplens huiusmodi promissionem, quia excommunicatio maior ferri non potest, nisi pro culpa mortali, *Sylvester, verbo pactum quesito 4. Nauar. cap. 18. num. 6. Reginald. num. 75. Lessius lib. 8. num. 55. Sanchez lib. 1. disput. 7. num. 20. Bonac. loc. cit. num. 4.*

11 Promissionem gratuita, quam onerosa nondum acceptata, non parit obligationem, & reuocari potest, regulariter loquendo, etiam si cum iuramento facta sit, dummodo tamen iuramentum factum non sit per modum voti. Ratio est, quia obligatio nascitur ex mutuo consensu, sed consensus mutui non adest ante acceptationem; ergo talis promissio non obligat, nec facit in hoc casu alter iniuriam, nec damnum infert; hæc est communis opinio, quam sequitur *Bonac. disp. 3. q. 12. punct. 2. num. 5. & 6. Lessius nu. 39. Filliucc. tract. 33. cap. 2. num. 26. Reginald. lib. 24. sect. 2. num. 75. in fine.*

12 Hæc propositio locum habet, quando promissio non fit per modum voti, & indicatur facta per modum voti, quoties promittens ad Deum suam intentionem direxit, ut si dicat quis promitto amore Dei me daturum pauperi puellæ ducenta in dotem, imò etiam in dubio, quando quis dubitat, an intenderit promittere Deo, an homini, præsumendus est Deo promississe, & per consequens videtur obligandus ad promissionem adimplendam. Ratio est, quia in causis pijs dum promissio fit in absentia illius, cuius

cuius commodum concernit, intentio communiter fertur in Deum, adeo, vt si quis peccet, ei contrahendo, opus esset dispensatione Episcopi ad relaxationem illius, ita *Reginald. lib. 25. num. 81. Bart. in l. illud, num. 6. C. de sacrosanctis Eccles. Bonac. disp. 3. q. 12. punct. 2. num. 6. Sanchez lib. 1. disp. 6. num. 17.*

13 Dantur casus, in quibus promissio non acceptata reuocari non potest; vt si promissio fuit facta Ciuitati in remunerationem honoris habiti à promittente, Vniuersitati, Clero, Ecclesiæ. Pauperibus alicuius loci, vt probatur *in l. 1. ff. de pollicitis. Syluester, verbo pollicitis. Bonac. loco cit. Filliuc. num. 26. Sanchez de matrim. disp. 6. num. 15.*

14 Promissio adimpleri debet tempore præfixo; Quamobrem si fuit facta promissio sub conditione, non est adimplenda ante purificatam conditionem, si verò non constat de assignatione temporis, promissio statim adimplenda est, Ratio est, quia statim parit obligationem, ergo statim adimplenda est promissio. Hæc propositio intelligenda est, dummodò promissarius dilationem non concedat expressè, vel tacitè, vt si promissarius, qui petere potest commodè, non petat, *Bonac. disp. 3. q. 12. punct. 6. num. 1. & 2. Syluester, verbo votum, 2. quesito 5. Sanchez lib. 1. de matrim. disp. 28. num. 1. Filliuc. tract. 34. cap. 5. n. 117. & alij apud citatos Doctores.*

## De Donatione.

1 **D**onatio, est quædam concessio alicuius rei, quæ prouenit ex mera liberalitate, & munificentia donantis, *l. 1. & l. donatarij. ff. de donat.*

2 Quælibet persona, quæ habet administrationem liberam, & dominium bonorum, donare potest, nisi a lege sit prohibita.

3 Ex hoc colligitur . Primò , quod prodigus , cui datus est curator , & interdicta est administratio bonorum , donare non potest . Secundò infans donare non potest sine auctoritate tutoris ; licèt acquirere possit sine tutore , vt supra diximus de contractibus , Tertiò minor donare non potest sine consensu curatoris . Quartò filius familias donare non potest sine consensu patris , nisi habeat bona castrensia , vel quasi . Quintò Religiosus superiori subiectus donare non potest sine consensu expresse , vel tacito . Ob tacitum consensum superioris excusantur degentes in studio extra monasterium , dando aliquid in eleemosynam , sicuti etiam excusantur filij familias ob tacitum consensum eorum patris , & vxor ob tacitum consensum mariti , dummodò tamen donent paruum quantitatem . Donare etiam possunt Religiosi cum consensu superioris ob merita præcedentia , & licèt decretum Clementis VIII. prohibeat religiosis , quòd donare non possunt , & obligat ad restitutionem recipientes aliquid ab illis , & vt absolui non possint ante actualem restitutionem ; nihilominùs loquitur de donatione simplici , non de donatione remuneratoria , quæ non est vera donatio , vt communiter Doctores dicunt . Sextò , Religiosi superiores Regularium donare non possunt nisi quatenus sit eis permilsum ex constitutione religionis , aut ex consuetudine , nam per canones prohibentur , vt probatur ex *canone Abbati* , *distin.* 54. nec ipsi dominium habent , & liberam administrationem bonorum . Septimò , mulier donare non potest , quæ alia bona non habet , præter dotem , nisi prout paulò antè diximus . Octauò , furiosus , & amens donare non possunt . Nonò , fur , & raptor donare non possunt res furto sublatus . Decimò , miles cuiusvis militiæ donare

donare non potest concubinæ , sed hoc intelligitur de donatione gratuita. *Syluest. verbo donatio , l. n. 2. Bon. de donat. pun. 2. n. 14. Filliucc. nu. 46. gloss. in l. annullum. C. de donat. inter virum, & uxorem.*

4 Donatio facta à patre filio legitimo non emancipato , regulariter loquendo , non est valida , sed reuocari potest ad arbitrium patris , nisi sit iuramento vallata . Ratio est , quia pater , & filius existens sub patria potestate reputantur vna , & eadem persona à lege , & sicut nullus potest sibi donare , ita neque pater filio .

5 Aduertendum tamen est , si huiusmodi donatio non fuerit reuocata à patre in vita , morte patris confirmatur , & si hæc donatio excedit quantitatem , qua ille , qui disponere potest liberè iuxta varias leges regionum , præiudicat legitimam aliorum filiorum , reuocanda est , quantum opus erit , vt excusetur præiudicium illorum , *l. 1. de inofficiosa donat.* sed donatio matris , & aui materni in filium est valida . Ratio est , quia iura loquuntur de donatione patris , & non matris , quia mater non habet filios sub potestate. *Siluester, verbo donatio 2. num. 8. Bonacina pu. 4. nu. 2. Molina dispu. 291. nu. 1. Emmanuel Sà, verbo donatio, num. 2.*

6 Donatio facta à marito vxori , aut ab vxore marito post matrimonium contractum de præsentì , aut antè pro illo tempore , in quo erit contractum , non valet , & potest donator ad beneplacitum eam reuocare , præterquam quando Imperator , aut Rex donat Imperatrici , aut Reginæ , aut ipsa illi , & quando pauper non sit donator propter talem donationem , licet recipiens ditior fiat , & quando mulier marito donat ad consequendum aliquem honorem , aut dignitatem , & quando maritus , stante matrimonio , remittit mulieri omnem do-

tem promissam, aut partem ipsius, *l. si constan-*  
*re. ff. de donat. ante nupt.* sed remissio alterius debi-

ti non valet, & quando maritus assignat aliquid mulieri pro suo victu, & suorum, donec viuat iuxta æstimationem dotis, & non plus; vt tenet *glossa in l. ex animo. ff. de don. inter virum, & vxor.*

7 Aduertendum est etiam, quòd licet non valeat donatio inter virum, & vxorem, si non fuerit reuocata in vita, morte donantis confirmatur, modò res donata fuerit tradita ante à coniugi superstiti. Vt probatur ex *cap. fin. de donat. inter viuos.*

8 Donatio inter viuos omnium bonorum præsentium, & futurorum est nulla, nisi fiat Ecclesiæ, aut pijs locis, aut sit iuramento confirmata. Ratio est, quia hac donatione tollitur libera facultas testandi. *l. stipulatio, hoc modo con-*  
*cepta. ff. de verb. oblig. communiter Doctores teste*  
*Bonac. punct. 5. num. 1.*

9 Ad donationem excedentem quingentos aureos, requiritur insinuatio, alioquin est nulla, quo ad ex cillum, nisi fiat Ecclesiæ, aut piæ causæ, aut non sit iuramento vallata, aut non fiat à Principe absoluto, vt patet ex *l. penul. C. de donat.*

10 Insinuatio in præsentem intelligitur denunciatio, qua donans declarat Iudici in scriptis se liberam tantam summam alteri donare, & iudex illam suo consensu approbat, nec denuncia- tio necesse est vt fiat in loco iudicij, neque requiritur causæ cognitio, sed tantùm ipsius præ- sentia, *Bart. & alij, quibus adhæret Iulius Clarus, §. donatio, quest. 15 ad fin.*

11 Duplex est donatio, vna dicitur inter viuos, & altera fit causa mortis. Donatio causa mortis dicitur illa, quæ fit ob mortis periculum, vel cogitationem. Donatio inter viuos dicitur alia, quæ fit sine cogitatione mortis, & donans absolutè



absolutè donat, & fieri vult rem alterius.

12. Ad donationem causa mortis requiritur, vt donans disponere possit de re donata; ideo filius familias donare non potest causa mortis illas res, quæ ad partem pertinent, nisi à patre obtineat facultatem, ad differentiam legati, & testamenti, quæ fieri non possunt à filio familias etiam patre consentiente *l. tam is, ff. de donat.*

13. Donatio inter viuos, regulariter loquendo reuocari non potest. Dantur tamen casus, in quibus reuocari potest. Primus ob ingratitudinem donatarij, modò donatio non sit facta ob causam, aut cum expresso iuramento, non reuocandi eam ob ingratitudinem, *l. ultima, C. de reuocand. donat.* Secundus casus est, partus legitimus antea non cogitatus. Tertius est donatio inofficiosa, quoties pater donat tantum, vt non retineat, quantum postulat legitima portio filiorum, & dicitur inofficiosa, quia est contra pietatem, cum sit officium pietatis relinquere filijs legitimam portionem, & quatenus est inofficiosa, reuocanda est donatio, quatenus opus est, ad supplendas legitimas portionem filiorum, modò non sit facta extraneo animo fraudandi hæredes, nulla re relicta filijs, tunc reuocanda est in totum, *l. 1. C. de inoffic. donat. Bart. Bald. apud Azor. 3. part. lib. 11. quasito 6. Bonac. punct. ult. num. 14. Filliucc. num. 140.*

14. Donatio causa mortis reuocari potest à donatore vsque ad mortem, & si in huiusmodi donatio addatur conditio, vt non reuocetur; non dicitur donatio causa mortis, sed inter viuos, & donatio causa mortis reuocatur ipso facto, si donatarius moritur ante donatorem, sicut etiam mortuo legatario ante legantem, nihil debetur, & si in donatione non sit mentio mortis, semper intelligenda est inter viuos, etiam si fiat

in infirmitate, vt ex communi sententia testatur  
*Iulius Clarus §. donatio, quæsto 4. Filliucc. n. 104.*  
*Bonac. dicto puncto ultimo, nu. 21.*

## De Restitutione.

1 **R**estitutio, quæ significat repositionem in  
 pristinum statum, est actus iustitiæ spe-  
 cialis commutatiuæ, quo restituitur alicui, quod  
 suum est, aut quod sibi debetur per legem ve-  
 rz iustitiæ bonorum animæ, corporis, & ho-  
 noris *Nauiar. cap. 16. num. 6.*

2 Iustitia duplex est, particularis, & genera-  
 lis. Particularis est vna ex quatuor virtutibus  
 cardinalibus, cuius proprium est reddere vni-  
 cuique, quod suum est: Generalis, aut legalis  
 duo importat, vnum in Principe legem conden-  
 te alterum in subditis Principi. In principe im-  
 porta facultatem leges condendi ob bonum pu-  
 blicum. In subditis verò importat obligationem  
 reddendi debitam obedientiam, & reuerentiam,  
 vt bene ait *S. Th. 2. 2 q. 61. art. 1.*

3 Datur maxima differentia inter iustitiam  
 legalem, aut particularem, nam ex violatione  
 iustitiæ particularis, cum alterius damno, nasci-  
 tur obligatio restituendi, sed non ex violatione  
 iustitiæ legalis, dummodò tamen violans iusti-  
 tiam legalem non teneatur ex officio bonum pu-  
 blicum conseruare, vt accadat, quando Iudex, vel  
 satellites furtum non impediunt, quod ex iusti-  
 tia impedire tenetur. *Bonac. tract. de restitut. nu.*  
*2. Lessius lib. 2. cap. 1. dub. 3. num. 11.*

4 Hinc sequitur furem teneri ad restitutio-  
 nem, quia per furtum violauit iustitiam com-  
 mutatiuam particularem, sed non tenetur solue-  
 re poenam, qui veritatem negauit in iudicio,  
 cui esset condemnatus, si confessus fuisset veri-  
 tatem.

tatem Iudici, nam violauit iustitiam publicam, sed non iustitiam commutatiuam particularem. Bonac. loc. cit. num. 7. Lessius loco citat. Sanchez in summa lib. 2. c. 22. nu. 22.

5 Tres sunt radices restitutionis. Prima oritur, vel ex commissione contra iustitiam proximo debitam, vel ex omissione iustitiæ debitæ proximo. Secunda oritur, vel ex delicto, vt furto, homicidio, vel quasi delicto, vt cum quis lædit non dolo, sed ex imprudentia, vel negligentia, vel ignorantia culpabili, vt Iudex qui ex ignorantia male iudicauit, tenetur ad damna: vel ex contractu, vt mutuo, venditione, vel huiusmodi, vel ex quasi contractu, vt negotijs gestis. Tertia nascitur, vel ex re accepta, vel ex iniusta acceptione, vel ex vtraque. Ex re accepta tenetur quis, quando habet rem apud se, quam nouit esse alterius. Ex iniusta acceptione tenetur quis, quando iniuste rem alterius occupat, puta furto, usura, & similibus. Ex vtraque tenetur, quis quando rem proximi apud se retinet bona fide, postea incipit esse in mala fide. Caietanus q. 62. art. 6. Filliuccius tract. 32. numer. 17. Petrus Nauarr. lib. 2. cap. 1. num. 8. Conar. regula peccatum, part. 2. art. 1.

6 Aduertendum est, quod iustitia duplex est, alia commutatiua, altera distributiua. Officium iustitiæ distributiue consistit in conferendis dignitatibus, officijs, & alijs similibus iuxta qualitatem, & merita personarum. Officium iustitiæ commutatiue consistit in restituendo vnicuique, quod suum est.

7 Ex violatione iustitiæ distributiue non oritur obligatio restituendi, vt accidit, quando superior confert beneficium, aut officium digno, omisso digniore; aut quando confert indigno, omisso digno. Ratio est, quia communiter Do-

doctores dicunt, quòd restitutio est actus iustitiæ commutatiuæ; ergo licet peccet superior, hoc faciendo, non tenetur ad restitutionem ex violatione iustitiæ distributiuæ. Hæc propositio intelligenda est de beneficio non curato; nam si Prælatas beneficium confert curatum digno, omisso digniore, tenetur ad restitutionem. Ratio est, quia Superior, siue Prælatas tenetur ex quasi contractu, qui quasi contractus fundatur in edicto, aut in lege præscribente beneficia conferri dignioribus; concurrentes si præualeant, acquiruntur ius, & consequenter in hoc casu non solum peccat superior, hoc faciendo, sed etiam ad restitutionem tenetur. Vt benè refert Bonac. loc. cit. nu. 14. Emman. sà, verbo restit. nu. 51. Caiet. 2. 2. quest. 62. art. 2. dub. 2. Petrus Nauarr. lib. 2. de restitutione, cap. 2. nu. 144. & multi alij relati à dicto Bonac. de beneficijs, &c.

8 Non tenetur damnificans ad restitutionem damni sequuti ex proprio facto, si fuit sequutum damnum sine sua culpa; vt si ex venatione aliquem occidat. Ratio est, quia vbi non adest culpa, non adest obligatio restituendi, quia restitutio supponit peccatum contra iustitiam, sed vbi nulla est culpa, nulla est iniustitia; ergo &c. Hæc propositio confirmatur, ex cap. ultimo, de iniurijs, & damno, vbi sunt hæc formalia verba: Sanè licet, quod occasionem damni dat, ipsum damnum dedisse videatur, secus tamen est dicendum in illo, qui nihil de contingentibus omisit, vt non occideret.

9 Dominus non tenetur ex facto serui in foro conscientie, vel ex damno illato ab alijs animalibus proprijs, vt si bos depastus est sata aliena, si non fuit in culpa. Ratio est, quia vt paulò antè diximus, obligatio restituendi semper est coniuncta cum iustitia; in foro verò exter-

no obligatur, vel compensare damnum illatum, vel dare seruum, aut animal pro noxa. *§. constituti, de noxalibus act. cap. fin. de iniurijs, & damno.* Si verò animal, vel seruus aggressi ab alio animali, illud occidant, tunc dominus non tenetur, neque in foro exteriori, ut habetur in *l. 1. §. cum arietes, ff. si quadrupes pauperiem fecisse dicatur*, & dictæ leges ciuiles non obligant ante sententiam Iudicis *Fillinc. tra. 32. nu. 29. Nauar. c. 1. nu. 4. Syluest. verbo restitutio, 2. in fine.*

10 Nouem sunt genera personarum cooperantium ad damnum alterius, quæ his duobus versibus coprinenter.

*Iusso, consilium, consensus palpo, recursus, Participans, mutus, non obstant, nã manifestans.*

11 Per particulam, iusso, intelligitur is, qui præcipit, vel mandat damnum fieri: Per consilium, intelligitur consulens. Per consensum, intelligitur consentiens. Per verbum, palpo, intelligitur approbans, vel laudans. Per re cursum, intelligitur is, qui refugium dat, vel securitas, ut accidit, quando quis recipit furem, ut malè agat. Per participante, intelligitur quicumque socius, & adiutor criminis. Per mutuum, intelligitur tacens, qui tenetur ex iustitia loqui, & non tacere. Per non obstantem intelligitur is, qui non obstat, cum ex iustitia obstatere teneatur, & impedire. Per non manifestantem, intelligitur is, qui non manifestat, cum ex iustitia teneatur manifestare; Quicumque aliquo ex prædictis modis concurrat positiuè ad damnificationem, tenetur ad restitutionem. Ratio est, quia ut suprà diximus; Qui occasionem damni dat, ipsum damnum dedisse videatur, dicto *cap. ultimo, de iniurijs, Bonac. disp. 1 q. 1. punct. 3. num. 2.* & alij communiter cum *S. Tho. 2. 2. q. 62. art. 7.*

12 Non teneatur ad restitutionem, qui dubi-

tat, an sua ratione, aut consilio efficaciter coop̄-  
ratus sit ad alterius damnum. Ratio est, quia in  
dubio est melior conditio possidentis, & reus in  
dubio est absolvendus, sed qui dubitat, an sua  
actione, vel consilio efficaciter cooperatus sit ad  
damnum, suam libertatem possidet; ergo melior  
est ipsius conditio, & per consequens ad resti-  
tutionem non tenetur. *Bonac. punct. 5. nu. 1. & 3.*  
*Lessius lib. 2. cap. 13. dub. 4. num. 38. Syluester, verb.*  
*restitutio, 3. quasito 6. Reginald. lib. 10. tract. 2. n.*  
*71. & 82. Sanch in summa lib. 5. c. 10. num. 44.*

13 Iubens, & mandans aliquod damnum fie-  
ri, si mandatum reuocauit tacitè, vel expressè, &  
reuocatio innotuerit mandatario, non tenetur  
de damno inde sequuto, & licèt mandans non  
teneatur de damno inde sequuto, si mandatum  
reuocauit, quia non influit in effectum; consu-  
lens tamen etiam si reuocauerit consilium, & in-  
notuerit reuocatio consilij illi, cui datum est  
consilium, tenetur ad restitutionem. Ratio est,  
quia consultus adhuc mouetur verbis consulen-  
tis ad damnum inferendum. Vide hunc casum  
supra de homicidio, & de irregularitate, vbi  
diffusè tractaui.

14 Consulens, vel mandans fieri delictum,  
ad quod patrandum mandatarius, vel consultus  
paratus erat absque consilio, non tenetur ad re-  
stitutionem. Ratio est, quia in hoc casu man-  
dans, & consulens, non censentur causa efficax  
damni, & quotiescumque quis non est causa effi-  
cax damni nunquam tenetur ad restitutionem.  
Ex hac propositione decidi possunt omnes ca-  
sus, qui occurrere possunt circa hanc materiam.  
*Bonac. pun. 7. n. 2. Lessius lib. 2. c. 13. dub. 2. n. 5. Fil-*  
*lius tr. 22 cap. 4 qu. 1. Petrus Nau. lib. 2. de rest. c. 4.*  
*num. 48.* In hoc tamen casu licèt consulens, vel  
mandans non teneatur ad restitutionem, peccat  
tamen

tamen semper mortaliter. Si verò fuit datum consilium in contractibus, distinguendum est, aut fuit datum sine fraude, aut cum fraude; si sine fraude, tunc consulens non tenetur ex consilio, quia regula iuris est, quod nullus tenetur ex consilio, ut in cap. nullus, de reg. iuris in 6. si verò datum fuit consilium cum fraude, tunc consulens tenetur. Ratio est, quia dolus, & fraus nemini debent patrocinari: ita communiter Doctores.

15 Qui furi parato accipere quinquaginta, Titio, suavit accipere viginti Caio, de quo tur non cogitauerat, tenetur ad restitutionem. Ratio est, quia censetur causa, efficax damni respectu illius, cui damnum forte non fuisset illatum, & facit illi iniuriam, qui damnum patitur. Bonac. dicto punct. 7. num. 14. Filliucc. num. 42. Reginal. num. 106. & alij apud citatos Doctores.

16 Qui iusto metu coactus participat in opere non intrinsecè malo excusatur à peccato, & consequenter ab obligatione restituendi. Undè Christiani capti a Turcis navigantes metu mortis in triremibus Turcarum contra Christianos non solum excusantur ab excommunicatione, in Bulla coenæ, sed etiam à restitutione. Ratio est, quia præstant opus indifferens. Hæc propositio est intelligenda, quando non oritur magnum incommodum Christianæ Reipublicæ; nam tunc potius subire debent mortem, quam remigare contra Christianos, quia bonum publicum privato præferri debet. Bon. disp. 1. qu. 2. punct. 10. num. 3. Lessius lib. 2. c. 9. dub. 8. Fil. tr. 32. cap. 3. quest. 11. num. 68. Reginal. lib. 21. c. 8. num. 119.

17 Non tenetur ad restitutionem impediens alium sine vi, aut fraude, ne consequatur aliquod officium, vel beneficium; si verò per vim, & fraudem impedit, ne alter beneficium, vel officium consequatur, qui dignus erat, tenetur ad restitu-



tionem arbitrio boni viri, secus si impediatur, qui non erat dignus. Ratio est, quia indignus nullum ius habet, & quod dictum est de digno, intelligendum est, si spem habebat, secus si spem non habebat. *Bonac. punct. 12. n. 6. Lessius lib. 2. cap. 12. dub. 18. num. 125. Filliuc. tract. 22. c. 4. qu. 12. num. 71. Bannes, & alij apud concitatos.*

*Quid, & quantum restituendum est.*

18 **I**psamet res est restituenda, quæ sublata est, aut de quo est debitum, & si reddi non possit ipsamet res, quia fortasse est consumpta, redditur valor, si est res pretio æstimabilis, & probatur *ex autb. hoc nisi, C. de solut.* immò debitor restituere tenetur damna, quæ creditor iniuste passus est ob culpam ipsius, & restituere tenetur expensas, quas dominus in re sua, quæ redditur, fecit. *Bonac q. 2. punct. 1. nu. 1. & 2. Nauar. cap. 17. num. 24. Petrus Nauar. Rodriguez, & alij apud præcitatos Doctores.*

19 Tantum restitui debet, quantum sufficit, ad faciendam æqualitatem damni illati, vel debiti, si quantitas debiti, vel damni sit certa, tantundem restitui debet, si verò incerta restitui debet arbitrio boni viri, siue viri prudentis, consideratis periculi, circumstantijs temporis, loci, & personæ. Vndè qui segetes conculcauit antequam peruenerint ad maturitatem, tenetur restituere arbitrio prudentis, non solum quantitas res valebat tunc creditori, sed etiam quantitas tempore messis valuisset, deductis laboribus, expensis, & habita ratione periculi. *S. Thom. 2. 2. qu. 62. art. 4. ad quartum. Filliuc. tract. 22. cap. 10. num. 265. Bonac. q. 3. punct. 1. num. 8. & 9.*

20 Hinc sequitur usurarium, & furem non teneri restituere id, quod lucrati sunt ex pecunia

nia usuraria, aut furtiuè accepta, immò committeret usuram, qui illud accipere vellet, nisi quando acciperet pro suo interesse. *Sotus in 4. dist. 15. q. 2. can. plerique, & can. fin. 14. qu. 3. Nau. cap. 17. num. 25.*

21 Meretrices restituere non tenentur, quod acquisierunt ob mercedem operæ illarum illicitæ: ita communiter Theologum & *Th. 2. 2. qu. 32 art. 7. Canonista 14 q 5. & Iurista, l. 4. ff. de condict. ob turpem causam.* Idē dicendum est de alijs foeminis, aut masculis cuiuslibet ordinis, qui ob operam fornicariam aliquid recipiunt, sed in hoc differunt meretrices ab alijs personis; nam meretricibus permissum est in foro externo petere pretium eis promissum. Ratio est, quia sicut in foro externo toleratur meretriciū, ita etiam datur actio petendi pretium, *l. 4. ff. de condict. ob turpem causam, Bart. in d. l. 4. Nau. c. 17. n. 31 Cora. ad regulam peccatum, pu. 2. n. 2.* alij verò foeminis non est permissum petere pretium promissum, *l. mercalem ff. de condict. ob turpem causam.*

22 Promittens pro aliquo opere illicito patrandō, non tenetur soluere promissum ante opus illicitum, post patratum promittens tenetur, & quamuis pactio, & acceptio pretij ob rem turpem, antequam fiat, illicita, sit, tamen postquam facta est, non est illicitum petere, & accipere pretium antea promissum. Ratio est, quia sicut alter adimpleuit quod promiserat, ita etiam promittens seruare tenetur suam promissionem. *Fil. tr. 41. c. 9. n. 227. Bon disp. 1. q. 3. pu. 3. n. 2. Reg. n. 185. Lessius lib. 2. c. 18. dub. 3. nu. 18. & alij apud Sanchez in operibus moralibus lib. 2. c. 38 num 96.* In foro tamen externo secundū Iuristas, & Canonistas non oritur obligatio soluendi promissum ob operam illicitè factam, ut homicidiū, ut probatur *ex l. eleganter, ff. de verborum oblig.*

23 Acquisita ob turpem causam, etiam voluntariè data, sunt restituenda, quando lex positiua facit inhabilem acquitentem; vndè acquisita per simoniam realem, sunt restituenda. Munera pro gratia, vel iustitia, pro sponfionibus super vira, & morte, & futura electione Summi Pontificis, creatione Cardinalium sunt pauperibus restituenda; vt constat ex Bullis Gregorij XIII. & XIV. & Clementi VIII.

24 Aduertendum tamen est, quòd acquisita ob operam illicitam sunt restituenda illi, à quo fuerunt accepta, quando lex reddit inhabilem ad acquirendum dominium, nam qui tradit, non transfert dominium rei in accipientem, nisi aliter decernatur à iure in poenam tradentis, vt in beneficio simoniacè accepto. *Bonac. q. 3. punct. 3. num. 13. Reginald. nu. 120. Lessius dub. 8. nu. 61. Petrus Nauar. lib. 4. c. 2. num. 146.*

25 Bona inuenta, quorum dominus ignoratur pauperibus restitui debent, facta prius diligentia sufficienti in inquirendo. Ratio est, quia communi consuetudine ita receptum est, quæ vim legis habet, vt huiusmodi bona in pauperes erogentur, si verò inuentor sit pauper, potest pro se illa retinere. *Bonac. disp. 1. q. 3. pun. 4. num. 3. Filline. tract. 32. c. 4. n. 95. Lessius lib. 2. c. 14. num. 49.*

26 Bona fidei possessor, qui bona fide habuit rem, & non fuit in mora restituendi, si apud ipsum perit, ad restitutionem non tenetur, nisi factus sit locupletior ex ea in aliqua re. Ratio est, quia illa res succedit in locum rei, quæ perit, aut consumpta est: ita *Filline. loc. cit. n. 82. Bonac. loc. cit. pun. 10. n. 1. Lessius lib. 2. c. 12. dub. 15. nu. 93.*

27 Mala fidei possessor non tenetur ad restitutionem, quando apud ipsum res perit, si absque culpa debitoris perit, vel eodem modo erat peritura apud dominum. Ratio est, quia in l. 1. ff.

*ad legem rhodiam de iactu.* habetur nautam non teneri ad restitutionem, quando transtulit merces ex una naui ad aliam deteriore inuito domino ipsarum, in qua perierunt, pereunte prima in eadem tempestate, & in hoc casu nullum damnum domino affert. *Filliuc. nu. 1. 3. Lessius loco cit. n. 91. Bonac. dicto punct. 10. n. ... Nauar. c. 17. num. 8.* sed quando dubitatur si certè peritura esset apud dominum, tunc ad restitutionem tenetur. Ratio est, quia in dubio est melior conditio innocentis. *Lessius loco citato num. 92. Bonac. num. 8. Reginald. lib. 8. tract. 2. nu. 46. & alij.*

28 Bonæ fidei possessor restituere non tenetur si fructus industriales, acceptos ex re aliena bona fide possessa, sed naturales, & mixtos tam pendentes, quam acceptos si existant, tenetur eos restituere; si sunt consumpti restituere tenetur id, in quo factus est ditior, deductis expensis, & valore industriæ, ita communiter Theologi, & Iuristæ teste *Bonac. disp. 1. q. 3. punct. ult. nu. 7. Azorius lib. 4. c. 20. Lessius lib. 2. c. 14. dub. 2.*

29 Malæ fidei possessor restituere tenetur fructus, quos ex re aliena percepit, quam ipse meliorem effecit, licet dominus meliorem illam non effecisset. Ratio est, quia res domino fructificat, & non malæ fidei possessori, & illa melioratio cum sit affixæ rei, ad dominum pertinere debet, & per consequens illi fructificare debet. *Nauar. c. 17. num. 15. Lessius loco cit. c. 23. dubio 16. Bonac. disp. 1. q. 3. punct. ult. §. 2. num. 2.*

30 Hinc sequitur malæ fidei possessorem restituere teneri fructus, quos accepit, & consumpsit, quamvis ex illorum consumptione factus non sit ditior, & dominus eos non accepisset. Ratio est, quia ut diximus, res fructificat domino, & ideo ad ipsum restitui debent fructus, etiam si dominus eos non percepisset. *Filliuc.*

*liuc. cap. 4. num. 59. Bonac. loc. cit. num. 4. Lessius lib. 2. cap. 12. dub. 17 num. 118.*

31 In foro externo malæ fidei possessor restitueret tenetur fructus, qui percipi potuerant ex re aliena, ut patet ex *l. si fundum, C. de rei vendic.* sed quia ille textus, cum sit penalís, non videtur obligare ante iudicis sententiam, & poenæ soluendæ non sunt ante sententiam iudicis, ut benè obseruat *Bon. loc. c. n. 6. Sanch. in summa lib. 2. cap. 32. num. 128.*

32 In foro conscientiæ distinguitur, aut dominus eos potuerat percipere, aut non. Primo casu certum est, possessorem malæ fidei teneri ad restitutionem, quia reputatur causa efficax damni, & lucri cessantis. Secundo casu non teneri, quia nullum damnum domino intulerit, ut ait *Bon. dicto punct. ultimo, §. 2. n. ... Less loc. c. nu. 106. Syluest. verbo restitutio 3. quesito 9.*

33 Aduertendum tamen est, quòd licet malæ fidei possessor detrahare possit tantum expensas necessarias, in aliena re facta, & non voluntarias, & vtilis in poenam delicti, ut probatur ex *l. 1. C. de infantibus expositis, & ex l. domum, C. de rei vendic.* In foro tamen conscientiæ etiam ipsas detrahare potest. Ratio est, quia expensæ cedunt in utilitatem domini, gratia cuius res facta est melior, & fructuosior per illas expensas. Ut ait *Filliuc. tr. 32. c. 2. q. 4. n. 9. Lessius l. 2. ca. 12. dub. 17. nu. 111. Bon. loc. c. nu. 9.*

34 Bonæ fidei possessor, si dubitare incipit post possessionem, bona fide captam facta diligentia morali ad assequendam veritatem, si remanet dubium, non tenetur ad restitutionem. Ratio est, quia in dubio, melior est conditio possidentis. Hæc propositio non solum locum habet in materia iustitiæ, sed etiam in materia aliarum virtutum, exceptis quibuldam casibus

in iure expressis ; vt est casus irregularitatis in dubio homicidij. *Filliuc. loc. c. n. 91. Sanch. lib. 1. de matrim. disp. 1. Garzias de beneficijs 7. p. c. 1. n. 14. & multi alij apud Vasquez q. 65. n. 13. disp. 1. q. 2. pun. 2 §. incidens nu. 1.*

35 Possessor malæ fidei, dubitans rem esse alienam adhibere tenetur debitam diligentiam, ad rei veritatem inuestigandam, si verò facta diligenti inquisitione, inuenire non potest veritatem, restituere tenetur rem inter eos, quorum esse dubitat pro rata dubij. Ratio est, quia possessio non suffragatur malæ fidei possessori, sicut bonæ fidei: ita *Bon. dicto pun. 2. n. 11. Less. l. 2. c. 14. dub. 14. Filliuc. tr. 3 2. cap. 4. nu. 19.*

36 Consumens rem alienam, bona fide possessam, credens esse suam, ad restitutionem non tenetur, nisi ex illius consumptione factus sit ditior. Ratio est, quia in *l. item, §. prater hac verba, ff. de pet. hered.* habentur hæc verba, eos autem, qui iustas causas habuerunt, quare bona ad se pertinere existimassent, usque eo dumtaxat, quo locupletiores ex ea re facti essent condemnandos esse, *l. sed & si lege, §. item si rem, & l. si rem, & pretium, ff. de petit. hered. S. Thom. 2. 2. quæst 62. art. 6.*

37 Hinc sequitur illum, qui bona fide apud amicum rem furtiuam consumpsit, teneri ad restitutionem illius, in quo rei suæ pepercit. Quapropter qui apud amicum pullum comedit furtiuum valentem, quatuor iulios, sed domi suæ comederet solum cibum valoris vnius iulij solum tenetur ad restitutionem vnius iulij, quia in hoc factus censetur ditior. *Sonac. disp. 1. quæst. 2. punct. .... n. 13. Vasquez, c. 9. de restit. §. 2. nu. 25.*

38 Bonæ fidei possessor restituere non tenetur fructus naturales, vel mixtos, quando illos bona fide possedit per triennium. Ratio est, quia

quia res mobiles , & per se mouentes vsucapiuntur spatio triennii , & hoc locum habet , etiam si vltima dies triennii solùm sit inchoata , *l.in vsucapione 6. ff. de vsucap.* quamuis in præscriptione rerum immobilium requiratur integrum tempus de momento ad momentum , *l.in omnibus , ff. de act. & obligat.* Bonac. loc. cit. num. 10. Molina tom. 2. par. 2. disp. 718. n. 8. Couar. lib. 1. variarum cap. 3. num. 7.

*Cui facienda est restitutio.*

39 **R**egulariter loquendo res restituenda est domino , siue sit dominus absolutus, siue sit dispensator, vt sunt Prælati Ecclesiæ. Hæc tamen propositio intelligenda est de possessoribus malæ fidei ; nam possessores bonæ fidei , qui rem a ienam habuerunt titulo oneroso, postquam cognouerunt rem alienam esse non tenentur restituere illam domino, sed restituere eam, possunt illis, à quibus bona fide acceperunt , vt consequi , & recuperare possint pretium. Ratio est, quia nemo tenetur ex charitate , vel ex iustitia magis prospicere bono alieno , quam proprio, vt benè ait Bon. disp. 1. q. 4. pun. 2. n. 1. Toletus lib. 3 cap. 17. n. 12. Nauarr. cap. 17. num 6. Syluester, verbo restitutio 3. quasitio 10.

40 Dixi, regulariter, nam multi dantur casus, in quibus non est facienda restitutio Domino . Primus , quando dominus est furiosus , aut prodigus , aut habet tutores , vel curatores . Secundus , quando Prælatus est dissipator bonorum Ecclesiæ . Tertius , quando ignoratur dominus rei . Quartus , quando dominus est absens , aut in aliquo loco, in quo illi mitti non potest , aut cum mitti possit non sine magno periculo , aut scandalo , tunc facienda est restitutio Christo hæredi



di vniuersali omnium incertorum , vt probatur ex canone 1. ad hebraeos , canone qui iure 8. distinet. diuidendo illa bona pauperibus , aut alijs operibus pijs vt ait . *Nauarrus cap. 17. num. 29. cap. cum de usuris* . Quintus , quando res accepta est à fure , licet dominus non sit ; ipsi restituenda est , quando restituens furem timet , & restituere non potest domino rem sine damno propriæ personæ , cessante iusta causa , & alij incommodis , semper res restituenda est vero domino . *Filliucc. tr. 32. c. 14 num 44. Nauarrus loc. cit. num. 30. Syluester verbo restitutio 4. §. 1.*

41 Si quis soluat creditori sui creditoris , quod debet suo creditori , satisfacit , & non tenetur ad nouam restitutionem . Ratio est , quia nullum damnum infert suo creditori , cum ipsum liberet debito , quo tenebatur obstrictus erga suum creditorem , immò potius sibi damnum afferat , cum suus creditor possit illum per Iudicem compellere ad sibi restituendam rem debitam , si res ; quam restituit creditori sui creditoris , illi non erat obligata , vt dicit *Bartol. in l. solutum , ff. de pignorat. act. Filliucc. c. 15. q. 6. nu. 151. Bonac. punct. 3. num. 1.*

*Vbi facienda est restitutio , & cuius expensis . 3*

42 **Q**uando restitutio nascitur ex re bona fide accepta , & sic ex iusta acceptance , facienda est restitutio in loco , vbi reperitur res tunc temporis , quo cognoscitur esse res aliena , nec tenetur possessor bonæ fidei illam mittere domino expensis proprijs , quia non est conueniens , vt patiatur aliquod damnum ex restitutione rei alienæ , bona fide habitæ , vt probatur ex *l. possessor , ff. de petit. hered* sed quando restitutio nascitur ex delicto , vel quasi , & sic ex iniusta

iniusta acceptione, facienda est restitutio eo loco, ubi dominus eam erat possesurus, si non fuisset ablata. Ratio est, quia in hoc casu dominus non debet ullum damnum pati, cum ipse illam amiserit iniquitate debitoris, ita *S. Thom. & Caiet. 2. 2. q. 62. art. 5. Bon. q. 5. pun. unico n. 1. & 4. Filliuc c. 4. nu. 110.*

43 Orta fuit olim hinc Romæ maxima controversia, an qui mutuauit mille aureos Indiæ cum pacto, & conditione, ut elapso certo tempore, petere posset suum ab illo, qui mutuum accepit ubicumque reperiretur, postea fuit inuentus hinc Romæ, an petere possit integrum mille, aut deduci possint cambia, in conducendo pecuniam ab India Romam usque.

Respondeo, quod debitor liberatur soluendo illa mille Indiæ, aut etiam hinc Romæ, deductis cambijs. Ratio est, quia lex non solum locum habet in debitis alterius speciei, sed etiam in pecunia, *lib. 1. ff. de eo quod certo loco. Nauarr. cap. 17. nu. 43.*

### *Quando facienda est restitutio.*

44 **R**estitutio fieri debet statim ac commode potest, & peccat tam ille, qui retinet rem alienam, quam qui furatur, & licet præceptum restitutionis sit affirmativum, nihilominus includit aliquo modo præceptum negativum, non retinendi rem alienam, & præcepta negativa obligant semper, & ad semper, affirmatiua verò non obligant nisi semper, & ad certum tempus. *S. Th. 2. 2. qu. 3. art. 2. Filliuc. tr. 32. c. 4 qu. 11 nu. 116 Bonac. qu. 6. pun. unico nu. 1.*

45 Ex hoc sequitur debitorem ex delicto, aut ex quasi, teneri sub mortali, statim ac commode potest, restituere, alias iudicatur esse in

mora, sed debitor ex contractu, aut ex quasi, tenetur statim, ac elapsus fuerit terminus constitutus solutionis, etiam si non admoneatur, nam dies interpellat pro homine, *cap. fin. de locato, & conducto*, si verò terminus non fuerit constitutus ad soluendum, debitor non peccat, nec dicitur in mora, antequam admoneatur, quia in hoc casu videtur creditor concedere dilationem; Hæc tamen propositio est intelligenda; modò creditor sciat, & petere possit, secus verò si ignorat, aut petere non possit ob timorem, aut impotentiam. *Sylu. verb. mora, quæsitio 1. Bon. loc. c. nu. 2. Regi. lib. 10. tr. 2. nu. 223. Nauar. nu. 79.*

46 Retinens rem alienam, toties peccat, quoties intentio illius non restituendi moraliter interruptitur. Ratio est, quia tot peccata committuntur ab illo, qui data occasione, non restituit, quot sunt actus intentionis non restituendi moraliter interrupti: intentio non restituendi moraliter interruptitur per somnum, contritionem, &c. *Bon. dicta q. 6. n. 11. Nau. loc. c. n. 54. Caiet. 2. 2. qu. 66. art. 5.*

47 Confessarius absolvere non debet eum, qui statim restituere tenetur, si prius actualiter non restituat, si sæpius eidem, vel alteri confessario restituere promisit. Ratio est, quia poenitens absolui non debet, quamdiu existit in occasione peccandi, ut patet à simili de illo qui domi detinet concubinam, sed in casu nostro, qui potuit, & noluit restituere statim, esse censetur in occasione peccandi proxima; ergo in hoc casu non est impertiendum beneficium absolutionis poenitenti. *Bonac. nu. 18. Filliucc. num. 117. Azorius 3. part. lib. 4. cap. 4. qu. 4. Caiet. in summa verb. restitutio cap. 6. & alij apud citatos DD. & maxima prudentia requiritur in confessario; ne decipiatur à poenitente in extorquendo abso-*

absolutionem peccatorum ante realem præstitam restitutionem *Filliucc. loc. cit.*

48 Confessarius restituere non tenetur si absoluat poenitentem ante realem restitutionem, neque restituere tenetur, quando sua culpa, vel malitia non admonet poenitentem ad restitutionem faciendam, quam poenitens fecisset, si Confessarius beneficium absolutionis denegasset. Ratio est, quia confessarius non tenetur ex officio, & ex iustitia prospicere bonis temporalibus aliorum, sed bono spirituali poenitentis. Hæc propositio limitatur, modò confessarii omissio, & negligentia non habeat rationem consilii; Confessarius enim tenetur ad restitutionem; quando poenitenti obligatio restitutioni dicat ipsum non teneri, aut quando ex ignorantia crassa, seu lata culpa dicat poenitentem teneri facere restitutionem vni, cum alteri teneatur; In istis enim casibus tenentur ad restitutionem, quia est causa efficax damni ratione consilii, vel ignorantia crassæ. *Bon. disp. 1. q. 2. p. n. 11. n. 15. Suar. de poenitent. dist. 32. sect. 6. n. 9. versic. ego vero, Regim l. 10. tr. 2 n. 42. Lessius dub. 10. n. 78. Azorius 3. p. lib 4 c. 16. q. 3.*

49 Debitor anticipare potest solutionem, quando terminus appositus fuit in eius favorem, & creditor acceptare tenetur solutionem. Ratio est, quia terminus apponitur ad sollicitandam solutionem, sed quando terminus fuit appositus in favorem creditoris, debitor, anticipare non potest solutionem contra voluntatem creditoris. Ratio est, quia fieret iniuria creditori, habenti ius, ne sibi ante præfixum tempus solutio fieret. Ita determinatur in l. eum qui, ff. de annis legat. *Bon. disp. 1. q. 6. num. 21. Sylvest. verbo legatum num, 6.*

## Quo ordine facienda sit restitutio.

50 **Q**ui plura debita habet, quorum aliqua sunt ex delicto, & aliqua ex contractu licito, soluere non debet prius contracta ex delicto, quam ex contractu, neque è contra, modo res, quæ restitui debet, non extet apud creditorem. Ratio est, quia bona debitoris non sunt plus hypothecata creditoribus, quibus facienda est restitutio ex contractu licito; quam aliis. *Bon. loc. c. n. 11. Reg. l. 10. n. 223. Less. l. 2. c. 15. dub. 3. n. 16. Fillius. nu. 124.*

51 Quando soluenda sunt debita, prius fieri debet solutio creditoribus habentibus hypothecam, vel pignus, quam creditoribus non habentibus hypothecam, vel pignus, qui propriè dicuntur chirographarij creditores. Vt patet ex l. eos, C. qui potior in pig. habeatur.

52 Quando eadem res fuit hypothecata pluribus creditoribus, sed non sufficit ad satisfaciendum omnibus: Primò fieri debet restitutio, regulariter loquendo illi cui prius fuit hypothecata iuxta regulam iuris: Qui prior est in tempore potior est iure. Dixi regulariter loquendo, quia dantur aliqui casus, in quibus posterior præferatur habenti prius hypothecam. Primus est, quando quis mutuauit pecuniam ad reparandam domum, aut nauim, nam iste præferri debet aliis creditoribus habentibus expressam hypothecam in illa domo, vel naui, l. 5. ff. qui potior in pig. habeatur. Secundus casus est, quando aliquis dedit pecuniam ad aliquam rem emendam. Tertius casus est, quando quis mutuauit pro vectura mercium, vel pro conductione ædium, in quibus merces conseruantur, lib. 6. C. qui potior in pig. habeat. Quartus est in hypotheca dotis, nam

nam tunc bona mariti, ita remanent obliigata, vt vxor, & eius descendentes necessarij in restitutione dotis alijs creditoribus, habentibus prius hypothecam tacitam, præferuntur, *l. assiduis, C. qui potior in pig. hab.* & hoc etiam valet in dote putatiua, quia mulier bona fide contraxit matrimonium, *dicta l. assiduis*. Quintus est, quando quis emit à debitore rem obligatam duobus, si ex pretio fuit satisfactum primo creditori, emptor succedit in iure primi creditoris quo ad pretium, quod soluit primo creditori, *l. qui à debitore, ff. qui potior, in pig. hab.* Sextus, quando eadem res fuit obligata duobus, priori scriptura priuata, posterior publica; in foro externo præfertur ille, cui res fuit obligata scriptura publica, nisi prior creditor habeat scripturam priuatam factam, vel subscriptam manu debitoris, & simul subscriptam manu trium aliorum testium, huiusmodi enim scriptura, scripturæ publicæ æquiparatur, *l. scriptura, Cod. qui pot. in pig. hab.*

*De Causis excusantibus à restitutione.*

53 **M**vitæ sunt causæ, quæ excusant à restitutione. Prima est impotentia, & dicitur non solum impotens, qui constitutus est in extrema necessitate, sed etiam qui non potest commodè id est, sine damno suorum bonorum, aut altioris ordinis: vt sunt vita, & salus, respectu famæ, & bonorum, & illa fama respectu bonorum temporalium aut non sine damno magno bonorum, quæ sunt eiusdem ordinis, quia aliqua dilatio parum nociua creditori exculare potest, ita etiam qui restituere non potest statim bona aliena fortunæ sine amissione propriorum suæ vitæ, & salutis, aut famæ, restituere non tenetur statim, nam nullus restituere tenetur regulariter bona

bona aliena inferioris ordinis cum iactura bonorum altioris ordinis, ita etiam neque tenetur restituere statim aliena ordinis, & qualitatis inferioris cum iactura propriorum altioris ordinis, *Nauarr. c. 17. num. 55. & 87. Bon. disp. 1. q. ultima. punct. 1. nu. 11. Caiet. 2. 2. qu. 62. art. 6. ad quartam.*

54 Ex hoc sequitur foeminam nolentem manifestare suum adulterium, ut infamiam euitet, aut vitæ periculum, non esse denegandam absolutionem; pro ut declarauit *Innoc. III in cap. officij, de penit. & remiss.*

55 Secunda causa est præscriptio, siue usufructu, modò tamen usufructuarius possederit legitimo tempore, & bona fide.

56 Tertia est cessio bonorum. Ratio est, quia qui bonis cessit, censetur esse impotens ad satisfaciendum debitis existentibus post cessionem, quæ cessio in foro externo excusat, sed in foro conscientie non excusat, nisi quatenus necessitas excusaret sine cessione, si verò debitor perueniret ad pinguiorem fortunam, teneretur ad restitutionem. Ratio est, quia cessio non eximit à restitutionis obligatione, neque per cessionem bonorum fuerunt extincta debita, ita *Bonac. loco cit. n. 36 Filliuc. tr. 32. c. 5. qu. 7. num. 153. Bart. & alij communiter teste Gomesio 2. variar. cap. 11. n. 52. ubi de hac materia egregie disputat.*

57 Qui habet iustam causam differendæ solutionis, si differt solutionem debiti ex contractu iusto, non tenetur ad restitutionem damni, quod interim patitur creditor ob dilationem solutionis. Ratio est, quia qui differt solutionem ex iusta causa non dicitur esse in mora soluendi. Hæc propositio locum habet, modò debitor non differat restitutionem ad euitandum suum detrimentum, quia non est par, ut debitor se seruet indemnem cum damno creditoris, quando debitor



bitor est soluendo, si differt solutionem debiti ex delicto, tenetur soluere creditori lucrum cessans, & damnum emergens, quod patitur creditor ex illa dilatione. Ratio est, quia non est conueniens, ut creditor patiatur damnum ob delictum alterius *Bonac. loc. cit. n. 40. Molina disp. 754. n. 3. Lessius l. 3. c. 16. dubio 1. nu. 33. Petrus Nauar. l. 5. c. 4. n. 56. & alij apud citatos Doctores.*

*De Restitutione, qua ex ludo consurgit.*

58 **L**udus est contractus, quo ludens res suas periculo exponit spe acquirendi rem alienam.

59 Ludus duplex est, bonus, & malus. Bonus est ille, qui fit recreationis causa sine mala circumstantia. Malus est, quando est prohibitus à lege, aut vestitur mala circumstantia, & ut plurimum in suo genere est veniale, fieri tamen potest illicitus ex multis circumstantiis. Primò, quando misceantur dicta, aut facta praua, ut blasphemix, & iniuriar. Secundò, quando interueniant fraudes contra leges ludi: Leges ludi dicuntur illæ, quæ seruantur in illo loco, in quo luditur, nisi illi, qui ludunt, conueniant ludere iuxta morem alicuius regionis, aut interuenerint inter eos alia pacta. Tertiò, quando ob dolum, aut per vim ad ludum pertrahitur. Quartò, quando ludus exercere cum aliquo, qui exponere non potest ludo pecuniam; ut quando quis ludit cum seruo, Religioso, filio familias. Quintò, quando interuenit irreuerentia contra Deum. In istis enim casibus ludus est illicitus mortaliter; supposita gravitate materiæ, sed non est illicitus mortaliter ratione circumstantiarum sequentium. Primò ratione intentionis lucrandi; intentio enim lucrandi cum titulo iusto non est

est ex le mala; vt communiter Doctores dicunt. Secundò ex circumstantia personæ: nam Clerici, & monachi aliquando licitè possunt ludere talis, & cartis lusoris ob iustam, & honestam causam, & licet prohibeantur à canonibus Clerici constituti in ordinibus sacris, aut beneficijs quantitatè notabilem ludere ludo alearum sub poena depositionis, & priuationis ab officio, & beneficio; vt habetur in *cap. Clerici, il secundo de rita, & honest. Clerici, c. inter dilectos de excess. Pralat.* nihilominus excusantur à mortali, etiam si frequenter ludant, modò ludant absque scandalo. Ratio est, quia canones non videntur recipi cum tanto rigore; vt benè ait Bon. *disp. 2. q. 1. pun. 1. n. 12. Regin. l. 10. nu. 385. Filliucc. tr. 37. c. 4 q. 9. Lessius l. 2. c. 26. num. 5.*

60 Sicut ludi contractus ex sua natura non est illicitus, ita etià est licita promissio, siue sponsio, quæ vulgariter appellatur, *scommessa*; nam promissio, siue sponsio est contractus, quo vterque se exponit periculo perdendi, & acquirendi, requiritur tamen, vt non sit dolus, vel dissimulatio: Quamobrem qui certò scit rem, pro qua spondet certò euenisse, vel euenturam esse, peccat, & tenetur ad restitutionem rei acquisitæ per sponsonem, nisi suam scientiam alteri manifestauerit, nam tunc est licita huiusmodi sponsio, quia scienti, & consentienti non fit iniuria, & censeri potest ea ratione facere donationem eius rei, quam alter assequatur *Fill. t. 37. c. 2. n. 19. & 23 Bon. l. c. nu. 18. Garzias de contract. 2. p. c. 13. Nauarr. c. 18. n. 18. Lessius loc. cit. dub. 1. num. 1.*

61 Aduertendum tamen est, quod licèt sponsiones sint ex natura rei licitæ, quia sunt de re, & euentu dubio, tamen sponsiones, quæ fiunt circa vitam, & mortem; vel creationem Summi Pontificis, aut circa promotionem Cardinalium

sunt illicitæ , & prohibentur iure positivo sub poena excommunicationis; vt clarè patet ex Bulla Gregorij XIII. quæ incipit: *Cogit nos*; de qua re vide *Filliucc. loc. cit. n. 30. & 31. & Bonac. loc. c. & de censur. dis. 2. qu. 3. pun. 2.*

62 Aduertendum est etiam quòd omnis contractus celebratus inter inuicem ludentes non tenet, vt notat *Bart. in l. si quis cum sciret, in fine, ff. pro empto*, neque valet transactio in ludo facta neque vendens in ludo tenetur de euictione, neque mutuans pecuniam lusoribus vt secum ludant, repetere potest, & hoc locum habet non solum si mutuans sit ludens, sed etiam si non ludat, modò mutet ludenti scienter, vel ludere volenti: ita *Sylu. verb. ludus, n. 9. in fine, vide glos. sam in l. 1. ff. de aleat. & penult. & ultim. C. eodem.*

*De Conditionibus ad ludum requisitis.*

63 **M**ultæ conditiones requiruntur, vt contractus ludi sit licitus. Prima, vt ludens non utatur dolo, & fraude. Secunda est, ne alter alterum compellat ad ludum per dolum, aut vim, aut verbis contumeliosis. Tertia vt ludens disponere possit de re, quam ludo exponit. Quarta, vt si æqualis conditio colludentium.

64 Excusari possunt, qui aliquibus fraudibus vtuntur in ludo, quæ iuxta loci consuetudinem adhiberi solent, vt si quis videat socium errantem in numerandis punctis, vel si certò alter agnoscens peiores partes sibi casu euenisse, & consequenter sibi amittendum esse, ex industria tamen augeat sponsonem; dissimulans se potiores partes habere, & ob id alter territus cedat, & prior sponsonem vincat, non tenetur ad ullam restitutionem, quia deceptio est iuxta leges ludi. *Filliucc. tr. 37. nu. 92. Bonac. disp. 2. qu. 3. pun.*

2. nu. 2. *Azorius 3. part. lib. 5. cap. 24. Lessius.*

65 Non excusantur à restitutione, qui se fingunt esse imperitos in ludo, vt alios ad ludendum pertrahant, qui alioquin non luderent. Ratio est, quia censetur causa damni per fraudem. Doct. citati.

66 Vxor insumere potest in ludo aliquid iuxta conditionem sui status, & filius familias exponere potest ludo bona castrensia, vel quasi, bona verò aduentitia, & profectitia non potest sine consensu patris, insumere tamen potest aliquid in ludo honesto, dum in aula, vel in studijs versatur, quia pater concedens filio alimenta, videtur etiam concedere honestam recreationem, quæ fieri solet communiter inter iuuenes eiusdem ætatis, & conditionis. *Filliucc. loc. cit. cap. 7. qu. 2. & seq. Bon. num. 10. Lessius dubio 5. num. 26. Regin. & alij.*

67 Qui facultatem disponendi non habet de re, quem ludo exponit, vt filius familias, non potest sibi retinere lucrum, quod ludo acquisiuit, si hoc ignotum esset collutori, quia debet esse æqualis contrahentium conditio, si verò illi sit notum, restituere non tenetur. Ratio est, quia regula iuris est: Scienti, & consentienti non fit iniuria. *Bon. dicta q. 3. pu. 2. n. 15. Fill. n. 124. Less. Molin. & alij apud citatos Doctores.*

68 In tribus casibus ludens cum seruo liber est à restitutione. Primus est, quando dominus sciens permittit seruum apud se habere aliquam pecuniam, siue datam à domino, vt ipse pro libito expendat, siue acquisitam sua industria, & labore. Secundus est, quando paciscatur cum seruo, vt quotidie certam pecuniam domino reddat ex sua industria. Tertius est, quando dominus concedit seruo certa pecuniam ob alimenta, ipse verò, parcè viuendo, seruat sibi ali-

quid. *Salas dub. 10. Azorius c. 26. qu. 9. Filliucc. tr. 36. c. 8. n. 131.*

69 Religiosis exponere possunt aliquid ludo moderato, & conuenienti Religiosis. Ratio est, quia sicut Religiosus de licentia superioris donare potest aliquid, & in alium transferre, ita etiam ludere, & ludo alienare; ludo verò illicito, & excessiuo exponere non possunt aliquid neque de licentia superioris, immò neque superiorem posse sibi sumere hanc facultatem, & licentiam. Ratio est, quia Prælatus, siue superior non est dominus bonorum religionis, sed dispensator, ut supra diximus de donatione. *Lessius c. 4. dub. 5. Salas dub. 21. Filliucc. loc. cit. qu. 3. n. 133.*

70 Iure communi est prohibitus ludus aleæ, nomine cuius venit omnis ludus, qui fundatur magis in sorte, & casu, quam in industria; ut ludus chartarum, & taxilorum, ut in l. 1. & 3. ff. de aleat. huiusmodi tamen leges sunt abrogatæ contraria consuetudine, & per consequens hoc tempore non obligant saltem sub mortali. Ita Syluester, verb. ludus. *Filliucc. tr. 37. c. 4. q. 5. nu. 58. Bonac pun. 3. n. 1. Lessius l. 2. cap. 26. dub. 1.*

71 Qui perdidit, soluere non tenetur, quod perdidit pecunia credita, stando in iure communi, etiam si iurauerit se soluturum, quod perderet. Ratio est, quia iure positiuo statuitur, ut victus soluere non cogatur, ut in auth. ut alearum, Cod. de religiosis, & sumpt. funerum; immò conceditur perdenti, & ipsius hæredibus, vel parentibus, ut possint vsque ad quinquaginta annos repetere, ipsis verò non repetentibus, conceditur filio repetitio; ut in citata auth. Bonacina disp. 2. qu. 2. pun. 3. nu. 2. *Reginald. lib. 5. nu. 151. Sanchez in summa lib. 2. cap. 23. num. 144. Filliucc. num. 74. Nauarr. cap. 18. nu. 17.* ita etiam Carolus Quinctus in Regno Hispaniarum in consilio facto  
in

in Mantua anno 1517. prohibuit, ne quis ludet  
 audeat sub fide soluendi, neque ludos licitos; vt  
 est ludus pilæ, & declarauit omnes promissiones  
 conuentiones esse vanas, & nullius momēti; quæ  
 ob id fierent, vt benè ait *Nauarr. loc. cit.* Qui verò  
 soluere iurauit, soluere tenetur, sed repetere po-  
 test solutum, sicut promittens soluere vsuram;  
 soluere non tenetur, nisi iuramentum interuene-  
 rit, tamen post solutionem datur repetitio; si ve-  
 rò soluere nollit, tenetur iurans petere relaxa-  
 tionem iuramenti, & Prælati concedere potest,  
*Nauarr. loc. cit. Fill. n. 85. Bon. dist. pun. 3. n. 2. Lessius.*  
 & alij apud citatos Doctores.

72 Qui aliquid ludo acquisiuit, restituere non  
 tenetur ante Iudicis sententiam, modò non im-  
 pedierit Iudicem per fraudem, ne condemnare-  
 tur ad restitutionem, & neque est præceptum,  
 vt ludo acquisitum restituatur pauperibus, dum-  
 modò fuerit acquisitum sine fraude, & dolo. Ra-  
 tio est, quia ludus habet vim transferendi do-  
 minum, & multa facta tenent, quæ à principio  
 fieri non possunt. *S. Tho. 2. 2. qu. 32. art. 7. Nauarr.*  
*c. 18. nu. 8. Ben. loc. cit. nu. 8.*

## De Restitutione fama.

73 **T** Res sunt modi infamandi. Primus est,  
 quando quis veritatem dicit, & iustò,  
 vt cum aliquis crimen alicuius prodit ordine  
 debito seruato, & tunc ad restitutionem non te-  
 netur. Secundus est, quando quis falsum di-  
 cit, & iniustè, & tunc tenetur restituere famam,  
 confitendo falsum dixisse. Tertius modus est,  
 quando quis verum dicit, sed iniustè, puta cum  
 quis crimen alterius prodit contra ordinem de-  
 bitum, & tunc tenetur ad restitutionem famæ  
 quantum fieri potest sine mendacio, vt v.g. dicat

se malum dixisse, & fecisse, vel quòd diffama-  
uerit illum iniuste, vel si non possit restituere  
famam debet ei aliter compensare, sicut in alijs  
rebus: ita *S. Tho. 2. 2. qu. 62. art. 2. ad secundum*,  
& *can. quidam 5. q. 1.* & eadem est ratio de famo-  
so libello, & cantilena, & fieri debet restitutio,  
vbi fuit facta infamatio eo modo, quo fuit facta  
siue publicè, siue secretè secundum modum in-  
famationis.

74 Contumelia specie differt à detractiōe,  
sicut rapina à furto. Ratio est, quia per detrac-  
tionem clam læditur sicut per furtum; per con-  
tumeliam verò aperte, & in præsentī, sicut per  
rapinam offenditur, & sicut minus est peccatum  
furtum, quam rapina, ita minus est peccatum de-  
tractio, quam contumelia, ita *S. Tho. communiter  
receptus 2. 2. qu. 72. art. 1.*

75 Detractio fieri potest quandoque directè,  
quandoque indirectè. Directè quatuor modis,  
vno modo quando falsum imponit alteri crimen.  
Secundò, quando auget peccatum suis verbis.  
Tertiò, quando occultum reuelat. Quartò, quan-  
do id, quod est bonum, dicit mala intentione fa-  
ctum esse; Isti quatuor modi detractiōis hoc  
verso continentur.

*Imponens, augens, manifestans, in mala vertens.*

76 Indirectè alijs quatuor modis fit detrac-  
tio. Primò, negando bonum alterius. Secundò,  
malitiosè retinendo bona alterius. Tertiò, mi-  
nuendo rectè facta. Quartò, ita laudando frigi-  
dè, vt hoc cedat in opprobrium laudati; Isti qua-  
tuor modi hoc versu exprimuntur.

*Qui negat, aut minuit, recitet, laudate; remissè*

Ita *S. Tho. loc. c. ad tertium, Filliucc. n. 88. Bonac.  
di/p. 2. qu. 4. pun. 1. nu. 6.*

77 Si quis detractiōes audiat absque resi-  
stentia, videtur detractori consentire, vnde fit  
parti-



particeps peccati eius; si verò ei non placet peccatum, sed ex negligentia, vel etiam ex verecundia omittat repellere detractiōem, peccat quidem, sed multò minus quàm detrahens, & plerumque est veniale. Potest tamen quandoque esse mortale, quando alicui ex officio incumbit corrigere detrahentem, vel propter aliquod periculum, & scandalum. *S. Thom. 2. 2. q. 73. art. 4. in corpore.*

78 Non tenetur ad famæ restitutionem referens otiosè aliena delicta ab ipso audita, sed absque affirmatione, licet præstent ei fidem audientes. Ratio est, quia non præbet eis iustam causam credendi, nisi circumstantia personæ sit tantæ auctoritatis, ut illi faciliè credatur, vel nisi ex huiusmodi narratione oriretur aliqua suspicio criminis narrati apud audientes, & est peccatum mortale narrare graua crimina, audita cum periculo, ut eorum suspicio inferatur cordibus audientium, ut benè ait *Bon. dis. 2. q. 4. pun. 5. n. 1. Regin. lib. 4. n. 77. Fill. tr. 40. c. 4 q. 5 n. 34. & seq. Nauar. cap. 18. num. 51.*

79 Non peccat mortaliter saltem contra iustitiam, qui manifestat crimen alterius alicubi publicum alibi, ubi nescitur. Ratio est, quia delinquens amisit ius ad famam per publicitatem criminis, & per consequentes manifestans illius crimen publicum, non facit ei iniuriam, *Bonac. loc. c. pun. 6. nu. 1. Filliucc. tr. 22. nu. 332. Regin. lib. 24. nu. 85. Petrus Nauar. n. 280. contra nonnullos Doctores.*

80 Manifestare alterius delictum, est licitum ad euitandum damnum temporale, aut spirituale proximi, modò illa reuelatio sit necessaria ad impediendum illud damnum. Ratio est, quia non quælibet manifestatio secreti delicti est detractio, sed quæ fit inordinatè, & contra charita-

tem; hæc autem non est inordinata, quia magis debemus consulere bono publico, & innocentis; ergo in hoc casu fieri potest manifestatio ad euitandum damnum proximi. *Bonac. disp. 1. qu. 4. punct. 8. nu. 1. Nauarr. cap. 18. nu. 1. Filliucc. tr. 40. nu. 129 Lessius dub. 9. & 10.*

81 Non peccat mortaliter qui se ipsum infamat. Ratio est, quia qui est prodigus suæ facultatis, non peccat mortaliter, ergo neque peccat, qui amittit suam famam, se ipsum infamando, nam sicut quilibet est dominus suæ facultatis, ita etiam & suæ famæ, & sicut diuitiæ acquiruntur propria industria, ita etiam, & fama; vt benè docet *Bonac. pun. 10. nu. 1. Nauarr. cap. 18. n. 27. Lessius li. 6. Filli. n. 113. & alij apud Molinam disp. 27. n. 3.*

82 Filius non videtur peccare mortaliter, imponendo sibi falsum delictum vt à morte eripiat partem, vel amicum vel à tormentis. Ratio est, quia licitum est pro parente, vel amico vitam exponere modò tamen non adiungatur iuramentum falsum *Bonac loc. cit. n. 9. Lessius nu. 4. Molina nu. 19. Filliuc. n. 116.*

83 DetraCTOR tenetur ad restitutionem damnorum, si manifestauerit verum crimen; sed occultum. Ratio est, quia iudicatur causa principalis damni, quod secutum non fuisset, si crimen ab ipso manifestatum non fuisset, & qui causam dat, ipsum damnum dedisse videtur. *Bon disp. 2. qu. 4. pun. 16. nu. 1. Molina tra. 4. disp. 4. Lessius lib. 2. cap. 11. dubio. 19 num. 101 Reginald. lib. 10. nu. 355.*

84 Multæ sunt causæ excusantes à restitutione famæ. Prima est, condonatio obligationis restitutionis famæ, modò condonatio non vergat in alterius detrimentum. Secunda est, quando infamia abiit in obliuionem. Tertia est, compensatio, quæ fieri potest in restitutione famæ, modò seruetur æqualitas personarum. Ratio est, quia

quia sicut in aliis rebus temporalibus fieri potest compensatio, ita etiam fieri potest in famæ restitutione. Quarta est, quando quis manifestauit occultum crimen, quod postea factum est publicum. Quinta est, quando detractio fuit inefficax, vt quando audientes non crediderunt. Sexta est, quando infamans restituere non potest famam sine vitæ periculo. Septima est, quando restitutio alterius famæ restitui non potest sine damno notabili propriæ famæ. Ratio est, quia iustitia non obligat ad restitutionem cum damno notabiliter maiori, quam damnum sit illatum. *Bon. l. c. n. 11. & 12. Filliucc. tr. 32. nu. 249. Salonijs 2.2. q. 62. art. 2. controuerf. 13. conclus. 1.*

85 Detractor restituere non tenetur famam defuncti hæredibus infamati, si illa infamia non redundet etiam in hæredes. Ratio est, quia fama, & honor non sunt bona, quæ transeunt ad hæredes defuncti, sicut bona hæreditaria, & in tali casu tenetur exhibere satisfactionem pro defuncto per exhibitionem suffragiorum, & bonorum spiritualium; vt benè ait *Bonac disp. 2. qu. 4. pun. 2. Rebellus lib. 4. de restitut. qu. 1. Molina disp. 44. num. 3.*

## De Iudicio Temerario.

86 **Q**uia iudicium temerarium reducitur ad detractiōem tamquam actus internus ad externum, est conueniens, vt hic de eo oquamur.

1 Iudicium temerarium dicitur, quando quis ex cuius indicij credit aliquem furtum, vel fornicationem commisisse, si verò non credat, nec firmiter assentiatur, non dicitur committere iudicium temerarium, sed suspicio, ita *Bon. disp. 1. q. 7. pun. 1. nu. 1. Reginald. l. 24. n. 24. Fill. tr. 4. c. 1. q. 2. n. 2*

87 Non dicitur qui committere iudicium temerarium, malè iudicando de aliqua persona ex indicijs, & coniecturis sufficientibus. Ratio est, quia proximus iurisdictionem non habet, ut alter de ipso non malè iudicet quando adsunt sufficientia indicia, ad malè iudicandum, & consequenter qui malè iudicat ex sufficientibus coniecturis, non committit iudicium temerarium, & peccatum mortale, quia in tantum committitur peccatum mortale, in quantum violatur ius proximi, ut ait *S. Th. 2.2 q. 6. art. 3. Bon. loc. c. n. 2. Reginald. nu. 21*

88 Ex hoc sequitur non committi iudicium temerarium, si quis aliquē videt noctu scalas ascendere ad ingrediendum domum alterius, & iudicet ipsum ingredi ad patrandum aliquod delictum, modò non adsint circumstantiæ in cōtrarium, & istæ circumstantiæ considerari possunt, vel ratione loci, vel ratione personæ. Ratione loci, quando quis videat iuvenem ingredi domum, quam solæ meretrices habitant. Ratione personæ, quando quis iudicat aliquod peccatum de aliqua persona, quam constat in eius generis peccato labi consuevisse: ita Doctores citati.

89 Non videtur nasci obligationem restituendi ex iudicio temerario. Ratio est, quia sicut non nascitur obligatio restituendi ex voluntate occidendi, & furandi, ita neque nascitur obligatio ex iudicio temerario, qui est actus merè internus, aliquando tamen confurgit obligatio restituendi ex iudicio temerario, quando iudicium temerarium alteri manifestatur; non manifestatis leuibus indicijs, in hoc casu committitur peccatum mortale, & confurgit obligatio restituendi sub mortali, posita grauitate materiæ, ita *Filliucc. n. 9. Bonac. dis. 1. q. 7. pun. 1. n. 2. Molina dis. 16. num. 3. in fin.*

## De Restitutione ob vectigalia defraudata.

90 **I**mponi possunt vectigalia ab illis, qui in suo regimine non recognoscunt superiorem, ut sunt Imperatores, Reges, Summus Pontifex, Respublicæ perfectæ, & Principes supremi: alij verò inferiores non supremi; ut Duces, Marchiones, imponere non possunt vectigalia, aut tributa sine consensu suorum superiorum, & isti tales contrafacientes incurrunt in excommunicationem Bullæ Cænæ, prout diximus supra de excommunicatione in Bullæ Cænæ, ita *Toletus lib. 1. cap. 2. Bon. disp. 2. q. 2. nu. 1. Nauarr. c. 27 nu. 61.* & alij communiter.

91 Ut iustè, & licitè exigantur tributa, aut vectigalia requiruntur. Primò, legitima auctoritas imponendi tributa. Secundò, requiritur iusta causa, ut necessitas Principis. Tertiò, requiritur, ut seruetur proportio; ut qualitas oneris distribuatur iuxta facultatem, nam iniquum est, ut pauperes magis grauentur quàm diuites: ita communiter, præsertim *Bon. loc. c. nu. 2. Less. l. 2. c. ap. 33. dub. 1. Salas de legibus disp. 12. sect. 10. num. 118. Suar. de legibus l. 5. c. 16.*

92 Qui vectigalia fraudat iustè imposita pro mercibus, non solum peccat contra iustitiam, sed ad restitutionem tenetur. Ratio est, quia quod iustè exigitur, non potest sine peccato detineri, sed vectigalia iustè exiguntur, ergo non possunt absque iniustitia defraudari, ita *Syluest. verbo, gabella 3. Lessius lib. 2. c. 33. dub. 8. Filliucc. tr. 28. nu. 113. Bonaz. dicta q. 9 nu. 3.*

93 Ecclesiæ, & personæ Ecclesiasticæ soluere non tenentur gabelas, aut datia licitè imposita à laicis, & imponentes, vel exigentes gabelas, vel tributa ab Ecclesia, vel a Personis Ec.

clesiasticis, vel ex eorum bonis, statim incurrunt in excommunicationem reſeruata in Bulla Cæ. næ. *Narr. c. 17. nu. 201. Lessus lib. 2. c. 33. dub. 5. n. 38. Bonac. disp. 2. qu. 1. p. 1. 2. num. 10.* Incurritur etiam excommunicatio non reſeruata, c. *quam. quam de censibus in 6.*

96 Excipiuntur ab hac doctrina multi caſus. Primus eſt, quando Clericus ſumit habitum animo non perfeuerandi in ſtatu Clericali, ſed in fraudem gabellarum. Secundus eſt, quando eſt Clericus coniugatus; Clericus enim coniugatus tantum gaudet priuilegio fori, & canonis, ſi habitum, & tonſuram gerit, & virginem duxit. Tertius eſt, quando Clericus negotiationem exercet, vt probatur ex dicto cap. *quamquam de censibus*, ſi verò vendat frumentum, vinum, oleum, & ſimilia, quæ ex proprijs bonis percepit, ſoluere non tenetur gabellas, quia non dicitur exercere negotiationem, vendendo res collectas ex proprijs bonis, tam patrimonialibus, quam Eccleſiaſticis, vt notat *Quaranta loc. cit. verſ. 11. Sylueſter, verbo excommunicatio 9. num. 46.* Quartus eſt, quando Clericus bona, ſeu poſſeſſiones oneri ſubiecta acquiſiuit; vt onus ſoluendi Principi, nam tunc locum habet illud: Res cum onere tranſit. Iuxta cap. *paſtoralis, & cap. cum non ſit de decimis.*

### De Reſtitutione in integrum.

97 **R** Eſtitutio in integrum competit minoribus, qui non expleuerit 25. annum de iure communi, vt in leg. ait Prator, ff. *de minoribus viginti quinque annis.*

98 Sex conditiones requiruntur, vt minor vti poſſit hoc priuilegio. Prima, vt ſit læſus ex vi contractus. Secunda, vt ſit contractus validus, nam

nam si contractus non sit validus minor non  
 utitur hoc priuilegio, sed alio communi.  
 Tertia, vt læsio non sit modica. Quarta,  
 vt minor probet læsionem, & se fuisse minorem  
 eo tempore, quo fuit læsus. Quinta, vt non  
 præstiterit iuramentum in ipso contractû, vel  
 ante, vel post contractum, quo iurauit non usu-  
 rum restitutionis remedio, nam per iuramen-  
 tum confirmatur contractus, vt minor gaudere  
 amplius non possit priuilegio restitutionis,  
*auth. Sacramenta puerum, Cod. si aduers. ven-  
 dit.* Sexta, vt veniam ætatis non impetrauerit à  
 Principe, vel non ratificauerit contractum,  
 postquam compleuerit 25 annum, vt commu-  
 niter Doctores in *l. 1. & 2. C. si maior factus va-  
 rum habueris.*

99 Hoc priuilegium extenditur per quatrien-  
 nium ad Ecclesiam, & ad rem publicam, *cap. 1.  
 & 2. de restit. in integr.* Simili gaudent priuile-  
 gio mulieres, & homines rudes, & milites pro  
 eo tempore, quo nauant militiæ operam; gau-  
 dent tandem, qui ob negotia Republicæ geren-  
 da absunt, ne contra eos currat præscriptio, *C.  
 de temporibus in integr. restit.*

## De Testamento.

1 **T**estamentum est voluntatis nostræ iusta  
 sententia de eo, quod quis fieri vult post  
 mortem cum heredis institutione.

2 Duæ sunt speciës testamentorum. Vnum di-  
 citur nuncupatium, seu sine scriptis, siue oper-  
 tum. & est illud cum quo testator coram septem  
 testibus ad hoc specialiter rogatis omni excep-  
 tione maioribus alta, & intelligibili voce suam  
 ultimam voluntatem exponit, & declarat, hæ-  
 redemque palam omnibus testibus audientibus  
 nomi-



nominat , & quatenus hoc testamentum nuncupatium redigatur in scriptis , non definit esse nuncupatium. Alterum dicitur solemne, siue in scriptis , seu clausum , ex eo , quia testator occultare velit quod in eo continetur .

3 Ad testamentum in scriptis requiritur ; vt post confectam, & clausam scripturam adhibeantur septem testes masculi , puberes , liberi , vel qui liberi reputantur, & rogati, coram quibus testator vno, eodemque tempore indicet illud esse suum testamentum , & illud manu propria subscribat , si nouit , & subscribere potest ; si verò ignorat , vel subscribere non potest , adhibeat octauum testem , qui pro ipso subscribat ; notario vidente , & facta mentione se id fecisse de ordine testatoris . *l. hac consultissima* , *C. qui testamenta facere possunt* ; si verò factum est testamentum propria manu non est necessaria subscriptio ipsius testatoris , nisi ad maiorem cautelam. *l. cum antiquissima* , *C. de testamentis*.

4 Ad validitatem huiusmodi testamenti requiritur etiam , vt omnes testes subscribant vno eodemque tempore , vnico loco , modò ibi reperiantur tot testes , qui scribere sciant , nam si ibi tot testes non reperiantur , vnus testis potest pro alijs subscribere , *l. fit* , *C. qui testam facere possunt* . Debent etiam testes apponere sigilla , siue signent proprio annulo , seu sigillo , siue alieno , & iure communi signare sufficit eodem annulo , dicta *l. hac consultissima* .

5 Ad testamentum in scriptis præter conditiones allatas , requiritur dies , annus , & mensis , quoties testamentum fit coram Notario scriptura publica . Ratio est , quia huiusmodi testamentum censetur publica scriptura : de ratione autem publicæ scripturæ est , vt ponatur dies , annus , & mensis , secus si testamentum scriptura

ra priuata fiat, nam in *l. hac consultissima*, hoc non requiritur in testamento factò priuata scriptura, sed requiritur, vt huiusmodi testamentum publicetur. Bonac. de testam. disp. 3. q. 17. num. 15. Vasquez de testament. cap. 1. §. 4. dubio 1. & 2.

6 Quilibet concedere potest testamentum, nisi à lege prohibeatur, dummodò tamen habeat vsum rationis, & liberam administrationem bonorum, *ita commun. DD.*

7 Aliquæ personæ prohibentur ordinare testamentum. Primò, prohibentur non habentes vsum rationis, vt pueri, furiosi, qui lucida intervalla non habent. Secundò, surdus simul, & mutus à natiuitate ordinare non potest testamentum ad profanas causas, ad pias causas verò validè disponere potest, cum in dispositione ad pias causas, & inter libros necessaria non sit solemnitas iuris ciuilis, *ita Tuscus, verbo testamentum conclus. 120. num. 13.* Bonac. disp. 3. q. 16. punct. 2. num. 2. p. opè finem. Tertiò prohibetur, qui articulatè loqui non potest, ita vt hæredem exprimere non possit. Quartò, impubes, qui non peruenerit ad decimum quartum annum, si sit masculus, si sit fæmina ad duodecimum, & qui ante dictam ætatem facit testamentum, inualidè facit, sufficit tamen vitimum diem, fuisse inchoatum *l. à qua ætate, C. qui testament. facere possunt.* Quintò, prohibetur prodigus, cui est prohibita administratio bonorum. Sextò, filius familias dum existit sub patris potestatè; etiam si sit maior concedere non potest testamentum, quamuis hoc illi pater permittat, nisi habeat bona castrensia, vel quasi, de his enim testari potest, quia reputatur, vt pater familias; sicut enim Clericus non solum de bonis castrensibus, vel quasi, sed etiam de bonis aduentitijs testari potest: nam bona aduentitia respectu Clerici

rici reputantur quasi castrensia . Ratio autem quare filius familias condere non potest testamentum ad profanas causas etiam patre consentiente , est , quia testamentum est iuris publici , & ius publicum pactis priuatorum tolli non potest . *l. ius publicum, C. de pactis* . Dixi ad profanas causas , nam ad pias causas de bonis aduentitijs patre consentiente testari non prohibetur secundum nonnullos . Septimò illi condere non possunt testamentum , quibus ob delictum interdictum est testari à iure , prout sunt vsurarij notorij , percussores Cardinalium , hæretici , damnati ob famosum libellum , & alij similes . Octauo . Religiosi , qui emiserunt votum paupertatis in approbata Religione , concedere non possunt testamentum , quia non habent nec velle nec nolle . Nonò serui , qui verè , & realiter serui sunt , testari non possunt , quia seruus quidquid acquirit , domino acquirit , *§. Item vobis , instit. per quas personas nobis acquiritur* .

8 Non solùm omnes personæ priuatæ institui possunt hæredes , & legatarie , sed etiam communitas , modò sint hæreditatis capaces , & à lege non impediuntur .

9 Multæ conditiones requiruntur ad validitatem testamenti . Prima est , vt instituatür hæres certus capax hæreditatis , qui succedat in vniuersum ius defuncti . Secunda est , vt instituatür hæres , qui de iure institui debet , vt si ius , alias nullum est testamentum , ipso iure , nisi fuerit nominatim cum causa exhæredatus , quæ causa fuit ab hærede infra annum probata . Tertia est , vt testator habeat administrationem bonorum , nec à iure sit prohibitus facere testamentum . Quarta , vt sit certus numerus testium , idest septem , qui sunt teste legitimi maiores , & rogati , *§. fin. instit. de testam.*

10 Triplex est testis, superior Deus benedictus, interior propria conscientia, exterior proximus, qui duplex est idoneus, qui caret suspitione, & non idoneus, qui susceptione non caret, huiusmodi sunt pauperes, inimici, & consanguinei. *l. parentes C. de testibus domest.*

11 Multæ conditiones requiruntur in teste in testamento se subscribente: libertas, ne sit servus: sexus, ne sit foemina: ætas, ne sit impubes: intellectus, ne sit furiosus: fama, ne sit malæ vitæ: fortuna, ne sit pauper: & fides, ne sit infidelis, vel hæreticus; fidelis tamen contra infidelem esse potest testis. *cap. Iudais de testibus.*

12 Dantur multi casus, in quibus sufficit ad testamentum minor numerus testium, quàm septem. Primò in testamento ad pias causas in quo duo testes sufficiunt. Idem valet testamento militis, & inter filios. Secundo in testamento rustici factò in iure, dum plures habet non possunt testes, quàm quinque. Tertiò in testamento factò à laborante morbo contagioso secundùm magis communem opinionem sufficiunt duo testes. *Bald. & Iason. in l. fin. C. de testam.* licet de rigore requirantur quinque. Quartò, quando infirmus facit testamentum coram Parocho, vel Principe, vel Iudice coram duobus vel tribus testibus. *l. omnium, C. de testam.*

13 Ex testamento minus solemnni nullus capere potest hæreditatem, etiam si esset Imperator. Ratio est, quia licet si legibus solutus; tamen legibus se obligatur profiteatur: concordat *textus in l. digna vox, C. de legibus.*

14 Maxima est controuersia inter Doctores, an testamentum factum sine solemnitate requisita a lege inducat obligationem?

Respondeo, quòd in hoc casu sunt duæ opiniones. Una affirmat inducere obligationem in foro

foro conscientię , non solum si fiat ad pias causas , sed etiam ad profanas . Ratio est , quia solemnitas introductę fuere ad fraudes tollendas , sed in foro conscientię , quando constat de veritate , cessant fraudes ; ergo ex testamento minus solenni confurgit obligatio . Altera verò negat inducere obligationem , nisi factum fuerit testamentum ad pias causas , huic sententię adhæreo , illamque rationibus , & auctoritatibus satis probavi supra *de contractibus in gener. n. 14.*

15 Hæres post aditam hæreditatem solueretur tenetur debita realia testatoris . Ratio est , quia hæres repræsentat personam defuncti , & exonerare debet eius conscientiam , *t. hæres, ff. de ususap.*

16 Hæres , qui non confecit inuentarium non tenetur in foro conscientię ad debita , aut legata defuncti ultra vires hæreditarias , cessante fraude . Ratio est , quia lex , quę hæredem obligat ad integram restitutionem etiam ultra vires hæreditarias , præsumit hæredem inuentarium non confecisse ex fraude , *Bonac. disp. 3. q. 17. pun. 6. n. 3. Sanchez in summa lib. 4. c. 15. n. 37. Menachius lib. 1. consil. 37. num. 56.*

### De Legatis .

1 **L**egatum est donatio quædam relicta a testatore ab hærede præstanda .

2 Testator facere debet legatum , seu testamentum , dum in gratia existit , vt illi pro sit dispositio . Ratio est , quia opera facta in peccato mortali , censentur opera mortua , & per consequens ad gratiam non profunt ; pro vt clarè constat ex dictis de Sacramento penitentia : sed si testator quando condiderit testamentum existebat in peccato mortali , curari debet , vt ratificet illud , postquam fuit consequutus gratiam , qui

qui reuocare potest testamentum , seu legatum , & illud approbare , post quam fuit consequutus gratiam , & huiusmodi approbatio si fiat in gratia , prodest ad salutem , ita Bonac. *de legatis* pun 8. §. 2. numer. 3. Nauarr. in *summa* cap. 26. num. 36.

3 Anima defuncti non patitur , quando legata statim non soluuntur à defuncto relicta . Ratio est , quia anima defuncti non punitur ob dilatam solutionem legatorum , sed punitur executor , qui negligens est in soluendo , & adimplendo legata , Quapropter animæ defuncti non nocet negligentia hæredum , nisi quatenus non exhibeantur suffragia , quibus exhibitis , anima defuncti eripi , & subleuari posset à pænis purgatorij *Sylu. verb. testament. n. 9. Nau. c. 17. nu. 117. Bon. loc. cit. §. 6. n. 4. Emman. Sà, verbo hereditas nu. 38. Petr. Nau. l. 3. c. 4. n. 169.*

4 Ex hoc sequitur eum , qui restitui mandat per hæredem post mortem , si hæres existeret in mora restituendi , non remanere in purgatorio ; donec hæres restituat , adeò quod in purgatorio nulla expectatur restitutio , sed satisfactio , hoc dico ad repellendum errorem vulgi , qui arbitratur defunctum in purgatorio debere morari quousque restitutiones ab hæredibus executioni mandentur . Ratio est , quia si hæres nunquam restitueret , illud purgatorium verteretur in infernum , quod esset impossibile , & ille miser homo nunquam exiret ab illo carcere purgatorij , neque obstat illa Scriptura Augustini : *Non remittitur peccatum , nisi restituatur ablatum* . Nam dictum , Augustini intelligitur de remissione quoad culpam in hoc sæculo , idest , qui non restituit , semper est reus culpæ , non autem de remissione quoad poenam . Pater Evangelista de *Rossis in sua summa in tr. de rest. num. 21.*

## De Sepulchris.

1 Sepultura moraliter accepta est locus, in quo cadauer mortui reponitur, & communiter appellari solet sepulcrum.

2 Omnes Christi fideles sepeliri debent in loco sacro, nisi prohibeantur ob iustam causam, *canones Ecclesia, de consecrat. dist. 1.*

3 Ex hoc sequitur paganos, & Iudæos, & alios infideles non posse sepeliri in loco sacro, in quo sepeliuntur Christiani; vt habetur in dicto *canone Ecclesia.*

4 Infans, qui natus est mortuus, aut viuus, sed non habuit baptismum, sepelliri non potest in loco sacro, quia iste est paganus, secus si mortuus est simul cum matre, & ex eius utero non fuit extractus, nam tunc iudicatur pars matris, & ob honorem maternum cum ipsa sepeliri debet. *Bonac. quest. 2. punct. 2. num. 1. de sepulchris, Tusculus verbo sepelire, conclu. 184. & alij ab ipsis relati.*

5 Omnibus fidelibus defunctis tradenda est Ecclesiastica sepultura, & nullatenus dene-ganda, quia priuatio sepulturæ in loco sacro est poena.

6 Ex hac regula excipiuntur multæ personæ, vt hæretici, apostatæ, excommunicati maiori excommunicatione, nisi in articulo mortis petierint confessionem, vel inuocauerint Beatissimam Virginem, ita sacra Congregatio determinauit, prout refert *Barbosa, verbo sepultura.* Interdicti, illi qui admiserint excommunicatum maiori excommunicatione ad Ecclesiasticam sepulturam, nam admittentes ad Ecclesiasticam sepulturam excommunicatos maiori excommunicatione, ceterasque personas, quibus Ecclesiastica sepultura interdicta est, ipso facto sunt excommuni-cati.



cati, à qua nisi priùs ad arbitrium diæcesani Episcopi, quibus iniuria irrogat fuerit, satisfactio-  
nem competentem exhibuerint, absolui non po-  
terunt. *Clementina 1. de sepulturis*, vbi latè glossa  
dubitans, an habeant locum hæc dicta importan-  
tibus, concomitantibus, auxiliantibus, consu-  
lentibus, cæteris Præsbyteris, Clericis, & Præla-  
tis scientibus, & non prohibentibus; vsurarij pu-  
blici, mortui in duello, illi, qui sibi mortem con-  
sciuerunt, modò sint sanæ mentis, admittentes  
vsurarios publicos ad Ecclesiasticam sepul-  
turan ante factam restitutionem, vel ante præsti-  
tam cautionem, meretrices publicæ, quæ non re-  
dierunt ad meliorem frugem vitæ, illi, qui non  
sunt confessi semel in anno, & in die Paschatis  
non susceperunt Eucharistiam. Publici raptores,  
& Ecclesiæ incendiarij; Morientes in notorio  
peccato mortali, nisi signa contritionis ostende-  
rint, illi, qui sunt declarati hæretici post mortem  
illi, qui moriuntur in torneamentis, & spectacu-  
lis. *cap. extra, de torneam. habetur in Bulla Pij V.  
De salute gregis, relata à Nauarr. c. 15. nu. 19.*

7 Corpora mortuorum ob varias rationes in  
locis sacris sepeliuntur. Prima, vt non vexen-  
tur a spiritibus immundis. Secunda, vt sunt par-  
ticipes suffragiorum, & orationum, quæ in illo  
loco fiunt pro mortuis, ibi iacentibus, & vt  
proximi defunctorum ad loca sacra venientes,  
sepulturaeque conspicientes, ipsorum defun-  
ctorum recordentur, & pro eis pijs præces ef-  
fuudant. Tertia, vt iuuentur intercessione Sancto-  
rum; quibus est ille locus dedicatus, & reliquæ  
quorum ibi iacent, vt ait *August. in libro de vita  
pro mortuis cap. 18.*

8 Corpora mortuorum non sunt sepelienda  
luctu, & planctu, sed cum psalmis, & precibus.  
Ex officio tamen pietatis, charitatis, & huma-  
nitatis

nitatis si lachrymæ fundantur, non est iurè prohibitum; nam p ures Sancti in carorum suorum amicorum exequijs lachrymas effuderunt, modò non multum lugeatur. *canon. qui diuina, & can. aliumque* 12. *quæst. 3.*

9 Ius sepulturæ vendi non potest sine simonia, si locus iam erat sacer, & destinatus ad sepulturam communem; si verò non erat sacer, & destinatus pro sepultura vendi potest sine vitio simoniæ, quia est materia venalis, & appellatur purus locus, quod dictum est, quòd vendi non potest locus, quando est destinatus ad sepulturam communem, intelligendum est, inspecta constitutione Ecclesiæ, inspecta tamen natura rei, vendi posse videtur terra, vt ibi constitutur sepultura. Ratio est, quia fundus vendi potest, ad ædificandum in ipso Ecclesiam; ergo etiam vendi potest, ad faciendam sepulturam. Item res sacra vendi potest ratione materiæ, ergo vendi potest terra pro sepultura, sed vt diximus, inspecta constitutione Ecclesiæ locum sacrum vendi non posse sine simonia iure positiuo prohibita, nisi sit consuetudo diuturna in contrarium, vt determinatur *cap. abolenda, de sepulchris, Syluester, verbo, sepultura nu. 2. Bonac. disp. 1. q. 4 §. 6. num. 1.*

10 Creditor accedens ad domum moribundi ipsum, vel alios molestans, aut rebus eius insignia ponens, ipso iure cadit à credito, & tantumdem tenetur soluere hæredibus defuncti, & confiscatur tertia pars bonorum, & efficitur infamis, nec impediti debet sepultura prætextu debiti, vel cuiuscumque obligationis, nec fieri debet molestia infra decem dies ab obitu. *anth. item quid domum, C. de sepultura violat. Syluester, verbo sepultura, num. 12.*

De Statu seculari circa materiam de  
Iudice, Reo, & alijs.

1 **I**N Iudice requiritur potestas, & iurisdic-  
tio, alias ferre non potest sententiam  
validam, quia sine potestate nihil fieri potest,  
& duplex est potestas, ordinaria, & delegata.  
Ordinaria est illa, quæ alicui competit ex offi-  
cio, vel ex dignitate. Delegata est illa, quæ  
competit alicui non ex officio, vel dignitate,  
sed ex commissione illius, qui habet ordinariam  
potestatem.

2 Sententia lata à Iudice, habente titulum  
coloratum est valida, modò non adsit impedi-  
mentum iuris naturæ, vel diuini, quod ab Ec-  
clesia, vel ab humana potestate suppleri non po-  
test. Sententia verò lata ab excommunicato vi-  
tando nulla, & inualida est. Ratio est. quia ex-  
communicatus vitandus caret iurisdictione.

3 Clericus, qui causam agit coram Iudice  
laico præter culpam sacrilegij, poenam excom-  
municationis incurrit. Hæc tamen propositio  
intelligenda est modò Clericus alterum Cleri-  
cum conueniat coram Iudice laico, secus si con-  
ueniat laicum. Ratio est, qui actor sequi debet  
forum rei, & seruandum est proprium forum,  
vide *Farinaccium in consilijs crimin. consil. 68.*  
vbi nonnullas decisiones Rotæ Romanæ refert  
*Syluester, verbo Iudex 1. quesito 2.*

4 Iudex laicus, qui iudicat personas Ecclesia-  
sticas, non solum sacrilegium committit, quia  
facit iniuriam personis Ecclesiasticis, verum  
etiam incurrit excommunicationem Bullæ Cœ-  
næ, reseruata Summo Pontifici, vt clare patet  
ex illis verbis Bullæ Cœnæ excommunicationis,  
quæ incipit: *Qui ex prætenso officio.*

5 In Iudice præter dictam potestatem, & iurisdictionem requiritur veritas, quia Iudex constituitur, ut unicuique suum tribuat sed contri-  
bueret unicuique suum, nisi adhereret veritati.

6 Maxima est controuersia inter Doctores, An Iudex iudicare debeat secundum allegata, & probata, an secundum veritatem, si eam nouit.

Respondeo, quod aliqui dicunt, quod Iudex iudicare debet secundum veritatem: Vnde si Iudex, qui priuata scientia nouit aliquem innocentem, qui probatur nocens in iudicio, tenetur illum liberare, tamen contraria opinio est probabilior, scilicet, quod Iudex in iudicando magis sequi debet legitima documenta per instrumenta, & testes, & huiusmodi, quam id, quod ipse nouit tanquam persona priuata, alioquin, tenendo contrarium, confunderetur totum ius positium; Si verò Iudex procedat extra iudicium, ut in dandis officijs, & alijs, quæ arbitrio illius committuntur; non est dubium, quin teneatur propriam conscientiam sequi, & non allegata, & per falsos testes probata. *Syluester. verbo Iudex, quæstio 5. S. Thom. 2. 2. qu. 67. art. 2. Reginald. lib. 21. num. 3. & alij.*

7 Bonifacius VIII. in rubrica de sententia excommunicat. in Extrauaganti, quæ incipit: *Excommunicamus*: tulit sententiam excommunicationis contra omnes facientes promissionem, vel pactum temporalium pro aliqua gratia, vel iustitia obtinenda in curia Romana, & contra dantes, vel recipientes aliquid paruum, vel magnum ex pacto, vel promissione occulta, vel manifesta etiam sub generalibus verbis, & absolutio Papæ reseruatur, & quamuis hæc constitutio reuocata fuerit à Clemente V. nihilominus confirmata fuit, & aucta à Gregorio VIII. prout refert. *Bonac. de octauo præcepto decalogi,*

10 q. 11. p. 8. §. incidens, diximus etiam de hoc quaesito supra de empt. n. 4.

8 Iudex in iudicando tenetur sequi opinionem probabiliorem; immò contra propriam opinionem iudicare potest. Aliqui verò dicunt, quod Iudex sequi debet in hoc casu communem opinionem, quia adest præiudicium tertij; & hoc opinio mihi magis placet. Ratio est, quia in his, quæ relinquuntur arbitrio Iudicis, servare debet semper æquitatem. *Sylvester verbo Iudex, num. 4. Innocent. in cap. 1. de constit. Bart. in l. 1. C. de legit.*

## De Accusatore, &amp; Reo.

9 **A**ccusatio est delatio rei de crimine in libello ad vindictam propter bonum commune.

10 Tenetur quis accusare, quando iniquitates aliter emendari non possunt, quia sine accusatione aliquando saluari non potest integritas boni communis. Hæc propositio habet locum, quando crimen vergat in detrimentum spirituale, vel corporale Reipublicæ, ita *S. Thom. 2. 2. quest. 58. Sylvester, verbo accusatio, quaesito 3. Bon. loco citato quest. 3. punct. 1. num. 6.*

11 Peccat mortaliter accusatus, negando veritatem in iudicio, quando tenetur iudici exponere veritatem, quam ab eo exigit secundum formam iuris; Hæc tamen propositio intelligenda est, quando Iudex procedit, servato ordine iuris. *S. Thom. 2. 2. quest. 69. art. 1. Sylvester loco citato num. 11.*

12 Reus non peccat contra iustitiam, dum accusatori notam mendacij imponit: Hæc propositio intelligenda est, si delictum est occultum; Secus si non est occultum, & iuridicè pro-

bari potest, man tunc reus mortaliter peccat contra iustitiam. Ratio est, quia reus nullum ius habet imponendi hanc totam, dum accusator utitur iure suo. *Bonac. de octauo precepto decalogi disp. 10 q. 3. pun. 2. num. 11. Syluester, verbo, restitutio. 3. quesito. 4. & alij apud Filliuc tract. 40. c. 9. q. 2. nu. 261. & abud Lessium lib. 2. c. 31. dub. 2.*

13 Reus, qui licite potest fugere, potest etiam vincula, & carcerem perfringere, neque ad restitutionem tenetur Reipublicæ, vel actoribus, dum occasione carceris ab ipso facti, cæteri occasionem arripuerunt fugiendi. Ratio est, quia utitur iure suo fugiendo, nec tenetur ex iustitia impedire fugam aliorum. *Lessius lib. 2. cap. 31. dubio... num. 39 Bonac. loco citato num. 19 Reginald. lib. 24. nu. 152.* Tenetur tamen secundum nonnullos ad restitutionem, vel reparationem carceris perfracti, Ratio est, quia non est conueniens, ut reus fugam arripiat cum directo damno Reipublicæ. *Bonacina num. 17.*

### De Teste, & Notario.

14 **N**emo ad testandum tenetur, dum interrogatur de eo, quod sciuit in confessione, vel quod extra confessionem cognouit sub sigillo secreti, aut consilij gratia, vel auxilij, nisi aliundè audiuerit. Ratio est, quia fides alteri data seruanda est, quoties licite seruari potest. Hæc propositio intelligenda est, modò delictum non pendeat in futurum, illudque impedire non teneamur. *Bonac. d. q. 3. pun. 3. num. 6. Filliuc num. 230. Syluester, verbo testis, quesito. 7. Reginald. lib. 24. num. 48.*

15 Nemo tenetur ad testandum contra iustum compensatorem, quia habet iustam causam reticendi, neque ullus tenetur ad testandum.

quan-

quando timet graue periculum damni contra se, & suos, quòd si interrogetur, vti potest æquiuocatione, & iuxta suam intentionem iurare, & testari. Ratio est, quia lex charitatis non obligat ad subueniendum proximo cum tanto incommodo, nisi bonum commune alter postulet. *Reginald. lib. 24. num. 48. Lessius dub. 6. num. 50. Filliuccius loco citato, Bonac. num. 7. & 8. & alij apud citatos Doctores.*

16 Qui fugit, vel se abscondit antequam legitimè citetur, ad ferendum testimonium non peccat contra iusticiam, nec ad restitutionem tenetur. Ratio est, quia ex mandato superioris nulus obligationem contrahit, antequam ei mandatum debito ordine imponatur. *Bonac. loco cit. nu. 12. Lessius lib. 2 c. 30. dub. 8. nu. 58. Nauarr. c. 25. num. 41. Filliuc. tract. 49. c. 8. q. 11. num. 255.*

17 Notarius conficiens instrumentum carentis usu rationis non solum grauiter peccat, sed tenetur ad restitutionem legitimis hæredibus, qui ab intestato successissent. Ratio est, quia censetur causa efficax damni legitimis hæredibus. *Sluest. verbo tabellio. quesito. 8. Reginald. n. 687.*

18 Aduertendum tamen est, quod Notarius tenetur manifestare legata, præsertim ad pias causas facta, vide *Filliuccium num. 309. Reginald. lib. 25. num. 688.* Vnde Notarius grauiter peccat dum instrumenta iam confecta occultat, vel renuit instrumenta conficere sine iusta causa: ita *Nauar. num. 53. Reginaldus num. 186. Clau. Regia num. 3 & 9.*

## De Aduocato, &amp; Procuratore.

19 **A**duocatus contra iusticiam peccat, & ad restitutionem clienti tenetur, si cliens ob imperitiam, vel negligentiam Aduo-



cati causam perdidit, Ratio est, quia saltem tenetur de lata culpa, & debet esse instructus ex officio, cum se talem gerat, & mercedem accipiat. *Filliuc. num. 280. Bonac. dicta disp. 10. qu. 3. punct. 4. num. 3. Syluester, Lessius. & multi alij apud citatos Doctores.*

20 Aduocatus tueri potest actoris, aut rei causam, dum vtraque pars est probabilis, quamuis altera pars sit probabilior, quam ipse non defendit. Ratio est, quia vnusquisque adhærere potest opinioni probabili, vide *Fill. tr. 40. ca. 10. quæsto 5. n. 285. Bon. loc. cit. n. 8.*

21 Aduocatus pacisci non potest de certa quantitate litis sub conditione, si vincat, ne aditus detur Aduocatis vincendi lites per fraudes, vt parte promissa fruantur, *l. si qui, C. de postul.*

22 Procurator, qui instrumenta gratis, vel modico pretio accepit à Notario, potest sibi stipendium Notario dari consuetum à cliente recipere. Hæc propositio intelligenda est, si concessit acta Notarius intuitu ipsius procuratoris. Ratio est, quia procurator contrahit obligationem naturalem erga huiusmodi Notarium, si verò indirectè concessit, non potest procurator stipendium Notario alias debitum, vel dari consuetum recipere, vel retinere; Neque procurator, qui litigantis causam spontè suscepit non conductus, possit, peracta causa, & victoria reportata, retinere sibi stipendium, quod litigans soluisset procuratori, quem conduxisset. Ratio est, quia suscepit alienum negotium ex charitate, modò procurator nullum damnum passus sit. *Reginaldus libro 25. numer. 682. Clauis Regia capit. 26. pro eadem sententia fertur decis. 183. in antiquis de sentent. & re indicata, &c.*

monuit

# TRACTATUS

## MISCELLANEVS.

*In quo continetur varij casus singulares vade  
de necessarij, & curiosi circa prædi-  
ctas materias.*



**S**i quis emisit votum ingre-  
diendi religionem, & po-  
stea promotus fuerit ad di-  
gnitatem Episcopatus: An  
teneatur dimittere Episco-  
patum, & adimplere votum;  
An è contra?

Prima facie videtur respondendum, quod te-  
netur omittere votum, & permanere in Episco-  
patu. Ratio est, quia quando concurrunt duo  
vota incompatibilia, quæ simul adimpleri non  
possunt, illud est seruandum, quod magis ligat;  
sed in casu nostro magis ligat votum Episcopatus,  
quàm votum simplex religionis, ergo &c. Maior  
patet. Minor probatur. Votum Episcopatus, &  
votum ingrediendi religionem, est votum sim-  
plex, sed votum solemne magis ligat, quàm sim-  
plex, ergo votum Episcopatus magis ligat, quàm  
votum simplex ingrediendi Religionem: Quod  
autem votum Episcopatus sit votum solemne.  
Probatur ex *S. Thom. 2. 2. q. 189. art. 7 in corpore*,  
vbi sunt hæc formalia verba: Obligari autem  
voto perpetuo, & solemni ad vacandum diuinis  
obsequijs, competit propriè Episcopis & Reli-  
giosis. Presbyteri autem, Curati, & Archidiaconi  
non obligantur voto perpetuo, & solemni ad  
curam animarum retinendam, sicut ad hoc obli-  
gantur Episcopi. Vnde Episcopi præfultatum de-

ferere non possunt quacumque occasione absque auctoritate Summi Pontificis. Præterea bonum publicum præferri debet privato, sed adeptio Episcopatus pertinet ad publicam utilitatem, & votum ingrediendi religionem pertinet ad priuatam, ergo in casu nostro tenetur quis remanere in Episcopatu, & omittere votum. Illis non obstantibus, contrarium determinatur in *cap. per tuas, extra de voto, & voti redempt.* ubi consulitur Episcopo Garopolitano, qui post votum religionis Episcopatum assumpserat, voto non impleto; ut si suam saluare desideraret conscientiam, regimen Eccl. sue resignaret, & redderet Altissimo vota sua.

Non obstat primum argumentum, nempe quod votum Episcopatus est votum solemne. Respondeo, quod votum Episcopatus non dicitur propriè votum solemne, sed impropriè, quia votum solemne propriè duplex est, ut declarauit Bonifacius VIII. in *c. unico de voto in 6.* prout omnes Doctores confirmant, & præsertim S. Thom. 2. 2. q. 88. art. 2. in corpore. Vnum solemnizetur per susceptionem ordinis sacri. Alterum per professionem certæ regulæ.

Non obstat secundum argumentum, scilicet quod bonum publicum præferri debet privato. Respondeo, quod hæc propositio locum habet, modò non adsit præiudicium tertiæ personæ spirituale; sed in casu nostro adest præiudicium spirituale certæ personæ, quia vouens, non adimplendo votum peccat, & non debet quis peccare pro salute totius mundi; ergo in casu nostro tenetur quis adimplere votum, & resignare Episcopatum.

Neque obstat *decret. 17. q. 2.* ubi habetur. Confalsus presbyter quadam infirmitatis passione pressus, monachum se fieri promisit, non tamen mona-

monasterio, aut Abbati se tradidit, nec promissionem scripsit, nec beneficium Ecclesiæ in manu advocati refutavit, ac postquam conuuluit, monachum se fieri negavit, & postea subditur: Iudicamus, ut præfatus presbyter beneficium, & altaria recipiat, & quietè retineat; ergo in casu nostro ille, qui religionis ingressum vouit, non tenetur adimplere votum si postea assumpsit Episcopatum. Respondetur, quod cogi non deberet de iure in monasterio remanere, & Ecclesiam dimittere, quia ille presbyter non fecerat votum solemne, sed simplex: In foro tamen conscientiae esset sibi consulendum, quod omnibus dimissis religionem intraret, ut bene ait, *S. Th. 2. 2. dicta q. 169. art. 3. ad punctum.*

2. Pœnitens recedere debet ab occasione proxima peccandi, antequam absoluitur. Hæc propositio intelligenda est, quando occasio proxima est voluntaria, scilicet quando voluntaria non fuerit. Vnde si filius familias sæpè cum famula, aut consanguinea deliquit, quia ista occasio voluntaria non est, absolui potest, dummodo tamen pœnitens verò dolore propositum firmum facit minimè cum ea solum mansurum, quòd si casus tulerit solitudinem, minime peccatum, nam quoties adest aliqua causa notabilis, quod separatio fieri non possit, non erit occasio voluntaria, & consequenter, pœnitens præmissa dispositione, & prudentia ad cautionem futuram confelsarij adhibita, absolui poterit. Si verò pœnitens detinet faminam domi, titulo amasiq; ante ejectionem non est absolvendus, si illicò eam expellere potest, quia in tali casu dicitur occasio proxima voluntaria, si verò fungitur ministerio famulandi, semel absolui debet cum proposito exquirendi, quàm primum aliam famulam. *Reginal. relatus ab Escobar. de pœn. nu. 4.*

4 Si Christianus habuit rem cum infideli, poterit deinde sibi matrimonio iungere illius sororem Christianam factam. Ratio est, quia per fornicariam copulam affinitas iure naturali non, ita contrahitur: ita existimat *Sanchez velatus ab Escobar de matr. cap. 9. num. 106. in medio*.

5 Subditus delinquens in dioecesi; si extra dioecesim commoratur, potest ab Episcopo excommunicari. Ratio est, quia eius iurisdicção extenditur extra dioecesim circa crimina: At subditum extra dioecesim delinquentem non potest per censuram excommunicare. Ratio est, quia eius iurisdicção non extenditur extra dioecesim, ita *Layman apud Escobar de excom. cap. 11*. Quapropter Episcopus, in cuius dioecesi aliquis deliquit, efficitur eius superior ratione delicti; etiamsi sit exemptus nisi forte delinquant in re aliqua exempta, puta in administratione bonorum alicuius monasterij exempti; sed si aliquis exemptus committat furtum, homicidium, vel quid simile, per Ordinarium iuste condemnari potest; ut ait *S. Th. 1. 2. qu. 67. art. 1. ad tertium*.

6 Cognatio spiritualis contrahitur intermittentem procuratorem ad suscipiendum infantem, & non inter procuratorem. Ratio est, quia procurator agit nomine mittentis, & non nomine proprio, quilibet actus geri potest per procuratorem, modò non reperiatur prohibitus in iure, ut supra diximus de statu religioso, ita *Bonac. de impedim. matrim. quest. 3. punct. 592. nu. 34. Rota decisione. 533. in antiquis, & in novis dec. 669.* & ita declaravit Congregatio Cardinalium teste *Nauarr. lib. 5. consil. in fine*, & multi alij apud præcitatos.

7 Matrimonium ab infidelibus celebratum in cognatione legali validum est. Ratio est, quia infideles non sunt subiecti iurisdictioni ecclesiastica,

sticæ , à qua fuit inductum impedimentum cognationis legalis: Quapropter si infideles , ad fidem conuertantur post contractum matrimonium cum adoptante , vel adoptata non sunt separandi , quia matrimonium illorum est validum. *Sanchez disp. 63. num. 39. Bonac. qu. 3. punct. 553. num. 9.*

8 Si pœnitens accedens ad confessionem confessus fuit commisisse multas vsuras , & Confessarius præbuit ei consilium , vt possit vsuras exercere absque peccato , quia v. g. in iure non sunt prohibitæ , postea confessarius in se reuersus voluit reuocare consilium malè datum , si pœnitens iterum ad confitendum redit , & nihil de vsuris dixit , An Confessarius loqui possit de consilio malè dato in confessione præterita , si Confessarius petiuit veniam à penitente , vt loqui possit de confessione præterita , & pœnitens nullo modo dare vellet ei veniam .

Respondeo , quod Confessarius loqui potest sine fractione sigilli , immò non tenetur ab eo petere veniam ; quia in hoc casu Confessarius nihil loquitur de confessione præterita , sed reuocat suum consilium malè datum , ita determinauit Pater Lætus examinador in concursu Parochiali Sancti Basilij de Fouea , in Vrbe, factò coram Vicario Generali Domini nostri , me præsentè , & ita respondente .

9 Excommunicatus non solum peccat mortaliter audiendo missam , sed etiam assistendo diuinis officijs , quamuis sit excommunicatus tantummodò toleratus. Ratio est , quia facit contra obligationem censuræ in re graui , vt in *cap. is de sent. excomm.* & quamuis alijs fidelibus concessum fuerit priuilegium communicandi cum excommunicatis toleratis in sacramentis , & alijs rebus diuinis , tamen per Concilium Con-

stantiense non fuit illi fauor concessus commu-  
nicandi cum fidelibus. *Bonac. de excommun. di-*  
*sput. 1. q. 2. punct. 392. num. 1.*

10 Orta fuit controuersia inter plures Sacer-  
dotes, & Doctores: An Summus Pontifex, per-  
cutiendo Clericum, incurrat in poenam excom-  
municationis. Fuerunt nonnulli, qui dixerunt,  
Summum Pontificem, percutiendo Clericum,  
incurrere in poenam censuræ, & nescio qua ra-  
tione moti sunt defendere hanc opinionem,  
quia nullo modo subsistere potest. Fui ego vo-  
catus ad dandum meum votum, & dixi, quod  
Summus Pontifex in nullam excommunicatio-  
nem incurrat, percutiendo Clericum. Ratio est,  
quia excommunicatio est de iure positiuo, sed  
Summus Pontifex est super ius posituum; ergo  
non subijcitur poenis iuris positiui, Præterea  
subiectum capax excommunicationis esse de-  
bet homo baptizatus, subditus ferenti censu-  
ram, sed Summus Pontifex nullum superiorem  
habet, neque potest esse sibi subditus, quia  
nemo exercere potest in se suam iurisdictionem,  
ergo Summus Pontifex, Clericum percutiendo,  
non incurrit excommunicationem. *Bonacina de*  
*censuris in communi disput. 1. q. 1. punct. 4. cap. 13.*  
*cuncta per mundum 9. q. 3. Filliucc. quæstio 5. Na-*  
*uar. & alij communiter.*

11 Qui ordines sacros suscepit cum legiti-  
mo vxoris consensu, petere, aut reddere non  
potest debitum. Ratio est, quia voto castitatis  
tenetur; Qui verò ordines sacros suscepit abs-  
que vxoris consensu petere non potest debi-  
tum reddere tamen potest vxori petenti, & ab  
ea reuocari, etiam si vir electus sit ad Papatum,  
ipsa enim non fuit priuata iure suo propter or-  
dines sacros à viro susceptos absque legitimo  
consensu vxoris ipsius. *Nauar. cap. 22. num. 52.*



*Filliuc. Sanch. apud Bonacin. de imped. matrim. q. 3. punct. 9. num. 19.*

12 Vxor, quæ voto castitatis emissio, licentiam dedit coniugi, promouendi ad ordines sacros, seu ad dignitatem Episcopatus, vel Cardinalatus, mortuo coniuge, non potest neque licite, neque valide contrahere matrimonium. Quod non possit licite, patet, quia vinculo castitatis detinetur. Quod valide non possit, probatur ex dispositione iuris irritantis huiusmodi matrimonium, ut patet ex *c. quia sunt, d. 28.* ubi iubetur à viro separari. *Bonac. l. cit. p. 9 n. 22. Sanchez lib. 6. disp. 49. num. 2. Filliuc. tract. 10. cap. 4. qu. 7. num. 151. Abbas, Azorius apud præcitatos.*

13 Summus Pontifex dispensare non potest in pluralitate vxorum. Ratio est, quia dispensare non potest in iure naturæ, vel diuino; In veteri tamen lege licitam fuisse pluralitatem vxorum ob Dei dispensationem ex *Innoc. c. gaudeamus, de diuorcijs*, & quatenus prohibitum sit iure naturæ habere simul plures, hoc non est ius naturæ primum, sed secundarium, in quo Deus dispensare potest, sicut dispensauit ob populi multiplicationem. Dispensatio verò, quæ fuit concessa in veteri lege, non perseuerat vsque ad hoc tempus, nam fuit reuocata à Christo, *Matt. 10. Bonac. pun. 10 n. 4. Reginal. lib. 31. n. 4. Filliuc. n. 10. c. 5. q. 9. num. 161.*

14 Pœnitens, qui virtute Iubilæi, vel alterius priuilegij facultatem habet eligendi confessarium ab Ordinario approbatum, non potest virtute Iubilæi, vel priuilegij eligere confessarium approbatum ab Ordinario alterius diocesis. Ratio est, quia extat decretum Cardinalium apud Quarantam verbo *Confessarius*, in quo habetur, approbatum ab alio, quam à Valentino Episcopo in

diœcesi Valentina, non censeri approbatum; ex quo decreto clarè colligitur, esse eligendum Confessarium approbatum ab Episcopo loci, in quo quis intendit confiteri sua peccata. Item Religiosi Societatis Iesu, obtinuerunt priuilegium à Gregorio XIII. vt semel approbati, & Superioribus expositi, audire possint confessiones fidelium, dum per alia diœceses transeunt; ergo signum est non potuisse ipsos audire confessionem in aliena diœcesi. præciso tali priuilegio, & per consequens confessarius approbatus in vna diœcesi non censetur approbatus pro alia. Præterea sicut Episcopus successor, mortuo antecessore, potest confessarios ab antecessores approbatos iterum subijcere examini, si voluerit, prout declarauit *Pius V. in extrauag. Romani Pontificis edita idibus Augusti anni 1571.* ita etiam iterum subijci debent examini, & iterum approbari confessarij, qui in vna diœcesi fuerint approbati ad confessione secularium audiendas, dummodò tamen velint confessiones audire in aliena diœcesi, & per consequens pœnitens, qui virtute priuilegij, vel Iubilæi facultatem habet eligendi confessarium ab Ordinario approbatum, eligere non potest alium confessarium approbatum solùm ab Ordinario alterius diœcesis. *Bonac. de sacrament. pœnit. disp. 5. q. 7. pun. 4. §. 1. num. 22. Reginal. lib. 1. num. 201. Suarez. disp. 28. sect. 7. Vasquez. q. 93. art. 3. dubio 4. num. 3.*

15 Fœmina, quæ facultatem habet eligendi confessarium virtute Iubilæi, vel alterius priuilegij ab Ordinario approbatum, eligere potest confessarium ab Ordinario propriæ Diœcesis approbatum ad certum numerum personarum nempe ad audiendas confessiones vi-  
torum. Ratio est, quia non solùm versamur

in materia favorabili , & consequenter extendenda est , sed etiam , quia verum est dicere hunc esse ab Ordinario approbatum . *Bonacina loco citato num. 22. Sanchez de matrimon. lib. 8. disputat. 34. numer. 16. Henriquez lib. 6. de penit. cap. 6. num. 6. Ledesma de penit. cap. 13. dub. 8.* Hæc opinio probabiliter sustineri potest . Contraria verò sententia in praxi tutior est , & non leui fundamento munita , nempe quod facmina eligere non potest huiusmodi confessarium . *Bonac. loc. cit.*

15 Filius, si occultè sumat rem notabilem ex bonis parentum , quorum dominium, vel usus-fructus sit apud ipsos , non solum mortaliter peccat , sed etiam ad restitutionem tenetur , vel si non possit , habere debet rationem eorum in diuisione. Notabilis verò quantitas non est mensuranda ex regula aliorum furtorum, sed ex propria materia , attentis omnibus circumstantijs . Undè tres aurei parenti diuiti à filio sublatis non censentur materia notabilis , quia non solet esse parens inuitus vsque ad talem summam , secus si maiorem notabiliter surriperet . *Filliuccius tr. 32. cap. 10. num. 260. Lessius dubio 3. Nanarrus lib. 3. cap. 1.*

17 Per indulgentiam remittitur pœnitentia , iniuncta in foro pœnitentiæ . Probatur hæc propositio ex cap. cum ex eo , de penitent. ijs verbis . Per indiscretas , & superfluas indulgentias satisfactionem eneruari . Quodd collatur necessitas pœnitentiæ , sequuto effectu indulgentiæ , clare patet ; quia effectus indulgentiæ est remissio pœnæ temporalis totius , si sit plenaria , vel partis, si non sit plenaria; ita communiter Theologi *dist. 20.* & multi alij quos refert , & sequitur *Suarez sect. 2. numer. 5. Filliuccius tract 8. cap. 7. num. 174.* Hæc propositio intelligenda est ,  
quin-

quando pœnitentia est satisfactoria, secus si sit medicinalis præseruans, quia tunc non tollitur præceptum per dispensationem, vel eius abrogationem, sed per materiæ subtractionem. *Filliucc. loc. cit. Gratianus, & alij.*

18 Indulgentia non solum remittit pœnas iniunctas secundum antiquos canones, sed etiam si absolutè conceditur, se extendit ad pœnitentias iniungendas. Ratio est, quia indulgentiæ tantum valent, quantum sonant, si ergo absolutè conceduntur, non sunt restringendæ ad iniunctas: Præterea si indulgentia non se extenderet ad pœnitentias iniungendas, vix in fidelibus haberet aliquem effectum, quia pœnitentiæ hoc tempore leues sunt, & paucorum dierum. Item *Glossaor extrauag. antiquorum*, affirmat Bonifacium VIII. verbum illud plenissimam ita interpretatum esse vt totum id affirmaret se velle comprehendere, ad quod Ecclesiæ clauces se extendere possent; sed clauces, vt communiter Doctores dicunt, se etiam extendunt ad non iniunctas; ergo pœnitentia se extendit ad pœnitentias iniungendas. *S. Thom. quest. 24. art. 1. Sotus dist. 21. quest. 2. artic. 1. Syluester verbo indulgentia, quesito 2. num. 5. Nauarrus, & alij apud Filliuccium loco cit. num. 180.*

19 Per indulgentiam non remittitur culpa peccati venialis. Ratio est, quia culpa venialis deleri non potest ordinariè sine actu hominis, qui prior voluntas aliquo modo mutetur, sed per indulgentiam talis actus contra peccatum veniale non dicitur actus hominis; ergo indulgentia non remittit culpam venialis. *Ita communiter Theologi ex Suario sect. 1. num. 11. Filliucc. loc. cit. num. 183.*

Ex hoc sequitur pœnam peccati venialis non

remitti per indulgentiam. Ratio est, quia poena remitti non potest non remissa culpa, pro vt communiter Doctores affirmant.

20 Gesta per procuratorem excommunicatum, etiam vitandum sunt valida, nisi per exceptionem excommunicationis repellatur. Ratio est, quia per excommunicationem non amittit suam potestatem, nec vllum est ius irritans ipsius gesta: communiter canonistæ in c. 1. de excep. in 6. Hæc propositio locum habet in alijs actionibus extrajudicialibus, vt in matrimonij contractu. *Filliucc. tr. 12. c. 7. n. 192.*

21 Contrahitur irregularitas ex defectu bigamiæ, si quis contrahit secundum matrimonium, etiam si alterum nullum sit ex quocunque defectu, modò cum vtraque consumat. Ratio est, quia adest semper eadem indecentia, & probatur ex cap. nuper, & cap. ultimò de bigamis, vbi habetur, quod bigamus censetur esse is, qui contraxit cum vna de iure, & cum altera de facto: ita communiter Doctores apud *Couar. Clem. si furiosus, §. 2. nu. 2. Syluest. verbo, bigamia num. 1. Filliucc. tr. 19. cap. 4. num. 105.*

22 Ex matrimonio valido facto cum vidua contrahitur irregularitas de defectu bigamiæ, pro vt omnes Doctores confirmant: ex matrimonio verò nullo contrahitur irregularitas interpretatiua secundum nonnullos Doctores. Contrarium tamen fuit decisum in Sacra Poenitentia. Ratio est, quia bigamia interpretatiua est, cum quis contrahit, vel cum duabus inualidè, vel cum vidua validè, & cum altera inualidè, vel cum vidua validè; præter enim has nulla est bigamia interpretatiua; vt clarè patet ex *Filliucc. loc. cit. nu. 114 Nauar. c. 27. n. 195. & consilio 1. de bigamis.*

23 Si quis contrahat matrimonium cum virgine,

gine, & consumat post professionem in approbata Religione, contrahit irregularitatem, seu bigamiam similitudinariam; ut probatur *ex can. quotquot 27. qu. 1.* ubi habetur: Quotquot post virginitatem pollicitam præuaricati sunt, professione contempta, inter bigamos haberi debent. Idem probatur *ex cap. Monachos eodem sit.* ubi ostenditur ob professionem religionis per quæcunque vota personam inhabilem constitui ad matrimonium. Quapropter qui matrimonium contraheret de facto cum virgine post vota simplicia emissæ post biennium in Societate Iesu, esset irregularis. Ratio est, quia per illa vota redditur inhabilis matrimonio; ut constat ex bulli Pontificis: Eodem modo in sacro ordine contrahitur hæc bigamia. *Filliucc. loc. cit. num. 119. & 720. Syluest. Nauar. Suarez, & alij apud dictum Filliucc. Rota decis. 1. de bigamis in nouis.*

24 Summus Pontifex solus dispensare potest in omni bigamia. Episcopus dispensare non potest cum bigamo, neque quo ad ordines minores. Ratio est, quia bigami priuantur omni priuilegio Clericali, pro ut supra diximus *de excom. circa percussorem Clericorum*. Potest tamen Episcopus dispensare in bigamia similitudinaria, cum Clerico in sacris, & a fortiori cum Religioso: ut probatur *ex cap. 1. qui Clerici, vel vouentes*, ubi hæc facultas conceditur. Iste tamen talis cum quo dispensatur, ingredi debet religionem. Ista propositio intelligenda est de consilio, non autem de præcepto.

25 Bigamia solum tollitur per dispensationem, & non tollitur per baptismum, aut professionem in religione, neque tollitur per baptismum, si vnum matrimonium, fuit antea, & alterum post baptismum, immo si vtrumque, fuit ante  
bapti-

baptismum, neque tunc aufertur; ut probatur ex *Innoc. can. 1. cap. 3.* dicente esse irregularem, quia ante baptismum dixit viduam *Filliucc. loc. cit. num. 129.*

26 Personæ ecclesiasticæ, imponentes onera, non incurrunt excommunicationem si auctoritate ecclesiastica imponunt, etiam si id facere prohibeantur. Ratio est, quia tantum excommunicantur offendentes immunitatem ecclesiasticam, quando autem ab ecclesiasticis personis auctoritate ecclesiastica illa fierent, etiam si peccarent contra iustitiam, imponentes onera indebita, ecclesia non offenditur, si verò id faciant auctoritate laicali ob dominia temporalia, quæ simul habent, tunc utique incurrunt, quia offendunt immunitatem Ecclesiasticam. *Filliucc. tr. 16. num. 300.*

27 Si quis domicilium mutaret ad declinandum iudicium proprii Episcopi, absolui non potest à casu reservato suo Episcopo, nisi à privilegiatis, ut regularibus, qui facultatem absolvendi habent quoscunque ad se accedentes. Ratio est, quia talis licentiam non habet confitendi, cum peregrinus verè non sit, cum ob nullum negotium iter agat, quando verò peregrinus est absolui potest, quia confessorius unius diocesis scire non tenetur casus reservados in alia, ut diximus supra de sacrament. panit. n. 99. *Filliucc. tr. 7. c. 10. n. 283. & 285.*

28 Si dæmon semen viri naturaliter in somnis decidit immitteret in vas uxoris dormientis, vel secum concubentis, tunc erit tale matrimonium consummatum, quando vir voluntariè seminat in vase, si utatur dæmonis ministerio, secus in dæmon immittat, & semine viri utatur tanquam instrumento. Ratio est, quia talis seminatio voluntaria non est ex parte viri, neque  
dici.



dicatur actio humana. *Filliuc. tr. 10. cap. 1. nu. 41.*

29 Ecclesia dispensare non potest, ut sacramentum confirmationis, vel extremæ unctionis fiat ex chrismate non consecrato, quamvis nonnulli Doctores affirmant. Ratio nostra est, quia multi Doctores absolutè affirmant esse de essentia ut crisma sit consecratum. Quæ autem sunt de essentia mutari non possunt ab Ecclesia. *Filliuc. de sacram. confirm. cap. 1. num. 12.*

30 Sudditus vnius diœcesis in altera existens, si agit contra præcepta Episcopi alterius diœcesis, incidit in censuras ab illo latas. Hæc propositio intelligenda est, si præceptum latum fuit per modum statuti. Ratio est, quia lex per se prohibet delictum, & datur pro ipso territorio; vnde peregrinus tenetur etiam pro tempore, quo ibi commoratur, se conformare legibus illis, si, ut etiam obligat quodcumque aliud statutum, ne v.g. agantur opera servilia, *Syluester. verbo excommunicat. 2. num. 5. Abbas cap. à nobis. de sentent. excom. num. 7. Filliuc. tract. 11. capit. 5. num. 154. & alij cum Suarez. sect. 5. num. 10.* Si verò præceptum datum sit per modum sententiæ non ligat nisi subditos, extraneos minimè, etiam si delinquant in tali territorio. Ratio est, quia sententia directè fertur in personas, ut eorum contumacia puniatur: vnde ad extraneos non extenditur, quia licet in alieno territorio versentur, tamen non sunt subditi simpliciter. Quapropter delictum non facit illos subditos, non supposita prima obligatione, quæ obligatio adest tantum in statuto, sed non in sententia. *cap. à nobis, 1. de sentent. excommunic. vbi communiter Doctores.*

31 Ab hæresi occulta absolvere possunt Episcopi. Ratio est, quia Episcopi facultatem habent delegatam absoluendi ab aliquibus reserva-

ris Papæ suos subditos per se ipsos, vel suos vicarios modò occulti sint, nec in iudicium deducti, vt in *Tridentin. session. 14. cap. 6. Reginal. Suar. & alij apud Bonacin. de excommunicat. quest. 4. punct. 5. num. 19.*

32 Si quis vouit, & iurauit seruare votum, si votum non seruauerit, explicare tenetur vtramque circumstantiam, nempe, voti, & iuramenti. Ratio est, quia transgressio voti, & iuramenti habent duplicem malitiam, cum prohibeantur diuersis præceptis quamuis pertineat ad vnam virtutem religionis; quòd autem prohibeantur diuersis præceptis. Probat, quia voti observatio præcipitur, vt fides Deo debita seruetur; Observatio autem iuramenti, ne Deus in falsum testem inuocetur; sed ista sunt duo præcepta, ergo vouens explicare tenetur vtramque circumstantiam. *Sanch. lib. 9. dis. 3. num. 6.* vbi etiam addit, quòd si quis omiserit officium diuinum, ad quod tenetur ratione ordinis sacri, ac simul beneficij, tenetur explicare circumstantiam duplicis obligationis, scilicet, ordinis, & beneficij. Ratio est, quia in hoc casu adest duplex obligatio ad diuersas virtutes, altera ratione ordinis, ad religionis virtutem spectans, altera iustitiæ ratione beneficij.

33 Qui peccat spe lucrando iubilæum, est aptus ad illud consequendum, nisi contrarium in diplomate exprimatur, modò conteratur de huiusmodi peccato, & confiteatur. Ratio est, quia qui peccat spe veniæ, non grauius peccat, quàm sine spe. *Nauar. Ledeſma apud Filliucc. tr. 8. cap. 10. num. 261.*

34 Ad poenam incurrendam excommunicationis secundùm probabiliorem sententiam, non satis est, vt raptus fiat libidinis causa explendæ, sed requiritur, vt sit factus causa contrahendi ma-

matrimonium cum rapta. Ratio est, quia non solum Tridentinum generaliter dicit inter raptorem, & raptam non posse consistere matrimonium, & deinde addit poenas sed etiam quia supponitur etiam Clericum posse esse raptorem, & tamen rapere non posse causam ineundi matrimonij. *Filliucc. tr. 10. c. 8. n. 265. Emanuel Sà, verb. matrimonium, n. 9.* ait sic declarasse Congregationem Cardinalium,

35 Ad raptum tres conditiones requiruntur. Prima, ut ad sit violentia. Secunda, ut fiat causa libidinis. Tertia, ut sit traductio de loco ad locum. Potest etiam addi Quarta, de qua modò diximus, nempe quod sit causa ineundi matrimonij. Sufficit ad raptum violentiam inferri ipsi fæminæ raptæ vel parentibus, aut tutoribus; unde inferitur, si puella sub custodia parentum constituta ex eorum domo ipsis inuitis abducitur, committi raptum. Ratio est, quia maxima iniuria parentibus irrogatur, quam ipsa remittere nequit, consentiunt præbens liberè suæ abductioni *l. 2. versiculo usq; adeo, ff. de iniurijs. Sanch. l. 7. disp. 12. n. 7.*

36 Si puella abductione consentiat, postea verò renitens cognita fuit, non dicitur raptus, quando è contra fæmina initio abductioni resistit, ac postmodum copulæ annuit, dicitur raptus. Ratio est, quia initium spectandum sit, in quo violentia interfuit. *Sanchez loc. cit. Guido, singularitat. 569 num. 1.*

37 Non solum inter raptorem, & raptam consistere non potest matrimonium, sed etiam inter mandantem, & raptam, nisi prius in loco tuto constituatur. Ratio est, quia qui per alium facit; per se ipsum facere videtur, quando militat eadem ratio, & incurrerit ille, qui rapere mandauit cæteras poenas, tamquam verus raptor. Is verò, qui auxilium præbet rapi

prui ad finem ineundi matrimonium, incurreret excommunicationem, & cæteras auxiliantium poenas, tamen cum ipso validè fæmina contrahere potest, antequam in loco tuto reponatur. Ratio est, quia auxilium præbentes non plectuntur in illo decreto ea poena; ut matrimonium cum ipsis fieri non possit; donec ad locum tutum fæmina restituta sit. *Sanch. lib. 7. disp. 13. nu. 6.*

38 In illo decreto comprehenditur raptus cuiuscumque fæminæ, siue virginis, siue corruptæ, siue meretricis, & inhonestæ cuiusvis status. Ratio est, quia ibi non punit quemcumque raptum, sed factum causa ineundi matrimonium, cum violenter rapta sit; ac proinde offendit libertatem matrimonij, quæ non minus impeditur, & offenditur, quando mulier inhonestæ rapitur. *Sanch. loc. cit. num. 14.*

39 Si fæmina virum rapit nolentem, ut secum ineat matrimonium, non est locus pænis decreti Tridentini. Ratio est, quia id decretum correctorium, & pænale non est extendendum ad fæminam viri raptricem, & in odiosis, & pænalibus sub genere masculino non comprehenditur fæmininum; Ideò non est opus seruari formam prædicti decreti, nempe ut vir raptus liber sit à potestate raptricis, sed sufficit, ut liberè consentiat adhuc existens sub illius potestate. *Sanch. l. 7. disp. 13. n. 12.* & ista opinio mihi placet quamvis contrarium sentiant *Henriq. Vega*, & alij.

40 Debitor non solvens ob impotentiam, præfixo termino, si potens fiat, & non soluat, incurrit excommunicationem. Ratio est, quia tempus, quod assignatur non est ad finiendam obligationem, sed ad differendam executionem usque ad illud, & non ultrà. Hæc propositio intelligenda est, modò censura retineat suam vim, si verò morte iudicis, censura ab homi-

ne,

ne, vel alia de causa censura suam vim amisisset, peccaret talis, non restituendo, sed non incurreret villani censuram, quia censura lata ab homine, cessat mortuo conditore. *Filliucc. tr. 14. cap. 1. nu. 26.*

41 Sacramentum extremæ Vnctionis est ministrandū etiam illi, qui per priuilegium nullum peccatum commisisset. Ratio est, quia est capax effectus principalis sacramenti, qui est confortatio, & gratiæ augmentum. Ideò etiam Beata Virgo iuxta sententiam probabilem, illud recepit. Nec obstat, quod Beata Virgo non fuerit capax actualis peccati: nam ex vi suæ originis fuisse capacem, & ideò etiam erat capax gratiæ expulsiuæ peccati, & auxiliij confortantis contra reliquias. *tr. 3. cap. 5. num. 109. Suarez tom. 1. disp. 16 sect. 1.*

42 Qui votum religionis emisit, peccat prima vice, consummando matrimonium, siue petendo, siue reddendo. Ratio est, quia potest adhuc suum votum implere, religionem ingrediens, consummans autem se constituit in eo statu, ut implere nequeat, postea verò non peccat reddendo, vel petendo. *Filliucc. tr. 10 cap. 9. nu. 351. Sanchez lib. 9. disp. 33. qu. 2. ubi quæst. 3. dicit, qui vouit solum non nubere mortaliter peccat nubendo, sed deinde reddere, & petere potest debitum.*

43 Peccata reservata oblita, completo iubilæo, licet absolui possint ab eo, qui potestatem habet absoluedi à peccatis, ut supra diximus, de panis. quia per confessionem factam tempore Iubilæi desierunt esse reservata, tamen vota eodem modo oblita commutari non possunt. Ratio est, quia peccata omnia generaliter absoluntur; vota verò singulariter commutantur. *Filliucc. tr. 8. cap. 10. n. 279.*

Aduertendum tamen est, quod si confessio fuisset inualida scienter, tunc quia non desierunt esse reseruata, quia non fuerunt absoluta, oportet denuo in confessione exponi ei, qui potestatem habet, nisi talis confessio facta fuisset superiori, qui potestatem habet extra sacramentum, reservationem auferendo. *Filliucc. loc. cit.*

44 Tempore iubilæi commutari non possunt iuramenta de adeundo Ierosolymam. Ratio est, quia à diuersis non fit illatio secundum regulam iuris. Hæc propositio intelligenda est dummodo iuramentum concernat cultum Dei tantum, si verò iuramentum concernat tantum hominis fauorem, tunc remitti potest ab eo cui iuratum est. *Navarr. consilio. 2. de iure iur. Filliucc. loc. cit. num. 281. Syluester verbo iuramentum, 5. quesito. 3. & 6. Tabien. verbo iurare, quesito. 10.*

45 Si vnus in sacramento extremæ vnctionis faciat plures vnctiones, vel vnam, & formam profert, si perficere non posset, vel non veller, potest alius licite, & valide complere, quæ defuerint ad essentiam sacramenti, & hoc est singulare in hoc sacramento. Ratio est, quia infirmus non est priuandus hoc sacramento, non debet tamen ab alio perfici, iterando vnctiones factas, quia esset quodammodo consecrare iterum eandem hostiam, sed tantum complendo cæteras, & licet hæc propositio habeat aliquam difficultatem, tamen est recipienda, quia est munita communi opinione, pro vt eam defendit *Suares. disp. 43. sect. 2. num. 5. D. Th. Riccard. Durand. Sylu. Sorus. & alii, apud Filliucc. tr. 3. cap. 5. nu. 92. & apud dictum Suares.*

49 Qui scit ex Astrologiæ scientia in aliquo itinere non fieri tempestatem, potest pro assecuratione accipere pretium solitum dari pro periculo tempestatum. Ratio est, quia obligatio com.

communiter tanti æstimatur, & occultè causæ ipsi soli notæ non minuunt æstimationem. *Fil. lince. tr. 37. cap. 1. nu. 8.*

47 Tempore Quadragesimæ abstinendum esse non solum à carnibus, sed etiam ab ouis, alijs temporibus iure communi, non sunt oua prohibita, sed tantum carnes, ut ait *S. Th. qu. 155. art. ult. Fillinc. tr. 27. cap. 3. nu. 45.* Abstinendum tamen esse in vniuersum ab ijs cibis tempore ieiunij, quos consuetudo non permitti; Confectu, vero non semper obligat sub peccato ad abstinendam ab ouis. Ratio est, quia non est cum æstimatione obligationis, sed tantum ex deuotione, & non seruatur ab omnibus: Admonendi tamen sunt populi, ne peccent ex conscientia erronea. *Fillinc. loc. cit. nu. 49.*

48 Papa dispensare potest simpliciter cum beneficiario, ab officio recitando, ita ut nihil compensare teneatur. Ratio est, quia tota obligatio est de iure Ecclesiastico, & quamuis beneficium detur propter officium, tamen institui posset beneficium propter alia munera, ut ob onus ministrandi sacramenta in Parocho, quia hoc est de iure Ecclesiastico, nempe quod datur beneficium pro officio, & si dispensatio iniusta esset, esset tamen valida, quia non excedit limites iuris positiui, ita communiter Canonistæ, & Theologi apud *Suarez cap. 28. nu. 28. Fillince. tr. 24. cap. 9. num. 304.* quamuis contrarium Iuristæ sentiant.

49 Sub Sigillo confessionis non solum cadunt omnia peccata, & circumstantiæ, sed etiam omnia, quæ dicta sunt in confessione ad declaranda peccata, etiam si non essent utilia ad ea declaranda, ut si penitens dixit se esse Hermaphroditum, spurium, pauperem, vel quid simile. *Bonac. de sacram. penit. disp. 5. q. 6. p. 2. nu. 10.*



*Filliucc. tr. 7. cap. 21. qu. 3. num. 321. Regin. Suarez, & alij apud citatos Doctores.*

50 Mutua pullutio procurata inter mares, vel fœminas, aliquando dicitur sodomia, aliquando dicitur mollities: tunc dicitur sodomia, quando fit ex affectu ad personam indebiti sexus; præsertim fit ad sit concubitus, & commixtio corporum inter se, etiam si non fit in vase solito; tunc dicitur mollities, quando fit tantum ex affectu ad veneream delectationem absque concubitu. *Caiet. art. 11. ad secundum debitum. Filliucc. tr. 30. cap. 8. num. 149. in fine.*

51 Qui ratus delictum habet nomine suo factum ad restitutionem non teneretur. Ratio est, quia iam damnum erat illatum ante rati habitationem, igitur ratum habens non fuit causa efficax illius. Ita *Filliucc. tr. 32. cap. 3. num. 55. Medina de rebus restit. q. 7. ad quartum, Lessius c. 13. dub. 3.*

Neque obstat illa regula, quod rati habitio æquiparatur mandato, & retrotrahitur ad tempus, ad quod delictum commissum est: nam hæc regula locum habet in contractibus, qui sola Voluntate expressa firmari possunt, etiam si præteriti essent, non autem in damno iam facto, nam illud non causatur per voluntatem habitam; postquam factum est. *Filliucc. loc. cit.*

52 Votum Clericatus in sacris non est reservatum, neque similitudinem habet cum voto castitatis. Ratio est, quia Clericatus est votum affirmativum sumendi ordines: votum castitatis est negativum non admittendi delectationes carnis, neque est reservatum votum castitatis partialis, ut non adulterandi, & simile, nam licet sit perpetuum, tamen non est reservatum, nisi votum castitatis simpliciter. *Filliucc. tr. 26. cap. 9. n. 162. cum sequenti, Suarez nu. 9.*

Neque obstat, quod ait *S. Th. 2. 2. q. 184. art. 6.*

Omnia vota perpetua reſeruari Papæ: Nam hoc verum eſt de votis perpetuis in Eccleſia uſitatis, ut ſunt vota Religionis, & caſtita- tis.

53 Virgo vi oppreſſa, ſi res eſt occulta, conſecrari poteſt, quia verè coram Deo eſt incorrupta, cum non peccauerit, neque conſenſerit. *S. Tho. art. 1. ad 3. Leſſius nu. 115.* Neque contrarium determinatur in can illa autem 32. q. 5. quia intelligitur, quando violatio eſt notoria, tunc ob indecentiam externam non eſſet conſecranda. *Filliucc. tr. 30. c. 1. num. 25.* Sponſa autem corrupta etiam ſi res ſit occulta, conſecrata non poteſt abſque peccato mortali. *Sylueſt. Caiet. Nau. & alij apud Filliucc. loc. cit.*

54 Exigens à Clericis bona temporalia per impoſitionem tributi, ſacrilegium committit, quia ſit contra aliquam immunitatem clericis conceſſam, ſi verò exigatur tributum violenter, duplex ſacrilegium committitur, & conſequenter incurreretur duplex cenſura, una canonis, altera Bullæ Cœnæ. *Filliucc. tr. 24. cap. 9 n. 230.*

55 Si excommunicatus vitandus exire non vult ab Eccleſia in celebratione miſſarum poſt admonitionem, expelli tunc poteſt etiam per vim, quamvis ſit Clericus, neque incurritur excommunicatio clericum expellendo excommunicatum, nolente exire poſt admonitionem. Ratio eſt, quia illa vis non dicitur iniurioſa, quando verò exire non vult, & expelli non poteſt ſine periculo, tunc miſſæ, & diuina officia omittenda ſunt dummodo tamen conſecratio non ſit inchoata; ſecus dicendum eſt ſi iam eſt inchoata, vel perfectæ conſecratione aduertit, tunc ſacerdos proſequi debet ſacrificium uſque ad ſumptionem incluſiue, eò quòd integritas ſacrificij, quæ eſt de iure diuino, præponderet participationi cum excommunicato; in hoc tamen calu

casu adstantes exire debent ab Ecclesia, excepto  
interueniente alias peccarent mortaliter, partici-  
pando in diuinis cum excommunicato vitando.  
Ipse sacerdos, sumpto sacramento, se recipiet in  
sacristia, vel in alium locum, & ibi terminare  
aliquas orationes, dicendas post communionem,  
vt dicunt communiter Doctores, teste Bonac. de  
excom disp. 2. q. 2. pun. 3. §. 1. n. 12. & 13.

56 Confessarius, qui in confessione nouit si-  
bi ab aliquo insidias parari, potest se domi con-  
tinere, ne occidatur, si verò in hoc casu sequere-  
tur damnum poenitenti, probabilius videtur non  
posse confessarium se domi continere. Ratio  
est, quia confessio redderetur odiosa. Bonac. de  
sacrament. panit. pun. 4. nu. 29.

57 Confessarius si extra confessionem certò  
sciat delictum poenitentis, & poenitentis à Con-  
fessario rogatus, nolit manifestare suum pecca-  
tum, non debet illi beneficium absolutionis im-  
pendere. Ratio est, quia poenitens est indignus  
absolutione, petendo indignè absolutionem,  
Hæc propositio intelligenda est, si occultè petat  
sacramentum, si verò non est certus de delicto  
poenitentis, & ipsi certè non constat poenitentem  
mentiri, tunc Confessarius absolutionem poe-  
nitenti impendere debet. Ratio est, quia in hoc  
foro credendum est poenitenti tam pro se, quàm  
contra se, vt communiter Doctores, cum S. Tho.  
q. 1 art. 12. Suar. disp. 51. sect. 3. nu. 9. ad fin. Regi-  
lib. 8. n. 20. Bonac. loc. c. pun. 5 §. 2. n. 21.

58 Omnes, qui extrahunt, vel extrahi, aut  
asportati, vel conduci faciunt frumenta, legu-  
mina, blada, & oleum extra Statum ecclesiasti-  
cum, seu à statu immediato ad loca Romanæ Ec-  
clesiæ mediato subiecta, incurrunt in penam ex-  
communicationis; vt patet in declaratione Pau-  
li V, ex illis verbis, incipientibus: De cætero. Hæc

propositio intelligenda est, modò extractio causa mercimonij fiat, vt habetur ex confirmatione Summi Pontificis Urbani VIII. Paruitas tamen materiæ excusat, quia sicut excusat à mortali, ita ab excommunicatione; vt declarauit Clem. VIII. anno 1596. in bulla incipiente; *Pastorales*, paruitas materiæ metienda est iudicio viri prudentis.

Aduertendum tamen est, quod transferentes, poma, pyra, nuces, & similes fructus non afficiuntur excommunicatione. Idem dicendum est de extractione animalium, licet enim extractio animalium esset interdicta sub pœna excommunicationis à Gregorio XIII. Paulus tamen V. istam excommunicationem abstulit; Idem dicendum est de Bulla Urbani VIII.

Eidem excommunicationi subiiciuntur extrahentes farinam. Ratio est, quia si nomine frumenti non comprehenderetur farina, lex facile eludi posset, reducto tritico in farinam. Extrahens verò panem non incurrit excommunicationem. Ratio disparitatis est, quia extractio panis causare non solet caritatem annonæ; cum difficile sit in magna quantitate panem extrahere, nec panis diu durare possit sicut frumentum, & farina, & appellatione materiæ non venit materiatum, idest, ex materia confectum, *l. quæ filiis, §. illud ff. de legat. 3. Bon. t. 3. de excomm. extra Bullam disp. 2. q. 3. pun. 42. num. 4. & 5.*

59 Pius IV. in Bulla incipiente: *Cum vires*, prohibuit sub pœna suspensionis à diuinis, & excommunicationis latæ sententiæ, & alijs pœnis arbitrarijs, Legatis, Vicelegatis, Rectoribus, Gubernatoribus, alijsque Officialibus Almæ Urbis Ciuitatum, aut locorum Status ecclesiastici, ne facultatem concedant deferendi quoquo modo etiam in itineribus, aut etiam prætex tu mili-

tia tormenta ignea, vulgariter appellata pisto-  
las breuioris mensuræ duorum palmorum, aut  
alibis retinendi, vendendi, emendi, aut quocumq;  
titulo recipiendi; & Pius V. in alia Bulla 145. quæ  
incipit: *Cum vices*, innouauit præfatam constitu-  
tionem, & extendit contra eos, qui facultatem  
concedunt deferendi cultellos, pugiones, &  
quolibet aliud armorum genus breuioris men-  
suræ trium palmorum. In dictam poenam incur-  
runt etiam, qui præfata arma deferunt sub cly-  
peo illarum facultatum, id est virtute illarum li-  
centiarum, etiam si facultas detur ad breuissimum  
tempus. In præfatam poenam non incurrunt, qui  
deferunt cultellos ad sciendum panem. Ne-  
que qui propria spontè, & ex propria malitia  
absque vlla prorsus licentia præfatum genus ar-  
morum deferunt. Ratio est, quia Summus Ponti-  
fex loquitur solum de illis, qui præfata arma de-  
ferunt sub clypeo facultatum, vt in textu dicitur:  
Eos, qui sub illarum clypeo dictum genus armo-  
rum detulerint poenam præfatam omnino incur-  
suros, illosque irremissibiliter puniendos fore.  
Puniendi tamen sunt alijs poenis, præsertim si  
tormenta ignea gestent contra constitutionem  
Pij V. supra relatam.

60 Hanc censuram non incurrunt illi, qui per  
loca Ecclesiastica transeunt, sed tantum illi, qui  
in statu Ecclesiastico degunt. Ratio est, quia  
Summus Pontifex non tulit istam excommuni-  
cationem generaliter pro toto orbe, sed pro sta-  
tu Ecclesiastico, & viator non sortitur forum lo-  
ci per quem transit, vt supra diximus de legibus,  
& habetur in *l. hares absens*, §. proinde, ff. de iudic.  
neque qui transit, aut breuiter commoratur in  
aliquo loco dicitur moraliter esse in eo loco  
*l. quasitum* §. fin. ff. de legat. 1. Bonac. loc. cit. qn. 10.  
p. 16. num. 4,

Aduertendum tamen est, quod ignorantia probabilis, tam iuris communis, quam particularis excusat ab incurrendis censuris, vt patet *ex c. 1. de const. in 6.* Ignorantia probabilis facti, aut qualitatís excusat etiam ab incurrendis censuris: Quapropter si Titius occidit Clericum, quem credebat esse feram, vel laicum, excusatur e censura ratione ignorantie facti, aut qualitatís, vt patet etiam *ex c. si verò de sent. excom.* Immo ignorantia poenae, idest censuræ excusat ab incurrenda poena censuræ: ita Bonac. *de censuris in communi. disp. 1. q. 2. p. 1. n. 13 Nauar. c. 27. n. 274. Filliuce. tr. 13. cap. 8. quæsto 11. num. 257. Suarez, Coninch. Sanchez.* & alij apud citatos Doctores.

61 Ignorantia Iuris contingit, quando nescitur prohibitio, vel præceptum, vt quando quis Clericum percutit, nesciens esse prohibitam ab Ecclesia percussione Clerici. Ignorantia facti contingit, quando adest scientia, & notitia legis, sed ignoratur factum, quod prohibetur in dicta lege, vt accidit, quando quis scit esse latam censuram contra Clericorum percussores, sed nescit hunc esse Clericum. Ignorantia verò poenæ contingit, quando nescitur latam esse talem poenam contra delinquentes, vt quando quis clericum percutit, sciens esse prohibitum ab Ecclesia, clericum percutere, & sciens hunc esse clericum, sed ignorat percutere clericum esse prohibitum sub poena censuræ.

62 Si quis promittit dare alicui loco pio tot mensuras frumenti, si promittens haberet diuersas species frumenti, soluere potest de frumento valente viliori prætio. Ratio est, ne videantur persone Ecclesiasticæ inihiare lucris temporalibus, *cap. ex parte de censibus.*

63 Si sacerdos punctas tenere vnâ hostiam, post consecrationem inuenerit fuisse duas simul  
iuq.

iunctas, in sumptione vtriusque sumere debet  
 vt in rubrica miss. de defect. incens. n. 2.

64 Si violenter Ecclesia ante canonem sacer-  
 dotis celebrante, dimittatur missa, si verò post  
 canonem, non dimittatur: ita habetur de defect. in  
 ministr. occurrat. num. 2.

65 In Clementina vnica de consangu. excom-  
 municantur omnes, qui scienter in gradibus con-  
 sanguinitatis, vel affinitatis constitutione cano-  
 nica interdictis, aut cum monialibus contrahere  
 matrimonialiter non verentur, nec non religiosi,  
 & moniales, & clerici in sacris ordinibus consti-  
 tuti matrimonia contrahentes, & in hanc sen-  
 tentiam excommunicationis ipso facto incur-  
 runt prædictæ personæ.

Aduertendum tamen est, quòd licet monia-  
 les professæ incurrant hanc excommunicationem,  
 cuicumque nubant, & similiter illas in  
 uxores accipientes, tamen foemina professo  
 nubens, aut in sacris constituto illam non incur-  
 rit. Ratio est, quia dicta Clementina loquitur de  
 matrimonio inito à professo, vel sacris initiato,  
 nulla mentione facta de mulieribus ab eis du-  
 ctis, neque illam poenam foemina incurrat nubens  
 professo, aut clerico, ex eo quia participet in  
 crimine criminoso, ob quod alter in excommu-  
 nicationem incidit. Ratio est, quia ad hoc vt  
 participans cum excommunicato in crimine  
 criminoso incurrat excommunicationem, requi-  
 ritur, vt excommunicatus sit denunciatus, &  
 declaratus, & non sat est, vt sit clerici percussor  
 notorius, quia quamuis id sufficiat, vt vitandus  
 sit, tamen non est verè nominatim excommuni-  
 catus, donec proptio nomine talis denunciatur.  
 Sanch. li 7. disp. 48. n. 1 cum seq. Henriquez. l. 13. de  
 excomm. cap. 9. nu. 2. Emmanuel Sà, verbo excomm.  
 in princ. num. 24. & multi alij apud præcitatos.



68 Consulentes, mandantes, aut operam præstantes non incurrunt excommunicationem. Ratio est, quia dicta Clementina excommunicat solos ineuntes matrimonium. *Sanchez loco citato Armilla, Nauar. Ledesma, & multi alij*, neque incurrit hanc excommunicationem procurator, per quem initur matrimonium, nec parentes, qui nomine filiorum consensum in matrimonium explicant *Ledesma apud Sanchez loc. cit.*

69 Qui percutere vult Petrum clericum, putans eum esse, si cæderet alium clericum, incurreret excommunicationem. Ratio est, quia, & re ipsa, & animo clericum percutis. Si verò quis lapidem projicit, quo Titium Clericum cedere vult, si casu, & inculpabiliter alium clericum percutiat ille ac scire transeuntem, non incurreret excommunicationem, neque irregularitatem, morte inde sequuta, Ratio disparitatis est, quia in primo casu affectus, & opus ipsum externum sunt penitus mala, & iniusta. In secundo casu solus affectus fuit malus, qui non inducit excommunicationem, neque irregularitatem. Nam opus externus illius cæssionis fuit omnino præter voluntatem, & consequenter culpa caret. *Sanchez l. 9. disp. 32. n. 27 Couar. in cap. Alma Mater l. 9. §. 18. n. 13. vers. & alij apud citatos.*

70 Episcopo punire potest regularem, siue monachum ex mandato, & ordine sui superioris carceratum in carceribus ipsius Episcopi, si ibi deliquit, habetur enim, ac si commoraretur ex licentia superioris extra claustra quo casu delinquens ab Episcopo punitur *cap. 2. sess 6. in Trid.* ita fuit declaratum à Sacra Congregatione Concilij his verbis: Regularis extra claustrum manens de licentia superioris etiam in domo destinata ad electionem monasterij, nisi in dicta domo sit regularis obseruantia, vt saltem viuat sub superiore

riore Conuentualiter , potest puniri ab Ordinario . Item regularis inferens iniuriam Episcopo , vel eius Vicario iurisdictionem exercenti , eiusque aures offendens in illo actu iurisdictionis puniri potest ab Episcopo , vel eius Vicario sine remissione ad suum superiorem : non obstante *cap. 14. sess. 25. cap. dilectus , ubi Innocent. de penis.*

71 Regulares monachi priuilegium habentes, vt non possint ab Ordinario excommunicari, suspendi, & intercedi, casibus in quibus compelli possunt ab Episcopo , vt ad processiones publicas erant iuxta textum in *cap. 13. sess. 25. vel* similibus compelli possunt poena carcerum , pena pecuniaria , si quid in communi possident , & Ecclesiasticis censuris. Ita censuit Sacra Congregatio vbi supra his verbis ; Regulares etiam sub censuris Ecclesiasticis compellere potest Episcopus in omnibus casibus , in quibus iurdictio illi tribuitur à iure communi , & Concilio Tridentino, ac constitutionibus Apostolicis. *Barbos. in verb. irregulares versicul. 41. Ex pen.* Potest etiam Episcopus punire regulares , siue monachos , discendentes à suis monasterijs sine suorum superiorum licentia , etiam prætenu ad superiores accedendi , nisi ab ipsis fuerint vocati , *c. 4. sess. 25. in Trident.*

72 Clemens VIII. ad maiorem declarationem textus in *d. c. 14 sess. 25.* emanauit quandam Bullam , qua concedit Episcopis , vt præfigere possint terminum superioribus ad puniendum regularem notoriè delinquentem sub poena priuationis dignitatum , & officiorum ipso iure incurrenda , si superior regularem non punierit , imò si illum impunem ad alia loca sui ordinis extra Diocesim Episcopi transmiserit ; posse Episcopum terminum præfigere superiori ad requi-

rendum dictum regularem sub poena priuationis officiorum obtentorum, & inhabilitatis ad illa, & priuationis vocis actiuæ, & passiuæ, a qua nemo absolueret possit, nisi Papa, quod si ipse superior non reuocauerit, Ordinarius loci, ad quem regularis transmissus fuerit, informatus ab Episcopo loci delicti, ipsum puniet.

73 Si vlor alicuius publicè adulteratur, vir licitè potest postmodum ad ordines promoueri, & intrare religionem. Hæc propositio intelligenda est, modò post adulterium commissum tam non cognouerit, *cap. constitutus, ubi glossa de conuers. coniugatorum, Sanchez lib. 10. dis. 11. & communiter Doctores.*

74 Quilibet sacerdos in probabili periculo, seu articulo mortis potest à quibuscumque peccatis absolueret, vt patet ex *Trident. sess. 14. ca. 7.* & in hac materia non distinguitur articulus mortis à probabili vitæ periculo circa facultatem absoluedi, & per consequens quod licitum est in articulo mortis, licitum etiam est in probabili articulo mortis. Ratio est, quia non est credibile piam matrem Ecclesiam velle in periculo mortis suis filiis deesse. Hæc propositio intelligenda est, modò non adsit alius sacerdos, qui possit ex officio, aut ex facultate delegata extra mortis periculum absolueret, & tunc velit absolueret. Ratio est, quia moribundus tunc non dicitur in necessitate confitendi simplici sacerdoti, præsentet aliquo approbato, volente impendere absolutionem. *Bon. dis. 5. q. 7. pun. 1. nu. 9. & 10 Filliucc. tr. 7. cap. 8. Regin. lib. 1. num. 61. Suarez. disp. 26 sect. 4. nu. 4. Vasquez, Henriquez, & multi alij apud citatos Doctores.*

75 Non habentes vltim rationis suscipere debent sacramentum Eucharistiæ. Hæc propositio intelligenda est, si non semper carue-

tunt

runt vsu rationis , & tunc , si prius , quando erunt compotes suæ mentis , apparuit in eis deuotio huius sacramenti , debet eis in articulo mortis hoc sacramentum exhiberi , nisi fortè timeatur periculum vomitus , vel expuitionis , Vnde in Concilio Carthaginensi legitur , & habetur in *decret. 26. quæst. 5.* Is , qui in infirmitate poenitentiam petit , si casu , dum ad eum sacerdos inuitatus venit , oppressus infirmitate obmutuerit , vel in phrenesim conuersus fuerit , dent testimonium , qui eum audierunt , & accipiat poenitentiam , & si continuò creditur moriturus , reconcilietur , per manus impositionem , & infundatur ori eius Eucharistia , *S. Th. in 3. p. qu. 80. art. 9.*

76 Dubitans , an audita fuerit hora noctis duodecima , & edens , vel bibens , non potest die sequenti sumere Eucharistiam . Ratio est , quia possessio est ex parte præcepti communicandi seruato ieiunio naturali . Poterit tamen , hic dubitans edere carnes , licèt dies sequens sit ieiunij , vt supra diximus *de ieiunio numer. 2.* Sed si essent diuersa horologia . & aliquorum sonuerit hora 12. aliorum verò non , poterit dubitans cenare , vel edere carnes , & etiam die sequenti communicare , quia habentur , ac si essent duæ rationes , vel opiniones probabiles : liceret enim vnā illarum amplecti ; ita Sanchez *lib. 2. disp. 41. num. 40.* Frater Medina quem sequitur , & refert Vega *lib. 3. summa casu. 213.* Si verò esset vnum horologium , & vbi sonare cepit hora 12. aliquis biberet , licèt quando vltimus pulsus duodecimæ sonuerit , bibere desisset , die sequenti communicare non posset , quia iam hora est expleta , cū primus pulsus horæ sonat , & quamuis sint diuersi pulsus , id tamen euenit , quia non potest hora 12. vno

372 *paratus, &c.*  
pulsu indicari: sicut vno pulsu prima hora indi-  
catur. *Sanch. loc. cit.*

72 Possunt esse reservati pro religiosis vn-  
decim tantum casus, vt in const. Clementis VIII.  
Primus, incantationes, veneficia, sacrilegia,  
Secundus, apostasia à Religione, siue habitu di-  
misso, siue retento, quando eò peruenit, vt extra  
septu monasterij, seu conuentus viuat. Tertius,  
egressio nocturna, seu furtiua è monasterio, seu  
conuentu. Quartus, proprietates contra pauper-  
tatis votum, quæ mortale peccatum sit. Quintus,  
falsum iuramentum in regulari iudicio, seu legi-  
timo. Sextus, procuratio, consilium, vel auxi-  
lium ad abortum faciendum post factum anima-  
tum: etiam non sequuto effectu. Septimus,  
falsificatio manus, seu sigilli, officialium Mona-  
sterij, seu Conuentus. Octauus, furtum de re-  
bus Monasterij, seu Conuentus in illa quantita-  
te, quæ peccatum mortale sit. Nonus, volunta-  
rius lapsus carnis, opere consummatus. Deci-  
mus, vulneratio, occisio, seu grauis percussio  
cuiusvis personæ. Vndecimus, impedimentum  
malitiosum, aut apertio literarum, seu retardatio  
ab inferioribus, ad superiores, vel è contra.

Aduertendum tamen est, quod non omnes  
prædicti casus sunt reservati, sed reservari pos-  
sunt à superioribus, prout expediens fuerit.  
Non censetur tamè sublata facultas superioribus  
immediatis, vt Prioribus, Rectoribus, Guardia-  
nis, & Præpositis præcipiendi aliquid sub excō-  
municatione sibi reservata. Ratio est, quia de-  
cretum Clementis solum loquitur de culparum  
reservatione, non autem censuræ: esset tamen  
securius id facere ex consensu speciali Prouin-  
cialis Capituli, vt benè refert *Filliucc. tr. 7. capit.*  
*10. num. 176. in fine, Suar. disp. 29. sect. 3. num. 12.*

73 In decretis Clementis VIII. super absolu-  
tione

tione à cenſuris, monentur Ordinarij, vt paucos caſus reſeruent, & eos tantum, quos ad Chriſtianam diſciplinam retinendam reſeruatos iudicauerint, & deinde in declaratione eiuldem decreti prohibetur, ne ſibi ſuperfluè reſeruent caſus Bullæ Cænæ, aut alios Sedi Apoſtolicæ reſeruatos. Et iterum admonentur de reſeruandis paucis criminibus grauioribus & atrocioribus. Immo affirmarem non poſſe Episcopos præcipere ſubditis, vt confiteri non poſſint peccata reſeruata extra proprias Diœceſes. Ratio eſt, ne redderetur confeſſio valdè oneroſa, quamuis non deſinit nonnulli, qui contrarium ſentiunt. Et in reſeruatione Episcoporum eſſe debet iuſta cauſa, ſi verò fiat abſque iuſta cauſa, etiam timenda eſſet; vndè tunc recurrendum eſſet ad ſuperiorem, *Filliucc. loc. cit. n. 280.*

74 Maxima eſt controuerſia inter Doctores, An laicus abſoluere poſſit ab excommunicatione in articulo mortis. Sunt nonnulli dicentes, laicum in articulo mortis abſoluere non poſſe ab excommunicatione. Ratio eorum eſt, quia laicus nihil in ſpiritualibus poteſt. Sunt nonnulli, qui contrarium ſentiunt nempe quod laicus in articulo mortis abſoluere poſſit ab excommunicatione. Ratio eſt, quia Summus Pontifex dare poteſt facultatem laico abſoluendi ab excommunicatione, ergo in caſu neceſſitatis cenſetur tacitè conceſſa iſta facultas, quia ius poſitiuum non obligat cum tanto rigore: Iura verò quæ contraria videntur, intelligenda ſunt de abſolutione à peccatis, non ab excommunicatione. Hanc ſententiam tenent Sylueſter verbo *abſolutio* 1. n. 8. *Panorm. inc. à nobis. ubi glosſa de officio ordinarij, glosſa in cap. paſtoralis eodem titulo, Archid. & alij*, & hæc opinio nihil placet, quia dicti Doctores hanc abſolutionem vocant remiſſionem

fionem seu reconciliationem potius, quam absolutionem: vnde dicunt, quod in tali casu hæres non tenetur adire Papam, vel eum, à quo defunctus viuus erat absoluendus.

75 Si Mus, vel canis hostiam consecratam manducet, substantiam Corporis Christi non definit esse sub speciebus panis, quamdiu species illæ manent, idest quamdiu substantia panis maneret, sicuti etiam si in lutum proijceretur: Quidam autem dixerunt, quod statim cum sacramentum tangitur à mure vel cane; definit esse ibi Corpus Christi, quod derogat veritati sacramenti, vt benè ait *S. Thom. in 3. p. q. 70. art. 2. ad tertium*. Nec dicendum est, quod animal brutum Corpus Christi manducet sacramentaliter, quia non est natum vti eo, vt sacramento; vnde per accidens Corpus Christi manducat, & non sacramentaliter, sicuti manducaret ille, qui hostiam consecratam sumeret, nesciens eam esse consecratam; si verò dictum animal capi potest comburi debet, recondito cinere in sacrario: ait etiam si per negligentiam aliquid de sanguine stillauerit in tabulam, quæ terræ adhæret, lingua lambetur, & tabula radetur, si vero non fuerit tabula, terra radetur, & igne consumetur, & ciuis in sacrario condetur, si autem super altare stillauerit calix, sorbeat minister stillam.

76 Illegitimus fit legitimus per subsequens matrimonium, & consequenter fit habilis ad hæreditariam successionem, & dignitates sæculares, & etiam ad ordines, & ecclesiasticas dignitates, excepto Cardinalatu, prout clarè patet ex motu proprio Sixti V. apud Bonacinam de irreg. disp. 7. qu. 2. pun. 3. n. 6. & apud Garziam de benef. 7. p. cap. 1. num. 28. vbi plures refert Doctores. Ratio est, quia matrimonium subsequens purgat omnia præcedentia, dummodò tempore



conceptionis, vel natiuitatis, parentes fuerint habiles ad contrahendum matrimonium, nam si tunc temporis inhabiles erant ad matrimonium contrahendum; non tollitur illegitimitas, & inhabilitas ad ordines, & dignitates ecclesiasticas, ita communiter Doctores. Et hæc dicta sint ad laudem Dei omnipotentis, Beatissimæ Virginis Mariæ, & omnium Sanctorum, & præsertim Sancti Pauli Apostoli Patroni, & protectoris nostræ Insulæ, sub cuius clypeo contra inimicos Religionis Christianæ quasi inuicti pugnamus nunc, & semper. Amen, &c.



# ADDITAMENTA V A R I A

Ad superiores Casuum Moraliū  
Flores.

A P R O P R I O A V C T O R E  
facta.



ON denunciāns, quia ex offi-  
cio denunciare tenetur non  
obligatur soluere pānam,  
quam delinquens soluisset,  
si fuisset denunciatus. Ratio  
est, quia huiusmodi personæ  
non sunt constitutæ directè

ad denunciandum; vt Respublica, vel Dominus  
ditetur sed vt damna impediātur. Quamobrem  
officialis qui non denunciauit, siue non accusa-  
uit defraudantem vectigalia, tenetur tantū  
soluere vectigalia pro mercibus, quas defrauda-  
tor transulit non soluto vectigali, & in hac re  
multum facit praxis bonorum, & vsus, neque  
Confessarij quamuis docti, sunt consueti obli-  
gare delinquentem ad huiusmodi restitutionem.  
*Bonac. de oct. præcep. decal. disput. 10. qu. 3. punct. 1.  
nu. 8. Nauarr. cap. 25. num. 34. Lessius lib. 1. cap. 19.  
dubio 10. nu. 72. Syluester, verbo restitutio. 5. qu. 5.  
Filliucc. tr. 40. cap. 7. q. 7. num. 220. vbi asserit de  
pecunia accepta, ne reuelet.*

2 Confessarius cogere non tenetur Reum ad  
renouandum dictum, dum Reus negauit verita-  
tem in iudicio, quæ si manifestata fuisset, con-  
demnaretur. Ratio est, quia sacerdos cogere  
non debet Reum ad se prodendum, vt habetur

in

in *l. nimis graue. ff. testibus*, quia nullus tenetur se ipsum prodere. Bonac. *de oct. precept. decal. disp. 10. qu. 5. punct. 2. nu. 8.* Azor. Sanch. Say. Lessius, & alij apud Bonacinam.

3 Non est improbabilis sententia aliquorum Doctorum alserentium Reum non peccare mortaliter negando crimen in causis, in quibus imponeretur grauis poena temporalis, modò adsit spes euadendi, negato illo crimine, vt si delictum sit occultum, vt non possit haberi cognitio ad condemnandum Reum dummodo tamen Reus absolutè non iurauerit se dicturum veritatem. Ratio est, quia natura tribuit facultatem hominibus, ad se defendendum, & indidit inclinationem ad conseruationem, & sicut consanguineus cogi non potest ad testandum contra consanguineum, *l. 1. ff. de test.* ita à fortiori, neque cogi potest quisquam ad testandum contra se ipsum; cum nullus sit magis consanguineus, quàm quilibet sibi ipsi, Lessius lib. 2. cap. 31. num. 13. Reginald. lib. 24. num. 31. Filliucc. Bonac. Emmanuel Sà, & alij.

4 Clericus habens beneficium, habitum & tonsuram non deferens, gaudet priuilegio fori. Ratio est, quia licet Clericus, habens beneficium, priuetur beneficio, non deferendo habitum, & tonsuram iuxta constitut. Sixti V. de facto retinet beneficium, & consequenter gaudere debet beneficiarorum priuilegio, & Concilium Trid. loquitur disiunctiuè per particulam, aut, Riccius in sua praxi decis. 607. Garz. de benef. l. 2. part. 3. cap. ... n. 5. vbi ait, nu. 3. hoc procedit, etiam si sit renue beneficium. Bonac. *de precept. disp. 10. quest. 1. pun. 154. n. 11.* Lessius, & alij. Clericus verò, qui non habet beneficium, non gaudet priuilegio fori nisi deferat habitum Clericalem, & tonsuram, & inseruiat etiam ex mandato Episco.

Episcopi, vel degat in Seminario Clericorum, aut in aliqua scola de licentia Episcopi, quasi versetur in via ad ordines sacros suscipiendos, vt clarè patet ex *Trid. sess. 22. cap. 1. de reform.*

5 Nouitius non habens beneficium, aut ordines puniri non potest à laicali potestate ob delictum commissum tempore nouitiatus. Ratio est, quia ad cognoscendum, cui foro quis subijcitur, inspiciendum est tempus, & statim, in quo tempore delicti reperiēbatur, vt ait *Sal. in l. affinitatis, l. communi, de success.* sed nouitius tempore commissi delicti erat immunis à laicali potestate, ergo ab ipsa puniri non potest ob delictum commissum in nouitiatu. Præterea qui delictum commisit tempore Clericatus non potest puniri à laico relicto habitu Clericali, vt in Concilio Neapolitano iudicatum fuit, pro vt refert *Gramm. decis. 10. nu. 3. de Clerico beneficiario, qui duxerat uxorem, relicto habitu Clericali, ergo neque Nouitius puniri potest à laico Bonac. de octau. præcept. disput. 10 qu. 2. punct. 132. num. 5. Abbas. Innocent. Sayr. & alij apud Bonac.*

6 Vota tempore iubilæi commutari possunt extra sacramentum confessionis. Ratio est, quia in iure non habetur, commutationem esse faciendam in sacramento confessionis, & voti commutatio non est materia necessaria sacramenti penitentiae. *Bonac. de secundo præcepto, disp. 4. qu. 2. punct. 752. nu. 16. Henriquez lib. 5. cap. 20. nu. 9. Sanchez lib. 4. c. 54 num. 17. nu. 32. Suarez, & alij apud cit. DD.*

7 Si quis fuit absolutus à peccato reservato propter dubium à sacerdote inferiore, & postea deposita dubitatione recordatur illud peccatum à se commissum esse reservatum, censetur validè absolutus, & probabile est, non esse necessarium, vt ad superiorem recurrat pro absolutione.

tionem. Ratio est, quia sacramenta administrata bona fide sunt valida, ita *Lugo disp. 20. sect. 1. Diana, Laurentius Longus, & alij.*

8 Superior Religiosus concedere debet potestatem absoluedi à reservatis; nam si Præla-  
tus licentiam negauerit confessio potenti pro  
pœnitente absoluedo à reservatis, nihilomi-  
nus confessarius pro illa vice eidem pœnitenti  
beneficium absolutionis impendere possit. Ita  
determinauit Paulus in declaratione addita de-  
creto Clementis VIII. quæ clausula intelligenda  
est quoties pœnitens in idem peccatum reserva-  
tum relabitur, toties etiam post petitam, &  
non impetratam potestatem absoluedi à supe-  
riore, absolui poterit à confessario ita *Laurent.  
Longus cap. 25 de absolut. reservat. num 36. Gra-  
nad. de pœnit. tract. 10. disp. 7. Bordonus, Diana,  
& alij apud citatum Laurent. & S. Thom. testatur.*  
multi sunt adeo infirmi, vt potius sine confes-  
sione moriantur, quam tale peccatum, tali sacerdoti  
confiteatur. Propterea qui nimis solliciti sunt, vt  
sciant per confessionem conscientiam subdito-  
rum, multi laqueum damnationis iniiciunt, &  
consequenter sibi ipsis.

9 Qui detinetur legitimo impedimento quo-  
minus Romam adire possit, absolui potest ab  
Episcopo à censuris Pontifici reservatis, v. g. si  
Milites obstricti sunt laquo censuræ ob com-  
missum duellum, absolui possunt hac conditio-  
ne, vt cùm militia functi fuerint, veniant Ro-  
mam, vt se præsentent Pontifici; vel eius pœni-  
tentiario, nam milites deferere non possunt signa  
militiæ absque periurio, ideo non nisi impetrata  
venia à Principe, non licet eis discedere; Nec  
obstat, quod in Constitut. Clementis VIII. exci-  
piatur solum articulus mortis contra duellum,  
nam exceptio habet vim expressæ concessionis  
ab.

absoluendi pro mortis articulo, non autem est reuocatio facultatis à iure concessæ quoad alia tempora legitimi impedimenti, *Bonac. disp. 1. qu. 3. punct. 2. Sanch. lib. 2. de matrim. disp. 40. Syluest. & alij apud Laurentium Longum loc. cit. num. 46.*

10 Restitutio in integrum non competit filijs minoribus in votis, quando credunt notabiliter se esse læsos, etiam si votum factum fuerit in vtilitatem alterius. Ratio est, quia sicut filio non competit restitutio in integrum aduersus parentes ob reuerentiam eis debitam; ergo neque competit in voto aduersus Deum, in cuius honorem fuit factum votum, & in voto non inuenitur læsio, *Bonac. de secundo precepto decalogi disp. 4. qu. 2. punct. 75 2. num. 24. Sanch. & alij apud Bonac.*

11 Priuilegium concessum Regularibus, etiam si illo in contrarium vti fuerint, non amittitur, vt constat ex priuilegio concessio Congregationi Sanctæ Iustinæ per Eugenium IV. prout refert *Rodriguez Bulla nona*, qua Pontifex determinauit, quod si contingerit per aliquem, aut plures actus contra priuilegia, indulta gratias, immunitates eidem Congregationi concessa, aut contra aliquod ipsorum à quocumque cuiuscumque conditionis, gradus, vel status sit ex negligentia, vel ignorantia Pontificiæ constitutionis, aut alia quauis causa, propter quam fuerit aliter attentatum, vel pro tempore obseruatum ignoranter, vel scienter, nullum præiudicium decretis, priuilegijs, indultis, gratijs generaliter, sed in suo vigore, & robore permaneant, *Diana 3. part. tract. 2. num. 88. Io: Crucius libro 2. cap. 2. dist. 1. referens concessum fuisse Monachis Benedictinis, ne contra illos præscribantur priuilegia, nisi per centum annos, Laurentius Longus de priuileg. Regul. cap. 57. num. 11.*

12 Foemina contrahens matrimonium inuulidum coram proprio Parocho, si postea se transtulit ad Parochiam sui sponsi cum intentione ibi perpetuò permanendi, non potest conuallidare matrimonium coram Parocho priore. Ratio est, quia prior Parochus non est amplius proprius Parochus, cum iam mutauerit domicilium per habitationem Parochiæ sui sponsi. *Bonac. de legib. disp. 1. quest. 1. punct. 6. num. 4. Sanchez lib. 3. de matrim. disp. 23. num. 15. & alij, quos referunt citati Doctores.*

13 Quando res incerta applicata est pauperi, si postea inuenitur dominus, post applicationem, applicans ad nihilum tenetur, si adhibuerit sufficientem diligentiam ante applicationem. Ratio est, quia facta sufficienti inquisitione purgavit culpam ad inueniendum dominum. *Bonac. de restitut. disput. 1. quest. 3. punct. 4. num. 17. Henriquez lib. 7. cap. 34. num. 6 Molina, Filliucc. & Reginaldus.* Neque pauper tenetur restituere domino rem incertam, cui applicata est post adhibitam diligentiam. Ratio est, quia acquisiuit dominium rei sibi traditæ, alioquin si dominus adhuc retineret dominium, res illa non profuisset spiritualiter domino. *Bonac. loc. cit. nu. 19. Lessius, Reginaldus, & Vasquez.*

14 Peccat mortaliter, qui occidit, aut vulnerat animal alterius, dum facit damnum in sua possessione. Ratio est, quia non habet ius occidendi, neque vulnerandi, sed illud expellendi, & exigendi satisfactionem. Hæc propositio intelligenda est, nisi aliter non possit impediri proprium damnum. *Bonac. disp. 1. qu. 3. punct. 7. num. 24. de restitut. Emmanuel Sæ, verbo, restitut. nu. 47. Turrian. disp. 42. ad finem. nu. 16.* vbi refert exemplum de eo, qui diruit domum vicinam, per quam incendium erat ad suam peruenturum.



15 Qui ad aliquem ordinem euectus est à Summo Pontifice non potest ad sublimiores ordines pariter ab alio, quàm à Summo Pontifice promoueri, non impetrata licentia ipsius Summi Pontificis, man hoc est speciale propter excellentiam superioris, qui manum imposuit, *cap. in distribuendis de tempor. ordinan.* potest tamen huiusmodi ordinatus iudicari à suo Ordinario. Ratio est, quia non eximitur à sua iurisdictione. *cap. per tuas, de maior. & obed.*

16 Committens aliquod delictum, propter quod bona publicantur ipso iure, peccat mortaliter, si alienet bona, siue alienet post sententiam, siue ante. Ratio est, quia exponit accipientem periculo damni, & facit ipsi iniuriam non admonendo de periculo, alienationes tamen huiusmodi factæ tenent. Ratio est, quia accipiens acquisiuit dominium, sequuta tamen sententia declaratoria criminis; bonorum confiscatio retrahitur ad diem commissi delicti, ac si fuissent bona confiscata, & omnes alienationes rescinduntur ab eo die factæ quouis titulo, etiam si peruenerint ad multos possessores bonæ fidei, excepta tamen præscriptione. Ratio est, quia filcus acquisiuit ius à die commissi delicti in bona delinquentis, & omnia bona transeunt cum onere. Bonac. de contract. disp. 3. q. 8. punct. ult. num. 2. & 4. Syluester, verbo heres. 1. nu. 14. Sotus, Henriquez, Azorius, Sanchez.

17 Aduertendum tamen est, quòd committens huiusmodi homicidium non tenetur restituere bona fisco ante sententiam iudicis declaratoriam. Ratio est, quia non amittit neque dominum, neque possessionem. Ita Bonac. loc. cit. num. 1. cum multis alijs, Angelus, Imola, & communiter Doctores in l. si quis maior. c. de transact. ubi dicunt, & dant regulam generalem, quod omnes

omnes leges, quæ dicunt aliquem puniri bonorum confiscatione ipso iure, intelliguntur, dummodò tamen fuerit sequuta sententia declaratoria, ob quam fuit declaratum delictum esse commissum, aliter poena non sortitur suum effectum, hoc tamen intelligendum est, modò lex, vel statutum non adiungat illam particulam (non requiri ullam declarationem) prout declarauit Paulus II. Venetus in Extrauagant. *Ambitiosa*.

18 Aduertendum tamen est, quòd Simoniacus tenetur restituere omne temporale, quod accepit per simoniam. Ratio colligitur ex *cap. qui studet*, 1. q. 1. vbi habetur, quòd simoniacus retinere non potest temporale, quod accepit per simoniam, ergo signum est, quod tenetur restituere pretium acceptum ante Iudicis sententiam; nam restitutio facienda est statim, vt ait S. Th. 2. 2. q. 62. Ratio est, quia sicut auferre rem alienam est contra iustitiam, ita etiam, & retinere, & habetur etiam in *cap. de hoc, de simonia*, vbi Pontifex mandat Reges, & Principes inducendos esse ad restituendum, quod acceperunt præstando consensum electioni Episcopi, & redditur ratio, quia ea sine graui suæ salutis periculo retinere nō possunt, & ita restitutio facienda est ante Iudicis sententiam quia sic colligitur ex dicto *cap. de hoc*, vbi generaliter asseritur, accepta pro præstando consensu ad electionem restituenda esse, quia retineri non poterunt sine periculo salutis, ergo signum est, quod bona temporalia simoniacè accepta pro actione ordinata ad consequutionem beneficii restituenda sunt in conscientia ante Iudicis sententiam, nam quod non est restituendum ante Iudicis sententiam, retineri potest sine periculo propriæ salutis; ita Doctores communiter apud Bon. *de simon* q. 3. pu. 3. n. 8.

19 Confirmatur etiam, quod dictum est ex  
c. de.

*c. detestabile, de simonia*, ubi habentur hæc verba : Per electiones, postulationes, confirmationes, seu quasvis alias dispositiones, quas simoniaca labes contigerit, cuiquam nullum ius acquiratur; ergo si nullum ius acquiratur, simoniacus restituere tenetur quod accepit per simoniam ante Iudicis sententiam.

20 Committit homicidium, qui mandavit percutere, vel verberare suum inimicum, expressè imponendo, ne illum occideret, si mandataris occidit inimicum. Ratio est, quia mandavit actiones, quæ sunt mortis periculosæ, cum non adhibuerit sufficientem diligentiam ad præcauendam mortem, & hoc homicidium appellari potest casuale. *Bonac. de Irregul. dist. 7. qu. 4. pun. 8. n. 18. Filliuc. nu. 94. & extat. cap. expressum, cap. ultimo, de homicidio, Suar. & communiter Doctores.*

21 Delectatio venerea est eiusdem speciei cum opere externo, ut supra dixi de motu sensualitatis *num. 90.* Ratio est, quia quando adest delectatio venerea in voluntate, necessariò sequi debet in appetitu, consequenter in confessione explicandam esse circumstantiam personæ, circa quam fuit delectatio. *Bonac. de his, quæ pert. ad usum matrim. quest. 4. punct. 8. Lessius, Nauarr. Sanchez, & alij.*

22 Difficultas tamen est, An poenitens explicare debeat in confessione, quando opus venereum externum iam consummauit, vel sufficiat ei dicere habuisse delectationem de re venerea in talem personam, dummodò actus internus sit eiusdem speciei cum opere externo; nam poenitenstenetur confiteri peccata, siue circumstantias mutantes speciem iuxta Concil. Trident. in hoc casu non adest mutatio speciei operis interni in opus externum, ergo quasi videtur poenitentem non teneri explicare hanc circumstantiam.

tiam. Hoc non obstante pœnitent tenetur explicare hanc circumstantiam. Ratio est, quia hic est stilus Ecclesiæ, qui legem facit, & ita communiter obseruatur, & peccata sunt confitenda eo modo, quo fiunt, dictum, factum, concupitum, ut ait S. August. & ita determinauit Alexander VIII. Summus Pontifex die 20. Septembris 1665. in Congregatione generali Sanctæ Romanæ Inquisitionis incipiente, Sanctissimus.

23 Contrahens matrimonium, si de eius valore dubitat, petere non potest debitum, sed reddere tenetur, ut probatur *cap. dominus, ubi glossa de secund. nup.* in quo habetur, quod si quis dubitat de morte coniugis, nisi prius certificetur, contrahere non debet, & si contrahat, tenetur reddere, sed non potest exigere.

Confirmatur ex *cap. inquisitioni, de sent. excomm.* in quo habetur, quod sit coniux dubitat de validitate matrimonij, tunc si illud dubium provenit ex conscientia probabili, & discreta potest reddere debitum, non tamen exigere; sed si ex leui causa, & temeraria deposita conscientia ex consilio pastoris sui potest reddere, & exigere debitum, si tamen probabilitas hinc inde esset æqualis, tutior pars est eligenda, quando ex electione alterius immineat periculum peccati mortalis, quia tunc verum est illud *Eccles. 3.* Qui amat periculum peribit in illo. Syluest. verbo *debitum, num. 4.*

24 Probatur etiam ex *cap. Iuuenis, de spons.* ubi habetur, quod quidam Iuuenis duxit puellam nondum septem annorum sponsalia contrahendo cum ipsa, & tentauit cum ipsa, quod complere non potuit, tandem mortua fuit, vel dictus Iuuenis ab ipsa recessit, antequam post septem annos sponsalibus consensisset, & cum alia consanguinea ipsius puellæ matrimonium

contraxit . Quærebatur utrū possent simul remanere , Respondet Summus Pontifex in his , quæ dubia sunt , quod certius seruari debet , & glossa ibi dicit , tene certum , & dimitte incertum , ergo qui dubitat de valore matrimonij petere non potest debitum , sed tenetur reddere .

25 Vicarius Generalis habere debet primum locum super omnes dignitates , non solum quando Episcopus est absens sed etiam quando est præsens non obstante consuetudine , alijsque in contrarium . Hæc propositio intelligenda est , modò non sit Canonicus , tunc sedere debet proprio loco , non debet uti rocketto , & mozetta , nisi sit Protonotarius , illis tunc uti potest in Choro , & Processionibus , cæterisque functionibus per D.œcesim suæ iurisdictionis , & si sit Canonicus non lucratur distributiones quotidianas , nisi utatur suo habitu Canonici . *Barbosa in verb. Vicarius Generalis* , præcedentia nonnulla decreta cumulus circa materiam præcedentis , notatu , & scitu digna .

26 Confessarius non tenetur semper , audito quolibet peccato iudicare , an sit mortale ; vel veniale . Ratio est , quia vix reperiretur in toto Mundo vnus confessarius idoneus , cum nullus ferè cognoscit omnes peccatorum rationes , circumstantias . & casus difficiliore , sed sufficit si iudicet de his , quæ scire tenetur , de alijs autem difficultibus suspendere debet iudicium , docto remedio pœnitenti ne reincidat . Quapropter confessarius non tenetur , nec potest in dubijs ferre iudicium , vt si pœnitens dubitet , an consenserit ; an habuerit sufficientem deliberationem , vel quid simile : nam tunc iudicium faciendum est secundum allegata , vt ait Bonac. de pœnit. disp. 5. q. 7. pu. 4. n. 12. Syluest. verbo Confessor. 3. n. 1. 13. Suarez , Vasquez , & Reginald.

27 Confessarius absolute tenetur poenitentem siue sit. Parochus, siue alius Sacerdos habentem opinionem probabilem, quamuis ipse confessarius sequatur contrariam. Ratio est, quia poenitens qui sequitur opinionem probabilem, non dicitur minus dispositus, nam licite, & tute sequi possumus opinionem probabilem. *Bonac. loco cit. punct. 5. num. 26. Fillius. Sanchez, Suarez, Sayr. & alij apud Bonac.*

Jurisdictio, seu facultas concessa absque determinatione temporis ab Ordinario, vel a quouis alio ad audiendas confessiones, vel ad absoluendum a censuris, non cessat, si moriatur qui eam concessit, siue remoueat ab officio, siue suspendatur eius potestas, Ratio est, quia priuilegia, & gratiae non extinguuntur morte concedentis. *Laurentius Longus de Jurisdictione confiss. cap. 20. num. 27. Lugo disput. 19. sect. 2. Suarez disp. 28 sect. 3. Bonac. de leg. disp. 1. quest. 3. puncto 8. num. 24. 51. Sayr. Henriquez, Emmanuel Sa; & alij quamplurimi; & hic est usus, & praxis, ut bene refert Bonac. loco citato.*

28 Debitor, existens in extrema necessitate, & in eadem est creditor, non tenetur ad restitutionem. Ratio est, quia quando sunt necessitate pares, melior est conditio possidentis, & ideo plus debitori fauet, quam creditori, rem sibi esse debitam, nam tam intimè innatum est homini desiderium se conseruandi, ut nulli quicquam tunc plus debeat quam sibi ipsi, & de iure naturæ omnia sunt communia, de iure gentium dominia rerum sunt diuisa; At ius gentium non tollit ius naturale, ergo in extrema necessitate non cogitur illi restituere, quia sibi ipsis iure naturæ fauere debet, quia ius gentium neq; in præiudicium facere extremæ necessitati. *Sotus de iustitia, & Iur. lib. 4. q. 7. art. 1. ad quartum, Caiet.*

2.2.9.62. cap. 5. ad quartum, Pater Euangelista de Rossis in sua summa de restitut. num. 55.

29 Incidunt in excommunicationem, latam contra iniustos detentores, qui damnum leue intulerunt, quod simul sumptum materiam notabilem constituit, nam licet non peccent mortaliter accipiendo, peccant nihilominus non restituendo, consequenter possunt ligari excommunicatione, sicut etiam possunt ligari, qui eos non denunciant. Sed dicet aliquis, non potest præcipi sub poena excommunicationis, nisi pro lethali culpa; Nam responderi potest, quod hoc est verum ratione culpæ, ratione tamen magni damni emergentis utique præcipi potest, ut in calu nostro, ita Bonacina de onere denunci. disput. 6. punct. 5. cap. 7. nu. 9. Pater Euangelista de Rossis in sua summa de restitut. nu. 100. Filliucc. Suarez, Sotus, & multi alij apud Bonac. loc. cit.

30 Ratum habens simoniæ vitium, non ligatur excommunicatione. V. G. Caius pecuniam soluit, ut Titius consequeretur beneficium; Titius in hoc non ligatur vinculo excommunicationis. Ratio est, quia in hac extraneante non est sermo de ratum habentibus; cognita tamen simonia à Caio facta Titio ignorante, tenetur beneficium resignare, si non resignat, licet peccet, tamen non incurrit in simoniæ vitium, & consequenter non incurrit excommunicationem contra obtinentes beneficia simoniacè. Bonacina de simon. disput. 1. qu. 7. cap. 2. nu. 12. Lessius lib. 20. cap. 22. dub. 24. num. 136. Covar. Nauar. Suarez, Sayr.

31 Clericus habens beneficium, seu canonicatus, qui totus consistit in distributionibus quotidianis, potest pro suo arbitrio, & voluntate disponere. Ratio est, quia distributiones



traduntur ob seruitium personale tamquam stipendium laboris, consequenter sunt bona quasi patrimonialia, de quibus disponere potest beneficiarius tamquam dominus, secus autem quando non consistit in distributionibus quotidianis, tunc beneficiarius sumere potest fructus necessario ad congruam sustentationem, superfluos tenetur tradere pauperibus, vel parentibus, & consanguineis indigentibus, ut habetur in *Trident. sess. 25. cap. 1. sub finem*; ubi habentur hæc formalia verba: Omnino eos interdicat, ne ex redditibus Ecclesiæ consanguineos, familiare sue suos augere studeant, cum & Apostolorum canones prohibeant, ne res Ecclesiasticas, quæ Dei sunt, consanguineis donent; sed si pauperes sint, ijs ut pauperibus distribuunt, eas autem non distrahant, nec dissipent illorum causa. Ita Bonac. de obligat. benef. disput. 4. puncto 2. num. 15. & 18. Syluester, verbo Clericus 4. quasito 4. Azor. Conar. Gonzalez, & multi alij apud citatos Doctores.

32 Remanent omnes hostiæ consecratæ, quando quis plures hostias detulit ad altare, consecrandas, si in actu consecrationis tantum recordatur illius hostiæ, quam præ manibus habet, dummodò tamen intentio præcedens perseverauerit virtualiter. Ratio est, quia habet intentionem determinatam ad omnes hostias virtualiter, non actualiter. Bonac. de Sacram. Eucharistia disput. 4. q. 2. puncto 5. num. 6. Syluester, verbo Eucharistia, quasito 6. Reginald. Coninch. Henricus, & Angel.

33 Hæreticis non gaudent immunitate Ecclesiastica, ut supra dixi de immunitate Ecclesiæ: Hæc propositio intelligenda est non solum de ijs, qui cum pertinacia sentiunt contra fidem, sed etiam de ijs, qui auxilium, aut favorem hære-

ticis præbet. Ratio est, quia sicut proditores hominum non gaudent hoc privilegio, ita neque hæretici sunt digni hoc favore, qui appellari possunt proditores Dei, & Ecclesiæ, & hoc crimen hæresis expressè excipitur in Bulla Gregorij XI. I. ut benè refert Bonac. de excomm. extra Bullam Coena c. 10. num. 1. Syluester, Filliucc. Couar. Suarez, & alij communiter, qui addunt hoc etiam verum esse, si non sint declarati hæretici, sed tales præsumi possint sufficienter.

34 Obtenta absolutione ab Episcopo, vel eius Vicario ab excommunicatione ipsi reservata sub conditione cum onere satisfaciendi parti læsæ, non incidit in eandem excommunicationem, data occasione satisfaciendi renuat satisfacere. Ratio est, quia sumus in materia odiosa, & poenali, in qua fieri non debet extensio ultra dispositionem verbis expressam; nam Summus Pontifex imponit onus reincidendi in ijs, qui à Sede Apostolica, vel ab ipsius legatis sub conditione sunt absoluti, sed postea conditionem, & onus non adimplent; Hæc sunt formalia verba Pontificis: Idem statuimus de his, quibus cum à Sede Apostolica, vel à legatis ipsius absolutionis beneficium à quibuscumque sententijs consequuntur iniungitur; &c. Ita Bonac. loco citato punct. 22. num. 8 Nauar. Suarez, & Caietanus.

35 Beneficiarius non tenetur soluere fructus pensionis excommunicato Pensionario. Ratio est, quia est incapax omnino, & æquiparari potest mortuo. Bon. de ijs, quæ ad priuat. offic. disput. 1. quæst. 5. punct. 4. nu. 7. Gigas de pensionib. quæst. 36. num. 5. & alij apud Bonac.

36 Qui diuinum officium recitauit, sed dubitat, an aliquem Psalmum, Antiphonam, vel quid simile prætermiserit, dubitans non tenetur

tur recitare præfatum Psalmum, vel Antiphonam. Ratio est, quia aperiretur via infinitis scrupulis, & adest ratio deponendi dubium, cum non faciliè prætermitti soleat quidquam; Neque obstat illa regula; In dubijs tutior pars est eligenda iuxta *cap. ad audiendam*, & *cap. Inuenis, de sponsal.* nam respondere potest illos textus non inducere regulam generalem, sed particularem, iuxta casus ibi expressos. Bonacina loco citato disput. 1. quæst. 6. punct. 3. num. 12. Filiucius, Azorins, Nannarrus, Suarez, & alij apud dictos Doctores.

37 Parochus, vel alius Sacerdos extrahens puerum alterius Parochiæ inuito Parocho, illumque alibi baptizat, peccat mortaliter. Ratio est, quia usurpat sibi iurisdictionem, & munus alterius in re graui, non tamen incurrit excommunicationem, suspensionem, neque irregularitatem. Ratio est, quia hæc pena nullibi reperitur expressa. Ita Bonac. de Bapt. disput. 2. quæst. 2. punct. 5. num. 10. vbi allegat multos Doctores, potest tamen puniri poena extraordinaria à superiore propter magnam iniuriam factam proprio Parocho.

38 Domicilium alicuius ibi est, vbi quis fortunæ suæ maiorem partem constituit, vel bonorum suorum magnam partem, vel familiam habet, l. *Ciues, C. de Incalis.* Sola autem domus non constituit domicilium, l. *Libertini, §. sola ff. ad municipal.* sed magis erit, vbi quis rerum suarum summam constituit.

39 Præterea ad hoc vt acquiratur domicilium requiritur animus, & factum, idest inchoatio habitationis, & animus in eo loco perpetuo habitandi; ergo animus, & factum requiritur, vt domicilium amittatur. Bonac. de legib. disp. 1 q. 1. punct. 6. nu. 39. Syluester verbo, *domicilium*;

*Lessius Salas, Pan. & alij apud citatos Doctores.*  
 40 Verùm si dubitetur an aliquis decreuerit in aliquo loco perpetuò commorari, & consequenter, an contraxerit domicilium. Ex habitatione decem annorum præsumitur decreuisse ibi perpetuò manere, & consequenter ibi domicilium contraxisse *Masc.* & multi alij apud *Bonac.* loco citato num. 41.

41 Proprius Parochus potest extra confessionem absoluerè à minori excommunicatione: nam facultas absoluedi ab excommunicatione minori non censetur illi concessa cum limitatione in confessione absoluedi. Potest etiam Parochus etiam si non sit Sacerdos absoluerè à minori excommunicatione. Ratio est, quia hæc absolutio non est actus ordinis, sed iurisdictionis, qui videtur competere Parocho, etiam si non sit Sacerdos. *Bonac. de excom. disp. 2. q. 3. num. 23. & 24. Fillinc. q. 6. num. 40. Suarez, Reginald. Sayr. & alij apud citatos Doctores.*

42 Qui dubi at aliquem esse excommunicatum, & simul esse denunciatum, non debet illum euitare, nec potest. Ratio est, quia potest esse, ut non sit excommunicatus, & euitando illum exponere se periculo faciendi illi iniuriam; si verò scit esse excommunicatum, sed dubitat esse denunciatum, vel nescit, potest illum euitare, si velit, tamen regulariter loquendo, euitare illum non tenetur. Ratio est, quia non tenetur euitare nisi excommunicatum denunciatum, vel notorium Clerici percussorem, ut patet ex Concil. Constantensi. Ita *Bonac. disputat. 2. q. 2. putat. 6. cap. 2. num. 42. Fillinc. num. 192. Sanchez, Suarez.*

43 Dantur casus, in quibus non potest quis communicare cum excommunicato, si dubiter esse denunciatum, vel non. Primus est quando  
 immi.

imminet periculum faciendi actum irritum, communicando cum excommunicato, & hoc esse potest in Confessario excommunicato, sed dubitetur illum esse evitandum, tunc quis confiteri non potest peccata sua, secluso scandalo. Ratio est, quia potest esse reuera, vt ille Sacerdos sit excommunicatus vitandus, & consequenter conferre non potest validam absolutionem defectu iurisdictionis. Secundus, quando imminet periculum scandali. DD *loc. cit.*

44 Religiosus, habens pensionem de licentia Papæ, potest illam ad libitum expendere, eo tamen mortuo, residuum pensionis pertinet ad monasterium, dummodo tamen non sit subtrahendus ab obedientia Prælatorum, & extra monasterium mortuus sit, tunc enim acquisita à Religioso pensionario spectant ad Cameram Apostolicam, vt patet ex motu proprio Gregorij XIII. Ita Bonac. *de claus. & panis violat. quæst. 2. puncto 9. cap. 4. nu. 18.* Sanchez, Azor. Emmanuel Sà, ab ipso met relati.

45 Matrimonium celebrari potest coram Parocho, siue viri, siue vxoris. Ratio est, quia *Councilum Tri.* dicitur matrimonium contrahendum esse coram Parocho, & non magis expressit Parochum foeminæ, quam viri. Ita declarauit Congregatio Cardinalium, prout benè refert Bonac. *de natura, & proprietate matrim. qu. 2. punct. 8. nu. 10.* Ric. Reginal. Nauar. & alij apud Bonac.

46 Sacerdos secularis, aut regularis, qui coniungit non sibi subditos, aut ipsis benedicit sine licentia Parochi, vel Ordinarij, ipso facto incurrit suspensionem; Iure verò antiquo incurrerat excommunicationem, *Clem. 1. in fine de priuil.* sed illa modò sublata est. Ita sustinet Rebellius in declaratione Cardinalium post quartum librum *sent. 3. nu. 83.* & multi alij relati à Ba. *loc. cit. n. 15.*

47 Milites armatæ militiæ possunt dare aliquid fæminis, seu concubinis ob turpem amorem, & foeminæ, seu concubinæ non tenentur restituere acceptum. Ratio est, quia in iure nō probatur sufficienter huiusmodi militem non posse dare foeminis, seu concubinis ob turpem amorem. Neque obstat *tex. in leg. 2. C. de donation. inter virum, & uxorem, & in leg. miles, C. de testam.* Nam responderi potest illas leges loqui de donatione, quæ in iure est prohibita inter prædictas personas, non verò de eo, quod datur tanquam pretium, *Bona. de restit. in genere dis. 1. q. 3. punct. 3. nu. 3. Scius 4. de iust. q. 7. articulo 1. ad secundum.*

48 Religiosus professus reuocare non potest testamentum factum ante professionem, dummodo tamen non obtineat priuilegium à Summo Pontifice, vel transferatur in statu; in quo habeat facultatem disponendi. Ratio est, quia testamentum reuocari non potest sola voluntate contraria, aut expressa reuocatione, sed alio testamento, vt probatur *ex l. si iure ff. de leg. 2. & si: ut Religiosus est. inhabilis ad testandum, ita etiam ad reuocandum. Bonac. Sanch. de matrim. lib. 6. disp. 17. nu. 12. Tuscus de contract. disput. 2. q. 17. punct. 6 nu. 7. Molina, Vasquez, & alij apud citatos DD.*

49 Quarta funeralis non debetur Parocho ex anniuersarijs, & missis, quæ celebrantur in Ecclesia exempta. Ratio est, quia exemptus ab onere, non est subiectus oneri. Hæc propositio intelligenda est, modò non adsit dolus, vel fraus in præiudicium proprij Parochi, vt V. G. si hæres ex indignatione erga Parochum cum minimo apparatu corpus deferri curauit ad Ecclesiam regularium, & die sequenti magna cum pompa, & candelarum quantitate celebrare voluit officium, tunc enim soluenda est quarta proprio

Paro.

Parocho ex funeralibus secundo loco factis. Ratio est, quia dolus, & fraus nemini debent patrocinari, & fraudem facere dicitur, qui non facit, quod debet, *l. que in fraudem, & l. sequenti, ff. qua in fraud. credit.* Ita declarauit Sacra Congregatio Cardinalium, pro vt refert Bonac. *de contract. disp. 3 qu. 21. punct. 5. num. 8. & 9. ubi allegat. Iulium Laurium in l. variarum elucubrat. titulo 2. cap. 3. num. 19.* Hic autem Romæ nulla Ecclesia est exempta siue immunis quo ad quartam funeralem, prout est communis vñs, & obseruantia. Debetur etiam quarta funeralis proprio Parocho si moriatur persona insignis, & post sepulchrum corpus in patria, fiant exequiæ solennes in alio loco. *Genuensis in sua praxi c. 61. in princ.*

50 Candelæ emptæ siue ex pecunia hæredum siue ex pecunia vniuersitatis, vel confraternitatis siue collegij, cedunt illi, cui cedunt comparatæ pecunia hæredum. Ratio est, quia parum refert, vt huiusmodi candelæ sint comparatæ potius pecunia vñus, quam alterius, præcisa tamen consuetudine, & statutis in hac re peculiaribus, & in hoc casu faciendam esse arbitror conuentionem cum Parocho, vel Ecclesia, cui cedunt impensæ funeris, ad euitandas discordias. *Bon. loc. cit. num. 6. Gulielmus à monte, Clem. dudum, de sepulturis, & Laurius num. 24.*

51 Congregationes Presbyterorum, seu Capellani alicuius Ecclesiæ, qui vellent funeri accedere, præcedere debent in processionibus, siue in alijs functionibus cæteris Presbyteris mercenarijs, dummodo tamen leuatur ab Ecclesia, habente proprios Capellanos, seu defertur ad Ecclesiam, habentem proprios Presbiteros. Ita colligitur *ex statutis Clerici Romani cap. 13.*

52 Promoueri non potest ad Presbyteratum, qui in infirmitate constitutus baptizatur. Ratio



est, quia potius præsumitur ex timore, quàm ex voluntate libera baptizatus; si tamen postea apparuit bonæ famæ, aut raritas hominum exegerit, tunc poterit promoueri. Ita fuit determinatum in *Concilio Neocæsariensi, cap. 12. can. si quis 57. dist.*

53 Sed dicet aliquis, si hæc irregularitas proveniat à peccato, & baptismus tollit peccatum, quare non tollat irregularitatem? Nam responderi potest, quia baptismus inducit hanc irregularitatem, unde eam tollere non potest; etenim eadem causa non potest parere obligationem, & liberationem, *glossa in dicto can. si quis, & l. qui hominem, cap. ultimo, ff. de solut.*

54 Curiales promoueri non possunt ad Clericale officium. Ratio est, quia non solum tales in suis officijs voluptates turpes exercuerunt, sed etiam quia præfuerunt, & interfuerunt apparitionibus, & minorum ludis. *can. præterea 51. dist.*

55 Quidam dixerunt, quod sacerdotes, vel Episcopi recedentes ab Ecclesia retinent potestatem conferendi Baptismum, sed non potestatem conferendi Ordinem, sed eam amittant; quod falsissimum est, ut probat S. *August. lib. 2. contr. Epistolam Parmeniani cap. 14.* Primò, quia cum utrumque sit sacramentum, assignari non potest ratio, quare potius perdatur vnum, quàm aliud. Secundò, quia consuetudo Ecclesiæ est, quod cum tales redeant, non solent reordinari, si Ecclesia eos tolerare vult. *can. quod quidam, ubi glos. 1. qu. 1.*

56 Potest quis tradere pecuniam Mercatori, & celebrare tres contractus, nempe contractus affecurationis principalis, & contractus affecurationis lucri certi pro maiori incerto V. Grat. Titius dat Caio mercatori pecuniam ad negotiandum titulo societatis, ex qua negotiatione singu-

singuli possent percipere decem , vel undecim pro centenario , deinde cum eodem Caio inie contractum asecurationis principalis , & pro asecuratione accepta à Caio detrahit tres , vel quatuor ex ijs , quæ probabiliter lucraturus erat in societatis contractu , postea pro asecuratione remanentis luri detrahit vnum , vel duos , quibus iam peractis remanent Titio quatuor , vel quinque pro centenario : in hoc casu Titius accipere potest licitè huiusmodi lucrum . Ratio est , quia isti tres contractus sunt liciti , siue fiant simul cum eadem , siue cum diuersa persona , & videtur seruari æqualitas , cum onera , & grauamina imposita Caio compensentur iusto pretio . *Bonac. de contract. dis. 1. q. 2. pun. 11 nu. 2. Syluester verbo, societas 1 q. 2. Nauarr cap. 17 n. 255. Reginald. lib. 25. n. 97. Covar. Toletus, Fillinec. Less & multi apud citatos Doctores.*

57 Neque obstat bul'a Sixti V. quæ incipit, *De restabiliis auaritia* , in qua damnatur societas , in qua periculum capitalis non remanet apud apponentem ; Nam respondetur , quod in illa bul'la damnatur societas , quoties periculum reiiciatur in accipientem per contractum asecurationis . Summus enim Pontifex non videtur , neque intendit condemnare contractum licitum iure communi , si addatur societatis contractus , pro vt clarè constat ex *decis. Rote apud Farinac. decis. 137. & 180 Reginald. Fillinec. Molina , Less. apud Bonac. loc. cit.*

58 Sacerdos , imponendo poenitentiam , non debet respicere fauorem , neque considerare qualitatem personæ , sed debet iniungere poenitentiam secundum leges , & qualitatem peccatorum absque personarum acceptione . Ratio est , quia sicut apud Deum non est acceptio personarum , ita neque debet esse  
apud

apud homines , *can. Sacerdos 26. quest. 7.*

59 Si quis passus fuit iniuriam teneretur dimittere rancorem , sed non iniuriam , etiam si iniurians noluerit satisfacere cui facit iniuriam . Ratio est , quia non est licitum nobis aliquem odio habere , ut habetur in *can. cum in lege 23. quest. 4.* Ad remittendam tamen iniuriam nullus est cogendus , *glossa in can. si quis dist 90.*

60 Constitutio posterior non tollit priorem quando prior est rescriptum , vel privilegium , nisi fiat mentio de priori rescripto , vel privilegio . Ratio est , quia sunt privatae leges , & privatae leges non censentur derogatae , nisi de eis fiat mentio , ut dictum est , *cap. ceterum de rescrip. & can. quoniam ubi glossa dist. 18. cap. licet de constitut. in 6.*

69 Excommunicatio lata contra furem , non comprehendit eos , qui furati sunt rem leuem , etiam si ex eius ablatione graue damnum sit secutum . Ratio est , quia excommunicatio fertur propter furtum , quod habet malitiam peccati mortalis in specie furti , non autem in specie damnificationis . Ita Bonacin. de rescrip. in partic. disp. 2. quest. 8 punct. 1. num. 9. Filliucc. num. 241. Nauarr. Vasquez , Clauis , Regia , Rebellus , & alij , apud citatos Doctores .

63 Maius est peccatum fornicatio , quam furtum . Ratio est , quia opponitur furtum bonis temporalibus , fornicatio verò opponitur bono prolis , quæ raro benè educari solet , quando suscipitur ex fornicatione , & leuius est alijs peccatis , quæ committuntur contra præcepta Decalogi , Bonac. loc. cit. num. 11. S. Thom. 2. 2. qu. 154 art. 2. Caiet. ibidem , Vasquez , Molina , Clauis Regia , & alij apud Bonac.

64 Quando sententia excommunicationis fertur contra eos , qui surripuerint aliquid , aut con-

tra conscios, non comprehendit filios, dummodo tamen non adsit specialis clausula, qua omnes coniuncti contineantur. Ratio est, quia Pater, & filius reputantur vna, & eadem persona, & nemo videtur obligare se ipsum ad denunciandum, & damnum, quod filius patitur, quia filius, eandem iniuriam videtur pati Pater. *Bonac. de restit. in particulari disp. 2. q. 10. punct. 2. n. 9.* Vbi allegat multos Doctores in rubrica de censuris.

65 Vxor non habens bona paraphernalia contra voluntatem viri subuenire potest ex dote, & eius fructibus parentibus, vel filiis, ex primo matrimonio existentibus in egestate, non solum in necessarijs vitæ, sed etiam status. Ratio est, quia filia debet parentes existentes in extrema necessitate subleuare, sicut etiam mater tenetur alere filios indigentes, & maritus videtur iniuste impedire, ne vxor adimpleat obligationem, qua detinetur. *Ita Bonac. de restit. in part. disp. 2. q. 10. punct. 2. nu. 10. Less Petrus Nauarr. Filliuc. Clauis Regia, & alij apud Bonac.* Hanc propositionem habere locum in fratre, & sorore existentibus in miseria, & egestate. Ratio est, quia licet hoc non sit de iure naturæ, tamen pertinet ad officium charitatis, & ad bonum Reipublicæ conseruandæ, *Bon loc. cit. Less. & alij.*

66 Obseruandum tamen est; quod vxor post mortem mariti tenetur conferre in suam partem, & dotem ea, quæ tradidit Parentibus, Ratio est, quia vnusquisque ex proprijs alere tenetur parentes. *Bonac. loc. cit. & Less. dubio 18. num 88.* & hæc dicta sint ad laudem Dei Beatæque Virginis Mariæ, & animarum salutem.

F I N I S.

# I N D E X

## R V B R I C A R V M.

|   |         |
|---|---------|
| <b>D</b> E Sacramentis in genere.                     | pag. 1. |
| De Sacramento Baptismi.                               | 9       |
| De Forma Baptismi.                                    | 22      |
| De Ministro.  | 26      |
| De subiecto Baptismi.                                 | 27      |
| De effectu Baptismi.                                  | 32      |
| De Sacramento Confirmationis.                         | 32      |
| De materia, & forma.                                  | 33      |
| De subiecto, & effectu Confirm.                       | 34      |
| De Sacramento Eucharistiæ.                            | 35      |
| De Forma Sacramenti <u>corporis, &amp; sanguinis.</u> | 37      |
| De Ministro Eucharistiæ.                              | 38      |
| De Dispositione requisita in suscip. Eucharist.       | 39      |
| De Sacrificio Missæ.                                  | 44      |
| De Sacramento Poenitentiae.                           | 48      |
| De Contritione.                                       | 50      |
| De Confessione.                                       | 52      |
| De Circumstantijs peccatorum.                         | 55      |
| In quibus casibus sit iteranda Conf.                  | 58      |
| De satisfactione.                                     | 61      |
| De sigillo.   | 64      |
| De Ministro Sacramenti Poenit.                        | 67      |
| De effectu Sacramenti Poenit.                         | 71      |
| De Sollicitatione.                                    | 71      |
| De Indulgentijs, & suffragijs.                        | 73      |
| De Sacram. extremae Vnctionis.                        | 76      |
| De effectu istius Sacramenti.                         | 78      |
| De Sacramento Ordinis.                                | 79      |
| De effectu Sacramenti ordinis.                        | 85      |
| De <u>Horis</u> Canonicis.                            | 85      |
| De sponsalibus, & sacram. matrim.                     | 90      |
| De dispensatione matrimonij.                          | 104     |

# I N D E X,

|  |       |
|--|-------|
| De Debito coniugali.                                       | 106   |
| De Diuortijs.  | 109   |
| De Motu ſenſualitatis, & delectatione moroſa.              |       |
| 114  |       |
| De Statu Religioſo.  | 116   |
| De Legibus in communi, & in particulari.                   | 119   |
| De Peccatis.   | 124   |
| De Præceptis Decalogi.                                     | 130   |
| De Adoratione.   | 131   |
| De Fide, & Spe.  | 132   |
| De Charitate.  | 134   |
| De Superſtitione, & diuinatione.                           | 135   |
| De Vana obſeruantia, & maleficio.                          | 137   |
| De Blaſphemia.   | 138   |
| De ſecundo præcepto Decalogi.                              | 139   |
| De Voto.   | 143   |
| De Commutatione, & diſpenſatione, & irritatio-<br>ne voti. | 145   |
| De Tertio præcepto Decalogi,                               | 147   |
| De Quarto præcepto Decalogi.                               | 151   |
| De Quinto præcepto Decalogi.                               | 156   |
| De Scandalo.   | 162   |
| De Sexto præcepto Decalogi.                                | 164   |
| De Septimo præcepto.                                       | 167   |
| De Octauo præcepto.  | 170   |
| De Vltimis duobus præceptis.                               | 172   |
| De præceptis Eccleſiæ.                                     | ibid. |
| De Ieiunio.  | ibid. |
| De Decimis.  | 179   |
| De Cenſuris Eccleſiaſticis.                                | 180   |
| De Cenſuris in Bulla Coenæ contentis.                      | 189   |
| De Sulpensione.  | 198   |
| De Interdicto.   | 200   |
| De Irregularitate.   | 202   |
| De Pollutione Eccleſiæ.                                    | 209   |
| De Immunitate Eccleſiaſtica.                               | 211   |
| De Beneficijs.   | 217   |

|   |     |
|---|-----|
| De Simonia .  | 210 |
| De Simonia confidentiali .  | 226 |
| De Poena simoniacorum .   | 229 |
| De Acquirendo rerum dominio .   | 230 |
| De Præscriptione .  | 233 |
| De Contractibus in communi .  | 236 |
| De Dolo, & culpa in contractibus .  | 241 |
| De contractu emptionis, & vendit .  | 244 |
| De Mutuo .  | 252 |
| De Vſura .  | 253 |
| De Cenſibus .   | 262 |
| De Contractu ſocietatis .   | 265 |
| De Societate inter Fratres .  | 268 |
| De Locatione, & conductione .   | 270 |
| De Mercede famulorum .  | 274 |
| De Pignore .  | 275 |
| De Depoſito .   | 278 |
| De Commodato, & precario .  | 281 |
| De Promiſſione .  | 283 |
| De Reſtitutione .   | 292 |
| De Reſtitutione, quæ ex ludo conſurgit .  | 280 |
| De Reſtitutione famæ .  | 317 |
| De Iudicio temerario .  | 321 |
| De Reſtitutione ob veſtigalia defraudata .  | 323 |
| De Reſtitutione in integrum .   | 324 |
| De Teſtamentis .  | 325 |
| De Legatis .  | 330 |
| De Sepulturis .   | 332 |
| De Accuſatore , & Reo .   | 337 |
| De Teſte, & Notario .   | 338 |
| De Aduocato, & procurat .   | 339 |
| Tractatus Miſcellaneus in quo continentur varij<br>caſus ſingulares valdè neceſſarij, & curioſi cir-<br>ca prædictas materias . | 341 |
| Additamenta varia ad caſuum moralium Flores .   | 376 |



# I N D E X

## OMNIVM EORVM

Quæ continentur in Tractatu, & Ad-  
ditamentis.

**A**bsolutio impendi non debet penitenti, nisi re-  
cedat ab occasione proxima peccandi, n. 2.

343

Affinitas non contrahitur inter infidelem, n. 4.

344

Absoluti non potest à peccato reservato suo Episcopo  
mutans domicilium ad declinandum iudicium  
sui Episcopi, n. 27.

353

Astrologi quando accipere possunt pro illorum divi-  
natione, n. 46.

359

Absolvere potest à peccatis in articulo mortis qui-  
bet Sacerdos, n. 74.

373

Absolvere potest laicus ab excommunicatione in  
articulo mortis, n. 73.

372

Absolutos à peccato reservato dubio censetur vali-  
dè absolutos, n. 7.

378

Absolutio dari potest ab Episcopo a censuris Pontifi-  
ci reservatis si adsit legitima causa, n. 9.

379

Absolutus ab Episcopo ab excommunicatione ipsi re-  
servata cum onere satisfaciendi parti laica, non  
incidit in eandem excommunicationem, si re-  
nuat satisfacere data occasione, n. 4.

390

Bigamia tollitur tantum per dispensationem, n. 23.

388

Beneficium non habens novitius, aut ordines puniri  
non potest à laicali potestate, n. 5.

378

Beneficiarius solvere non tenetur fructus pensionis,  
excommunicato pensionario, n. 25.

390

Bapti.

- Baptizatus constitutus in infirmitate promoueri non potest ad Presbyteratum, n. 51. 395
- Cognatio spiritualis contrahitur inter mittentem Procuratorem ad suscipiendum infantem, & non inter Procuratorem, n. 6. 344
- Confessarius non frangit sigillum si reuocat consilium malè datum penitenti in confessione, n. 8. 345
- Confessarius potest se domi continere, qui in confess. nouerit ab aliquo sibi insidias parari, n. 56. 363
- Confessarius non tenetur absoluerè penitentem si rogatus nolit manifestare delictum Confessario qui extra confessionem scit delictum penitentis, n. 57. 363
- Celebrans si post consecrationem inuenerit duas hostias simul iunctas, utramque sumere debet, n. 63. 366
- Confessarius cogere non tenetur Reum ad retractandum dictum, n. 2. 376
- Clericus habens beneficium, si habitum, & consuetudinem non deferat gaudet priuilegio fori, num. 4. 377
- Confessarius non tenetur semper iudicare, audito quolibet peccato, an sit mortale, vel veniale, n. 26. 386
- Confessarius absoluerè tenetur penitentem habentem opinionem probabilem, n. 27. 387
- Clericus habens beneficium consistens solum in distributionibus quotidianis disponere potest pro suo arbitrio, n. 21. 388
- Constitutio posterior non tollit priorem, num. 58. 397
- Dispensare non potest Ecclesia, ut Sacramentum Confirmationis fiat ex Chrismate non consecratum, n. 29. 354
- Debitor non soluens debitum ob impotentiam, si fiat potens, & non soluit, incurrit excommunicationem aeternam

# I N D E X.

- nem elapso sermimo prefixo, n. 40, 357*
- Dubitans de hora duodecima noctis, edens, & bibens non potest die sequenti sumere Eucharistiam, n. 76. 371*
- Delictum committens, propter quod bona publicantur ipso iure, non amittit dominium ante Iudicis sententiam, n. 17. 382*
- Delectatio morosa est eiusdem speciei cum opere externo, n. 21. 384*
- Debitor in necessitate existens extrema, & in eadem est creditor restituere non tenetur, num. 28. 387*
- Dubitans, qui recitavit officium, an Psalmum, vel Antiphonam pratermiserit, non tenetur recitare prefatum Psalmum, n. 36. 390*
- Domicilium alicuius ibi est, ubi quis fortuna sua maiorem partem habet, vel familiam, n. 8. 391*
- Dubitans, an aliquis sit excommunicatus, & denunciatus, non debet illum evitare, num. 42 & seq. 392*
- Excommunicatio ferri potest in subditum delinquentem in Diacesi, si extra diocesim commoratur, n. 5. 344*
- Excommunicationem non incurrunt persona Ecclesiastica, si auctoritate Ecclesiastica imponunt onera, n. 26. 353*
- Episcopi absolvere possunt ab heresi occulta, nu. 31. 354*
- Excommunicatio quando in rapto incurratur, & quam violentia requiratur, num. 4. & seq. 355*
- Extrema Unctionis Sacramentum est administrandum etiam illi, qui nullum peccatum per privilegium commississet, n. 41. 358*
- Extrema Unctionis Sacramentum, si quis perficere non potest, potest ab alio perfici, numer. 45. 359*

- Episcopus punire potest regularem in aliquibus casibus, n. 70.* 368
- Eucharistie Sacramentum suscipere possunt, habentes lucida intervalla, n. 75.* 370
- Excommunicatus vitandus expelli potest per vim ab Ecclesia, si exire velit in celebratione missa, n. 55.* 362
- Excommunicationis poenam incurrunt extrahentes frumentum, legumina, &c. extra statum Ecclesie, n. 58.* 363
- Excommunicationem lata sententia incurrunt Officiales, Rectores, Gubernatores, & alij concedentes facultatem deferendi tormenta ignea, aut Cultellos in statu Ecclesia, n. 59.* 374
- Excommunicationis poenam incurrit, qui percutit Petrum, Clericum, si vellet percutere Paulum Clericum, n. 69.*
- Excommunicationis poenam incurrit, qui damnum intulerit latam contra iniustos desertores, n. 29.* 388
- Excommunicatio, quando fertur contra eos, qui surripuerint aliquid non comprehendit filios, n. 54.* 390
- Famina virtute Iubilaei eligere potest confessarium ab Ordinario propria Diocesi approbatum ad certum numerum personarum, n. 15.* 348
- Filius familias peccat mortaliter sumendo rem notabilem ex bonis parentum, n. 16.* 349
- Funeralis quarta quando debetur Parocho, n. 49. & seq.* 361
- Fornicatio est maius peccatum, quam furtum, n. 63.* 98
- Gesta per Procuratorem vitandum sunt valida, n. 20.* 51
- Hostiam consecratam si mus, vel canis manducat, substantia Corporis Christi non desinit esse sub speciebus panis, n. 73.* 72

# I N D E X

- Homicidium committit , qui mandavit percutere suum inimicum , si mandatarius illum occidit ,*  
*n. 20. 384*
- Hostia consecrata omnes remanent si in actu consecrationis Sacerdos recordatur tantum illius hostie, quam prae manibus habet. n. 32. 389*
- Heretici non gaudent Ecclesia immunitate , n. 33. 389*
- Indulgentia remittit poenam iniunctam in foro poenitentiae, n. 17. 349*
- Indulgentia remittit poenas iniungendas , n. 18. 350*
- Indulgentia non remittit culpam peccati venialis , n. 19. 350*
- Irregularitas contrahitur ex defectu bigamia, n. 21. 351*
- Irregularitas contrahitur ex matrimonio valido contracto cum vidua, n. 22. 351*
- Irregularitas similitudinaria contrahitur per matrimonium consummatum post factam professionem approbata religione, n. 23. 351*
- Iuramenti commutatio fieri non potest tempore Iulii, n. 44. 359*
- Ignorantia iuris quando contingit , n. 61. 366*
- Illegitimus fit legitimus per subsequens matrimonium, n. 76. 374*
- Iurisdictio concessa absque temporis determinatio-  
 ne ad audiendas confessiones non cessat mortuo  
 concedente, n. 7. 387*
- Iniuriam passus dimittere debet rancorem , n. 59. 398*
- Medicus admonere debet infirmum die 3. ad confi-  
 zendum n. 3. 343*
- Matrimonium contrahi potest ab infidelibus, etiam  
 si adsit impedimentum legale, n. 7. 344*
- Matrimonium dicitur consummatum, quando Da-  
 mon semen viri naturaliter in somnis decusum  
 immit.*

immitteret in vas uxoris, n. 28. 353

Matrimonium contrahens cum Parentibus scienter, pœna excommunic. ligatur, n. 65. 367

Maritus promoveri potest ad ordines, si adulterium uxoris sit publicum, n. 75. 372

Matrimonium inualidè contractum coram proprio Parocho reconuvalidari non potest coram alieno, n. 12. 381

Matrimonium contrahens, si de eius valore dubitet, petere non potest debitum, sed reddere tenetur, n. 23. 385

Matrimonium celebrari potest coram Parocho, tam viri, quàm gœmina, n. 45. 393

Milites armata militia dare possunt aliquid feminis, seu concubinis, ob turpem amorem, n. 47. 394

Ordines sacros suscipiens cum consensu uxoris non potest petere, neque reddere debitum, n. 11. 346

Oua non sunt prohibita, nisi tempore Quadragesimæ, n. 47. 360

Ordinato à summo Pontifice non potest ab alio promoveri ad superiores ordines, n. 15. 382

Papa non ligatur pœna excommunicationis, si Clericum percutit, n. 10. 346

Papa dispensare non potest in pluralitate uxorum, n. 13. 347

Pœnitens virtute Iubilæi eligere non potest Confessorium approbatum ab Ordinario alterius diœcesis, n. 14. 347

Papa solus dispensare potest in bigam. n. 24. 352

Peccans spe lucrandi Iubilæum est aptus ad illud lucrandum, n. 33. 355

Peccata reservata oblita absolui possunt transacto Iubilæo, n. 41. 358

Papa dispensare potest cum beneficiario ab officio retinendo n. 48. 360

Pollutio mutua aliquando dicitur sodomia, aliquando

- aliquando mollities, n. 50. 368
- Promittens dare alicui loco Pio tot mensuras frumenti si diuersas species frumenti habeat potest dare siue soluere de quo voluerit, n. 62. 366
- Penam soluere non debet non denuncians, ex officio denunciare tenetur, n. 1. 376
- Privilegium concessum Regularibus non ammittitur per usum, n. 11. 380
- Peccat mortaliter vulnerans, vel occidens animal alterius, dum facit damnum in sua possessione, n. 14. 381
- Parochus, vel alius sacerdos extrahens puerum alterius parochia inuito Parocho, alibique illum baptizat, peccat mortaliter, n. 37. 356
- Parochus proprius absolueret potest extra confessionem subditam à minori excommunicatione, n. 41. 358
- Ratum habens delictum nomine suo factum ad restitutionem non tenetur, n. 51. 361
- Reus aliquando non tenetur dicere veritatem in iudicio, n. 3. 377
- Restitutio in integrum non competit filiis familias maioribus latis in votis, n. 10. 380
- Restituere non tenetur pauper rem incertam illi datam, si fuerit inuentus dominus, si fuerit facta diligentia, n. 13. 381
- Religiosus pensionem habens de licentia Pontificis, potest illam ad libitum expendere, n. 44. 393
- Religiosus professus reuocare non potest testamentum factum ante professionem, n. 48. 394
- Superior concedere debet potestatem absoluedi à reservatis, n. 8. 381
- Sacerdos secularis, vel regularis; qui coniungit non sibi subditus, aut ipsos benedicit sine licentia Parochi, vel Ordinarii ipso facto incurrit suspensionem, n. 46. 393



PROPOSITIONES  
DAMNATÆ  
A SAC. CONGREG.

Contra Hæreticam Prauitatem.

De mandato SS. DD. NN.

ALEXANDRI PAPÆ VII.  
E T  
INNOCENTII XI.

Feria v. die 24. Septembris 1665.

*In Congregatione generali Sanctæ Romanæ, & uni-  
uersali Inquisitionis habita in Palatio Aposto-  
lico Montis Quirinalis coram Sanctissimo Domi-  
no Nostro ALEXANDRO Diuina Proidentia  
Papa VII. ac Eminentiss. & Reuerendiss. DD. S.  
R. E. Cardinalibus in tota Republica Christiana  
aduersus hæreticam prauitatem Generalibus  
Inquisitoribus à Sancta Sede Apostolica specia-  
liter Deputatis.*



Sanctissimus Dominus Noster  
audiuit non sine magno ani-  
mi sui mœrore, complures  
opinionēs Christianæ Disci-  
plinæ relaxatiuas, & Ani-  
marum perniciem inferen-  
tes, partim antiquitas ite-  
rum suscitari, partim nouiter prodire. Et sum-  
mam illam luxuriantium ingeniorum licentiam  
in dies magis excreſcere, per quam in rebus ad  
conſcientiam pertinentibus modus opinandi ir-  
repreſentabilis alienus omninò ab Euangelica ſimplicitate

te, Sanctorumque Patrum doctrina, & quem si pro recta regula fideles in praxi sequerentur, ingens eruptura esset Christianæ vitæ corruptela. Quare ne villo vnquam tempore via salutis quam suprema veritas Deus, cuius verba in æternum permanent, arctam esse definiuit, in animarum perniciem dilatarī, seu verius perueriti contingeret, idem Sanctissimus Dominus Noster, vt oues sibi creditas ab eiusmodi spatioſa, lataq; per quā itur ad perditionē, via pro pastoralī sollicitudine in rectam semitam euocaret. Earundem opinionum examen pluribus in Sacra Theologia Magistris, & deindē Eminentissimis, & Reuerēdissimis Dominis Cardinalibus contra hēreticā prauitatem General. Inquisit. seriō commisit: Qui tantum negotium strenuē aggressi, eiq; sedulō incumbentes, & maturē discussis vsq; ad hanc diē infrascriptis Propositionibus super vnaquaq; ipsarum suā suffragia Sanctitati suæ singillatim exposuerunt.

1 Homo nullo vnquam vitæ suæ tempore tenetur elicere actum fidei, spei, & charitatis ex vi præceptorum diuinorum ad eas virtutes pertinentium.

2 Vir equestris ad duellum prouocatus potest illud acceptare, ne timiditatis notam apud alios incurrat.

3 Sententia asserens, Bullam Coenæ solūm prohibere absolutionem hæresis, & aliorum criminum, quando publica sunt, & id non derogare facultatis Tridentini, in qua de occultis criminibus sermo est, anno 1629. 18. Iulij in Consistorio Sacr. Congreg. Eminentiss. Card. visa, & tolerata est.

4 Prælati Regulares possunt in foro conscientiae absolvere quoscumque sæculares ab hæresi occulta, & ab excommunicatione propter eam incurſa.

5 Quamuis euidenter tibi constet Petrum esse hæreticum, non teneri denunciare, si probare non possis.

6 Confessarius, qui in Sacramentali confessione tribuit Pœnitenti chartam postea legendam, in qua ad Venerem incitat, non censetur sollicitasse in confessione, ac proinde non est denunciandus.

7 Modus euadendi obligationem denunciandæ sollicitationis est: Si sollicitatus confiteatur cum sollicitante, hic potest ipsum absolvere absque onere denunciandi.

8 Duplicatum stipendium potest Sacerdos pro eadem Missa licitè accipere, applicando petenti partem etiam specialissimam fructus ipsimet celebranti correspondentem, idque post Decretum Urbani VIII.

9 Post Decretum Urbani potest Sacerdos, cui missæ celebrandæ traduntur, per alium satisfacere collato illi minore stipendio, alia parte stipendij sibi retenta.

10 Non est contra iustitiam pro pluribus sacrificijs stipendium accipere, & sacrificium vnum offerre: neque etiam est contra fidelitatem, etiamsi promittam promissione etiam iuramento firmata, danti stipendium, quòd pro nullo alio offeram.

11 Peccata in Confessione omissa, seu oblita obistans periculum vitæ, aut ob aliam causam, non tenemur in sequenti Confessione exprimere.

12 Mendicantes possunt absolvere à casibus Episcopo reservatis, non obtenta ad id Episcoporum facultate.

13 Satisfacit præcepto annuæ Confessionis, qui confitetur Regulari Episcopo præsentato, sed ab eo iniuste reprobato,

14 Qui facit confessionem voluntariè nul-

lam, satisfacit præcepto Ecclesiæ.

15 Poenitens propria auctoritate substinere sibi filium potest, qui loco ipsius poenitentiam adimpleat.

17 Qui Beneficium curatum habent, possunt sibi eligere in Confessarium simplicem Sacerdotem non approbatum ab Ordinario.

17 Est licitum Religioso, vel Clerico calumniatorem grauius crimina de se, vel de sua Religione spargere minantem occidere, quando alius modus defendendi non suppetit, vti suppetere non videtur, si calumniator sit paratus, vel ipsi Religioso, vel eius Religioni publicè, & coram grauiissimis viris prædicta impingere nisi occidatur.

18 Licet interficere falsum Accusatorem, falsos Testes, ac etiam Iudicem, à quo iniqua certò imminet sententia, si alia via non potest innocens damnum euitare.

19 Non peccat Maritus occidens propria auctoritate Vxorem in adulterio deprehensam.

20 Pœstitutio à Pio V. imposita Beneficiatis non recitantibus, non debetur in conscientia, ante sententiam declaratoriam Iudicis, cò quòd sit poena.

21 Habens Capellaniam collatiuam, aut quoduis aliud beneficium Ecclesiasticum, si studio litterarum vacet, satisfacit suæ obligationi, si Officium per alium recitet.

22 Non est contra iustitiam Beneficia Ecclesiastica non conferre gratis, quia collator conferens illa beneficia Ecclesiastica pecunia interueniente, non exigit illam pro collatione Beneficij, sed veluti pro emolumento temporali, quod tibi conferre tenebatur.

23 Frangens ieiunium Ecclesiæ, ad quòd tenetur, non peccat mortaliter, nisi ex contem-

ptu, vel inobedientia hoc faciat, puta, qui non vult se subijcere præcepto.

24 Mollities, sodomia, & bestialitas sunt peccata eiusdem speciei infimæ, ideoque sufficit dicere in confessione, se procurasse pollutionem.

25 Qui habuit copulam cum soluta satisfacit confessionis præcepto, dicens: commisi cum soluta graue peccatum contra castitatem, non explicando copulam.

26 Quando litigantes habens pro se opiniones &que probabiles potest Iudex pecuniâ accipere pro ferenda sententiâ in fauore vnius præ alio.

27 Si libet sit alicuius iunioris, & moderni, debet opinio censerî probabilis, dum non constet, reiectam esse Sede Apostolica tamquam improbabilem.

28 Populus non peccat, etiam si absque vlla causa non recipiat legem à Principe promulgatâ.

Quibus peractis, dum similium Propositionum examini cura, & studium impenditur, interea idem Sanctissimus re maturè considerata statuit, & decreuit, prædictas Propositiones, & vnâquamque ipsarum, vt nimirum, tamquam scandalosas esse damnandas, & prohibendas, sicut eas damnat, ac prohibet: Ita vt quicumque illas, aut coniunctim, aut diuissim docuerit, defenderit, ediderit, aut de eis etiam disputatiuè, publicè, aut priuatim tractauerit, nisi forsan impugnando, ipso facto incidat in excommunicationem, à qua non possit ( præterquam in articulo mortis ) ab alio quacumque etiam dignitate fulgente, nisi à pro tempore existente Romano Pontif. absolui.

Insuper districtè in virtute sanctæ obedientiæ, & sub interminatione Diuini Iudicij prohibet omnibus Christi fidelibus cuiuscumque conditionis, dignitatis, ac status, etiam specia-

li, & specialissima nota dignis, ne prædictas opiniones, aut aliquam ipsarum, ad praxim deduciant.

*Io. Lupus S. Romana, & uniuers. Inquisis. Notar. &c.*

Loco † Sigilli.

Anno à Natiuitate Domini Nostri I E S V Christi millesimo sexcentesimo sexagesimo quinto, Indictione tertia, die vero 2. mensis Octobris, Pontificatus autem Sanctiss. in Christo Patris D. N. D. A L E X A N D R I Diuina Prouidentia Papæ VII. anno vndecimo supra dictum decretum affixum, & publicatum fuit ad valuas Basilicæ Principis Apostolorum, Cancellariæ Apostolicæ, ac in acie Campifloræ, ac in alijs locis solitis, & consuetis Urbis per me Carolum Melanum eiusdem Sanctissimi Domini Nostri Papæ, & Sanctissimæ Inquisitionis Cursorem.

Feria v. die 18. Martij 1666.

*In Congregatione generali Sanctæ Romanæ, & uniuersalis Inquisitionis habita in Palatio Apostolico Montis Quirinalis coram Sanctiss. D. N. A L E X A N D R O Diuina Prouidentia Papa VII. ac Eminentiss. & Reuerendiss. DD. S. R. E. Cardinalibus in tota Republica Christiana aduersus hæreticam prauitatem Generalibus Inquisitoribus a Sancta Sede Apostolica specialiter Deputatis.*

**S** Sanctissimus D. N. post latum Decretum die 24. Septembris proximè elapsi, quo viginti Octo Propositiones damnatæ fuerunt; examinatis sedulò, & accuratè vsque ad hanc diem infra-

scriptis

scriptis alijs quadragesimum quintum numerum implentibus, per plures in Sacra Theologia Magistros, ac per Eminentissimos, & Reuerendissimos D.D. Cardinales aduersus hæreticam prauitatem Generales Inquisitores, eorum suffragia singillatim super vnaquaque ipsarum audiuit.

Proposito 29. In die Ieiunij, qui sæpius modicum quid comedit, etsi notabilem quantitatem in fine comederit, non frangit Ieiunium.

30 Omnes officiales, qui in Republica corporaliter laborant, sunt excusati ab obligatione Ieiunij, nec debent se certificare an labor sit compatibilis cum Ieiunio.

31 Excusantur absolute à præcepto Ieiunij omnes illi, qui iter agunt equitando, vtcumque iter agant, etiamsi iter necessarium non sit, & etiamsi iter vnius diei conficiant.

32 Non est euidens, quòd consuetudo non comedendi oua, & lactinia in quadragesima obliget.

33 Restitutio fructuum ob omissionem horarum suppleri potest per quascumque eleemosynas, quas antea Beneficiarius de fructibus sui Beneficij fecerit.

34 In die Palmarum recitans officium Paschale, satisfacit Præcepto.

35 Vnico officio potest quis satisfacere duplici præcepto pro die præsentis, & crastino.

36 Regulares possunt in foro conscientie vti priuilegijs suis, quæ sunt expressè reuocata per Concilium Tridentinum.

37 Indulgentiæ concessæ Regularibus, & reuocatæ à Paulo Quinto, hodie sunt reualidatæ.

38 Mandatum Tridentini factum Sacerdoti sacrificanti ex necessitate cum peccato mortali confitendi quamprimum, est consilium, non præceptum.



39 Illa particula *quamprimum* intelligitur ;  
cùm Sacerdos suo tempore confitebitur.

40 Est probabilis opinio , quæ dicit , esse tantum veniale osculum habitum ob delectationem carnalem, & sensibilem, quæ ex osculo oritur, secluso periculo consensus vltioris , & pollutionis .

41 Non est obligandus concubinarijs ad eiiciendam concubinam, si hæc nimis utilis esset ad oblectamentum concubinarij, vulgo, *regalo*, dùm deficiente illo nimis ægrè ageret vitam , & aliæ epulæ toedio magno concubinarium afficerent ; & alia famula nimis difficilè inueniretur.

42 Licitum est mutuanti aliquid vltra sortem exigere , si se obliget ad non repetendam sortem vsque ad certum tempus .

43 Annum legatum pro anima relictum , non durat plus quam per decem annos .

44 Quod forum conscientie , Reo correcto , eiusque contumacia cessante, cessant censuræ.

45 Libri prohibiti donec expurgentur possunt retineri vsque dum adhibita diligentia corrigantur .

Quibus maturè pensatis , idem Sanctissimus statuit, ac decreuit , prædictas Propositiones , & vnamquamque ipsarum , vt minimum, tamquam scandalosas esse damnandas , & prohibendas , sicut eas damnat , ac prohibet . Itaque quicumque illas, aut coniunctim, aut diuissim docuerit, defenderit, ediderit , aut de eis etiam disputatiuè , publicè, aut priuatim tractauerit , nisi forsan impugnando ; ipso facto incidat in excommunicationem , à qua non possit ( præterquam in articulo mortis ) ab alio quacumque etiam dignitate fulgente , nisi a pro tempore existente Romano Pontifice, absolui .

Insuper districtè in virtute sanctæ obedi-  
entia,

tia, & sub interminatione Diuini Iudicij prohibet omnibus Christi fidelibus cuiuscumque conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

*Io: Lupus S. Rom. & Vniuersalis Inquisit. Not.*

Loco † Sigilli.

Anno Natiui. D. N. IESV Christi millesimo sexcentesimo sexagesimo sexto, indiçtione iv. die verò 23. mensis Martij, Pontif. autem Sanctiss. in Christo Patris D.N. Alexandri Diuina, & Prouidentia Papæ VII. anno vndecimo supradictum Decr. affixum, & publicatum fuit ad valuas Basilicæ Principis Apostolorum, Cancellariæ Apostolicæ, ac in acie Campi Floræ, ac in alijs locis solitis & consuetis. Urbis per me Carolum Melanum eiusdem Sanctiss. D.N. Papæ, & Sanctiss. Inquisitionis Cursorem.

Feria v. die 2. Martij 1679.

*In Generali Congregatione Sancta Romana, & vniuersalis Inquisitionis habita in Palatio Apostolico Vaticano coram Sanctissimo D. N. INNOCENTIO Diuina Prouidentia Papa XI. ac Eminentiss. & Reuerendissimis Dominis S. R. E. Cardinalibus in tota Republica Christiana contra hereticam prauitatem Generalibus Inquisitoribus à Sancta Sede Apostolica specialiter deputatis.*

**S**Antissimo D. N. Innocentius Papa XI. prædictus onium sibi à Deo creditarum salutis sedulo incumbens, & salubre opus in segregandis noxijs doctrinarum pascuis ab innoxijs, a fel.

record. Alexandro VII. Prædecessore suo inchoatum prosequi volens, plurimas propositiones partim ex diuersis, vel libris, vel thesibus, seu scriptis excerptas, & partim nouiter adinuenta Theologorum plurium examini, & deindè Eminentissimis, & Reuerendis, Dominis Cardinalibus contra hæreticam prauitatem Generalibus Inquisitoribus subiecit, quibus propositionibus sedulò, & accuratè sapiùs discussis eorundem Eminentissimorum Cardinalium, & Theologorum votis per Sanctitatem suam auditis. Idem Sanctissimus D.N. re postea maturè considerata, statuit, & decreuit pro nunc sequentes propositiones, & vnamquamque ipsarum, sicut iacent, vt minimum tamquam scandalosas, & in praxi perniciosas esse damnandas, & prohibendas, sicuti eas damnat, & prohibet. Non intendens tamen Sanctitas Sua per hoc Decretum alias propositiones in ipso non expressas, & Sanctitatis Sux quomodolibet & ex quacumque parte exhibitas, vel exhibendas vllatenùs approbare.

1 Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conuentio, aut periculum grauis damni incurrendi. Hinc sententia probabilis tantum vtendum non est in collatione Baptismi, Ordinis Sacerdotalis, aut Episcopalis.

2 Probabiliter existimo, Iudicem posse iudicare iuxta opinionem, etiam minus probabilem.

3 Generatim dum probabilitate, siue intrinseca, siue extrinseca quamuis tenui, modò à probabilitatis finibus non exeat, confisi aliquid agimus, semper prudenter agimus.

4 Ab infidelitate excusabitur Infidelis non credens ductus opinione minùs probabili.

5 An peccet mortaliter, qui actum dilectio-

ctio.

ctionis Dei semel tantum in vita eliceret ;  
condemnare non audemus .

6 . Probabile est , ne singulis quidem rigoroſè  
quinquennijs per ſe obligare præceptum chari-  
tatis erga Deum .

7 Tunc ſolùm obligat , quando tenemur iu-  
ſtificari , & non habemus aliam viam , quia iuſti-  
ficari poſſumus .

8 Comedere , & bibere uſque ad ſatietatem  
ad ſolam voluptatem non eſt peccatum , modò  
non obſit valetudini , quia licitè poteſt appeti-  
tus naturalis ſuis actibus frui .

9 Opus coniugij ob ſolam voluptatem exer-  
citũ omni penitus caret culpa , ac defectu veniali .

10 Non tenemur proximum diligere actu in-  
terno , & formali .

11 Præcepto proximum diligendi ſatisfacere  
poſſumus per ſolos actus externos .

12 Vix in Sæcularibus inuenies , etiam in Re-  
gibus ſuperfluum ſtatui . Et ita vix aliquis tene-  
tur ad eleemoſynam , quando tenetur tantum ex  
ſuperfluo ſtatui .

13 Si cum debita moderatione facias , potes  
abſque peccato mortali de vita alicuius triſtari ,  
& de illius morte naturali gaudere , illam ineffi-  
caci affectu petere , & deſiderare ; non quidem  
ex diſplicitia perſonæ , ſed ob aliquo tempo-  
rale emolumentum .

14 Licitum eſt abſoluto deſiderio cupere  
mortem Patris non quidem , vt malum Patris ,  
ſed vt bonum cupientis , quia nimirum ei obuē-  
tura eſt pinguis hæreditas .

15 Licitum eſt filio gaudere de patricidio  
Parentis à ſe inebrietate perpetrato propter in-  
gentes diuitias indè ex hæreditate conſecutas .

16 Fides non cenſetur cadere ſub præceptum  
ſpeciale , & ſecundùm ſc .

17 Satis est, actum fidei semel in vita elicere.

18 Si à potestate publica quis interrogetur, fidem ingenuè confiteri, vt Deo, & fidei gloriosum consulo, tacere, vt peccaminosum per se non damno.

19 Voluntas non potest efficere, vt assensus fidei in se ipso sit magis firmus, quàm mereatur pondus rationum ad assensum impellentium.

20 Hinc potest quis prudenter repudiare assensum, quem habeat supernaturalem.

21 Assensum fidei supernaturalis, & utilis ad salutem stat cum notitia solùm probabili reuelationis; imò cùm formidine, qua quis formidet, ne non sit loquutus Deus.

22 Non nisi fides vnus Dei necessaria videtur necessitate mediij, non autem explicata Remuneratoris.

23 Fides latè dicta ex Testimonio Creaturarum, similiuè motiuo ad iustificationem sufficit.

24 Vocare Deum in Testem mendacij leuis non est tanta irreuerentia, propter quam velit, aut possit damnare hominem.

25 Cum causa licitum est iurare sine animo iurandi, siuè res sit leuis, siue grauis.

26 Si quis, vel solus, vel coram alijs, siuè interrogatus, siuè propria spontè, siue recreationis causa, siuè quocumque alio fine iuret se non fecisse aliquid, quod re vera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quod vis aliud additum verū, reuerà non mentitur, nec est periurus.

27 Causa iusta vtendi his amphibologis, est, quoties id necessarium, aut vtile est ad salutem corporis, honorem, res familiares tuendas, vel ad quemlibet alium virtutis actum, ita vt veritatis occultatio censeatur tunc expediens, & studiola,

28 Qui mediante commendatione, vel munere ad Magistratum, vel Officium publicum promotus est, poterit cum restrictione mentali prestare iuramentum, quod de mandato Regis à similibus solet exigi non habito respectu ad intentionem exigentis, quia non tenetur fateri crimen occultum.

29 Vrgens metus gravis est causa iusta Sacramentorum administrationem simulandi.

30 Fas est viro honorato occidere inuasorem, qui nititur calumniam inferre, si aliter hæc ignominia vitari nequit, idem quoque dicendum si quis impingat alapam, vel fuste percutiat, & post impactam alapam, vel ictum fustis fugiat.

31 Regulariter occidere possum furem pro conservatione vnius aurei.

32 Non solum licitum est defendere defensione occisiua, quæ actu possidemus, sed etiam ad quæ ius inchoatum habemus, & quæ nos possessurus speramus.

33 Licitum est tam hæredi, quam legatario contra iniuste impediens, ne vel hæreditas adeatur, vel legata solvantur, se taliter defendere, sicut & ius habenti in Cathedram, vel Præbendam contra eorum possessionem iniuste impediens.

34 Licet procurare abortum ante animationem fatus, ne Puella deprehensa grauida occidatur, aut infametur.

35 Videtur probabile omne factum, quamdiù in utero est, carere anima rationali, & tunc primum incipere eandem habere, cum paritur ac consequenter dicendum erit in nullo abortui homicidium committi.

36 Permissum est furari, non solum in extrema necessitate, sed etiam in graui.

37 Famuli, & famuliæ domesticæ possunt occultè

cultè heri sui surripere ad compensandam operam suam, quam maiorem iudicant salario, quod recipiunt.

38 Non tenetur quis sub poena peccati mortalis restituere quod ablatum est per pauca furta, quantumcumque sit magna summa totalis.

39 Qui alium mouet, aut inducit ad inferendum graue damnum tertio non tenetur ad restitutionem istius damni illati.

40 Contractus Mohatra licitus est etiam respectu eiusdem personæ, & cum contractu retrouenditionis præuie inito cum intentione lucri.

41 Cum numerata pecunia pretiosior sit numeranda, & nullus sit, qui pon maioris faciat pecuniam præsentem, quam futuram, potest creditor aliquid ultra sortem à mutuuario exigere, & eo titulo ab usura excusari.

42 Usura non est dum ultra sortem aliquid exigitur, tanquam ex beneuolentia, & gratitudine debitum, sed solum si exigatur tanquam ex iustitia debitum.

43 Quidni non nisi veniale sit detrahētis auctoritatem magnā sibi noxiam falso crimine elidere.

44 Probabile est non peccare mortaliter, qui imponit falsum crimen alicui, ut suam iustitiam, & honorem defendat. Et si hoc non sit probabile, vix vlla erit opinio probabilis in Theologia.

45 Dare temporale pro spiritali non est simonia, quando temporale non datur tanquam pretium, sed dumtaxat tanquam motiuum conferendi, vel efficiendi spiritalis, vel etiam quando temporale sit solum gratuita compensatio pro spiritali, aut è contra.

46 Et id quoque locum habet, etiam si Temporale sit principale motiuum dandi spiritalis; summò etiam si sit finis ipsius rei spiritalis, sic ut illud pluri aestimetur, quam res spiritalis.



47 Cùm dixit Concilium Tridentinum eos alienis peccatis communicantes mortaliter peccare, qui nisi quos digniores, & Ecclesiæ magis, vtilis, ipsi iudicauerint ad Ecclesias promouent Concilium, vel primò videtur per hoc digniores non aliud significare velle, nisi dignitatem eligendorum, sumpto comparatiuo propositiuo: vel secundò locutione minus propria ponit digniores, vel excludat indignos, non verò dignos: vel tandem loquitur tertio quando fit concursus.

48 Tam clarum videtur, fornicationem secundum se nullam inuoluere malitiam, & solum esse malam, quia interdicta, vt contrarium omnino rationi dissonum videatur.

49 Mollities iure naturæ prohibita non est. Vnde si Deus eam non interdixisset, sæpè esset bona, & aliquando obligatoria sub mortali.

50 Copula cum coniugata, consentiente marito non est adulterium: adeoque sufficit in confessione dicere, se esse fornicatum.

51 Famulus, qui submissis humeris scienter adiuvat herum suum ascendere per fenestras ad stuprandum virginem, & multoties eidem subseruit deferendo scalam, aperiendo ianuam, aut quid simile cooperando, non peccat mortaliter si id faciat metu notabilis detrimenti puta ne à Domino malè tractetur, ne toruis oculis aspi-ciatur, ne domo expellatur.

52 Præceptum seruandi festa non obligat sub mortali, seposito scandalo, si absit contemptus.

53 Satisfacit præcepto Ecclesiæ de audiendo Sacro, qui duas eius partes immò quatuor simul à diuersis Celebrantibus audit.

54 Qui non potest recitare matutinum, & Laudes, potest autem reliquas Horas, ad nihil tenetur, quia maior pars trahit ad se minorem.

55 Præcepto communionis annuæ satis fit

per

per sacrilegium Domini manducationem.

56 Frequens Confessio, & Communio, etiam in his, qui gentiliter viuunt, est nota prædestinationis.

57 Probabile est, sufficere attritionem naturalem modò honestam.

58 Non tenemur Confessario interroganti fateri peccati alicuius consuetudinem.

59 Licet sacramentaliter absolvere dimidiatè tantum confessos ratione magni concursus Penitentium, qualis v.g. potest contingere in die magnæ alicuius festiuitatis, aut Indulgentiæ.

60 Penitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est neganda, nec differenda absolutio; dummodò ore proferat, se dolere, & proponere emendationem.

61 Potest aliquando absolui, qui in proxima occasione peccandi versatur, quam potest, & non vult omittere, quinimmodò directè, & ex proposito quærit, aut ei se ingerit.

62 Proxima occasio peccandi non est fugienda, quando causa aliqua utilis aut honesta non fugiendi occurrit.

63 Licitum est quærere directè occasionem proximam peccandi pro bono spiritali, vel temporali nostro, vel proximi.

64 Absolutionis capax est homo quantumuis laboret ignorantia Mysteriorum Fidei, & etiam si per negligentiam, etiam culpabilem nesciat Mysterium Sanctissimæ Trinitatis, & incarnationis Domini nostri Iesu Christi.

65 Sufficit illa Mysteria semel credidisse?

Quicumq; autem cuiusvis conditionis, status, & dignitas illas, vel illarum aliquâ coniunctum, vel diuifim defenderit, vel ediderit, vel de eis disputatiuè, publicè, aut priuatim tractauerit, vel

præ-

prædicauerit, nisi forsam impugnando, ipso facto incidat in excommunicationem latae sententiae, à qua non possit (præterquam in articulo mortis) ab alio quacunque etiam dignitate fulgente nisi pro tempore existente Romano Pontifice absolui.

Insuper districte in virtute Sanctæ obediētiae, & sub interminatione Diuini Iudicij prohibet omnibus Christi fidelibus, cuiuscunque conditionis, dignitatis, & status, etiam speciali, & specialissima nota dignis ne prædictis opiniones aut aliquam ipsarum ad praxim deducant.

Tandem, vt ab iniurijs contentionibus Doctores, seu Scholastici aut alij quicumque impostum se abstineant, & vt paci, & charitati consularur, idem Sanctissimus in virtute sanctæ obediētiae eis præcipit, vt tam in libris imprimendis, ac manuscriptis quam in Thesis, Disputationibus, ac Prædicationibus caueant ab omni censura & nota, nec non à quibuscunque conuicijs contra eas propositiones, quæ adhuc inter Catholicos hinc inde controuertuntur, donec à S. Sede recognita super ijsdem proportionibus iudicium proferatur.

*Franciscus Ricardus S. R. & Vniuer. Inq. Not.*

Loco † Sigilli.

Anno à Natiuitate D.N. IESV CHRISTI millesimo sexcentesimo septuagesimo nono, Indictione secunda, die verò 4. mensis Martij. Pontificatus autem Sanctiss. in Christo Patris, & D.N. D. Innocentij diuina prouidentia Papæ XL. anno tercio, supradictum Decretum affixum, & publicatum fuit ad valuas Basilicæ Principis Apostolorum, Cancellariæ Apostolicæ, ac in acie Campi Floræ, ac in alijs locis solitis, & consuetis Urbis per me Franciscum Perinum eiusdem Sanctiss. D. N. & Sanctiss. Inquisit. Cursorem.

D. E.

# DECRETVM

## C I R C A

### COMMVNIONEM

#### QVOTIDIANAM.

**C**Um ad aures Sanctissimi. D. N. fide dignorum testimonio peruenerit in quibusdam Diœcesibus vigere vsum quotidianæ Communionis, etiam inferia sexta Parasceue, & simul affirmari eandem quotidianam Communionem præceptam esse à iure Diuino, quin etiam in illius administratione aliquos abusus inoluiffe: videlicet, quod aliqui non in Ecclesia, sed in priuatis Oratorijs & Domi, imò cubantes in lecto, & non laborantes vlla grauis infirmitatis nota sumant Sacrosanctam Eucharistiam, quam argentea theca inclusam in crumena, aut secretò illis deferunt Sacerdotes sæculares, aut Regulares; alijque in Communionem accipiant plures formas, ac particulas, vel grandiores solito; ac tandem quis confiteatur peccata venialia simplici Sacerdoti non approbato ab Episcopo, aut Ordinario. Cùm autem hæc Sanctissimus considerata commiserit Sacræ Congregationi Cardinalium Concil. Tridentini Interpretum, eadem S. Congregatio præuia matura discussione super prædictis vnanimi sententia ita censuit. Et si frequens, quotidianusque Sacrosanctæ Eucharistiæ vltus à SS. Patribus fuerit semper in Ecclesia probatus; nunquam tamen, aut sæpius illam percipiendi, aut ab ea abstinendi, certos singulis mensibus, aut hebdomadis dies statuerunt, quos nec Concilium

lium Tridentinum præscripsit, sed quasi humanam infirmitatem se cum reputaret, nihil præcipientis, quid cuperet tantum indicauit, cum inquit: Optaret quidem Sacrosancta Synodus, ut in singulis Missis fideles adstantes Sacramentali Eucharistiæ perceptione communicarent; Idque non immerito, multiplices enim sunt conscientiarum recessus, variae ob negocia spiritus alienationes, multæ è contra gratiæ, & Dei dona paruulis concessa, quæ cum humanis oculis scrutari non possimus, nihil certè de cuiusque dignitate, atque integritate, & consequenter de frequentiori, aut quotidiano vitalis panis esu potest constitui. Et propterea quod ad negotiatores ipsos attinet, frequens ad Sacramentum alimoniam percipiendam accessus, Confessariorum secreta cordis explorantium iudicio est relinquendus, qui ex conscientiarum puritate, & frequentia fructu, & ad pietatem processu Laicis negotiatoribus, & Coniugatis, quod prospicient eorum saluti profuturum, id illis præscribere debent. In coniugatis autem hoc amplius animaduertent, cum B. Apostolus nolit eos inuicem fraudari, nisi fortè ex consensu ad tempus, ut vacent orationi eos seriò admoneant, tantò magis ob Sacratissimæ Eucharistiæ reuerentiam, continentia vacandum, puriorique mente ad Coelestium Epularum Communionem esse conueniendum. In hoc igitur Pastorum diligentia potissimum inuigilauit, non ut à frequenti, aut quotidiana Sacrae communionis sumptione unica præcepti formula aliqui deterreantur, aut sumendi dies generaliter constituentur, sed magis quid singulis permittendum per se, aut Parochos, seu Confessarios sibi decernendum putet; Illudque omninò prouideat, ut nemo à Sacro Conuiuium seu frequenter; seu quotidie accesserit repella.

pellatur, & nihilominus det operam, Vt vnus-  
 quisque dignè pro deuotionis, & præparationis  
 modo rarius, aut crebriùs Dominici Corporis  
 suauitatem degustet. Itidem Moniales quotidie  
 Sacram Communionem petentes admonendæ  
 erunt, vt in diebus ex earum Ordinis instituto  
 præstitutis communicent. Si quæ verò puritate  
 mentis eniteant, & feruore spiritus ita incalue-  
 rint, vt dignæ frequentiori, aut quotidiana San-  
 ctissimi Sacramenti perceptione videri possint,  
 id illis à Superioribus permittatur. Proderit  
 etiam præter Parochorum, & Confessariorum  
 diligentiam, opera quoque Concionatorum vti  
 & cum eis constitutum haberi, vt cum fideles ad  
 Sanctissimi Sacramenti frequentiam (quod face-  
 re debent) accenderint, statim de magna ad il-  
 lud sumendum præparatione orationem ha-  
 beant, generatimque ostendant, eos qui ad fre-  
 quentionem, aut quotidianam salutiferi cibi  
 sumptionem deuoto studio excitantur, debere,  
 siuè Laici negociatores sint, siuè Coniugati, siue  
 quicumque alij suam agnoscere infirmitatem, vt  
 dignitate Sacramenti, ac Diuini iudicij formidi-  
 ne discant cælestem mensam, in qua Christus est,  
 reuereri. Et si quando se minus paratos sen-  
 riant, ab ea abstinere, seque ad maiorem præpa-  
 rationem accingere. Episcopi autem, in quorum  
 Diocæses viget huiusmodi deuotio erga San-  
 ctissimum Sacramentum pro illa gratis Deo  
 agane, eamque ipsi adhibito prudentiæ, & iudi-  
 cij temperamento alere debebunt, & ab eorum  
 officio postulari sibi maximè persuadebunt, nul-  
 li labori, aut diligentia parcendum, vt omnis ir-  
 reuerentiæ, & scandali suspicio in veri, & im-  
 maculati Agni perceptione tollatur, virtutesque  
 ac dona in sumentibus augeantur; Quod abundè  
 continger, si ij qui deuoto huiusmodi studio;  
 diuina

diuina præstante gratia tenentur, seque Sacratif-  
 simo Pane frequentius refici cupiunt, suas vires  
 expendere, seque probare cum timore, & cha-  
 ritate assueuerunt; Quibus Christum Dominum,  
 qui se fidelibus manducandum, & se pretium in  
 morte tradidit, atque in cælesti Regno se præ-  
 mium est daturus, precatur Sacra Congregatio,  
 vt suam opem ad dignam præparationem, &  
 sumptionem largiatur. Porro Episcopi, & Pa-  
 rochi, seu Confessarij redarguant asserentes  
 Communionem quotidianam esse de iure diui-  
 no, doceant in Ecclesijs seu Oratorijs priuatis,  
 ex dispensatione, seu priuilegio Pontificis de  
 manu Sacerdotis sumendam Sanctissimam Eu-  
 charistiam, nec eam vlllo modo deferendam in  
 Crumena, aut secretò ad existentes domi, vel  
 cubantes in lecto, quàm ad infirmos, aui ad il-  
 lam suscipiendam ad loca prædicta accedere  
 non valeant, & ad eos, si ab Ecclesia deferatur,  
 publicè, & cum pompa iuxta formam Ritualis  
 Romani; Si verò ab Oratorio priuilegiato, cum  
 forma decenti. Curent etiam, vt circa Com-  
 munionem in feria sexta Parasceue, Missalis Ru-  
 bricæ, & Ecclesiæ Romanæ vsus seruentur, in-  
 super admoneant nulli tradendas plures Eucha-  
 ristiaæ formas; seu particulas, neque grandiores,  
 sed consuetas; Non permittant, vt venialium  
 confessio fiat simplici Sacerdoti, non approbato  
 ab Episcopo, aut Ordinario. Si Parochi, &  
 Confessarij etiam Regulares, aut quicumque alij  
 Sacerdotes secùs agerint, sciant Deo optimo  
 Maximo rationem reddituros esse neq; de futu-  
 ram Episcoporum, & Ordinariorum iustam acci-  
 gosam animaduersionem in contrafacientes,  
 etiam Regulares, etiam Societatis Iesu, facultate  
 ipsis Episcopis, & Ordinarijs per hoc Decretum  
 per Sedem Apostolicam specialiter attributa.



Et facta de præmissis omnibus , ac de vërbo  
ad verbum relatione , Sanctitas Sua approbavit,  
ac præsens Decretum Typis dari , ac publicari  
voluit . In quorum &c.

Datum Romæ 12. Februarij 1579.

F. Card. Columna Præf.

*S. Archiepisc. Brancaccius Episc.  
Viterbien. Secr.*

Die 15. mensis Februarij 1679. supradictum De-  
cretum affixum, & publicatum fuit per Urbem  
ad valvas Curia, & in acie Campi Floræ, vt  
moris est, per me Ægidium Felicem SS. DD.  
PP. Curforem . Pro D. Magistro Curforum  
Gregorius Staggius Apost. Cursor.

F I N I S.

Vidit Franciscus Coli Lu-  
centis. 4107







